

DS
734
L39
v.13

國朝先正事畧卷之二十二名臣

平江李元度次青纂

福文襄公事略

公諱福康安字瑤林姓富察氏滿洲鑲黃旗人大學士一等忠
勇公傳恆子也乾隆三十二年授三等侍衛洊擢至一等命
御前行走三十六年授戶部侍郎兼副都統三十七年大兵征
金川命溫福爲定邊將軍阿桂豐仲額爲副將軍公爲領隊
大臣明年六月木果木大營失事詔以阿公爲定西將軍分
道再舉三十九年會同領隊大臣海蘭察克山礪數十殲賊數
百遂乘勝克博羅瓦山進攻得克斯東寨夜有賊數百人乘霧

犯官兵營公赴援擊敗之賊兩中於山坡上立兩碉公夜率兵
八百立毀之尋克色溯普山破堅碉數十殲賊數百復與海公
盡破山南碉卡賊數夜出侵大營礮臺公屢敗之又率兵裹糧
夜踰溝攀崖上從山罅人取當噶海寨及其大碉木城石卡四
十年三月攻克得楞山焚堅寨數百授內大臣五月克榮噶爾
博山進至第七峰賞嘉勇巴圖魯號益力戰盡拔木城碉卡
凡五十下壓勒烏圍賊巢八月旣望夜半自西北攻入破其寨
據之遂克勒烏圍九月公領第一隊進攻噶拉依繞道前進克
大碉木城各二十遂盡得利布曲寨四十一年正月奪碉三大
石卡二移礮擊其寨二月逆酋索諾木就縛金川平封一等嘉

勇男班師

上幸良鄉行郊勞禮

賜御用鞍轡馬一旋

御紫光閣飲至

賞緞十二端白金五百兩

詔圖形閣中

上親製贊轉戶部左侍郎遷都統

賜戴雙眼花翎紫禁城騎

馬四十二年授吉林將軍調盛京將軍四十五年授雲貴總督

明年南掌國貢象四復言被交趾等國劫掠無禦敵器以餘象

一求于巨礮公檄諭以國家法制有定不容妄求還其象不

予之駁

上避之尋調四川總督又明年奏蜀中囑匪已戢條上善後事

宜擢御前大臣加太子太保四十八年署工部尚書命往

廣東查勘鹽商捐備貢物事四十九年擢兵部尚書總管內務府大臣會甘肅逆回田五等滋事命以欽差大臣馳驛往五

月授參贊大臣同將軍阿桂等會勦由閒道趨賊巢立卡進逼賊思撲卡窟公及參贊海蘭察親往督戰殲賊數千遂破石峰堡生擒賊首張文度等晉封嘉勇侯五十年疏言回民習武者多習文應試者少當以詩書化其桀驁之氣請於循化應設學校以資訓迪

上嘉之七月轉戶部尚書五十一年轉吏部尚書協辦大學士奏修甯夏各渠以興水利五十二年臺轡逆賊林爽文圍嘉義縣詔以公爲將軍偕參贊大臣海蘭察往勦進兵援嘉義賊

於竹園中突出。氏禦公令屹立勿動。親率巴圖魯侍衛衝入賊中。敗之。連克十餘莊。會日暮雨大至。賊益厲立解。縣圍追賊至大牌竹。決溪水渡。兵悉焚賊寨。餘匪殲焉。捷聞。封一等嘉勇公。賜寶石頂四圍龍服。十二月督兵勦北路進攻大理。伐賊巢。殲賊目數十首。逆逃入番社。未獲。擒其孥。五十三年正月。令巴圖魯侍衛十數人屯練兵數百。易裝入緝生擒。爽文。盤送京師。一月追執兇渠莊大田。以獻。餘黨悉定。臺灣平。初。福州將軍恆瑞。擿兵不救。嘉義。

上命公劾之。公祖恆瑞奏。不以實。諭責其庇護。且曰。此等伎倆。豈能於朕前嘗試耶。命傳旨嚴飭。至是。

上念公功。親解佩囊賜之。賜金黃帶紫緇金黃襪珊瑚朝
珠。又命於臺灣郡城及嘉義縣各建生祠。再圖形紫光閣。
上製贊如初。公條上善後十六事。其要在習戎事。除奸民。清吏
治肅郵政。俞旨。先行調閩浙總督。五十四年。調兩廣。時安南
阮光平糾眾滋擾。公念伐奉。旨始起程。恐緩不及事。遂親赴
漳泉閱兵。俟再得警信。即兼程赴粵。西有詔嘉樂。謂不出朕
之所料。又稱公秉性公忠。視國事如家事。不愧休戚相關實心
任事之大臣。尋奏阮光平恭順。輸誠不必用兵。
上允所請。會御史和琳劾奏湖北臬司李天培私令糧艘分運
材木。訊得公寄銀索購狀。詔革職。留任。罰公俸三年。五十五

年率安南國王阮光平朝京師其返也。命仍隨公行五十六

年奏獲水陸尉益五十餘人先後抵法十一月廓爾喀賊匪竄

後藏。詔以公爲將軍偕參贊海蘭察率巴圖魯侍衛往征之。

免所罰公俸明年三月抵後藏時諸路兵未集先率所部進值

雨夜分六隊徑趨擦木黎明潛登山奪賊前碉賊守後碉不出

官兵旗垣入短兵接殲賊目三賊眾二百生擒十餘人乘勝抵

噶爾甲山梁山下有紅旗賊來援我兵設伏畱一略誘賊出進

至山半橫截賊隊奪其旗殲賊幾盡進攻濟隴爲賊要塞大碉

據險立各礮卡互相倚角乃分兵先煎其旁寨併力攻中堅縛

大木爲梯令屯兵蟻附登礮毀石壘白丑至亥克其寨斬級六

百生擒二百奏入

御製誌喜時書

賜及

御用佩囊

六月大兵趨旺堆

有大石卡二賊撤橋自阻密遣兵東越峩綠

山從上流潛渡轉

出賊卡前殲賊數十部其卡賊敗竄多隆河

中死進至密哩山

頃徑益仄日越大山數重案入七十里不見

賊西南橫亘一河

旺堆在河北賊築卡扼河以拒乃潛從上游

縛木渡分三路進

攻出賊不意遂大潰追戮無遺由噶多進勦

分兩路奮擊破其

木城夾攻之克大小賊寨十一賊營三石硯

四木城五十卡二

十戮賊日七賊黨四百有奇駐營壅雅山敗

乞降不許八月進

噶勒拉山三路並捷專橋過直政用爾古拉

集寨賊八千來援督兵力戰敗之凡接戰兩晝夜越大山二古

木城四石卡十一戮賊百十三殲賊六百生擒十七賊酋
乞降。詔許班師。乃公之未受降也。詔以此次用兵艱險爲
從來所未有。晉公大學士加封忠銳嘉勇公會十五功臣圖象
成。上復親爲製贊。時大學士阿文成以未臨行陣奏讓公爲首功
焉。尋賞一等輕車都尉。復授領侍衛內大臣。命照王公親
軍校例給六品三敘。賞其僕從五十八年八年條上西藏善
後事宜十八則均議行。八月調四川總督。是歲金川土司年班
入覲。詔命公領之。五十九年。命按吉林將軍恆秀罪坐瞻
徇親戚受嚴飭。七月訓督雲貴。賞。御用黑狐裘。六十年春黔

苗石柳鄧圍正大營。嗅腦營松桃廳三城。楚苗石三保圍。永綏廳逆渠吳平生附之。有旨命督師進剿。未兩月立解三圍。賞戴三眼花翎。曾川督和琳兵至。合力進攻。焚賊寨四十。石柳鄧遁入石三保黃瓜寨中。扼河以拒。大兵結筏潛渡。縱民牧牛。而伏兵以待。賊渡河掠牛。伏起奪船以渡。上下游同濟。破木城賊寨。寨遁。生一日。令總兵花蓮布援永綏。至是復會剿。永綏圍解。賊聚蘭草坪西北崖板寨中。泮於東南山凹。樹旗示我兵出入路。因其計。攻之。設伏對山。於石間藏礮焉。仍督兵自凹入。賊悉眾來拒。伏兵望見。俟其過。飛礮擊之。賊驚潰。棄木城遁。我兵進駐山梁。分五路冒風雨進剿。遂據黃瓜山大梁。俯臨其寨。乘

夜克之焚。涉大寨五十。有六擒賊百餘。殲笑無算。潑報吳平生。踞蘓麻寨。兩石逆道。鴉四鴨保等寨。遂先攻蘓麻。縱火燔木城。右潛匿岩洞者。薰之悉焦。焚燬苗寨四十。吳半生道往西梁。糾苗眾二十餘寨來拒。石三保援之。乃分兵攻雷公山。阻其援兵。大軍擊西梁。上中下三寨破之。雷公山亦告捷。賊奔花苗寨中。五月分五路進。勦克苗寨六十。木城四石卡三十五。進至大烏草河。阻水乃盡。洗沿河諸寨。四月公調浙閩。六月克竹山。砌大梁。再敗賊於雷公。堆遂奪石咭營。七月我兵夜列炮岸上。示欲渡河。賊力拒。密徙數里外。作橋以濟。繞出賊後。火其寨。賊驚竄。來奪橋。敗之。遂督兵越險。進克馬蝗冲等大小寨五十。抵狗腦。

坡山益險兵皆附藤葛行冒矢石直據山巔憑高下壓破其寨
首逆遁古丈坪五路並進殲賊千會風雨暴至賊宵遁八月克
蛟蟆崗烏龍岩奪賊卡六降七十餘寨詔晉封貝子銜仍帶
四字雀號照宗室貝子例給護衛俸異姓蓋臣得邀殊錫以彰
國家世臣之福九月克嚴碧山焚寨二十進攻摩手寨乘積霧
由僻徑繞出山後賊大潰遂從長坪搜勦得苗寨四十時吳半
生從鴨保至高多寨官兵圍蹙之半生降詔賞公子德麟副
中奇險處官軍夜發衛十月抵鴨保賊寨其有曰天足寨爲賊
中奇險處官軍夜發值雪後朔風凜冽從陰晦中覓道攻木城
焚其高棚得木城七石卡五克垂藤卧盤諸寨平隴賊目吳八

月就擒。十一月攻大小天星寨克之。十二月克撮木營。議由平隴復乾州。賊力拒驪馬崗諸險。乃於高斗山駐營。作進攻勢。潛出閒道奪賊後卡。并斷其歸路。遂取驪馬崗。焚寨三百。嘉慶元年正月。大兵抵壁多山。連敗賊。奪石卡三。賊悉銳來襲我後。敗之。四月克結石崗石城。焚大小寨七十。進攻火麻營石城。張爾翼以進三面攻之。賊潰抵廖家衝。奪山巔石卡一。羣苗來爭。數進數卻之。且築壘斷其隘。賊大潰。奪山梁七。詔晉公父文忠公貝子爵以光泉壤。五月公染瘴患洩瀉。猶督師前進。夜有大星隕於營西北。光芒有聲。越數日薨。詔晉封郡王銜。賞庫銀萬兩治喪。并賞陀羅經被。仍於家廟旁特建專祠。以時致祭。其

父傳恆追贈郡王銜子德麟襲貝勒俟入城治喪朕親往賜奠御製詩哭之詔入祀賢良昭忠二祠

太廟謚文襄

賜祭葬如典

特旨德麟承襲貝勒後其子襲

貝子孫襲鎮國公罔替公用兵如神平生未嘗挫衄征衛藏時有隘道幾一里賊守隘北甚嚴大軍屯隘南三十里公調軍伏隘東西而以全軍分五軍攻隘迭進戰一日蓋數十勝負公在中軍前軍軍報皆至不爲動及二更前軍大敗退不止賊遂前軍出隘南忽礮聲大振火炬照耀如白晝東西伏軍皆起賊驚退相蹂躪我軍蹙之入隘公急上馬萬騎齊足頃刻至隘口前軍伏軍已過隘間貝子至勇氣百倍大軍乘勢合攻遂夷

賊屯追奔五十里援嘉義時壯勇公海蘭察前行公督師繼進
夜大雨天黑如覆盤遇土山駐軍山頂公中坐隨軍官圍公坐
外親軍外正軍皆圍坐賊游兵近山踐泥溜過火炬千萬賊自
炬中上窺山黝里無所見疑有軍發銃礮擊之公令曰無出聲
無動久之賊過盡雨霽天益明壯勇公已入嘉義城捷使至軍
始起行無一傷視銃礮子歷落入山腹也公生而盛貴在軍犒
賞配銀十萬皆取諸公帑身後屢詔斥其浮濫命嚴禁德
麟無憚歸地方吏致賄金四萬餘兩詔罰令倍緲以示懲公
之解嘉義圍也總兵柴大紀出迎自以參贊伯爵不執橐鞬之
儀公遽劾其前後奏報不實

上曰柴大紀死守孤城逾半載非得兵民死力豈能不陷若謂詭譎取巧則當時何不遵旨出城其言糧盡原所以速外援若不危急其詞豈不益緩援兵大紀屢蒙褒獎或稍涉自滿於福康安前禮節不謹致爲所憎遂直揭其短殊非大臣休容之度已而侍郎德威總督李侍堯所奏皆如將軍指大紀卒逮問坐法死論者多以此訾公云

松文清公事略

公諱松筠字湘浦姓瑪拉特氏蒙古正藍旗人乾隆四十一年
由筆帖式充軍機章京晉戶部銀庫員外郎蒙古司員例不司
銀庫異數也四十八年超擢內閣學士兼副都統賞戴花翎
明年賞穿黃馬褂命赴吉林查辦漢務又明年命往庫
倫查辦俄羅斯事務五十一年授戶部右侍郎仍留庫倫辦事
五十五年有銜勤干卡倫巡兵爲俄羅斯打牲人所害公檄緝
各犯先治罪而後奏詔切責之命奪職以四品服仍留庫
倫效力明年授工部左侍郎兼副都統尋調戶部五十八年授
御前侍衛內務府大臣軍機大臣充國史館副總裁崇文門

副監督時映哈喇入貢請於天津濱波海口貿易並求給附近珠山小海島及廣東附城地方各一處居商存貨

上既嚴諭指駁復慮其沿途生事

特命公護行凡所要求皆

嚴詞拒絕途中安謐

詔嘉其得體

五十九年署吉林將軍

命查湖北荊州稅務道出河南衛輝值水災公躬率牧令發倉粟以賑

上嘉其實心任事尋升工部尚書兼都統充駐藏大臣嘉慶四

年

召授戶部尚書尋授陝甘總督加太子太保初公之駐藏

也達賴喇嘛濟龍呼圖克圖等忽報西南邊界有廓爾喀兵至

公訪知廓爾喀係向定結邊外等部帶兵索欠並無他故恐唐

古忒番民疑懼。遂親往拊循。並借川省藩庫銀五千兩。籌議撫恤窮番。修建寨卡等事。至是請扣陝督廉俸解歸四川。時川陝楚三省教匪竊發。黃號逆匪張漢潮與藍白兩號匪黨。用楚賊入陝。甘公疏陳勦匪事宜。諭嘉其留心軍務。忠悃可風。陝西自嘉慶元年軍興以來。撥餉金千一百萬兩。至是續撥百五十萬。詔公駐漢中督辦糧餉。公請移西安軍需局於漢中。清查舊款。另立新規。按旬開摺呈覈。每月果奏咨部。聖書嘉予。又奏陣亡勇自張奎樊雄秀請照把總外委例議卹。其陣亡鄉勇併造冊咨部。上是之。並著爲例。鄉勇之得賜卹。自公始也。先是有詔命

訪查領兵各員優劣。公密疏言。副都統明亮素號知兵。所言似合機宜。究無實效。將軍恆瑞前在湖北戰績。稱最後勦藍白兩
號賊亦有功。惟年近六旬。精力大減。提督慶成身先士卒。然中
無主見。領隊則可。出謀發慮。非所長。署陝撫永保無謀無勇。惟
知利已過。則歸人。惟額勒登保英勇出羣。其次則德楞泰能辦
賊者。止此二人。
上嘉其評論得當。其後額德二公卒成大功。云初明亮劾永保
擁兵不進。致張逆脫逃。

上命公查訊。尋坐專擅被嚴飭。奪宮保銜。御前待衛及花翎
五年。春授伊犁將軍。尋署湖廣總督。馳往湖北勦賊。閏月入覲。

請克私鹽私鑄禁

諭斥其迂謬。謫授副都統銜。充伊犁領隊。

大臣仍戴孔雀翎。七月復授伊犁將軍。先是乾隆二十九年。

詔以伊犁田土肥潤。下所司查明地畝。給滿兵屯種。迨五十年。

及五十五年復歷奉

諭。自令籌畫耕種。當事均以灌溉之水。

爲辭。八年公疏言。近水可耕之田甚多。已田惠遠。惠留兩城酌。

派閒散試種。歲大有秋。因於惠遠城東伊犁河北岸開大渠。迤。

邐數十里。又於城西北草湖中得泉源。疏引支流。其地卽分給。

惠遠城八旗耕種。至惠甯城八旗所耕。本係裁撤綠營屯地。原。

有渠泉足資灌溉。惟種地必資牛力。請於官廠中賞借得旨。

嘉允。九年有伊犁民郝鏡犯故殺。自行投首。公訊明後卽置之。

法

上責其辦理過當。尋奏伊犁屯種有效。惠遠城得地八萬畝。惠甯城得地四萬畝。請按名給地。各令自耕自食。永爲世業。上命公妥協辦理。務使兵農不至偏廢。十二年。復加太子少保。並頒賜御製明慎用刑說。明年奏報惠甯城東時出水泉。蕩漾請於城東挑大渠引灌田畝。十四年。塔爾巴哈臺有造戍蒲大芳等三十餘人聚謀不軌。公密遣人帶兵往以查。金廠爲名。悉數擒戮。上嘉其爰速。又有戍兵馬友元。王文隴等百六十九人皆與逆謀。盡邀殺之。

上責其苛刻。下部嚴議。且曰。此百餘人者。若調至伊犁。說明正法。原非過當。乃忽於半途截殺。成何政體。遂以頭等侍衛充喀什噶爾參贊大臣。六月。復授陝甘總督。尋賜一品服。十二月。調督兩江。南河自上年馬港口陷。後黃水倒漾。河水淤墊。爲患十五年。公偕河督吳璥查勘。舊海口請修復。舊河使全防。仍歸故道。得旨允行。會醫生王勳獻疏。沙器且固。以堅木爲架。架鑲鐵齒。以互紐繫。般尾能刷淤沙。使河流通暢。公做造四十架。親乘舟疏濬。果著效。得旨嘉獎。公又以比年河北淤淺。糧運遲遲。請造撥船千艘。停泊禦黃壩外。備撥運。並以江廣漕船笨重。請改小。以利過行。均從之。是歲漕艘渡黃及回空。皆迅速。再

下部議叙公之赴兩江也。疏請引沁入衛以濟漕運。復疏陳黃
河受病之由。且密陳吳璥徐端辦理工程有虛捏開報情弊。自
求調任總河以便查覈。又疏薦蔣攸銑。孫玉庭堪勝此任。諭
曰。河工敝壞已極。人人視爲畏途。松筠不但。不推諉。轉銳意自
任。具見公忠。爲國朕甚嘉焉。但河務非其所長。其令蔣攸銑補
授河督。與松筠實力講求相助。爲理尋。命兼署南河總督。十
六年春。疏報馬港口合龍。河復故道。並請於南北新堤兩岸各
設同知守備等官。下部議行。未幾。調兩廣總督。疏言立法之嚴。
尤貴行法之速。粵東治土匪。因部覆稽遲。有疫癘獄中倖逃。顯
戮者。未能觸目警心。請嗣後有夥衆四十人以上。或不及四十

人而有奪犯毆官各情者俱先行正法梟示從之六月拜協辦
大學士並內大臣仍留廣督任八月疏請致雷瓊鎮陸路總兵
爲水師總兵復嘉應府爲直隸州復南雄州爲府均下部議行
是月受吏部尚書賜紫禁城騎馬充國史館總裁
上以京城八旗生齒日繁不敷養贍疊諭吉林將軍於吉林
等處籌度閒散地畝酌量移居至是命公往盛京會勘
陵工尊書辦移駐宗室房地各事宜公奏言西廠大凌河東岸
有可耕之地三千頃可移駐二千餘戶東廠周數百里地多積
水其水皆自北山柳條邊來若自邊牆相地開河使人川歸河
則可涸出沃壤又東柳河溝一帶亦多積水若自北山東橫開

大渠東水人川歸海亦可得沃壤數千頃又奏續勘彰武臺邊門外迤西牧廠閒地東西寬三四十里南北長六七十里足可移駐 詔盛京將軍於西廠地方卽行試墾九月 命仍充軍機大臣偕侍郎初彭齡往江南查勘總督百齡與河督陳鳳翔互訐事

上嘉其毫不瞻徇

賞貂裘

十八年授

御前大臣六月命

以協辦大學士兼任伊犁將軍九月拜東閣大學士十一月以平定滑縣逆匪加太子太保明年八月授武英殿大學士二十年以審辦逆回仔牙墩獄未候 命下將首逆均寘重辟 嚴旨切責奪宮保銜仍革職畱任又四年五月 召還充 御前

大臣先是伊犁惠遠城旗屯公田與闐里沁回田均藉東山闐里沁泉水灌溉上年阿奇木霍什納札特等稟請開渠引霍什河水繞灌闐里沁回田以闐里沁泉水專灌惠遠城旗屯公田公覈實允行至是以得水豐餘兩有裨益奏七月管吏部理藩院事務授都統充崇文門監督賞穿黃馬掛復太子太保十月署兩江總督二十二年回京坐言事忤旨奪大學士銜以二品服授察哈爾都統仍革職畱任二十三年署綏遠城將軍時公子吏部侍郎熙昌奉使湖南道卒上聞公年老喪子召回京賞還一品服並花翎復賜紫禁城騎馬晉禮部尚書明年調兵部授御前大臣領侍衛內太

臣九月授盛京將軍。又明年以兵部遺失行印查係公任尚書時事降山海關副監督復降公中佐領。又以審擬失當再降本旗驍騎校。八月

宣宗御極擢副都御史。十一月授熱河都統。

進所纂新疆識略十二卷。賜序刊行。道光元年授兵部尚書。

調吏部兼都統。復充崇文門監督軍機大臣。仍賞花翎。賜

紫禁城騎馬。二年署直隸總督。奏請整頓直隸各屬書院。

上是之。尋坐刪改理藩院奏牘奪職遣戍。得旨以員外郎在

上書房行走。未幾授光祿卿。晉左都御史。三年授吉林將軍。四

年署兵部尚書兼都統。復賜紫禁城騎馬。尋署烏里雅蘇臺。

將軍十月伊犁將軍慶祥奏俄羅斯在哈薩克遊牧地方蓋尾種地請勅理藩院檄徇。

上以徇公公奏哈薩克素稱強悍或會侵佔俄羅斯地今從索還不能不予而以無據之詞懇將軍奏請實未可定若理藩院行文查問俄羅斯直以索還侵佔爲言轉難查辦從前哈薩克襲封汗爵俄羅斯卽有哈薩克早經投順彼國之語溯查乾隆三十五年土爾扈特明背俄羅斯前求投順後俄羅斯行文索討純

高宗諭旨斥駁今以無甚關要之事行文令其遵奉倘彼以土爾扈特爲言或以哈薩克投順彼國爲詞徒生枝節有傷體制

查哈薩克遊牧地與俄羅斯毗連之處。理藩院并無圖志。惟當曉諭哈薩克。以

天朝定例外藩之地。無圖志者。例不辦理。

上嘉其熟悉邊情。飭慶祥祥酌辦理。六年。署兵部尚書。授禮部

尚書。偕侍郎王鼎赴山西按事。途次聞喀什噶爾軍報。疏陳熟

悉新疆情形。自請前往宣撫。溫旨嘉勉。未允行。十二月。充經

筵講官。八年。署熱河都統。授閩兵大臣。九年。署吏兵二部尚書。

復署直隸總督。六月。調兵部尚書。十一年二月。公八十生辰。

賜耆齡錫祜額。御書福壽字各一。并文綺服物。有差。十月。授

丙大臣。十一月。命以三品服。休致。十二年。浩罕伯克邁瑪底

里遣使進表。公前曾奏及浩罕通商邊境即可綏靖。

上思其言。

賞還一品服署副都統。七月達爾漢茂明安土默

特三旗爭地。

命往歸化城查辦稱。

旨尋授理藩院侍郎。十

三年調工部左侍郎授督統及閱兵大臣充左翼監督十四年

命以都統銜休致十五年五月薨年八十有二遣疏入諭四

松筠歷練老成清勤正直愿事。

三朝恪恭匪懈可晉太子太保銜照尚書例賜卹尋

賜祭葬

予諡文清入祀伊犁名宦祠公坦率無城府厭苛禮之官常不

挈眷屬卽至亦房以別院局其門每旦入院禮佛坐堂中與夫

人啖茗閑話而已自伊犁將軍入長吏部單騎雜喇嘛中抵圓

明園家人威友出迎於近郊不知其已至矣次日入覲命講大學首章謂平天下當白正心誠意始晚仍宿園中又次日入城赴吏部任日晡歸其妾迎於中門公顧問此爲誰旣而曰汝今亦老矣其按事江南也引對畢卽褰被行不同私宅隨帶司員請少畱乃入友人家小住二日嘗侵晨訪友主人未及起公直入臥內主人驚公按令弗起坐榻旁縱談索酒痛飲逾兩時乃出過清江浦與河督費友恪公飲兩公皆洪量舉無算爵且召副將某陪末座飲達旦副將不敢辭次日阻風再會飲復召副將則前夕已奄逝矣嘉慶二十五年八月

睿廟梓宮自熱河回京

宜宗步送羣臣伏地哭者不下數千人行甫半
宜宗勿趨至甬道邊扶一跪伏者之手大哭失聲眾驚察之則
公也時公謫驍騎校而
宜廟當哀痛迫切之際獨於千萬眾中物色見之非夙重公名
不及此翼日而副御史之命不公喜爲擘窠書尤好作大虎
字在西域嘗手刃叛回數百人其嫉惡爲尤嚴云

李忠毅公事畧

嘉慶十有二年十二月壬辰浙江提督李公勦海盜蔡牽中礮

薨於廣東潮州之黑水洋事聞

上震悼哭之廷臣亦哭

詔曰朕於李長庚素未識面因其宣

力洵洋心勤勇幹身先士卒銳意擒渠疊經降旨褒嘉原擬俟

捷音到時封授伯爵不意功屈垂成臨陣捐軀覽奏心搖手顫

爲之墮淚李長庚可追封三等壯烈伯賞銀千兩治喪並於原

籍建祠春秋祭祀靈柩抵家著巡撫張師誠代朕賜奠尋賜

全祭葬仍加賞銀四百兩予謚忠毅命公舊部王得祿

邱良功嗣其任勉以同心敵氣爲李長庚復讐又勅督臣用

所發蔡牽義子蔡二來祭公梟其首幕次十四年八月浙江提督王得祿福建提督邱良功殲蔡牽於溫州之黑水洋詔封得祿二等子良功二等男於是閩浙洋匪悉平公字超人號西巖福建同安人性至孝母余太夫人疾衣不解帶凡四月讀書習騎射乾隆三十六年武進士由藍翎侍衛補浙江衢州都司遷遊擊參將至樂清副將林爽文亂臺灣調入閩護海壇鎮總兵捕渭洲賊數十人散其黨會鄰海有民船被盜誤指海壇坐奪職公罄家財募精勇擒盜首林權等數十人又擊盜陳盜於大岬盜善火器公迴舟據上所以長竿繫片鏹斷其帆繚鬚周皆被燎躍入盜船斬以歸又獲戕參將張殿魁之林明灼陳禮

禮等以游擊起用五十五年署銅山參將父憂去官五十九年
補海壇游擊時閩浙洋匪北接山東西通兩粵三面數千里皆
盜出沒其內地曰洋匪蔡牽最大朱漬次之外地曰夷匪多中
國奸民挾安南人爲之鳳尾最大水澳次之一艘載數百人洋
匪曰匪艇夷匪曰夷艇夷匪至輒數十艇蔡牽百數十艇朱漬
亦數十艇其大較也六十年夷艇入福建之三澎公以小船入
迎擊之計眾寡不敵乃以八船首尾繼爲一賊東來則以東一
舟應之以次至八西來亦如之賊敗去嘉慶二年遷澎湖副將
浙江定海鎮總兵

純皇帝召見獎諭有加三年擊洋匪於衢港於普陀又擊之於

潭頭皆敗之。明年鳳尾以夷匪白。聞入浙。公追擊至温州。沈其一艇。守備許松年等困於賊。公返舟入賊圍。救出之。窮追至甲子洋。遇蔡牽再擊之。浙撫阮公元上其功。得旨。李長庚奮勇傑出。爲賊所畏懼。宜用於要地。弗令往返奔波。且洋面風濤亦宜稍持重。尋賞孔雀翎。五年夏。阮公奏請以公總統閩浙水師。得旨。俞旨。公申號令嚴標識。束部伍。信賞罰。自偏裨至隊長。舵工水手耳目。皆一。於是水師皆可用。六月。夷艇大至。逼台州松門。公率師迎勦。忽颶風起。雷雨大作。賊艇覆溺。幾盡。其登岸者悉就俘。獲安南僞侯倫貴利等四總兵。磔之以勅。印擲還其國會。故安南王已爲阮福映所滅。新受封守。朝廷約束盡。遂

如匪自是夷艇不復至其在閩者皆爲蔡牽所并牽同安人好
滑能用其衆既得夷艇夷礮凡水澳鳳尾餘黨皆附之勢張甚
是年公擢福建水師提督總督王德以公籍福建請迴避乃調
浙江先是匪艇皆高大我軍仰攻殊失勢公與院公議造大艇
凌匪艇上阮公籌銀十餘萬交公遣官赴閩造三十艘至是成
名曰霆船遂運敗蔡牽於岐頭東霍等洋七年春獲匪目張如
茂等兵威大振八年牽竄定海公帥舟師掩至牽僅以身免窮
追至閩洋賊糧盡艇且朽我師又據上風不能遁乃僞乞降於
總督王德遣興泉道慶徠招撫之牽又言果許降勿令浙師出
上風逼我總督遽以令箭麾浙兵收港牽得以其閒繕檣械倚

吳糧揚舫去浙兵追之無及矣尋擊牽於三沙於温州之南鹿
凡奪舟沈舟燔舟者六斬獲無算牽畏霆船甚厚賂民商造巨
艇高於霆船先後載貨出洋以被劫歸報牽得之大喜渡橫洋
劫臺灣米數千石分餉朱漬遂與漬合九年戕温州總兵胡振
聲連踪八十餘猝入閩閩師不敢擊詔公總統閩浙水師專
勦蔡牽以温州海壇二鎮爲左右翼八月擊賊馬蹟洋牽漬結
爲一陣公督兵衝貫其中斷賊爲二追至盡山沈其二艇又斷
牽坐船蓬索終以船高得遁去牽責漬不用命漬怒遂與牽分
面牽勢亦少衰矣公與阮公議禁商人造大艇無爲盜賈十二
月敗漬於甲子洋奪船二調福建提督十年夏敗牽於青龍港

復調浙江十一年牽合大隊攻臺灣別部屯洲仔尾沈舟鹿耳門阻官兵公至不得入謀知南北汕大港門可通小舟公扼南北汕遣總兵許松年副將王得祿乘澎湖船進攻焚三十餘艘俘賊下餘人十一年正月復敗之於柴頭港二月朔松年夜率銳師趾海水登洲仔尾焚其寮牽反救公遣將山南汕白後焚其舟松年進賊之賊大敗明日登岸擊陵賊燔其小舟牽乘洲仔尾困守北汕以鹿耳門沈舟自塞走路也越二日潮驟漲沈舟漂起牽奪門出公追擊之奪船十餘率以聞師不助扼各港竟遁去詔奪公翎頂是役也許松年爲軍鋒前後殲賊數萬已橫數十里臺灣獲全公所將止三千人耳是年牽潰合寇福甯

追敗之牽入浙又擊之於台州八月擊之於走海漁山公專擊牽舟火器兩下額身皆受創詔復公翎頂果擒渠許錫世職

初公以謀勇耐辛苦受

仁宗知遇屢立被功軍事悉主阮公福建忌之故主招撫後給益恚怒而院公又以憂去福建益阻撓公阮公嘗欲造巨舟遠過霆船者既去浙公乃請於總督願與三鎮總兵預支養廉捐造大船三十總督尼之當牽白鹿耳門敗遁時甚狼狽遂枕皆毀迫至福甯得岸奸接濟勢復張至是公皆列狀上聞詔褫玉德職逮問治罪以阿林保代之時閩文武吏以不協勦不斷岸奸懼獲罪交譖公於阿林保阿林保卽密切公逗遛捏報

斬獲疏五上

上密詢浙撫清安泰公清奏言長庚熟悉海島形勢風雲沙線
每戰自持柁老於操舟者不能及且忘身殉國兩年於外過門
不入以捐造船械傾其貲所俘獲盡以賞功故士爭效死且身
先士卒冒危險漁山之戰身受多傷將士亦傷百有四十人鏖
擊不退故賊中有一不怕千萬兵只怕李長庚之語惟海艘越兩
三旬卽須燂洗否則苔黏蜃結駕駛不靈其收港並非逗遛且
海戰全憑風力風勢不順雖隔數十里旬日不能到也是故海
上之兵無風不戰大風雨不戰逆風逆潮不戰陰雲蒙霧不戰
曰晚夜黑不戰颶期將至沙路不熟前無泊地皆不戰及其戰

也。勇力無所施。全恃巨礮轟擊。船身簸蕩中者。幾何。我順風而
逐。賊亦順風而逃。無伏可設。無險可扼。必以鉤鏃去其皮網。以
大礮壞其舵牙。蓬胎船傷。行遲。我師環而攻之。然後可獲其一
二船。而餘船已飄然遠矣。賊往來三省。皆沿海內洋。外洋則無
船可掠。無壘可依。從不敢往。惟勦急時。始逃入焉。儻日色西沈。
賊直竄外洋。我師冒險無益。勢必回舫。而賊又道誅矣。且船在
大海中。浪起如升。天落如墜。地每遇大風。一舟折桅。則全軍失
色。雖賊在垂獲。亦必舍而收泊。易桅竣工。賊已遠遁。故嘗累月
不獲一戰。夫般者。官兵之城郭營壘車馬也。船誠得力以戰。則
勇以守。則固。以追。則速。以則堅。長庚所造船。頗能如式。第兵

船有定制商船無定制商船愈高大則愈足資寇近日長庚勦
賊專令諸將士隔斷賊船不以擒獲爲功而自率精銳專注蔡
逆坐船圍攻賊行與行賊止與止無如賊船愈大礮愈多是以
未能得手且兵餉例止發三月海洋路遠往返稽時而事機閒
不容髮遲之一日雖勞費經年不足追其前效此皆已往之積
敝也非盡矯從前之失不能收將來之效非使賊失其所長亦
無由攻其所短則岸奸接濟之禁尤宜兩省合力乃可期效奏
入

上切責阿林保連次參奏專以去長庚爲事倘朕輕信其言則
長庚正當奮不顧身爲國殄賊之際忽將伊革職掣問豈不令

將弁寒心。試問水師中有過於長庚者乎。朕非昏瞶糊塗之主。豈愛阿林保。蠱惑自失。良將耶。此後勦賊事。責成長庚一人。阿林保。儻忌功。掣肘逞忿。挾私則玉德。卽其前車之鑑。弁勅造大梭船三十。其未成以前。擇大商船雇用。十月公擊蔡牽於竿塘。獲牽姪添來。十二月收牽於温州。十二年敗牽於粵之大星嶼。十一月敗牽於閩之浮鷹島。十二月率福建提督張見陞等追牽入粵海。時朱潰已爲許松年所殲。其弟渥降。牽亦屢敗羣黨。敗散止三舟矣。二十五日公自率親軍當蔡牽大艇。公前後臨陣皆親搏戰。至是自搦鼓合戰。良久擊破牽蓬。又自以火攻船。維其後艚將燔之。親率躍入賊船。幾擒牽者。再牽奴林阿小。

素識公暗由艚尾發礮中公喉之湧出不可止遂仆當是時聞
粵水師合勦十倍於賊少持之立可殄滅而張見阻本庸懦又
覩總督意頗不受提挈見中軍船亂遽引舟師退牽得遁走安
南然公雖授命後卒遵公部勒滅蔡牽故言水師名將皆推公
第一既明日潮州知府至舟殮公得載柁蓋公之誓死非一日
矣公治兵有紀律恩威並用賊最畏憚公牽嘗遣腹心僞降欲
行刺公搜衣得刃斬之海盜沈振元自言爲盜時泊浙海夜夢
公至一夕數驚遂革心投誠爲水師健弁南北汕之役公所將
止浙兵三千餘皆闕卒牽以賒錢數十萬徧賂浙卒買路會夜
大風雨縱之去

上逮治閩督新督至置酒款公曰大海捕魚何時入網海外事
無左證公但斬一酋以牽首報某卽飛章報捷而以餘賊歸善
後辦理則公受上賞某亦邀次功孰與窮年冒鯨波僥萬一哉
公慨然曰石三保聶人傑之事長庚不能爲且人視海舶如廬
舍不畏險也誓與賊同死不與賊同生新督不悻屢勅之旣不
得逞則屢飛檄趣戰動以逗撓爲詞公斫舷怒誓決戰擒賊至
是而公不得不死矣公家故豐悉毀於兵事究心弢略能詩文
修甯波學宮置義家爲粥食饑民士民皆感之在軍緘所落齒
寄其妻吳蓋以身許國慮不能歸骨也公薨年五十有七無
子嗣子廷鈺襲爵詔祀昭忠祠著有水戰紀略及詩文遺集

王壯節公事略

公諱文雄字叔師貴州玉屏人乾隆三十二年由行伍隨征緬甸三十七年隨征金川補外委游陞守備四十年攻木思工噶山碉先登鎗丸穿脛骨不退擢湖北都司四十二年金川平大軍凱旋錫宴紫光閣四十八年遷山東遊擊累擢參將及直隸副將嘉慶元年調赴湖北軍營勦捕邪匪四月隨提督慶成攻劉家集於白河對岸遏賊渡河旋偕遊擊木克登布奮擊斬獲甚多收棗陽之梁家岡又攻張家瑞破賊營二十有五賜號法佛禮巴圖魯八月賊圍鍾祥敗之追至雙溝殺賊千餘十月擢南陽鎮總兵十一月攻草店賊巢不克乃夜襲破其營殲

四十人生擒二百有奇十二月賊分竄河南回境堵禦二年春
敗賊於禹州又敗之於鄧家河境內悉平湖北襄陽竄賊焚保
安驛公由信陽確山追勦至裕州四里店值官兵與戰從旁攻
入賊敗遁夏六月恩縣奸民張雲路聚眾滋擾公馳往擒治之
悉就獲七月命率所屬兵千餘赴襄陽時賊首姚之富等由
興山奔房縣分竄保康界逼近南漳公駐軍五盤山扼其衝入
月賊又焚掠白虎頭峽口等處馳往殺數千人移營峽口忽報
賊從遠安竄南漳之陸坪急率兵迎擊遣遊擊賈永吉攻柞路
都司范從志副之守備鄭永泰攻辛家坪守備吳璠州同俞克
振副之公親至報信坡攻其大隊賊敗走追至羊角山賊復拒

戰部將射中其魁乃潰追殺十餘里斬首五十級獲器械馬羸
無算賊又偽以數百人逃敵潛糾眾從東趨南漳城公偵知密
遣兵役伏百步梯以火攻之墜涯死者千計九月以兵二千赴
陝西河南適中地禦賊且防興安江岸三年正月賊首高均德
糾賊婦齊王氏擾關中公往來督戰皆克捷賊不敢東窺豫境
首逆李金張添文擾郿縣蓋厓公以兵迎勦賊馬隊焚焦家鎮
擊焚數十人忽大隊賊自林中山出公奮力截擊火器發殲賊五
百生擒三十有奇乃西遁亟整兵追襲行數里至圪子村賊萬
餘猝至公令兵勇張兩翼賊亦左右來拒戰爲火器擊退旋分
四路撲我師又敗之遂悉眾十數隊馬步聯絡圍數重公爲圓

陣外向擊之賊不敢近又騎賊下餘來撲營令藤牌軍大呼奮躍而出賊馬驚返奔乘勝追殺鎗殪賊目王正部遂大潰陝撫秦承恩入奏擢固原提督三月追賊至尹家衝殺賊八百餘餘分竄翔焰澧峪進攻之翔峪賊敗竄澧峪皆殲焉五月敗高逆於盤屋六月敗賊首阮正通於南鄭七月賊張漢潮等由南鄭東北竄公冒雨疾馳兩晝夜至廉水僉及之賊據山隘山下皆稻田水深數尺見官兵至輒連騎下壓公列礮隊仰擊賊傷亡者眾乃分馬步隊潛從左右翼截我兵後我兵三路擊敗之殲賊千餘人八月阮賊等七千人竄西鄉西流河據伏銅廠山梁公遣州判張聖祐外委王廷英破其伏自攻中堅殲千四百擒

張金等八十三人尋命公與西安將軍恆瑞分領陝兵敗賊

於魯家壩毛壩河駐兵老魚壩

上責其逗遛四年七月設伏倒水洞敗賊目苟文明等首逆冉
添元竄沙田壩公令守備劉躍德等先赴箭桿山而自督兵繼
進大敗之追至景家坪殲賊百賊奔皮貨舖又大敗之四川賊
首龍紹周竄入黛池壩欲與冉賊爲應公於貫賊山扼之不得
入其自東南至者偽稱齊家營倖與公兵遇亦被殲二千餘人
上嘉之九月黃號藍號賊據老鷹崖公分兵三路躡險士殲賊
千餘生擒李習花等百五十人餘竄金竹溝仍冒雨追擊敗之
賊遁入川又敗王三槐餘黨於牛頭山十月賊樊仁傑唐大信

竄西鄉境內肆擾公以一旅之師四出抵禦嘔血數次力疾督師多斬獲溫旨慰勞十二月黃號等賊復自四川奔陝境公令遊擊梁渙等擊之自勦曹家壩竄賊甫追及而梁渙兵遇伏幾殆公救之殲賊七百解其圍疾復作諭令在後營調養稍愈而賊之匿川陝界中老林者潛伐樹開道越山竄南鄭分由沔縣走略陽欲渡嘉陵江

上以爲防堵不嚴念其帶兵不多且染病勅令奮勉立功自贖五年四月賊自甘肅竄回公敗之於洋縣僅獎數十人兼奏叙未晰得嚴諭五月敗賊楊開甲等於土開關六月唐逆竄西鄉大祥等壩據險分屯公分兵三路夜抵賊卡賊卧未起破其

營追勦三十餘里生擒馬正川等百餘人

上深嘉之下所司議叙并令專辦西鄉一帶防堵事七月敗新
逆於魏家寨是時唐逆與之糾合公在黑山萬曲灣火石垭山
王廟等處屢敗之賊窟四川之太平未幾甘肅高二馬五及戴
家營賊竄入西鄉堰口窺縣城擊敗之追斬賊百生擒林德義
等八十人二十四日偵賊眾倚法寶山潛屯夜令都司哈國龍
自喬家店副將鮑貴自索羅觀親率都司鄧飛龍守備孫佑自
中路進賊擲石抗我師公身先士卒奮力仰攻突有騎賊從溝
中出截我後山上賊由索羅觀間道出撲鮑貴兵公急救之賊
乘勢悉眾下山鏖戰至午未少卻賊圍益急公左右衝擊以眾

寡不敵被創十餘猶力戰賊刀矛蜚集斷其左臂墜馬下伏地
北向呼曰不能仰報君恩矣遂薨

上聞之垂淚賞三等子爵令其子承襲并令賙恤其母六年二
月總督長麟奏獲前戕公之賊目馬應祥命於伏誅後割首
赴貴州就公家致祭以慰忠魂尋賜祭葬如例入祀昭忠祠
予謚壯節子開雲以戶部員外郎襲爵官至山東鹽運使孫鳳
翥道光癸巳進士四川井研縣知縣

朱勇烈公事畧

公姓朱諱射斗字文光貴州貴筑人少孤讀書奉母復業學入
營伍白樵採以佐甘旨乾隆三十二年從征緬甸以功拔外委
從征大小金川屢立戰功再擢千總 賞藍翎遇蒞波營守備
施南協都司襄陽游擊賓州參將平遠協副將 賞花翎公沈
毅果決臨陣敢戰自初隨征卽爲阿文成公所識拔計金川平
經大小一百八十八戰身被九創殺賊無算欵砌樓十二所領
積功劄十三次傷營銀百六十兩五十年授鎮筵鎮總兵調曹
洱鎮爲極邊要隘民苗雜處私販偷越最爲邊害公按時巡察
撫綏得宜民無越畔五十七年從征廓爾喀調福甯鎮總兵明

年調川北鎮。六十年征苗。攻黨棚三家廟。多斬獲。克龍角。嗣北
面山梁。嘉慶元年。克火藤營。大山克黃土坡。賞蟒袍一襲。又
克平隴。破貴魚坡。斷首逆巢穴。石隆寨要路。梟首逆石柳鄧。
實幹勇巴圖魯。名號明年苗。疊平撤師回川北。達州邪匪王三
槐。滋事。冉文儔羅其清。蕭占國。張長庚。包正洪。卜三聘。張添倫。
辛聰。張世隴等。先後應之。川東援亂。官兵四擊。賊眾分竄。達州
巴州通江南江諸縣。公既回川北。先破王三槐於金戛寺。得
旨。議叙。既焚金戛賊巢。進克茨菇梁。商成寨。殲賊盈萬。轉戰至
黃家山。三槐中鎗遁。破重石子。香爐坪。迎擊狄波梁。嵐匪擊退。
巴州賊屯。領兵守保寧。先是圍勦方山坪。首逆冉文儔羅其清。

未獲而方山坪卽保甯所轄也奉 嚴旨責以奮勉立功三槐

盧望溪邀擊之擒苟文宰等三十七人復馳擊三槐及徐天德
於風門舖殺賊四百餘人得 旨褒獎明年偕副將穆克登布
擊羅其清於儀隴雙路場追擊四十餘里殺賊千餘人復擊退
濟川橋賊擒張碎勝等九人斬首五百餘級賊圍儀隴馳應之
賊潰進攻其清大鵬寨擒楊正富等三百餘人明年破冉文儔
於麻壩寨鎗殺之蕭占國張長庚亦就殄得 旨議叙包正洪
踞鄰水公督兵自萬縣馳赴賊屯戰康家坪趙家場擒李有隴
孫成追逐之至開縣九龍山擒馬官成至厚葉滿擒莫以才復
及之小毛坪賊踞山公鼓兵直上正洪被鎗死賊大潰得 旨

褒獎 賜騎都尉世職卜三聘踞八石坪破之張天倫辛聰竄
湖北巴東已復竄房縣遇竄匪高二馬五公率兵迎擊斃百餘
人高二馬五潛襲我營擊卻之擒潘受榮等時公感冒風寒病
幾危以兵投提督七十五就醫夔州甫浹旬陝西竄回各賊恣
擾通江南江經略額公檄公勦捕公力疾馳往大破之通江追
擊至竹峪關復破之德漢城追擊至朱家壩賊望風遁由是經
略奏公分勦通南明年張世隴屯眾草廟公領眾截殺多所斬
獲而經略將赴陝西復調公至達州與總督魁倫會勦公從南
江雷音舖至達州賊乘隙自定遠潛渡嘉陵江官兵自順慶渡
河迎截賊走西充文井場比追及賊已夜遁公急馳十餘里及

賊復隊追戰越三十餘里殺賊四百人。生擒百餘人。乘勝追至蓬溪高院場。賊分奔上山。公督兵直上。突有賊七八千人來拒。眾寡不敵。被圍數重。初魁倫遣公及總兵百祥以兵三千進擊。約自師後隊數千繼進。至是魁倫擡兵不援。反回屯城內。公斗刃十餘人。遇坎隊馬歿於陣。事聞。照提督例議卹。賜二等輕車都尉世職。子樹襲蔭。戶部主事。子祭葬時。百祥以千兵斷後。亦幾殆。魁倫遂以防潼河爲名。退屯潼川。未幾賊卒宵渡。擾川西。魁倫褫逮治罪。賜自盡。七年陝西獲賊目李自剛。戕公者也。

上命磔之。設公靈致祭。復傳首祭公墓。八年入祀昭忠祠。賜

謚勇烈公自乾隆三十二年隨征至授命之日凡三十四年初受

高宗恩遇由行伍擢至副將又專闡五省每入覲以老臣目之於請賀

萬壽聖節奉手敕曰汝舊人也不必來京

仁宗御極復家

異數錫賁便蕃凡有微功必邀甄錄公感


兩朝知遇臨陣奮勇賊畏之有朱虎之號雖被創嬰疾一聞賊

即抽戈起嘗慨然曰某受恩深重即效命疆場尙不足以仰

報萬一其感奮如此在軍恩威並濟飭軍容勤訓練士皆用命

民無騷擾尤軫恤難民前後拯濟不下萬人公歿兵民皆流涕

賊卽退營卒倉卒收公骸歸塋遺其左足明日川民於戰處得
之別葬於潼川府鳳凰山仙人掌子樹欲奉足歸塋川民哀留
之遂別爲墓建祠祀之弗能歸也



額忠毅公事略

公諱額勒登保字珠軒姓瓜爾佳氏滿洲正黃旗人乾隆二十
三年以馬甲從征緬及金川授藍翎侍衛遷三等侍衛四十
一年金川平賜號和隆武巴圖魯四十九年從尙書福安康
公攻逆回田五等於石峰堡晉二等侍衛賞黃馬褂五十二
年以頭等侍衛從福公征臺灣解嘉義圍明年擒林文文臺灣
平詔圖形紫光閣遷御前侍衛五十二年鄭雨喀逆匪擾
後藏從福公攻克擦木賊寨七戰七勝加副都統銜事平百圖
刑紫光閣

上親製贊尋授副都統兼護軍統領六十年擢都統當是時黔

苗石柳鄧叛於松桃廳。楚苗石三保叛於永綏廳。陷乾州。上命福公以雲貴總督視師。疏請以公及護軍統領德楞泰公率巴圖魯侍衛往。由松桃迤西進攻。遂解永綏圍。克黃匹寨。又攻首逆吳牛生於蘇麻寨。克西梁牛生。遁高多寨。擒之。與德公同授內大臣。又獲乾州賊目吳八月。賊黨尙據平隴。遏官兵公進抵長吉山。逆苗數千來撲。營敗之。嘉慶元年五月。福公薨。代之者爲川督和琳。時石三保就擒。石柳鄧等踞平隴。公率師渡河。先趨乾州。復其城。得旨賞花翎。補領侍衛內大臣。屢攻克險要苗寨。八月。和公卒於軍。是時統兵大帥惟公及德公暨湖南巡撫姜公晟。

上命將軍明亮提督鄒輝往會剿十月偕明公等攻克平隴石
柳鄧道踞養牛塘山梁分兵克之 賞銀千兩十二月大軍斬
石柳鄧父子及吳廷義等 詔封公威勇侯 賞戴雙眼花翎
德公封繼勇子明年三月班師會川楚教匪稔亂公遂由苗疆
移征湖北矣公之初至湖北也連克險要賊棄寨遁鶴峰州之
芭葉山四月復連奪賊棚賊守險巫拒官兵晝夜攻之賊突圍
出追敗之建始縣分兵三路進捕斬馘四千有奇十月樊逆首
林之華於平山而覃加耀仍九就擒十一月竄長樂之朱里寨
有 詔切責十二月賊據歸州終報寨
上以加耀黨與不過數百兵多賊少不能立奏蕩平降三等伯

爵戴單眼花翎三年正月擢加耀

上責其不能早竣事有過無功奪爵職及花翎予副都統銜時

賊匪有青黃藍白綠等

上命公赴陝協勦白號高均德黃號姚之富齊王氏二股會賊

目李全等白蓋屋至藍山欲與高齊合公率兵截擊之姚之富

齊王氏失援遂爲明亮德楞泰所殲尋進勦高均德於兩岔河

賊竄商州鎮安等處四月藍號賊張漢潮田川入楚公帥索倫

兵赴荊州會勦敗賊於竹山追入陝境下利縣又由陝追入川

境六平縣時白號賊羅其清踞營山縣境之箕山得公等破之

九月公至廣元截擊生擒漢潮子正隆與德公軍合十月羅其

清嵐至大鵬山合兵圍克之殲其清父從國其清遁巴州公追
勦七晝夜擒之并擒其子若弟有旨賞還花翎十二月追勦
青號徐天德白號冷天祿於合州四年春
上命川督勒保爲經畧大臣公與明亮同授副都統爲參贊大
臣三月藍號賊蕭占國張祥更等率眾八九千由閬州回竄營
山公力疾轉戰盡殲其眾斬蕭張二逆詔賞二等男爵時冷
天祿方踞岳池公乘勝冒雨進勦追至廣安州殲之悉殲賊眾
千人於石筍河得旨嘉獎晉一等男四月追勦白號賊張子
聰於雲陽子聰糾合黃號樊人傑龔建等抗拒別賊蕭焜又合
綠號卜三聘等來犯公疊敗之於寒水壩等處賊稍解散五月

子聰復合藍號冉添元等欲犯陝境經官軍扼截逼回南江子聰尋竄通江追敗之於荀家坪又敗冉添元於木老壩

上諭樞臣曰額勒登保每戰必身先故所向克捷能得衆心但職司參贊乃國家倚重之大臣與前任領隊時不同此後宜加慎重不必爭先冒險七月冉添元竄鎮龍關欲與青號王登廷合登廷屯馬鞍山公擊敗之奪其寨窮追至大竹東鄉等縣值齊家營別賊麇至分兵擊斬二千有奇生擒千有奇仍緊躡登廷不懈

上嘉之八月

詔逮勒保明亮入都○以公爲經略○德公爲參贊○

先是湖北糧員湖齊崙餽送事發公

獨無所受

諭加其忠勇

公清爲東三省人傑授領侍衛內大臣九月疏言徐天德經楚軍勦敗折回東勢已衰弱而王登廷與冉添元川苟文明合殷又有襄樊賊首冉正濫竄至廣元與賊視入陝日前賊勢川北爲市臣未便再往川東應通籌全局州緩急圖之又言軍中出力人員應隨時鼓勵令領兵大員自行保奏以免咨送稽延上臚之尋率總兵楊遇春殲阮正濫守於雲霧山補都統十一月登廷天德添元等會合抗拒公耀武督陣勦之於巴州何家垵擒僞總兵賈正舉等追賊入倉溪賊冒死衝突我軍頗有傷亡王登廷尋僞南江縣團勇盤獲事聞諭曰額勒登保此次盤獲王登廷與所奏倉溪一帶官兵挫折之事相隔止一日使

他人虛此必諱言失利將王登廷作爲陣獲以掩敗爲功今據
實直陳不稍存諱飾而於鄉團盤獲土登廷一節並不攘爲已
功真不愧經略之任蓋公天性樸誠又奏調郎中胡思顯代司
章奏遇事直陳

上嘉公不欺并賞思顯三品卿銜此固公之忠誠上格而

仁宗皇帝至聖至明亦從可仰窺矣十二月高戴馬羅各逆首

由老突入陝西之城固南鄭等處公督兵赴陝以川省省軍務

交總督魁倫接辦五年二月因病暫駐泰州

上遣御醫診視尋殲賊眾於甯遠伏羌岷州皆州等屬擒僞元

帥陳正甲等三月白號賊楊開甲等復由甘入陝其藍號賊漢

朝先獎於陝境餘匪仍熾潼河亦失守。詔逮問魁倫起勒保
成都將軍與德楞泰勦川賊專責公及尙書那彥成勦陝賊四
月公率總兵楊遇春馳抵商雒賊七百又追至兩岔河殲擒
千餘名緊扼龍駒寨遏賊東趨盧氏之路。
上嘉之賊西南奔洵陽公設伏擒斬藍號賊劉允恭劉開玉等
於是漢潮餘黨之在陝者略盡晉封一等子五月追勦黃號賊
伍金柱等於漢陰廳斬賊首龐洪勝等殲賊五千追斬楊開甲
於洋縣之茅坪六月陝賊全竄甘肅之兩當徽縣而藍號賊陳
傑仍儉越棧道欲奔南山公率兵擒傑并獲僞元帥曹印斬馘
三千有奇又錄獎伍金柱於成縣之來溝又獎首逆宋某於兩

當屢奉恩榮公乃移師西嚮居中督辦而賊不據城池惟往來川陝楚界萬山中狡竄疾馳趨向無定有由西鄉漁滿竄過漢江以北者公帥師渡江迎擊疏言賊蹤飄忽惟堅壁清野可以制其死命曰下川省堅築寨堡賊卽不敢深入而秦楚兩屬結寨寥寥仍可恣其擄掠請一律興築上可之乃以勦捕責公等以防堵責疆吏會賊逼武關圖入像公督兵截擊逼回西南六年正月勦黃號賊王廷詔白號賊高三馬五等於漢陰南山馘斬千餘生擒八百上以高三馬五王廷詔皆著名悍目官兵旣獲勝卽宜專注此賊併力追擊不可舍而之他二月奏設甯陝鎮爲南山屏障得

片俞行提督楊遇春擒廷詔於川陝邊界之鞍子溝復追高三馬五於甯羌州擒之并擒賊首王淩高等詔嘉公調度有方晉二等子賞還雙眼花翎時首逆著名者陝西則冉學勝伍懷志等湖北則徐天德苟文明等四川則樊人傑冉添泗王士虎等尙不下十餘股學勝北擾甘境公由漢中入棧遏之於渭河又蹙之漢江南岸賊遁平利而洵陽復有白號賊張天倫等五股合屯劉家河等處勢張甚公命楊遇春進剿殪賊二千生擒千拔出難民數百遂生擒天倫命提督穆克登布擒伍懷志於秦嶺末幾楊公復擒冉添泗王士虎於通江其起事最久之徐天德冉學勝亦經楚蜀官兵殲擒而姚之富之子馨佐及白

號賊高見奇辛斗等方擾甯羌公督軍四勦逼入川北九月總
兵楊芳等擒辛斗於南江副都統豐紳等擒高見奇於紫陽又
追勦逆首李彬於建州境獲其妻子及偽帥冉天璜等於是偽
總兵韓進文等各率所部降賊勢日蹙因條十搜捕事宜諭
嘉其深中昔繁晉封三等伯賞黃面貂皮馬褂十一月苟文

明潛與高冉各股殘匪合由廣元偷渡漢江竄入甘肅階州旋
回竄廣元十二月復竄進江殲之於瓦山溪獲文明弟文舉等
賊竄開縣大甯七年正月斬黃號賊辛聰於南江苟逆尋由西
鄉七星壩掠船偷渡漢江北岸公馳奏請罪降一等男爵單眼
花翎旋有旨以川匪文德楞秦勒保辦理公以經略兼西安

將軍專辦陝賊二月苟文明被勦竄入南山與別賊宋應伏劉永受等合且詐用官軍旗號計陷我軍公督師入山按勦而峽路險阻賊勢盛則隨地抗拒被勦窮蹙則翻越陡壁藏匿老林且多分黨並從東俟西爲牽綴官兵之計六月公痛殲賊衆於龔家灣苟文明僅以三百人跳免擒其妻子并斬向民之通賊者賊目劉永受亦爲村民所殲苟逆尋由川塘河東竄公親師師抄擊之屢有斬獲晉封一等伯賞還雙眼孔雀翎公奏軍務將竣減轍東三省及兩粵官兵八月窮搜南山餘匪斃首逆張芳隨督兵至平利與德公令勦大股楚匪凡五戰擒斬過半九月駐安康紫陽東顧楚境西策川峽十月殲青號賊熊方清

於王家莊并於竹溪境內盡殲老林股匪十一月穆克登布追
賊至通江鐵燈臺生擒首逆蒲天香等數名晉公三等侯時各
逆就殲餘匪分竄老林者或百餘人爲一起數十人爲一起不
復成股乃以十二月偕參贊德公總督勒公等馳報藏功優
詔晉封一等侯世襲罔替授御前大臣加太子大保賞用
紫纁以昭殊錫八年正月留陝搜捕餘匪擒姚馨佐宋應伏等
於紫陽上善後事宜五則十月振旅還京特派御前侍衛郊
迎十二月行抱見禮於養心殿賞賚不次旋入川偕德公盡
殲餘匪以疾告命回陝調理十年春入京命總理行營事
務充方略館總纂御製詩賜之加買銀五千兩大緞十六疋

允後扈大臣

賜紫禁城騎馬

命謁告

裕陵授崇文門監督八月

駕幸盛京恭謁

三陵禮成

詔晉公三等公爵是月薨年五十有八奏至行在

上震悼涕泗交集

特賞陀羅經被派成親王率侍衛十人回

京奠醑頒庫金五千兩庀喪具九月

上回鑾

親臨賜奠

御製述悲詩一律

命將軍秀林修其

吉林祖墓官爲立碑復於地安門外建專祠

賜名曰褒忠春

秋致祭明公爵例

賜卹

予謚忠毅公天性嚴毅笑比河清

諸將白事帳前莫敢仰視初隸超勇公海蘭察部下每戰輒陷

陣海公曰子將才宜畧識古兵法以公不識漢字取謚清三國

國朝七十五名臣

七

演義授之遂爲名將尤得士心雖疲乏之兵歸其隊下率變而奮勇嘗謂諸將曰我兵條條生路惟拼命進戰是一死路賊條條死路惟拼命鏖戰是一生路欲以我之長擊賊之短惟有出其不意攻其不備之一法故追躡必窮所向俾賊不得憩息師行整隊伍常若臨敵或倉猝遇賊後隊未卽至卽以前鋒突擊不使賊有成列之暇每宿必四路偵調以備不虞臨陣礮彈常從肩耳過左右失色公督戰益力嚴操守賞士巨萬不惜而不以一錢自奉督撫餽遺皆不受大兵歲久諸將多蓄貨財凱旋目過蘆溝橋雖德侯亦輜重纍纍公獨行李蕭然數騎而已初有子爲侍衛卒公方治軍得書不言亦無戚容夜歸帳乃哀

明曰治事如故回京生子一


上賜之名甫數月公薨

賜奠時

上取子至媵上

命龍侯爵逾年卒以兄子哈郎阿嗣或疑公

忠勇果毅已貫天人而誅戮不無太過云



德壯果公事畧

壯果公者名德楞泰姓伍彌特氏正黃旗蒙古人也乾隆三十年由前峰長隨征金川石峰堡臺灣俱有功累遷參領。賜號繼勇巴圖魯授健銳營翼長五十七年隨將軍福康安公參贊海蘭察公征廓爾喀冒雨設險攻賊寨下之加副都統銜圖形紫光閣尋授副都統遷護軍統領六十年二月黔苗石柳鄧楚苗石三保叛陷松桃永綏等廳。上命公帶領巴圖魯侍衛京章馳驛赴鎮。尊隨滇督福公勦賊賊掠永甯哨公駐花園隆圍等處禦之屢有斬馘三月福公解松桃永綏圍時首逆吳半生與柳鄧三保爲聲援率黨拒官兵

於大烏草河公偕都統額勒登保公曩克沿河賊寨七月渡河抵盛華哨山半木城堅甚用火攻克之八月克古丈坪九月進攻摩手寨由間道至寨後出賊不意奪據石城遂與額公擒吳半生於高多寨特授內大臣十月進攻鴨保山克木城石卡三十餘座又克天星寨木城七石堡五獲賊目吳八月僞稱吳三桂後者也嘉慶元年五月福公卒於軍時石三保就擒平隴尙未下公隨川督和琳先攻乾州復之進攻石柳鄧於平隴奪其險八月和公卒公偕額公及南撫姜公晟進兵上命將軍明亮提督鄂輝來會勦十月克平隴命克御前大臣再京石柳鄧於養牛塘山梁賞白金千兩十二月柳鄧就

殲。詔封二等子。加資白金五千兩。尋獲吳八月子廷義暨各
首逆家屬。賞戴雙眼孔雀翎。二年二月。苗疆平奉。命偕明
公率川滇兵六千。馳赴四川。勦教匪。時賊首徐天德王三槐竄
踞金栽寺。公奪險攻燬其寺。殲賊亡算。敗賊匪窟。踞重石子香
爐坪數尙二萬。其南有分水嶺。西南有火石嶺。賊卡林立。我軍
奪嶺進三槐寨。黨五千來撲營。公擊敗之。三槐中鎗逸獲其義
父賀宗盛等。五月。公破重石子。明公破香爐坪。共殲賊萬計。迨
至陳家壩。擒徐王二逆之母。及傳教首逆孫上鳳。賊黨僅存千
餘人。會襄陽賊齊王氏姚之富。樊人傑等率眾二萬。自楚入川。
與徐王合。於是徐王氏姚之富稱黃號。徐天德稱青號。王三槐

稱白號設元帥總兵諸僞稱屯開縣之南天洞等處勢張甚官
兵破南天洞賊分走雲陽萬縣雲陽教首高明貴糾眾數千欲
與徐天德合公以計擒名貴盡殲其眾於陳家山優旨賞賚
七月齊王氏等由奉節巫山東走楚境公與明公繞出宜昌巡
剿賊復南趨公留明公屯宜昌自趨荊州迎擊解遠安縣圍
上嘉之八月賊犯荊門宜城公往援勦會東三省勁兵適至合
勦大捷二城得全賊遂欲北渡襄江盧河南公扼其要隘殺賊
千餘斬僞元帥袁萬相等截賊回湖北得旨賞紫緡九月屢
殲賊於房縣竹谿竹山賊走陝之平利圖入川東我兵敗之於
樹河口殺賊數千賊僞元帥張世虎等賊北走紫陽又合白號

賊高均德西走漢中十一月賊欲竄漢江北渡公帥師衝入江心擊殺甚眾截賊入川先是

上以齊王氏姚之富爲著名首逆命專力擒渠不必分心他處三年正月齊姚二逆竄甯羌山中高均德遂由南鄭渡江擾及褒城時大兵方追高逆於城固洋縣齊姚二逆遂乘虛由石泉渡江與高逆合東走漢陰廳三月公窮追齊姚二逆由三陽至鄭西日行百七十里擒斬千八百人賊踞鄭西三岔河拒守我兵盡殲之獲賊目王如美等齊姚二逆投崖死得旨嘉獎高均德由鎮安竄維南我兵敗之於兩岔河斬僞帥高大高二宋三等餘賊與李全張天倫合五月又敗之於五郎關均德自

甯光走廣元合黃號龍紹周藍號冉文儔等踞渠縣之大神山
有眾一萬諭責公遲緩奪爵職留副都統銜觀後效七月攻
克大神山賊卡先後設伏斬級三千有奇賊眾將竄營由官兵
蹙之黃渡河斬級四千賊日冉文字等均德中箭逸遂入營
山縣之箕山與羅其清合羅其清者巴州白號首逆也眾萬餘
結寨箕山徑圍百餘里三面陡絕惟東南有路可通八月青號
徐天德王登廷黃號樊人傑等踞鳳凰寺阻營山渠縣運道與
其清犄角我兵攻克鳳凰寺而箕山仍負固不下十月分三路
進兵奪賊卡七賊寨六遂克箕山羅逆退駐大鵬山適額公自
閬州率師至合剿十一月賊乘雨夜來撲營公偵知之潛伏賊

寨南門用雲梯乘閒入火其寨額公亦襲破西門殺賊四千殲其清父從國尋合兵追其清於巴州擒之并獲其子若弟等俘斬六千得
賞還花翎四年正月元旦生擒冉文雋於通江
盡殲賊眾 賞一等輕車都尉二月徐天德及白號賊冷天祿等由墊江竄涪州詐稱難民入鶴遊坪寨公偕額公擊退之時川督勒保公爲經畧疏言各路帶兵大員惟額勒登保德楞泰尤爲知兵自得士民心遂 詔公專勦徐天德大股尋追徐逆於開縣擒賊目趙興宗等三月徐逆自大甯北折入陝我兵追及於太平縣又遇龍紹周唐大信等賊俘斬各數百人
上以其能遏賊蔽陝也嘉之嗣天德遁入大甯老山與龍紹周

唐大信焚仁傑龔建卜三聘張天倫辛聰等合官軍被其輾轉
牽綴疊奉嚴旨由飭七月諸賊被驅出山由奉節巫山東竄
楚境綠號賊龔文王亦自夔州踵至公分兵痛熾之追至竹谿
俘斬千四百人生擒文王及卜三聘等賞騎都尉世職八月
經哈勒公被逮命額公代之以公爲參贊大臣由房竹至興
山截勦徐天德等逼回川東旋緊躡張天倫辛聰等入陝楚境
肅清十月高均德率高家營賊眾萬餘欲由白河走西鄉竊伺
漢江龍紹周冉天元等又率賊眾圍走紫陽公皆擊敗之追殺
百二十里擒均德檻送京師又擒僞元帥王臨高曹明興等十
餘人晉二等男爵十一月進兵川北熾白號賊張金魁於通江

擒僞總帥符曰明等於廣元十二月追苟文明等至川東賊瞞
大兵俱在川境遂先後竄擾陝甘五年正月偕額公分路抵秦
州而藍號賊冉天元黃號賊徐萬富青號賊汪瀛綠號賊陳得
侱等三萬眾及白號賊張子聰雷世旺等二萬眾遽乘間竄渡
嘉陵江分擾南部西充等縣總兵朱射斗沒於陣二月冉逆等
踞江油縣之新店子公由閒道追擊賊分四路每路馬賊各四
五百步賊二三千迎戰我兵亦分路衝入賊巢副都統賽冲阿
溫春等遇伏被圍公往援鏖戰竟日圍立解殲賊無算生擒陳
得侱詔授公內大臣公轉戰而入連奪險隘冉天元以大隊
屯馬蹄岡而伏萬人於火石垭後公抵馬蹄岡已過賊伏數重

始○覺○俄○伏○起○入○路○來○攻○人○持○束○竹○溼○絮○以○禦○矢○銃○鏖○鬪○三○晝○夜○
賊○更○番○迭○進○我○軍○飢○疲○數○路○皆○敗○公○率○親○兵○數○十○下○馬○據○山○巔○
誓○必○死○天○元○督○眾○登○山○直○取○公○公○乘○高○險○注○矢○引○滿○一○發○殪○天○
元○之○馬○蹶○而○擒○之○賊○遂○瓦○解○我○山○後○鄉○勇○亦○至○逐○北○二○十○里○飲○
羽○怒○追○擒○斬○無○算○天○元○雄○黠○冠○川○賊○專○用○伏○以○陷○官○軍○曾○敗○經○
略○兵○於○蒼○溪○號○令○羣○賊○橫○行○川○東○川○北○川○西○荼○毒○數○十○州○縣○至○
是○與○官○軍○五○日○四○戰○層○層○設○伏○前○賊○卻○後○隊○刃○之○誓○致○死○決○戰○
負○賴○公○血○戰○破○之○生○擒○渠○魁○爲○軍○興○以○來○戰○功○最○ 詔○晉○三○等○
子○爵○是○月○復○大○破○賊○於○劔○州○俘○斬○三○千○俄○白○號○賊○張○子○聰○雷○世○
旺○等○由○射○洪○竄○渡○潼○河○西○岸○踞○蓬○溪○分○股○圍○攻○民○寨○公○率○輕○騎○

追及痛殲之。馘世旺及僞總兵吳學周等。民寨圍解。晉子爵一等授成都將軍。時川督魁倫以失守潼河。逮問起勒保代之。命與公合兵勦賊。四月。白號藍號賊分擾遂甯安岳等縣。并逼中江。有趨成都之勢。公與勒公夾擊。連敗之。斬級四千。賊欲東竄。邀擊之嘉陵江口。俘斬及溺斃者三千有奇。潼河兩岸肅清。閏月。追賊至川東達州新甯各屬。殲僞總兵苟文富等七人。賊敗。竄川北。忽苟文明樊人傑等復由陝入川。通江南江巴州。皆告警。五月。移師川北。殲藍白號賊百四十人。六月。賊走營山。窺伺嘉陵江岸。公擊之。恩陽河與勒公合兵追勦百餘里。至岳池縣。殲擒僞總兵苟文禮等十餘人。及餘賊四千。七月。苟文明以數

百人遁時藍號賊屯踞南江廣元等處公襲之殪賊千人八月
合勦白號賊於東鄉太平白號旋與青號賊趙麻花合我兵扼
之於茅坪擒斬二千九月麻花復合老林賊王珊欲向陝境迎
徐天德至川我兵由江口截勦至雲陽麻花珊等皆就擒十月
楚境黃白青綠四號賊由房縣走夔巫高家營賊眾及龍紹周
等復由太平通江北窺兵至賊去兵去賊至樊人傑冉學勝王
士虎等遂由川入陝徐天德又由陝入楚詔以公堵禦不力
降爲一等男十二月藍白黃三號賊眾八千窺伺嘉陵江公引
兵襲之再戰再捷先後俘馘四千殲首逆三人晉三等子御
書福字賜之六年正月白號賊高二自洵陽偷渡漢江圍入河

南公追及於山陽斬傳教首逆龔如一等殲二千餘眾 賞還
一等子爵尋箭樊高二於野猪坪併擒偽帥王儒等二月武興
安勦龍紹周等逼令西入川境龍逆率萬眾分路坵拒扁殲之
賊賊二千擒賊首包萬才等七百餘眾三月龍逆遁湖北之竹
山房縣又敗之仍走四川之太平公勒兵截勦殄賊三千得
旨賞還雙眼花翎四月徐天德樊人傑合藍號賊陳朝觀等竄
陝據白河縣之黃石板分股圍攻民寨公派兵直取賊巢擒朝
觀等十餘人賊賊二千五月大破賊眾於西鄉獲徐樊二逆之
妻徐天德由西鄉趨紫陽公率蹇冲阿等蹙之於新灘大雨水
漲天德溺樊時龍紹周乘官兵追勦徐逆復闌入房縣竹溪公

督兵逼回太平先後殲擒僞帥陳文明等五人八月追紹周至
巫山巴東獲其妻子及僞軍師王鵬老教首李天棟等九月擒
紹周之兄紹海弟紹華龍逆僅以二百餘人遁十月殲紹周於
平利斬僞總兵曹應彪等十餘輩餘孽蕩平晉封二等繼勇伯
賞黃馬褂十一月奏改達州爲綏定府十一月白號賊苟文明
等西擾甯羌公偕額公夾擊賊遁回川北大敗之於通江賊走
開縣公派兵馳救自率輕騎赴大甯斷其入楚之路七年正月
苟逆由川入陝偷越漢江北竄會川東零匪滋擾
上命公專辦川賊二月破緄號餘匪於奉節擒僞帥龔其堯等
五人又勦白號賊張長青於雲陽三月長青敗走開縣時黃號

樊人傑藍號崔宗和胡明遠戴四蒲天寶等麇聚楚境之歸巴
興房等屬公聞報卽移師入楚。詔嘉其統籌全局無分畛域
深得大臣公忠體國之道四月樊帶各逆由房縣至歸州翼與
蒲天寶合公率精兵閒道星馳三百餘里抵東湖乘霧渡河繞
出賊前使不得合賊以四千人踞雞公山我兵公兩路夾擊斬
首五百級擒僞先鋒等五人時蒲逆屯當陽河尙餘五千人五
月公冒雨進攻殲賊八百擒僞總兵二人蒲逆負創走又敗之
於穆家溝斬千餘公分兵畱勦蒲逆自移師東趨直取逆樊人
傑冒雨入馬鹿坪出賊不意痛殲之樊逆廬至竹山惶急投河
死其妻子弟姪皆就俘樊逆倡亂最久各賊咸聽指揮與冉天

將至是始掃蕩。

上偉其功晉三等繼勇侯。七月蒲逆乘間劫營卡將弁有被害者合藍黃白號餘匪增至一二千人公奮力圍剿斬刈過半八月窮追至竹溪蒲逆隊崖死九月餘匪竄至巴東興山老林時賊皆百戰之餘猱騰車驚具悉官軍號令其老林徑路忍陝忽川忽聚忽散屢被圍復乘霧潛崖突竄有中數失猶力戰者分軍遇之則不利大隊趨之則免脫僅餘二三百賊而三省不得解嚴直至十一月始搜剿淨盡遂以十二月偕額公奏報功。戡定。優詔晉公一等繼勇侯加太子太保。賞用紫纁公子蘇冲阿由頭等待衛。賞副都統銜八年七月遵旨入覲。

上慰悅下所司優叙八月至熱河行在

御製七言詩賜之

命在紫金城騎馬尋以南山餘孽煽動

命赴成都將軍任十

二月遇賊平利遣弁赴賊寨招降俱被害有

詔切責降二等

侯單

花翎等紫纁九年二月額公以

欽差大臣赴軍會公

督勦窮搜川陝老林八月全數掃蕩

賞還一等侯內大臣紫

纁雙眼花孔雀翎再交部優叙十年夏額公薨

上公回京授領侍衛內大臣充方畧館總裁十一年以海盜

蔡牽犯臺灣

命赴閩督勦未至蔡逆遠竄仍

召還六月充

後扈大臣總理行營事務管理兵部七月帶陝鎮新兵陳達順

陳先倫等作亂

命公爲

欽差大臣往勦辦九月官兵分四

路困之叛兵蒲大芳等乞降縛獻首逆陳達順等磔之解散五十餘人

上嘉其逃速。尋請將隨同滋事之兵丁二百二十四名令暫歸原伍約束操防。論責其寬縱專擅退出御前侍衛罷領侍衛內大臣交部議處。尋命革職留將軍任十二年春瓦石坪叛匪滋事率將弁全數殲擒開復革留處分十四年正月疾作上親解佩囊并頒內府丸藥賜之。特詔晉爵三等繼勇公三月九日薨。溫旨悼恤派侍衛一人內閣學士一人馳驛迎至中途奠醊喪歸至近郊

上親臨賜

御製詩輓之

命入城治喪賜內帑銀五十兩

昭公爵例

賜卹

子諡壯果

詔川省建立專祠尋入祀京

師昭忠祠公英勇超倫戰必身先陷陣與額公同心戮力以底成功馬蹄岡之戰尤爲奇勳第一蜀人談之至今勃勃有生氣公薨時下詔褒恤亦稱是役保障川西數十萬生靈免遭蹂躪爲勳績之最著蓋是戰之奇在轉敗爲勝萬死一生有天幸然非公之忠勇奮發不能得也子蘇冲阿襲侯官都統孫倭什訥再襲官將軍次孫花沙納道光壬辰進士由編修官尙書

長文襄公事畧

公諱長齡字懋亭姓薩爾圖克氏蒙古正白旗人父納廷泰官理藩院尙書公由繙譯生員補筆帖式乾隆四十年充軍機章京陞主事四十九年廿肅逆回田五叛隨阿文成公進勦升員外郎五十一年林爽文亂臺灣隨福文襄公往勦克復大里林爽文就擒賞花翎五十六年廓爾喀叛擾後藏復隨福公往討平之補郎中遷內閣侍讀學士嘉慶四年遷副都統授右翼總兵官五年川陝楚三省教匪擾達州青號賊徐天德折竄湖北命公爲領隊大臣率兵馳勦八月白號賊高二馬五竄陝命改赴陝西時公道經湖北房縣會藍黃白三股賊至卽與巡

撫倭什布會勦由南漳進攻尋以高二馬五屯洵陽王家坪公
率兵分撲斬俘其衆調宜昌鎮總兵旋山鮑家店抄至賊前分
隊衝壓斬獲千餘乘勝由陳家莊進擊分兵七路晝夜窮追生
擒僞先鋒鄒順等餘匪敗竄鄧家河公復繞出賊前斬獲五百
餘人得旨獎賚嗣高逆由楚竄陝公勦追於白河敗之又折
竄楚境公由竹山房縣抄截殲賊百餘擒賊吳登科等尋以
徐天德等由陝竄楚與高逆合公出獅子巖分路迎截殲賊五
百有奇追殺四十餘里又敗賊於瓦房口擒斬千餘得優賚
六年正月追敗高逆於楚陝交界之大花園會徐逆仍在楚境
肆竄公復回楚協勦敗其衆二月敗賊於黃沙河燕子溝等處

尋探知白號賊苟文明藍號賊李彬由陝竄楚公倍道扼其東
竄之路戮偽總兵卜興昂等於陣會徐逆圖竄襄陽公設伏截
擊俘國盈千擢湖北提督三月敗賊於穀城擒殺首黃正魁等
八百八十人旋敗城茅倫山殲擒七百有奇邀賞賚苟逆尋遁
房縣公由紫竹兜繞出賊後斬擒甚眾命署湖廣總督五月
黃號賊張萬林從陝東竄鄖縣公督兵進勦斬獲亡算時藍號
冉學勝亦由陝竄楚復迎勦於秦家坪克之六月敗賊渠湯思
蛟劉朝選於劉家灣等處八月青號賊由陝奔楚公督兵由上
龍繞至鍾鼓山奮力截擊箭斃偽元師李大年擒偽總兵蔣添
受殲賊七百有奇均得旨嘉獎十一月黃號賊曾芝秀白興

山折竄房縣公由紫竹迎擊至二層巖擒斬甚夥復追至連湖
坪敗之旋率兵迎頭勦捕殲賊四百人僞軍師鄭三元僞元師
褚貴悉就擒七年正月殲賊於摩天嶺餘賊遁紅巖溝公乘夜
用火攻勦洗殆盡二月首逆樊人傑合曾芝秀各股匪竄興田
一帶公由興山會勦敗之於高良坪三月賊竄房縣公率兵追
殺二十餘里芝秀中箭遁四月殲賊於瓦房溝復敗賊於火石
嶺賞玉韞荷囊諸品五月監號賊蒲天保東竄羅溪河公
雨進攻墜馬落水侍衛富翰等救出得旨獎慰尋知樊人傑
曾之秀竄漁沱偕將軍賽冲阿等奮力逼勦樊曾二逆投河死
曾雲騎尉世職七月追勦蒲天寶於巴東蒲逆隊崖死公自房

縣搜捕餘匪殆盡九月以疾聞命回京調治八年以提督銜
補右翼總兵尋授古北口提督九年授安徽巡撫十年調山東
巡撫未之任以蒙城教匪余連糾眾倡亂遂帶兵馳勦殲匪黨
四百余逆就俘並獲教首李朝士等殊於市
上嘉其迅速十二年五月授陝甘總督六月入覲時西甯賊
番滋事命馳往查辦八月討平之獲賊目班珠爾貢格等
上嘉其迅速再下部優叙尋上善後章程四則從之十三年冬
以前在山東巡撫任內餽欽差大臣廣興銀兩鑄級畱任復
以廣興過境時藩司邱庭滢稟明動帑辦差公置不究坐禡職
發伊犁效力九月賞監劄侍衛充科布多參贊大臣十五年

遷三等侍衛調烏里雅蘇台參贊大臣十六年授河南巡撫尋以前在科布多收授伊犁將軍餽送馬匹濫與供支干部議十八年九月復授陝甘總督十二月岐山匪徒萬五等因木廠停工乏食糾眾滋事命帶兵勦捕十九年正月擒萬五磔之乘勝進擊斃賊六百有奇生擒陳四等三百餘名得旨優叙賞玉韞荷囊尋殲賊渠吳抓抓於黃官嶺龔貴於階州漢漢南北均肅清賞騎都尉世職並賞還花翎係上善後事宜五則尋命爲伊犁參贊大臣二十一年授伊犁將軍二十二年後授陝甘總督二十三年劾陝安總兵劉管成任性乖謬留夏繼兵游棟雲違制坐轎私役兵丁請褫職嚴議有差二十四年冬

入覲明年春回任。命兼署西甯辦事大臣。道光元年以陝甘
山嶺崎嶇請裁減馬兵額以步兵改補從之。加太子少保協辦
大學士。仍留總督任。公奏請入覲會山西巡撫成格劾學政陳
官俊毆差納妾等款。詔均解任。命公於來京陛見之便暫
署山西巡撫。按其事尋疏言參款不能指實請分別嚴議奏入
成格降主事。官俊降編修。二年正月署直隸總督。適河北九族
野番滋擾。命回陝甘總督任。相機辦理。三月檄總兵穆蘭秦
馬騰龍等擊賊於克克烏蘇等處。戰屢捷。復敗之於烏蘭哈達
及幫隴山中。獎賊二百賊大潰。追勦至駱駝山盡殲之。奏入
賞換雙眼花翎時。

上御養心殿對兩捷報適至因

親書御製詩扇

賜之六月

條上善後八事如議行旋授閱兵大臣文華殿大學士管理藩

院事八月

命還朝十月以青海野番於奏凱兩月後復過河

搶掠奪雙眼花翎仍戴花翎十一月回京

賜紫禁城騎馬三

月命充軍機大臣經筵講官管理戶部三庫事充繙譯會試

正考官歷充殿試讀卷官四年稽察欽奉

上論事件處十二

月以大學士授雲貴總督五年調陝甘總督未幾授伊犁將軍

六年六月逆回張格爾入卡滋擾陷喀什噶爾英吉沙爾葉爾

羌和闐四城

詔以公爲揚威將軍陝甘總督楊遇春山東巡

撫武隆阿爲參贊率諸軍討之十月師抵阿克蘇時提督達凌

阿巴敗賊於托什罕河張逆復糾黨三千據柯兒坪阻大兵進
勦之路公率將弁分路進悉殲其眾得旨獎賚十一月
上念邊外洩寒賜裘服七年二月師次大河拐賊屯洋阿爾
巴特夜犯大營我師擊卻之越日由中路進勦殲賊萬餘追殺
三十餘里擒賊黨三千餘人

上以公忠勇可嘉晉太子太保張逆復糾賊十餘萬抗拒於沙
布都爾莊我師奮勇抄擊逼至渾水河痛殲之逆黨阿瓦巴特
大兵三路掩殺俘斬二萬有奇復追至洋連瑪河搜殺淨盡捷
聞賞用紫韁三月移師渾河沿克復喀城四月復英吉沙爾
葉爾羌二城惟張逆竄遁有旨嚴飭奪紫韁五月賊屯毘拉

埽迎拒大軍奮勇夾擊殺賊五千復和闐八月疏言張逆逃往卡外達爾瓦斯之藏堪地方經參贊楊遇春楊芳分途出卡窮追至塔爾克地方斬賊千餘協領都凌阿侍衛色克精阿力戰陣亡詔切齊公奪職留任九月命回京十二月偵知張逆奔喀爾鐵蓋山密遣楊芳星夜追之我軍抄入賊後獎賊三百張逆僅以三十餘騎登山都司段永福等擁至張逆窮蹙將自刎馬甲舒與兵丁田大武奮力生擒盡殲餘匪八年正月紅

旗報捷

上嘉悅錫封二等威勇公世襲罔替並賞帶寶石頂兩團龍

補服授

御前大臣

賞還紫韁換戴雙眼花翎二月授都統

時回疆平定遵

旨回京

賜御製詩扇五月張格爾檻送京

師

上御午門受俘禮成晉公太保

賞換三眼花翎繪像紫光閣

上親製贊尋

命鄭親王烏爾恭阿禮部尙書松筠等往良鄉

迎勞六月入覲行

抱見禮於勤政殿並

賜御用珊瑚朝珠

四團龍補服

論不必進內侍班用示體恤復授閱兵大臣充

總詣達管理藩院及戶部三庫事充

文門監督八月正大光

明殿凱宴

恩賞銀幣旋充繙譯鄉試正考官授領侍衛內大

臣十一月公生辰

御書功臣像贊及平格功成扁額黃扉贊

化星辰近紫閣圖勳劔佩高聯句

賜之九年充經筵講官署

國用正事等三十三名臣

五

史兵二部尙書管健銳營事務十年署步軍統領九月回疆逼
犯博巴克糾結浩罕入卡滋擾圍喀什葛爾英營沙爾二城
制詔公爲欽差大臣往督軍務十月仍授揚威將軍十一月提
督哈豐阿胡超等先後統兵進援二城圍解公以後逆者應誅
波累者應宥因籌議善後事宜
上嘉其詳備先是喀什噶爾參贊大臣扎隆阿誣劾伊薩克助
逆命公及伊犁將軍玉麟會鞠之疏白其誣手勅報曰若
非卿二人公忠體國何能平反此獄使內外夷回懾服可嘉之
至十一年八月加太傅九月請以回疆西四城間地招民開墾
以供兵糈從之十二月命管理兵部事十二年九月回京

命管理戶部三庫事十一月補總理行營大臣復充總詣達十
三年管理戶部事十四年命紫禁城內乘輿十五年以收受
沿罕夷使上物降四級畱任罷御前大臣及管理部務尋
命兼管理藩院充崇文門監督是歲

上謁

西陵明年

東陵均

命司畱鑰十六年復

命管理戶部三庫事十七年

正月

賞穿四開襖袍自道光二年至是五次京察皆奉

優

詔議叙七月因病乞休

上未允九月復瀝陳入告

尉畱之十月

四月先正事畱三三十二名臣

癸

上親視疾 賞尙方珍品 溫諭有加十一月公八十生辰

詔晉一等威勇公 賜御書綸閣勲耆額及嘉乃壯猷資勛相

錫茲蕃祉念戎功聯句他珍物稱是十八年薨年八十一遺疏

上

天子震悼 詔入祀賢良祠 賞銀二千五百兩治喪其一等

公○爵○侯○挂○輪○百○日○孝○滿○後○承○襲○孫○麟○慶○ 賞員外郎侯及歲時

差尋 親臨賜奠 賜祭葬知禮 予謚文襄 詔入祀伊

犁將軍祠十九年得 旨嗣後每次謁

陵禮成後將原任大學士公長齡一併開列具奏派員賜奠子

桂輪襲一等威勇公官杭州將軍麟慶官至漕運總督

國朝先正事略卷之二十三

平江李元度次青纂

楊忠武公事略

公諱遇春字時齋四川崇慶州人。生之夕母氏李夢大水泛紅匣至揭視之中有雙鯉一金色一赤色。少有志量。舉乾隆四十四年武鄉試。從征甘肅石峰堡。調赴臺灣。出征廓爾喀。咸有功。由把總累擢守備。賞藍翎。六十年黔苗逆。命公力戰解嗅腦。復悉眾攻松桃廳。大學士貝子福康安公令諸將往援。莫敢進。公請率敢死三十人爲前鋒。而精兵三千繼。後由間道攻其不意。縱馬入賊屯。疾呼曰。大兵至矣。降者免。

死賊。祖願錯愕。公復呼曰。真降者。跪於是。跪者數千人。全軍直抵松桃城下。賊潰圍。遂解。貝子壯之。立奏。予孔雀翎。加都司銜。復解永綏城圍。錫勁勇巴圖魯名號。遷雲南都司。又以生擒首逆吳半生功。擢遊擊。嘉慶元年。參贊額勒登保。公攻賊茶山。賊圍官兵於土壘。截我歸路。公帥壯士數十人衝圍奪據對山。拔出官兵數千。十盪十決。當者輒靡。貝子望見之。驚歎不已。即軍中馳授四川普安營參將。遂復乾州。擢廣東羅定協副將。苗平而教匪起。公隨額侯移師往剿。當是時。教匪蔓延川陝湖北。聞其尤著者。湖北則覃加耀。林之華。漢南則張漢潮。公剿賊。雉公嶺。擒斬三千。奪賊卡三十餘處。進搗帽子山。用奇兵趨賊後。

奪其隘之華中鎗死大捷中保寨加耀漢潮皆就擒尋敗賊於小廟口又敗之於長沙岸於大任河斬馘三千七百有奇三年四月張正潮以三萬眾窺荆門州公首先陷陣賊敗走南漳官兵蹙之俘斬五千餘人生擒九百餘人會丁父憂請回籍守制特旨賚白金三百兩治喪仍以墨經隨征十二月生獲羅其清於大鵬寨馘賊五千功第一遷甘肅西甯鎮總兵四年正月戰蕭家灣及黃土墻再戰譚家山皆大捷前後殪賊五千有奇馘張長庚獲王光祖射死冷天祿自是陝人聞公名震爲天人川中婦孺亦懾公威望矣五年擢甘州提督予雲騎尉世職初經略額侯上言諸將中惟楊遇春謀勇兼優此外無可專任者

五年夏又偕參贊那彥成公德楞泰公令疏請增兵隸公麾下。與經略參贊分路剿賊。詔曰可。六月公遂以提督別領偏師。並渭西上擊汧隴之賊。八月剿伍金桂於手扳崖。戰酣別賊楊開甲從間道突至。我軍腹背受敵。自午至酉圍愈急。有白袍賊手大旗直犯公。相去咫尺。忽墜馬。則已爲後隊護鎗所斃。卽金柱也。是夕二鼓公始歸隊。明日追斬開甲於山梁。六年二月追賊至龍池場。設伏生擒王廷。詔三月生擒高天得。馬學禮於龍洞溪。並獲僞帥十七人。晉騎都尉世職。五月大勝於白河。六月獲冉天士。王士虎等逆目二百餘人於大池壩。八月詔以南山餘賊責公專剿。忽川忽陝搜捕不遺餘力。事平晉二等輕車

都尉先是龍溪洞之捷俘馘甚眾公擇驍健者八百人俾立功贖罪咸伏地哭願報不殺之恩及勦冉天元於蒼溪天元驍桀善戰爲諸寇冠經略令公長右翼西安將軍穆克登布長左翼而穆將軍與公議不合先三日馳出賊前賊以奇兵斷其歸路萃精銳衝左翼後隊黑夜乘高自嶺下壓短兵接左軍潰賊遂併立攻右翼公據廢寨斷牆力拒擲草炬山下照耀如白晝以勁弩射之矢垂盡而天曙時八百人者死死戰無不以一當百賊敗遁追禽王登廷公治軍嚴整雖倉卒眾寡不敵未嘗少卻平日樸訥若無能遇賊輒機謀洞中應變如神尤不嗜殺能得降人死力蒼溪之役蓋其明效云七年秋調固原提督明年丁

母憂。命侯凱撤後回籍守制。尋追剿荷文潤於紅山等。初戰。我兵小卻。公率數十騎躍馬直前。賊始敗。明日又大敗之。賊自是不能延殘喘矣。十年七月。南山新兵叛。新兵者嘉慶五年平教匪後。於南山要地設營。陝鎮以從征鄉勇五千人充伍者也。地險兵悍。爲漢北第一雄鎮。至是因文吏停給鹽米銀發包穀充糧。激變。於是營兵陳達順陳先倫等。戕副將遊擊劫庫獄以叛。公初奉命回籍補行守制百日。由川入覲。至西安聞變。卽奏調滿兵四千剿之。詔以德楞泰爲欽差大臣而命公馳赴甯陝鎮。公扼方柴關。大師皆以兵會。鋒交賊銳甚。公與諸將皆失利。首逆蒲大芳等望見公。猶下馬遙跪哭訴。營官蝕餉。

狀公曉以順逆知其尙可以義動也。乃與總兵楊公芳謀曰：賊驍悍，經戰陣久，破城三營，死十九生民荼毒已甚。誅渠魁宥脅從，則事可息。若必欲盡剿，勢必奔潰四出，老師費帑不可以計。月計川楚匪徒其已事也。各大帥皆猶豫。公乃按兵緩攻，而令芳單騎入賊營招撫。越數日，蒲大芳竟率四千人誘縛達順先倫詣公軍前降。公率大芳邀擊，不降之賊於江口斬賊渠朱先貴等。德公遂以叛賊震懾兵威，窮蹙乞命，奏其叛卒二百二十四人盡釋歸伍。

上震怒，責德楞泰專擅廢法，縱叛損威。時古北口提督薛大烈在軍中，德公令馳覲面奏情事。大烈奏對失實，於是廷議降公。

官陝鎮總兵芳戍伊犁十三年入覲。賞乾清門侍衛。仍授固

原提督。十八年秋大盜李文成據滑。詔陝督那彥成討賊。以

公副之。賊萃精銳於道口鎮。官兵合剿。公自當其前。率親兵八

十人由運河西進。覘道口。遇賊數千。即大呼突擊。賊辟易。追渡

河。禽斬二百有奇。賊敗入道口。公收隊。數親兵少。二人復衝入。

賊隊奪還一屍。賊爲喪氣。遂斷浮橋。焚渡船。率諸軍進攻所嚮。

賊望見。鬚將軍輒披靡。尋克道口。燒賊萬計。復擊走桃源賊三

千於城東。進圍滑。用地隧轟破其城。十二月滑縣平。

仁宗大悅。錫公二等男爵。賞黃馬褂。命紫禁城騎馬會陝

西。才峽箱賊起。移師剿。兩越月歲事。晉封一等男。甲戌

已卯一再 陛見

睿皇帝慰勞有加。嘗命跪在膝前。執手慰勞。謂卿與朕同歲。年力尙強。將來如有軍務。卿須爲我獨當一面。手賜珍物數種。見公長髯稱美者。再時公弟逢春官曹州總鎮。

上命公繞道視逢春所練兵。

宣宗卽位。特加太子少保。

賞戴雙眼花翎。道光五年署陝甘

總督。六年回酋張格爾叛。

詔公以欽差大臣統陝甘兵五

千馳赴哈密尋

命大學士長齡爲揚威將軍。公爲參贊大臣。

會阿克蘇進剿。七年二月敗賊於洋阿巴特。尋敗之於沙布都爾。又敗之於阿瓦巴特。禽斬各數萬。追至渾河距喀什噶爾賊

巢十餘里。賊悉眾背城一戰。列陣二十餘里。築橫壘蔽之。西南風起。撼木揚沙。大雪晦。我前敵大隊迷道。相左未卽至。將軍以賊據形勢。又眾寡不敵。欲退屯十餘里。須霽而進。公不可。曰。天贊我也。賊不知我兵多少。又不虞我卽渡。時不可失。且客兵利速戰。難持久。乃遣千騎繞趨下游。牽賊勢。而自率大兵乘晦驟渡上游。據上風。礮勢與風沙勢相併。若百十萬兵摧壓。驟至。乘勢衝入賊陣。賊土崩。三月朔。遂復喀什噶爾。立日復英吉沙。十六日。復葉爾羌。又復和闐。加太子太保。時張逆遠遁。詔公先行人關。八年正月。楊公芳禽張逆於鐵蓋山。芳公所拔士也。至是先封果勇侯。公入覲。捷音適至。

上大悅

賞公紫纁授陝甘總督。圖像紫光閣。並擢公子國楨

爲河南巡撫。

本朝漢人中由提督遷總督者。超公良棟父子

及梁公鼎岳公鍾琪後得公。而五九年冬公壽七十。

賜御書

額曰。綏邊錫祐。楹聯曰。三朝量場宜勤久。兩世封圻積慶多。及

福壽字如意玉帛諸珍物。十五年

予告歸蜀。

陞辭

晉封

一等昭勇侯。食全俸。

賜

御書紫光閣像贊一。

御製詩扇

一回籍後復

賜御書福壽字。十八年二月薨於里第。年七十

有八遺疏聞

土震悼。贈太子太傅。兵部尚書。

賞白金二千兩。治喪入祀賢

良祠。諡忠武。公嘗夢神授黑旗。每戰必身先。賊望見黑旗。卽知

爲楊家軍。受知於福文襄。最早文襄沒後。每臨大敵。先一夕輒夢見之。次日必得奇捷。凡戰陣所俘。必訊明入賊營。三月以外始誅。或雖逾三月。而年老無能。年幼無知。皆赦免。故治軍數十。年未嘗妄殺一人。凡疲卒。經公訓練。卽膽壯。或精銳改隸他部。仍不能用。命將戰。距賊三五里。必少停排比。隊伍雖遇伏。不至失措。其剿苟文潤也。賊鋒銳甚。公首進。參贊德公繼之。賊壓山而下。勢若建瓴。眾驚退。公據溝力拒。賊予逼。馬首公震威一叱。眾予辟易。親兵數人乘勢越溝擊卻之。眾以爲神。一日料賊必出掠民寨。伏兵以待。壘廩卒守營。賊不趨寨而逼營。僅隔一溝。眾失色。公冠帶徐步出臥營外。賊曰。誘我也。敗趨。民寨爲伏兵。

所破方柴關之役官兵與叛兵多故舊莫肯用命賊衝官兵爲
數段公僅餘親兵數十據廢垣罵賊賊大隊數千來逼忽轟然
退走及訃俘言金甲神壓畢立云公結髮從戎大小數百戰皆
陷陣冒矢石或冠翎皆碎或袍袴皆穿未嘗受毫髮傷
上詢及嘆爲真福將回驢七里河之戰賊十倍我鎗礮如雨公
下馬席地坐以安衆心并回叱長子國柱速下馬甫及地而隔
河以礮碎其鞍矣公修髯隆準目睛映日光返照能射人畢生
無姬侍而操守尤廉任總督時討軍實肅官方邊務皆控制得
法子國佐官副將國楨字海梁官至閩浙總督襲侯爵國楨少
倜儻豪飲不羈其自刑部郎出守潁州也公方提督固原長公

國朝文獻公集卷之三十三
子國佐亦以守備引見。並予假省親。國楨至。轅者以公命止之。不許入。國佐入爲跪請。久乃召而庭數之。國楨免冠謝。公曰。吾起武舉。

上拔擢至此。恩遇無比。常恐老不知所報。始吾期汝云何而忘之也。命予杖文武吏士爲叩頭乞免。不許。已皆大駭服。道光初。國楨擢雲南鹽法道。未上。遷按察使。陞爵宣宗諭曰。好爲之。有。如。不。稱。當。語。而。父。知。耳。當。是。時。上亦知公家法云。

那文毅公事略

公諱那彥成字韶九一字東南號繹室姓章佳氏滿洲正白旗人尙書協辦大學士文勤公阿克敦曾孫大學士文成公阿桂孫也由乾隆五十四年進士選庶吉士授編修遷侍講轉侍讀入直南書房擢祭酒詹事充日講起居注官晉內閣學士嘉慶二年命爲軍機大臣充崇文門副監督兼副都統三年遷工部右侍郎四年調戶部右侍郎授掌院學士擢工部尙書兼崇文門監督充實錄館國史館總裁經筵講官教習庶吉士兼都統賜紫禁城騎馬上以公三歲而孤其母那拉氏撫孤守志三十餘年表其門。

賜御書勵節教忠額以榮之。尋授總管內務府大臣。先是湖北白蓮教匪樊學明叛於襄陽。其黨張漢潮寇秦中。詔參贊大臣明亮討之。而成都將軍慶成陝西巡撫永保與明亮有隙。師行不相顧。八月。命公爲欽差大臣。督明亮軍。褫慶成永保職。按其事。十月。劾明亮奏報誣罔狀。乃逮治明亮。命公領其軍。明公尋破賊。誅漢潮。公奏漢潮謀主冉學勝餘黨在陝宜亟除。上是之。十一月。敗賊於五郎。疏言軍餉前費八千餘萬兩。有司圖肥已。將弁亦希分潤。致賊闖四年未殄滅。臣刊刻糧單按程期赴糧臺覈給。以杜冒銷。又言秦中將帥各爲一路。致賊乘間遁。今臣等相機分合。聲息相通。使賊所至必有官兵進剿。諭

曰所論切中從前積弊尋疏請五郎設重鎮增總兵一員編鄉
勇於新營更設縣丞巡檢分防從之時賊竄秦嶺老林官兵由
漁碭子踏冰入賊三路迎敵我兵分道進攻大破之手敢報
曰山險冰滑舍騎步行可謂辛苦備經矣十二月賊匿高關峪
夾嶺我軍潛師夜擊賊奔鳳凰山公遣將士夜縋下殲賊六百
有奇斃偽元帥黃爾雄等餘匪走平利棧別將慶溥等截之得
旨嘉獎尋破賊於秦嶺嗣以賊匪逼出老林復逸入楚豫有
詔嚴飭五年正月川匪二萬竄陝西略陽公擊破老林逸賊獲
襄陽起事賊目二十有奇復殲逸賊百餘擒賊首高遇春等進
兵至漢中因川匪鵠張入棧道追剿

上嘉其不分畛域。二月，川匪至隴州，乃出棧，亟剿賊屯隴山鎮。大破之，分道亟追，斬俘三千餘。殲僞元帥魏學林、僞先鋒嚴士浦等。詔授參贊大臣。賜玉韞金合、荷包，下部議敘。公以經略額侯在隴，應受其節制。繳欽差大臣關防。得旨允。是月，賊避官兵南走，追及於秀金山，敗之。又敗賊於嚴家壩。曾經路疾作，詔公兼領各路兵，賊陷文縣，據卡，狠寨我兵。乘月夜渡河，破其陣，殲賊將李大旺等，并殺賊千三百人。尋敗賊於龍泉溝，又敗諸林江浦俘斬千餘。追至毛峪山，賊棄輜重遁。公隨令將軍恒瑞回陝西，協剿賊屢捷。

上以其遙合，廟算內外一心。予獎賚，未幾賊首高二馬五

糾六千餘人趨松潘官兵禦之奔岷州經略病已帥師夜攻賊奪踞山公率眾先登殲賊三百有奇追殺百餘人還明賊列陣何家崗設伏以待公率精兵奮擊賊敗退伏賊左右起擊走之追數十里斬首千餘級執賊將詹世貴等奏入得旨獎資四月敗賊於分水嶺尋以陝匪東趨近豫

上召公還京將面詢陝中賊情又以賊入川從勢漸張乃公玩縱所致致總兵施縉戰沒退出軍機處南書房並罷所領館閣府庫諸職五月抵京奪都統尙書講官花翎以侍講在實錄館效力尋襲騎都尉擢少詹事六年九月充順天副考官遷詹事七年遷內閣學士教習庶吉士兼副都統扈蹕木蘭射鹿

獲之。賞戴花翎。是年冬，廣東永安客籍游民結溪弟會，與土民構亂，博羅諸土匪響應。總督吉慶討平之，尋悔釋囚，畱壁且疑巡撫瑚圖禮密劾，遂自戕。詔公往鞫之，具得其實。時永安黃亞程等遁入鐵籠嶂，復嘯聚爲盜。八年二月，公率提督孫全謀等進攻，卽日克之，誅亞程及其黨數百人。事平，條上善後九事。

上嘉其安速，升署吏部侍郎，尋赴直隸浙江，讞獄。七月，擢禮部尚書，兼戶部三庫事，總理太常寺鴻臚寺樂部。九年，仍授軍機大臣，兼都統，鞫河南嵩縣民王雷傳習邪教事，未竣，以秦隴搜捕餘匪，命攝陝甘總督辦理善後事。

上賜手敕曰汝誠國家柱石臣有爲有守惟稍恃已之聰明不與衆人謀議夫一已才力有限仕途邱壑難窮務宜兼聽並觀勿存五日京兆之見八月奏南鄭縣民趙恒裕張希賢等謀逆立擒之與其黨皆伏誅又奏籌遣南山遊民均得旨嘉獎十一月授兩廣總督明年冬刻前巡撫百齡苛虐營私狀詢實免百齡官會俄羅斯夷船求通市監督延豐率允入奏公以越界貿易恐商夷因緣爲奸亟請止之手敕曰此事與朕意相符所見甚是先是粵東土匪洋盜勾結日熾盜首李崇玉黃正嵩依朱瀆橫行海濱公初至緝獲甚衆嗣以官兵不得力遂行閒諜招撫降正嵩計擒崇玉檻送京師先後招降五千餘人悉賞

銀幣並予千總外委銜巡撫孫玉庭劾公賞溢 詔降藍翎侍

衛充伊犁領隊大臣正嵩之歸命也公嘗誘以四品服及守備

劄至是事體 命謫戍伊犁十二年授三等侍衛仍充伊犁領

隊大臣五月調西甯辦事大臣時野番侵掠內地戕兵丁故有

是 命八月偕將軍興奎總督長齡攻克沙卜浪番境番平條

上善後四事如議行十三年擢江南副總河是秋河水溢九月

輒工合龍十二月以荷花塘復墊降二等侍衛復爲喀喇沙爾

辦事大臣十四年調葉爾羌辦事大臣尋授頭等侍衛充喀什

噶爾參贊大臣十二月以二品服補陝甘總督明年六月疏言

臣前奏准六月 臨見今甘肅被旱撫緩事重不敢拘泥遽行

又請緩徵撥帑賑貧並疏陳散賑積弊奉

手敕汝實不愧

庭相國之孫又降

詔嘉其能識輕重且云所陳向來辦賑積

弊俱切中窾要。是月

賞頭品頂戴十六年請禁交代倉糧折

色之弊以重積貯如所請行七月入覲

賞戴花翎十八年九

月河南教匪李文成等謀逆陷滑縣

詔公爲欽差大臣帥師

討之賊屯滑城及桃源集道口公由衛輝進軍分擊新鎮丁樂

集連破之道口賊出掠中市所公斷其歸路遣別將楊遇春等

迎擊大破之賊造橋將渡河而西官兵截殺千餘橋毀不得遁

賊蜂屯拒敵我軍飛越溝濠破道口殲賊萬餘焚其巢出難民

八九千溫旨嘉賚尋破桃源賊追道口賊抵滑縣城中賊出

應敗回城圍之桃源賊來援盡殲之遣將弁分禦絕其外援時李文成潛遁輝縣屯司寨公遣別將德英阿楊芳率勁旅攻克之交成自焚死賊黨悉殲

上嘉之優賚有差尋於南門掘隧道密置地雷公親督兵勇進攻地雷發城裂拔之殲賊萬七千餘焚死七千餘生擒二千餘有詔加太子少保賞三等子爵換戴雙眼花翎紫禁城騎馬並賞御用荷囊子容照遷乾清門二等侍衛又賞黃面元狐馬褂暨上珍諸品是冬授直隸總督十九年巡歷開州條陳善後五事抵京復命詔曰那彥成克副委任深堪嘉獎著在阿桂墓賜祭一壇用示眷舊酬庸至意尋坐保貪劣知縣

孟昶瞻補滑縣令。奪職畱任二十年。冬以廢員王奎聚等混請捐復。先令繳庫跡。近專擅鑄四級。尋以灤州石佛口王姓世習白蓮教。惑眾謀逆。公全獲誅之。

上嘉其辦理認真。有積次吏議。

賜御書福字。曆尚方珍饌二

十一年。捐穀三千石。興復義倉。貯穀十六萬六千石。有奇。閏六月以前。在陝甘與藩司陳祁商。挪賑銀津貼腳價。並虛奏捐廉事。褫職下獄。論死。尋以繳完賠銀。改戍伊犁。畱家終養。九月丁母憂。

上念滑縣剿賊功。免發遣。令閉門思過。二十三年。授侍講。明年擢侍講學士。晉詹事。充會試副考官。遷倉場侍郎。賞花翎二

之七年七月以直隸挂名吏役過多包差滋擾苦累閭閻裁汰
二萬三千餘人酌應留名數冊報嚴明奏入得旨哀嘉並通
諭直省均照所奏章程辦理十一月回疆四城克復命以欽
差大臣往籌善後事宜未幾張逆就擒仍命往治其事疎陳
回疆積弊略言回人素恭順此次變亂半由平日撫馭失宜參
贊大臣等三年換班其才幹有爲者三年中辦理未必遽善次
者祇存五日京兆之見不肯認真下此竟有視爲利藪專工搜
括者且各長其疆無維制考覈之分不相顧忌應請分隸考覈
俾有所糾察至各官原設養廉不敷辦公懇稍爲議增并准各
大臣一律攜眷俾得久任其事得壹意辦公

上聽其言如所請。先是楊威將軍長齡等奏請斷絕各外夷貿易。並嚴禁大黃茶葉出卡。詔公實力稽查。公疏言嚴禁於卡倫。不過絕其流。查察於各城。方能清其源。請於阿克蘇遣官查覈。至是又言。安集延進販內地大黃茶葉。礪礪接濟外夷。私於卡內置產安家。竟敢相率助逆。請將現販違禁物者逐出。其餘暫準居住。得旨允行。又奏各城相沿陋規。貪黷求取。苦累回民。今悉裁革。勒石永禁。手諭曰。行同饕餮。殊出情理之外。非公忠體國之大臣。孰肯和盤托出。可嘉之至。八年。請移建葉爾羌城於罕那里克。又請於喀喇哈依外之七里河築堡。設兵六百防守。並另建英沙爾城。又疎言曩者伯克闕。每以賄得補。而

大小伯克。遂誅求小回子。以取償。嗣後請由本城大臣先儘有
功及家口被害之人。次死事人子孫。次出力世家。視其人才保
送參贊大臣驗看。奏補。又酌定回夷難應章程。皆如所請。行張
格爾之就誅也。其妻孥尙匿。浩罕將軍長公傳檄索之。浩罕使
人許投賀書。伺隙公陳兵衛其出入。不許與卡內安集。延交接
亦不犒賚。使諭以逆屬在外。無足輕重。破其居。奇之計。並絕其
貿易。使不能籍。天朝聳動外夷。宣宗手諭曰。所辦甚得大體。與朕意相同。賜御筆畫扇并扇
套香囊各一。八月。請將伊犁通烏什之徑。酌議封禁。又稽察私
墾地畝。徵糧以抵換防官兵祿糈。請於明約洛建貿易亭。以便

布噶爾巴達克山等通市皆從之。是月繪像紫光閣。

上親製贊九月請酌撤換防滿洲兵歸伍等議。操兵章程。又請令駐防官兵盡許攜眷。又奏酌議茶稅章程。請設喀什噶爾等三城銀庫。皆從之。諭曰。那彥成辦理善後事宜。籌畫妥洽。勞績卓著。著賞加太子太保。銜賞雙眼花翎。紫韁元狐馬褂。暨荷包。囊諸珍品。十二月。奏招致附浩罕之額提格。訥布魯特部落安置。特依劣克達坂地。

上嘉之。九年正月。詔以公使人出卡搜求逆屬。有意邀功。召還京。又以妄給收撫之布魯特翎頂。嚴飭之。六月。回直隸總督任。十年冬。西陲復靖。十一年二月。欽差大臣長

齡奏豐山驛安集延籍其家禁茶葉大黃所致。命視公職八

月授盛京禮部侍郎。會長齡等復奏浩罕申訴以前此籍沒安

集延禁絕市易爲言。諭責公誤國肇豐仍奪職十三年二月

卒。詔以公服官中外宣力有年不忍忘其勞績著賞尙書銜。

照尙書例賜卹尋予祭葬。賜諡文毅公。生於世胄性好學。

工詩能書遇事有執持於權要人無所屈。勦辦川陝楚及滑縣

教匪尤有功。任總督時三次考績皆特旨優敘。雖屢起屢蹟

中外想望風采。

上眷公不少衰。嘉慶中英吉利入貢頗不恭。順惟問福中堂及

那大人見居何官。蓋外夷夙所敬憚者。祇此兩人云。子容安官


剖都統充伊犁參贊大臣容照官馬蘭鎮總兵均坐事免曾孫
鄂素襲三等子



國朝先正事典

卷三十三

一




汪文端公事略

公諱廷珍字瑟庵江蘇山陽人生十二歲而孤母程太夫人撫之成立家本素封至公父而落值歲凶母子日或一食或終日不得食太夫人終不肯使人知曰吾非恥貧恥言貧耳言貧則疑有求於人故不爲也歲除無米使僕索舊逋城外抵暮歸無所得母子各飲茗一甌嘗鹽菜數莖就臥其艱貞若此公孤苦力學少游任子田李晴山兩先生之門困諸生十年始獲鄉舉乾隆己酉一甲第二名進士賜及第授編修辛亥大考擢侍讀不兩月拜司成之命性嚴毅以師道自居選刻成均課士錄教學者以立言之義法而力戒摹擬剽竊之弊尋命入直

國朝先正事畧

卷三十三

一



降抄大場戰後

汪文端公事略

公諱廷珍字瑟庵江蘇山陽人生十二歲而孤母程太夫人撫之成立。家本素封。至公父而落。值歲凶。母子日或一食。或終日不得食。太夫人終不肯使人知。曰。吾非恥貧。恥言貧耳。言貧則疑有求於人。故不爲也。歲除無米。使僕索舊逋。城外抵暮歸。無所得。母子各飲茗一甌。嘗鹽菜數莖。就臥。其艱貞若此。公孤苦力學。少游任子田李晴山兩先生之門。困諸生十年。始獲鄉舉。乾隆己酉一甲第二名進士。賜及第。授編修。辛亥大考。擢侍讀。不兩月拜司成之命。性嚴毅。以師道自居。選刻成均課士錄。教學者以立言之義法而力戒摹擬剽竊之弊。尋命入直

上書房協修起居注授侍講學士教習庶吉士再遷禮部侍郎公學有根柢以文章行誼高天下海內推爲正人無異辭天子知公深屢畀以造士衡文之任初督安徽學政爲學約五則以訓士一曰辨塗謂喻義喻利人心之分盡於此爲己爲人學術之分盡於此有志者當立辨乎毫釐千里之差一曰端本謂士者四名之首天下事皆吾分內事也自公卿至一命之吏皆讀書人爲之故貴通古今達事變相期爲有體有用之學一曰敬業時文者古文之一體猶之碑誌傳記表疏論序云耳以摹擬剽竊者之不足言文乃並時文而小之過矣一曰裁傷謂昌黎論文惟其是吾論文惟其真蓋必能真而後是非可得而

論也。申韓莊列異乎。吾道者也。而朱子以爲先有實而後託之文。非以其真耶。一曰自立。文之不能不變者時也。挽其變而歸之正。或因其變而命益神明於正。學者事也。苟非克自樹立。隨風氣爲轉移。取已陳之芻狗。沾沾然倣效之。庸有冀乎哉。公之因文見道。其大指不出乎此。每訓士諄諄然如父兄之誨子弟。刻試牘曰立誠編。取修辭居業之義也。附條約十八則。扶摘至爲精密。其後督學江西及浙江。所刻校士文。皆以立誠名之。而條約加詳。海內操觚之士。家置一編。風氣爲之一變。公直上書房最久。嘉慶二十三年。特命爲總師傳時。宣宗皇帝在潛邸。公盡忱啟迪。非法不道。登極後。獻納尤多。

累擢左都御史禮部尙書道光二年命典禮部試三年二月

奉手敕禮部尙書汪廷珍於嘉慶十七年蒙

皇考簡用上書房師傅與朕朝夕講論考古證今言皆中道至二十三年受任總師傅以來倍加勤慎使朕通經義辨耶正受益良多自朕親政後畀以左都御史尙書之任均能稱職是汪廷珍於師道臣道之義可謂兼備矣本日朕臨雍講學因思曩昔討論之功眷懷舊學用沛恩施汪廷珍可加太子太保銜用示朕崇儒重道之意

天語煌煌具見公所學之正故能啟沃

聖聰成三十年仁孝太平之治足與古大臣爭烈矣是年仍典

禮部試所得多知名士。贈太師杜文正公受田其舉首也未
幾拜協辦大學士。賜紫禁城騎馬八年薨。優詔悼恤。
上親臨奠醑。賜祭葬有加禮。予諡曰文端。公風裁嚴峻。正
色立朝。出入內廷。進止不失尺寸。造次必以禮。於要人無所親
附。僚友見之皆肅然。起敬。自言平生不敢作刻薄事。遇橫逆能
忍。於飲食衣服無所擇。貪冒詔諛之習。有不忍爲守。太夫人教
也。所著曰實事求是齋詩文集。



楊勤勇公事略

國朝嘉道中漢人戰功之盛推兩楊侯爲最。一忠武公遇春其
一則勤勇公芳也。勤勇公諱芳字誠村貴州松桃廳人。生而沈
毅有幹略。好讀書。通經史大義。應試不售。遂入伍充書識。忠武
公一見賞識之。拔補把總。時川楚教匪稱亂。王師征之。累歲
不能靖。公從忠武勦賊。每戰輒爲軍鋒。斬馘不可數計。累擢台
拱手備。賞藍翎。嘉慶四年。經略額勒登保公進勦賊渠冷天
祿。包正洪於大竹。適正洪已與儀隴賊合。竄鄰水。乃冒雨突擊
天祿於岳池。楊公遇春以勁騎二千一戰殲之。進追至石筍河。
賊以五舟迭渡。僅濟千賊。餘賊數千方臨岸登舟。時公已晉都。

司率九騎越山先至卽麾大呼馳擊賊隔山不知我後隊虛
實爭赴河陷淖者三千餘人五舟皆覆隔河賊呼號不能救俄
大軍至騎浮而濟并追殲其先渡之賊是役公功稱最 賞花
翎擢下江營游擊五年閏四月賊渠楊開甲張天倫等趨渭南
公隨楊公倍道扼其東竄并遣兵守商雒賊議復西竄留張漢
潮餘黨三千於後以綴官軍公扼西河口去路而大軍三路偪
攻連破之大小中溪斬首千五百賊合竄溪口伏兵四面蹙之
溝水盡赤生擒千餘人張逆餘黨殲焉公由兩廣督標奏將晉
廣西副將 賞誠勇巴圖魯名號八月連敗賊於成縣階州賊
渡白水河入老林公冒雨追賊及之於磨刀石手刃十餘賊矛

傷足墜馬。仍徒步殺賊。復傷臂。官軍乘之大敗。賊射傷伍懷志。上聞而嘉之。詔問受傷狀。下所司。優叙。六年五月。張天倫與曾芝秀。陳國奉等。率眾六千。合屯高唐嶺。公及楊公分路擊之。擒斬三千。賊復分爲二。公夜襲天倫於白河。俘馘殆盡。楊公遂與公邀擊冉添元於平利。克之。六月。經略偪賊入川。爲一舉掃蕩計。八月。遣公擊張天倫於西鄉。俘斬盈千餘。賊僅四百。竄老林。適公前所追太平。開縣之賊。竄至南江。經略令公殲東奔之。辛斗於通江。而自帥楊公追西竄之高。見奇。魏學盛於廣元。擒斬殆盡。七年三月。楊公移剿苟文明。賊自華陽合而東。竄公分路追截。敗之。於是楚賊略殄。盡其南山。遣學經公及楊公分兵。

十餘路櫛比排搜亦所餘無幾矣。逆渠苟朝九被公勦急遂與宋應伏合竄漢南爲官兵所殪。八年六月公窮搜至老林匿賊百餘突出盩厔洋縣公追之入山。八月有散遣之勇附之合三百人苟文潤領其衆勢復猖獗。九月通江已散之勇五百人復與合遂戕副將朱槐於山溝。詔公回漢北專防山內餘賊時賊皆百戰之餘忽陝忽川忽聚忽散。孫騰免脫無定蹤。九年正月屢由安康窺漢岸圖竄南山皆爲公所卻。先後擒餘匪百餘。於是南山無賊。八月公搜漢北餘匪盡殄之。各路皆報肅清。公擢甯陝鎮總兵。初嘉慶五年特設甯陝鎮節制于平陽黑河諸營汛以從征鄉勇五千充新兵。地險兵悍爲漢北第一巖疆。

九年三省戡定。經略參贊先後還京師。十年七月而有新兵之變。時楊公遇春以陝西提督入覲。公赴固原署提督事。副將楊之震護甯陝總兵營卒陳達順陳先倫以停給鹽米銀事糾眾叛戕。副將游擊賊黨蒲大芳等以公素得士心先護送其家屬於興安而後歸。從賊楊公行至西安聞變。卽謂兵進剿。詔德楞泰爲欽差大臣討之。賊奔華陽。破洋縣。虜脅數千。公帥固原兵二百人馳抵石泉。九月賊攻孝義廳。分隊窺子午峪。公馳扼峪口。德公令楊公以兵五千自洋縣進剿。而自帥兵四千繼之。賊攻鄂縣。公復馳救。力擊劫營。賊麇戰。竟夜身受數創。黎明賊辨其爲公也。自引去。時賊黨已增至萬。入又選步騎三千爲

前鋒改推蒲大芳爲首。遇楊公軍於方柴關。兵賊隔河。尙有相
揖訊者。及戰。數合。殺傷略相當。大芳陷陣。力戰。伏賊繞出。陣後。
官兵大潰。楊公僅率親兵數十登山。斷後。賊追至。忽反走。乃收
潰卒。扼方柴關。次日。公馳至。謂楊公曰。叛兵皆百戰之餘。驍悍。
習地利。而官兵勤勞九載。瘡痍未復。且與叛兵多同功一體之
人。以兵攻兵。終無鬪志。賊兩戰見吾二人。皆辟易。尙有舊部曲。
誼請公按兵。緩攻。而某單馳入賊營。曉以順逆。楊公然之。時賊
矛林立。或叩馬。方阻。公曰。我與楊公計之熟矣。天佑蒼生。我必
不死爲。國息兵。卽死。且得所。何恨。遂策馬前。萬眾忤愕。公故
得新兵心。又捭闔。善操縱。見大芳等。卽痛哭曰。吾與若曹戮力。

數年同患難。生死今對壘。如仇敵。吾不忍見。若曹羅族滅禍。請先殺我。於是眾皆哭。逾二日。大芳綉縛先倫達順。以眾降。德公遂以叛卒窮蹙。乞命。奏首禍二百二十有四人。盡釋歸伍。上切責其寬縱。命戍降卒二百餘人於新疆。尋爲伊犁將軍。松筠公所誅。楊公降。總兵公坐馭兵不嚴。釀變。劾戍伊犁。德公旣劾公。恐物議不平。復密疏申雪。公至伊犁。未市月。卽賜環。命以守備千總補用。十三年。回籍省親。補松桃協千總。十五年。起廣東右翼總兵入覲。賞還花翎。尋調西安鎮總兵。十六年。丁母憂。十八年。秋。林清謀反。旣伏誅。李文成踞滑縣。詔陝督那彥成公爲欽差大臣。帥師討賊。提督楊公遇春副之。公呈

請效力奏補河北鎮總兵。隨楊公敗賊道口鎮。遂圍滑。文成突圍出奔太行。招賊四千。據輝縣之司寨。那公遣公追剿。公伏騎白土岡。誘賊出戰。佯走。伏起。大敗之。又追擊於南首山。殺賊二千。有奇。是役也。賊走山上。殊死戰。官兵畏賊鋒。有退者。公拔佩刀立斫。數人眾效死。遂大捷。進奪司寨。文成縱火自燔。死乃合力攻滑。時滑城未下。而陝西三才。陝賊又起。滑城堅。外磚內土。中沙。大礮攻之。遇沙而止。官軍掘地。隧皆爲所破。公陽築他棚。進攻。而潛掘舊隧。滿實火藥。至期。將卒皆甲騎。以待。十二月十日。平明。西南城崩裂十餘丈。官軍奮前。奪城。蟻附入巷。戰至夜。其文賊二萬。免老幼男婦二萬。有奇。俘首逆牛亮臣。徐安國等。

檻送京師。滑縣平加提督銜。賞雲騎尉世職。十九年春帥師入陝。大破賊擒逆目譚貴等。詔優叙。調漢中鎮總兵。二十年擢甘肅提督。道光元年調直隸。三年調湖南。五年調固原。六年回。曾張格爾反。楊公遇春時署陝甘總督。詔授欽差大臣帥師討賊。尋以大學士長齡爲揚威將軍。楊公爲參贊。公請行許之時賊陷西四城。距阿克蘇八十里。十月大兵集阿克蘇。賊扼柯爾坪地險要。中隔戈壁。將軍令公襲破之。焚其南北莊。敗其援師。七年二月師至大河拐。賊三千來襲營。敗之。進抵洋阿巴特沙漠。平曠賊二萬。據橫岡五六里。公與將軍參贊分三路進攻賊據岡下壓者。再大兵分路奪岡。賊披靡擒斬過半。盡得

牲畜糗糧濟師進抵沙布都爾回城多葦湖樹林賊數萬臨渠
列陣決水成沮淤使騎兵不得騁城後林中皆有伏賊難繞襲
公先令步卒昌險越渠知兵接復麾驍騎繞左右淺渠橫截入
陣賊大潰追逾渾水河三十里俘馘萬計復分敗林中伏賊及
河橋援應賊越二日賊數萬據阿瓦巴特回城依岡背河我軍
距賊十里止營夜遣吉林勁騎千分探左右閒道繞出賊後次
日壓賊壘而軍賊佯退誘我兵登岡而反乘之我軍鎗礮迭前
藤牌兵虎衣躍入賊馬驚陣亂岡後伏賊起殊死戰而我千騎
已繞出回堡後突擊其背賊大敗奔擒斬各半殪安集延二酋
日追至洋達瑪河距喀什噶爾城八十里次日整隊至渾河北

岸賊悉其衆十餘萬背城一戰阻河爲陣亘二十餘里築壘橫蔽之穴壘轟礮鼓角震天勢張甚公遣死士數百夜援其營諸器達旦是夜西南風起撼木揚沙大霧晦將軍以賊據形勢且衆寡不敵欲退屯十餘里須霽而進楊公持不可公意與楊公合乃遣索倫千騎繞趨下游牽賊勢公與楊公率親兵驟渡上游據上風礮勢與風沙勢相搏賊陣亂比曉我兵盡渡風止霧霽乘勢衝入賊陣賊士崩我軍乘勝抵喀城時三月朔日也張格爾先遁獲其甥姪及僞汗伯克等斬馘數萬十六日公以兵六千往剿和闐賊破之擒斬逆酋玉努斯遂復和闐加騎都尉世職命在乾清門行走時楊公亦連復英吉沙葉爾羌二

城六月公與將軍參贊帥師八千出塞掩捕楊公屯色勒庫公屯阿賴阿賴者蔥嶺之脊脊以西水皆西流乃喀城赴浩罕之道也有浩罕城二千餘誘官軍入伏鏖戰一晝夜衆幾殆公步步爲營嚴陣出險

上責諸將孤軍深入召楊公入關以公代爲參贊十二月密遣黑回出卡縱反開言官兵全撤喀城虛諸回翹首以望張逆果率步騎五百欲乘除久不備潛襲喀城公與長公嚴兵六千以待二十有七日賊潛至旋折回公率兵星夜追至喀爾鐵蓋山擊斬殆盡張逆僅餘三十賊奔騎登山副將胡超都司殷永福等擒之八年正月提聞詔封公三等果勇侯賞戴雙眼

孔雀翎。賜紫、驤黃馬褂，加太子太保。賜其子承注舉人圖象紫光閣。漢大臣以公爲首。御製贊凱旋，命郊勞，行受俘禮。勒碑大學及喀爾鐵蓋山。

上召見數次，晉侯爵二等，晉太子太傅銜。賜紫禁城騎馬，復

以公六十生辰。御書酬庸錫羨額，並福壽字。賜之。九年秋

安集延夷匪復肆掠，公與長公馳至軍機諭浩罕，復許人貢通市。十三年，四川清溪土千戶越屬山各夷滋事，調四川提督公至夷已平定，乃安籌善後。詔嘉之，晉一等侯。十四年，夷復蠢動，降二等侯。以總兵往甘肅，候補十六年。湖南鎮軍兵變，迫脅鎮道，借銀累萬，起公爲總兵，定善後章程五則，皆如所請。十八

年遷廣西提督調湖南二十一年海氛棘詔宗室奕山爲靖

逆將軍公與尙書隆文並爲參贊大臣由江浙至廣東以議款

罷兵公回湖南提督任逾年請告歸詔在籍食俸二十六年

薨年七十有七遺疏聞優詔哀恤賚白金五百兩治喪賜

祭葬如例諡勤勇公結髮從戎經百戰戰必躬先士卒所向未

嘗挫衄屢荷恩賚所得王黻荷囊不可勝紀少愛楊忠武之


知執從子禮甚謹威望與忠武埒天下稱二楊而公受侯封且

先於忠武八年論者謂二楊勳績高天下而尤以招撫甯陝新

兵稱首則南山起隴西尾商鄖阻奧千餘里據川陝湖之腹

而甯陝所治五郎形勢要害又據南山秦嶺之腹新兵五千皆

百戰之勇。首流賊。故智使招撫。遲數日。賊已分突秦隴。楚蜀。殘
良民。老師糜餉。曷所紀極。然非公威信服人。奮不顧身入賊穴。
亦莫能追數千出柙。走儉之虎兕。使歸就閑。勒也。孫子曰。全軍
爲上。破軍次之。公雖以此獲咎。而功德所被無涯矣。公兼資文
武。負著述才。所著有平平錄等書。凡十餘種。



嚴樂園廉訪事略

宣宗皇帝卽位之元年首擢漢中知府嚴公爲陝安兵備道四年春復以公宜力於陝有年功在南山特詔加按察使銜手敕嘉獎如漢璽書勞問故事尋擢陝西按察使將大其用而公遽以病卒

天子悼焉因秦人之恟俞其請俾奉祀名宦歲時享祀弗絕贈布政使銜酬蓋庸表遺愛也公諱如煜字炳文號樂園湖南澧浦人生時母夢大星墜懷中光四溢因小字滿星始讀書目十行下年十三補縣學生乾隆五十四年以優行貢張學使姚成稱公爲經世才足當大任時海內承平久武備弛公獨畱心

兵事會六十年正月黔苗作亂據乾州犯鎮筵辰沅震動朝廷命雲貴總督福康安公督師進討湖南巡撫姜公晟及湖廣總督畢公沅以師會於辰州姜公嘗訪人才於學使張公夙知公延問計所出公草平苗議十二則言勦撫防禦策甚備其要在急復乾州由乾進永綏可與保靖松桃鎮筵聲勢相通而攻乾道瀘溪必先得大小章人乃無阻大小章者故土司遺民散處邊界名曰犵猪最驍健與苗世仇苗之攻浦市也假道犵猪不許怒焚其寨犵猪率眾出保浦市官兵不能禦苗反執犵猪以爲功犵猪忿甚苗因誘與俱叛官軍頻失利公乃募能爲犵猪語者得向國果等赴大小章開示利害挾其脅六人以出公

推誠與同臥起。威感悅服。歃血誓不反。送子弟十九人爲質。許率其屬陽投乾州。爲官兵內應。約一舉破賊。會雲貴主兵者欲專其功。嚴檄楚軍無輕動。計遂不行。然明年卒賴其力以救兩鎮。兵於河溪。通乾州東路。自後復平。隆戰花園。率常爲軍鋒。而大小章於大府。檄或不奉。必得公手書始行。云公在姜幕凡四載。嘉慶五年始以孝廉方正科赴廷試。時川湖陝教匪方熾。制詔詢平定三省善後事宜。公對言軍興數載。師老財匱。以數萬罷憊之眾。與猾賊追逐數千里。長林深谷。由投誠之賊無地安置。則已降復亂。流離之民。生活無資。則良亦從亂。鄉勇戍卒多游手募充。慮一旦兵撤餉停。則反思延創。如此則亂何由弭。

臣愚以爲莫若仿古屯田之法三省自遭蹂躪叛亡各產不下億萬畝舉流民降賊之無歸鄉勇戍卒之無業者悉編入屯團鍊捍衛計可養勝兵數十萬餉省而丘垤化盜爲民計無逾此奏上

睿皇帝親擢第一傳

自次日詣軍機處俾罄所言公復條上

屯政方略十二事

召見以知縣發陝西下其疏於三省大帥

督撫令采行明年二月補洵陽縣縣宅萬山中袤延七八百里

與湖北陝西邊界相錯官兵追賊急往來折竄皆道洵公力主

堅壁清野議相地險要爲塞堡選置團勇正副長且耕且守且

戰設卡於高岡瞭望賊至舉礮一耕者歛農具舉礮二人畜皆

歸寨堡舉礮三則。圍勇各據隘。以爲頃刻間警備。逮數百里。賊至無可掠。則去。去則出奇兵抄其尾。視其久頓處。多方搜之。疲其方便。不得休息。又念賊以劫掠爲生。所至飄忽。而官軍行必待糧。故追常不及。乃擇堅寨。值兵衝者貯糧。糧備。俟給由是聲息聯給。賊勢大蹙。其年四月。遂督寨勇生擒賊帥陳朝觀。五月。鐵賊徐天德。樊人傑。六月。復與官軍夾擊張天倫等七股賊於太平寨。凡萬餘人。一戰平之。經略額勒登保。公。參贊德楞額。公。上其功。得旨。加知州銜。賞戴花翎。尋擊斃楚北逆匪二千餘人於蜀河。日斬賊目王祥。擒方孝德。誅之。孝德故戕白河令。黃衣者也。羣賊憚公威名。相戒勿入境。有旨。以同知直隸州。

用八年秋補定遠廳。是時賊勢益窮，分竄山谷間，而西鄉縣界川境多深谿，初設廳以公守之。公以廳爲全陝門后，乃建新城，復於廳之西南各百餘里擇地曰黎壩、漁渡壩，分築二石城，爲拾角團練武備。如治洵陽時，賊至輒殲，先後擒陳心元及戕朱副將之馮世周等。巡撫方公維甸奏加知府銜。旣丁生母憂，僉議援金華例，請畱公。公婉辭，大府重之。聽扶柩歸。十二年服闋。

諭仍發陝西以同知用。交軍械處記名。十四年補潼關廳同知。有旨授漢中府知府。公以兵燹後，民困兵驕，散勇逸匪羣不逞之徒，心面未革，教養之法宜先。於是舉工賑，修渠堰，完倉廩，以足民食，聯營伍，治堡寨，團保甲，以固民衛。慎獄訟，培學校，禁剔

說以正民俗。疏節闊目。與民休息。南山遂大安。以其開開諭。悍
回縛獻亡命賊七十二人於華涓。散軍功王姓。匪徒數百於甯。
羌擒圓頓。教首陳恆義等於城固。皆推誠心。置人腹。治渠魁寬。
脅從令行。禁止人心大服。而十八年廂匪之變。至勤大丘。勦討
論者謂始事時。苟得公治之。黨可不煩一兵。雖旋踵撲滅。公亦
以饋饌無缺。加道衛。然非公意也。公在南山。旣入亭障。要隘材
寨徑塗。曲折無不日營。指畫面心。縈繚之窮。鄉遂谷老兵婦孺。
皆識其姓字。閒漢嘉。選髦雋。躬親講授。十三年如一日。所成就
士起家侍從。敎令者數千人。卒有聲。然勞於治民。拙於事上。始
大吏咸度外待。公嘗歲暮小築甯陝新舊二城。歸而南山晚收。

六○獄○已○逾○請○賑○期○遂○元○旦○趨○撫○轅○稽○首○願○棄○一○官○爲○百○姓○請○命○
巡○撫○董○公○敘○增○卒○爲○破○例○陳○請○得○ 俞○旨○及○董○公○去○而○代○之○者○
爲○朱○勳○公○十○年○不○得○調○益○懇○懇○飭○吏○治○勤○民○事○各○滿○三○省○聞○道○
光○元○年○一○特○擢○備○兵○陝○安○以○臺○臣○條○奏○南○巴○二○山○情○形○下○川○陝○
湖○北○督○撫○議○時○川○督○蔣○公○依○節○風○重○公○治○行○遂○會○奏○委○公○總○勘○
公○周○恩○數○于○里○相○度○形○勝○析○官○移○治○增○營○改○以○條○列○并○并○奏○入○
皆○ 報○可○邊○防○遂○密○然○公○嘗○言○山○內○州○縣○距○各○省○會○遠○鞭○長○莫○
及○椎○諉○壘○壘○宜○仿○古○梁○州○自○爲○一○道○及○明○設○鄖○陽○巡○撫○之○例○專○
設○大○員○鎮○撫○而○剖○三○省○邊○郡○州○縣○以○附○益○之○度○勢○專○權○一○可○百○
世○無○患○以○更○張○重○大○去○竟○其○議○也○二○年○巡○撫○盧○公○坤○至○特○重○公○

隨拜加銜之

命公愈感奮思效盧公採其議奏增廳治於蓋

唐洋縣界增營兵於商州及略陽復委公與修水利先是公在漢中因平蜀田衍艱灌漑躬履山河五門楊鎮大小百餘堰皆加濬治至是欲廣其法於全秦奉檄視禮涇灃渭汭諸川鄭白龍首諸廢渠疏鑿蓄洩規畫具備而社倉義學諸法亦以次推行焉五年冬詔擢貴州按察使未行仍留陝西按察使六年春入覲召見者三奏對悉稱旨歸途感微疾抵任七日卒時三月二日也年六十有八公起諸生山縣令累擢至臬司皆出特簡中閒小有沮主知弗替宣宗每與廷臣言置吏才未嘗不首及公特以南山二十年鍾

靜之功非公莫屬不得已故遲留之俾歛惠於一方比任久地
方緩輯規畫已無遺

天子慨然思大其福於秦民驟用公而公不及待矣其卒也秦

民巷哭如失慈父母願比朱邑桐鄉請其柩入南山弗得則籲

請祀名宦而湖南士紳亦具公事狀請人鄉賢祠爲桑梓矜或

皆得旨報可公性豪邁去邊幅泊榮利晚益冲粹視之田夫


野老人也及其馳聘古今理亂貫串天文河渠兵法星十以及

輿地險要形格勢禁若聚米畫沙燭照而龜灼所規畫常在數

千百年外遇盤根錯節無不迎刃以解其錯施略見於所著書

嘗任兩廣總督那彥成公籌海寇有洋防備覽佐姜公籌苗匪

有苗防備覽佐辰沅道傅公彙籌屯田有屯防書又有三省邊
防備覽。漢中府志及樂園詩文集。子正基由副榜貢生官至大
理寺卿。次正坊官知州。



聖朝文獻通考

卷一百一十三

國朝文獻通考

劉天一方方事路

嘉慶三年四川賊首王三槐俘至京。廷訊供言官倡民反。上曰四川一省官皆不善耶。對曰惟有劉青天一人。劉青天者。南充知縣劉清也。上立加殊擢。當是時劉青天之名聞天下。公諱清字天一號朗渠。貴州廣順人。由拔貢官蜀得民心。嘉慶元年三槐以教匪倡亂。時公由縣丞遷知縣。數以鄉兵破賊於南充。廣元。開公撫民及士卒皆以見于商之人。樂爲死賊。自爲民時知公名。戰莫爲用。故遇公輒逃。四川總督宜綿嘗命公招撫三槐。三槐隨公至總督營。約率所部出降。然實詭覘虛實。無降意。還營復叛。二年。

公復至羅其清營其清故公部民甚德公公望之大哭其清亦
哭卽去所服白袍請罪蓋白蓮教衣白也雷公宿其營奉牛酒
聽約束甚謹復遣卒導公徧入徐州王治各賊營皆開壘列隊
迎送如禮惟孫士鳳戎服踞座公望之拱手亦卽下座語多桀
驁然終不害公翌日公爲檄使鄉勇羅思舉持諭其清其清恃
其衆終無降意及三年川督勤保坂王三槐於安樂坪數日不
下策無所出乃復令公赴賊營招撫時公已由南充令縣遷建
昌道嘗孔雀翎矣三槐恃前此出入大營無忌約重質始出
勒公乃令前隨公至賊營之頁在劉星渠及都可某質賊營三
槐遂詣軍門勒公俘殺大捷星渠乘亂衆中逃出都司某被賊

百三槐被誅後他賊首疑憚不敢出故功不時就而賊卒深信
公前後招降川東賊二萬皆遣散歸農然公不惟撫賊有恩其
戰賊亦最力所練鄉勇尤敢死嘗破羅其清冉文壽於方山坪
破三槐於巴州江口轉戰川東數載與合賊大小百十戰斬賊
萬計見奏牘者僅十之二三公入營撫賊出營殺賊往返虎狼
之穴如慈母訓撻嬰兒諱史冊所希有也後行堅壁清野議
上命經略大臣一委公賊卒由是破滅四年魁倫代勒保爲總
督由天元渡嘉陵江大猖獗公稟請防守潼河魁反盡撤沿河
兵勇入城白衛公以大和鎮瀾淺請留黔兵協守魁不許賊果
涉淺西渡反委罪於公劾奪其官

上素知公不之罪也。以其廉介。命總理達州軍餉。達州牧劉

佳琦。詭報河運爲陸運。冒餉巨萬。勒反。奏其與公齊名。川中號

二劉。擢佳琦知府。公先後剿撫州寇。勞烈甚著。事平入覲。

賜御製詩。取民所呼青天者。以爲句。授四川按察使。遷山西布

政使。勤保劾公民社有餘。方面不足。遂左遷刑部員外郎。改山

東鹽運使。時嘉慶十七年也。逾年。教匪李文成踞滑縣。朱成良

陷曹縣。定陶巡撫同興不敢發兵。公力爭。三日始從之。卽以公

將兵。時承平久。兵習晏安。行四五十里。足卽腫。公乃自躡草屨

先之。日行八九十里。士卒皆感叩首。請公騎。誓以死殺賊。賊本

烏合。公身先士卒。衝鋒所向。輒披靡。以官兵五百敗賊於髡山。

復定陶。又敗之於韓家廟。殲二千。賊退保扈家集。公自定陶。攻其東。縱火拔柵。賊突出多死。誅賊首朱成良。王奇。山賊在山東者皆盡。而河南賊自滑縣奔定陶者亦殲於公。十一月賊平。而總兵陳某反。率眾在後。爲公策應。云公之平扈家集也。

上諭曰。劉清年逾六旬。且係文職。能身率士卒。取賊巢。勇敢可嘉。其實布政使銜。尋授雲南布政使。未幾以二品服留山東。逆使任公性坦率。厭苛禮。旣不合於大吏。又不耐簿書錢穀。自奏請改武職。遂授登州鎮總兵。二十一年調曹州鎮。論者謂公以書生而將兵。以循吏而殺賊。以明經陟方面。而改武職。有國士風。本朝漢總督以武起家者。趙公良棟。岳公鍾琪。梁公鼎楊。

公遇春數人耳。公以布政使改官總兵。遇尤奇。道光二年以疾乞休在籍。食全俸。七年卒。上深惜之。賜祭葬如禮。官其孫熾昌爲兵部主事。

傅重庵廉訪事略

傅公諱鼐字重庵浙江山陰人由吏員入貲爲府經歷發雲南以軍功擢甯洱知縣乾隆六十年黔楚苗變大學士雲貴總督福康安公檄調湖南軍營以計擒首逆吳今生功賞花翎以同知直隸州用尋丁母憂經福公奏請留辦善後事宜詔曰可嘉慶元年補鳳凰廳同知廳治鎮尊當苗衝戶口竄亡會大軍移征湖北教匪月給降苗鹽糧銀錫糜之而氛愈惡藉日前川督和琳有苗地歸苗之約遂蔓延三廳地境司事者議盡應其求公知愈撫且愈驕而兵罷難再動也乃日招流亡附郭棲之團其丁壯而徧其要害積十餘礮則堡之年餘犄角漸密苗

妨○出○沒○遂○死○力○攻○阻○公○率○練○勇○東○西○援○救○戰○且○修○其○修○之○之○法○
日○近○其○防○閑○遙○其○聲○勢○邊○牆○以○限○疆○界○哨○臺○以○守○望○礮○臺○以○禦○
敵○堡○以○聚○家○室○礮○卡○以○守○以○戰○以○遏○出○以○截○歸○築○或○以○石○或○以○
土○或○外○石○中○土○留○孔○以○鎗○擗○濠○以○拒○又○日○申○誠○其○民○日○勉○爲○之○
是○有○三○利○矢○不○入○火○不○焚○盜○不○踰○有○三○便○族○聚○故○心○固○扼○要○故○
數○數○倚○角○故○勢○強○民○競○以○勸○首○者○皆○作○三○年○耿○苗○大○出○於○掠○下○
五○崗○大○吏○將○以○間○邊○隙○罪○公○會○四○年○鎮○寧○黑○苗○吳○陳○受○糾○眾○數○
千○犯○邊○於○是○有○苗○畝○何○嘗○底○定○之○
旨○責○巡○撫○姜○晟○嚴○捕○首○逆○
公立○禽○之○
賞○加○知○府○銜○俸○是○年○礮○堡○成○明○年○邊○牆○百○餘○里○亦○
竣○每○哨○臺○舉○銃○角○則○知○有○警○婦○女○牲○畜○立○歸○堡○還○數○十○里○戒○嚴○

於是守固矣。可以戰時鎮。竄左右營黑苗最患邊。適踞金塘苗固。乏食出掠瀘溪。卽夜三路擣其巢。仍伏兵要路。痛殲之。苗始奪氣。六年而貴州變起。蓋湖南環苗。東南北三面七百餘里。其西面二百餘里接貴州。尙未設備。故石峴苗復思狡逞。煽動十四寨。并糾合楚苗叛。公以鄉勇千五百馳赴銅仁。而黔撫伊桑阿至。叱其越境要功。遂以招撫戡定。奏回貴陽。時首逆鎗械皆未繳。各寨方沸然。邊民赴愬雲貴總督琅玕。琅公至。急檄公會剿。三日盡破諸寨。其破崖屯溝也。前兩路賊皆壘石守。公使黔兵攻其前。而自領鄉勇夜探山後。徑蹂升而上。犁旦遂連破五巢。其破上下潮也。萬山一峽苗以死守。乃夜分兵左右圍之。而

親督勇黎明攻峽及晡礮破之分兵火其寨前後殲苗二千有奇。傲湖南法建碉堡守之。而伊桑阿冒功誤邊罪。爲新撫初公彭齡劾奏伏法。是年十一月湖廣總督吳公熊光奏加公道銜。俾得統轄廳營總理邊務。優詔俞行。並命命以苗疊道員用。七年丁父憂。巡撫高杞奏留原任。許之。始公建議遷永綏城於花園。副將營於茶洞。而貴州方藉永綏聲援。重其移。公力言諸大府。至是詔琅公查奏。公再赴銅仁面陳。永綏孤懸苗巢形釜底。有二難三可慮。并請移湖南守備於貴州邊境。螺螄堡助彈壓。琅公乃奏移駐。是七年九月遂移之。旣而羣苗率眾來爭。公以鄉勇數百深入。忽遠近苗大集。環之數重。公以奇計突圍。

出苗不敢逼尋議繳鎗械以摧其身距其抗命者遂有永綏生
苗鳳凰黑苗之剿矣初永綏以廳城掣肘未能深入其巢首逆
石宗四等抗繳鎗械并阻丈田土復糾黨數千來犯而是時廳
已移出且分駐形勢地又得貴州螺螄堡可駐兵遂親率兵勇
三千敗之秀都河連燔六寨追至陽孟岡夜五鼓萬苗突至跌
起揮兵禦之時雨霰雜下我軍人自爲戰鏖鬪至山後殪賊二
千有奇生擒石宗四得旨優敘是役也賊起事卽戕良苗故
公得驅策苗兵深入轉戰月餘破寨十六獲鎗械數千餘寨皆
乞降永綏苗一舉平其黔苗未繳械者咸震壘無敢抗時嘉慶
十一年也公治苗專用沈希儀鵬剿法大小百戰殲苗萬計追

出良民五千口良苗千餘口而所用不過鄉兵數千則訓練之力也大抵苗畧用兵異他處穹山峭壁苗人驀越如平地一長也地不可容大眾其進無部伍行列退則鳥獸散密箐中伏賊忽起從暗擊明難猝防二長也銃銳且長隨山起伏多命中惟腰繩藥無重衣裝三長也公因苗地用苗技先囊沙輕走以習步兼習藤牌閃躍法狹路則短兵制之每戰還必嚴汰數年始得精兵千號飛隊優養勤練而嚴節制之行山澗風雨而行列不亂遺賫道士無反顧者共甘苦若妻孥哭陣亡若子弟報公憤若私仇是以能致死如一先是嘉慶元年平苗善後案內奏明將查出逆苗叛產分給無業窮苗佃種其時並未查晰多被

強苗侵霸及公剿辦石宗四查出侵占田地千餘畝其餘侵占尤多公逐一清釐照叛產歸公例另佃良苗耕種於是寨苗聞風震驚各願返所侵占地計永綏境內繳出萬餘畝乾州鳳凰保靖等處亦紛紛呈繳公請收作屯田分佃良苗納歲租充餉又請於撤防後挑留苗兵駐守卽以屯糧贍之巡撫阿林保公疏聞得旨俞允積久制益密田益闢則又墾沿邊隙地二萬畝曰官墾田贖苗質民田萬餘畝曰官贖田以廩屯官授屯長給老幼丁籌補助備犒賞暨歲修城堡神祠學校育嬰堂養濟院諸費百務並舉而苗古田三萬五千餘畝亦以兵勒出其苗弁復自獻七千餘畝爲經費以苗養苗卽以苗制苗於五年陳

屯政三十四事十年陳經久入事十二年復陳未盡七事大要
使兵農爲一以相衛使民苗爲二以相安故約官與兵民曰毋
擅入苗寨毋擅役苗夫約苗曰毋巫鬼椎牛羣飲以靡財毋挾
鎗矛尋雠咀釀衅又以詩書禮讓化其犷獷之氣請將乾鳳永
保四廳縣編立邊字號廣鄉試中額一名苗生編立田字號外
加中額一名苗益感奮有旨擢辰沅永靖兵備道十三年春
入覲詔曰傅鼐任苗畧十餘年鉏耨安良興利除弊建碉堡
千有餘所屯田十二萬餘畝收卹難民十餘萬戶練屯兵八千
人收繳苗寨兵器四萬餘件又多方化導設書院六義學百近
日苗民駸駸向學籲求考試革面革心朕久聞其任勞任怨不

顧身家。悉心籌畫。本日召見。果安詳諳練。明白誠實。洵屬傑出之才。堪爲巖疆保障。其卽加按察使銜。用風有位。十四年擢湖南按察使。以苗弁兵民籲留。命每秋一赴苗疆。慰邊人思。公之在苗疆也。日不暇給。設木匭於門。訴者投牒。其中夜出閱之。黎明起視事。剖決立盡。兵民白事。許直至榻前。及爲按察使。一如同知時。下無壅滯。情故事無不舉。十五年兼署布政使。十六年復入覲。

天子將擢公巡撫。以大福湖南民。而六月卒官。年五十四。事聞。優詔悼憫。贈巡撫銜。照巡撫例賜卹。嗣子端弼甫四齡。詔巡撫景安派員護送靈柩。到籍後著蔣攸銑一體照料。派大員

賜祭一次。用示軫念。盡臣優獎勲勞至意。公權奇有才武。躬親行陣。出入矢石間。所設施務爲經久計。不撓旁議。苗人聞其卒哭聲。震郊野。尋敕祀湖南名宦。苗畹並建專祠。

潘文恭公事略

古今儒臣備五福者眾矣。然率有闕而未全之處。若夫名魁天下。位極人臣。直樞廷。幾三十年。賞花翎。紫緡。黃馬褂。生加太傅。享遐齡。兩蒙賜壽。溫旨。予告。食全俸。優游京邸者四年。弱冠登第。後乞假歸。娶晚年。重赴鹿鳴。瓊林恩宴。子若孫科第踵武。當再宴瓊林之歲。孫以一甲第三人。賜及第。身後崇祀賢良祠。極人爵之榮。無微弗備。本朝二百餘年來。未有如吳縣潘文恭公者也。公諱世恩。字芝軒。乾隆五十八年一甲一名進士。授修撰。嘉慶二年大考一等。遷侍讀。再遷庶子。明年遷侍講學士。轉侍讀學士。晉少詹事。詹事再晉內閣學士。六年擢

禮部左侍郎明年調兵部右侍郎兼署戶部左侍郎九年轉兵部左侍郎仍兼署戶部尋調戶部左右侍郎十三年署戶部刑部左右侍郎明年復署刑部右侍郎十五年兩署戶部侍郎十七年遷工部尚書明年調戶部仍署吏工二部尚書十九年復署吏部母憂歸二十一年以父年高乞終養會其子登鄉舉具疏謝恩坐末親赴京師陳謝降侍郎道光四年丁父憂七年五月補戶部左侍郎晉左都御史署吏禮二部尚書九年復署禮部尚書十年遷工部尚書兼署左都御史明年轉禮部尚書又明年兩署工部尚書十三年超授體仁閣大學士管轄戶部二部事明年命充軍機大臣又明年改東閣大學士管理戶

工二部事十七年加太子太保明年改武英殿大學士二十八年加太傅此公歷官階級也嘉慶四年分校禮部試尋督雲南學政九年典試浙江尋督浙江學政十三年充順天副考官明年提督江西學政道光八年典武會試十二年典會試十六年再典會試十九年典順天鄉試二十年三典會試二十七年四典會試前後充朝考閱卷官者七殿試讀卷官者六考試試差閱卷大臣者十散館閱卷大臣者二大考閱卷大臣者一此公歷典文衡也署日講起居注官一充日講起居注官二充咸安宮總裁一武英殿總裁一國史總裁三四庫館文穎館總裁各一教習庶吉士五署翰林院掌院學士四充掌院學士一經筵

講官二文淵閣領閣事一稽察欽奉 上諭事作處一上書房

總師傅一

上謁

祖陵 命雷京辦事者二 命查三庫者二此公歷任差使也

督學雲南時奉

仁宗手敕。少年得晉崇階。又係鼎甲。前程遠大。勿貪小利。勉之。

嘉慶九年正月

上御重華宮小宴恭和

御製詩。

賞如意荷囊諸珍物。自是

以爲常。二月

駕幸翰林院

賜宴聯句恭和

御製詩。頒味

餘書室全集及諸珍綺

賜之。督學浙江時奉

手敕。實心勉

力整頓士習。汝係大員，不應緘默。而浙吏治民風及洋匪情形，可隨時密奏。乞養時奉手敕，忠孝二字不可歧視。知所先後，則近道矣。道光八年回疆平，命與凱旋筵宴。賜紫禁城騎馬，賜第圓明園。四次京察，諭稱其克勤克敬，矢慎矢公。均下所司，優敘。十八年十二月七十生辰，賜御書熙載延祺額。卿亮宣猷，襄密勿靖，共介福錫康疆。聯句並賞戴孔雀翎入謝時。

宣宗手賜玉管花翎。詔此後御門辦事，加恩免其入班，并免其帶領引見。尋命在紫禁城乘輿進內時，賜內監二人扶掖。二十六年，賞穿黃馬褂。二十八年元旦，特旨晉太傅行。

並賞用紫纒及八十生辰復賜御書壽字賜額曰三朝

耆碩賜聯曰望重三公資燮理祥開八黼衍期頤及上珍文

綺有加並賜其孫祖蔭爲舉人二十九年五次因病乞假均

溫詔慰留明年三月具疏乞休許致仕仍食全俸咸豐二年重

與鹿鳴筵宴詔賞其子太常世一潘曾瑋爲員外郎三年重

與恩榮宴

文宗手書瓊林人瑞額先斯頒賜並賞其孫祖同爲舉人

是歲祖蔭成進士授編修科名盛事海內榮之明年四月公薨

上震悼諭稱其立品端方學問醇正賞陀羅經被派怡親

王載垣領侍衛十人往奠爵並入賢良祠其孫國子監學錄祀

同。賞進士許一體殿試編修祖蔭以待讀候補監生祖保
賞舉人尋賜祭葬。予諡文恭。此公歷承恩遇也。道光庚
子御史駱公秉章條陳洋務下與督林公則徐等議覆林公奏
籌章程五則。詔公等議奏。尋疏言所議章程或變通舊例或
循守成規。應如所請行之。以實持之以恆。庶夷情悅服而海防
可以肅清。總之招來之道得其情而後可以服其心。制馭之方
峻其防而後可以祛其弊。未有內治不嚴而能使外夷畏威奉
法者也。


上覽其言。甲辰二月公奏請查墾甘肅新置等處地畝。以裕邊
儲。疏言近據伊犁將軍奏報開墾荒地四十三萬畝。有奇。安戶

升科已著成效其甘肅名州縣及烏魯木齊所屬地方遼闊曠
士必多請 敕陝甘總督及烏魯木齊都統籌畫水利遴員勸
墾升科以本地自然之利供本處應用之需既可減調餉銀更
可節省採買並以額徵所餘津貼入旗支款實爲經久有益之
舉如所請行庚戌三月
文宗登極求賢公應 詔首舉前任雲貴總督林公則徐歷任
封疆有體有用所居民樂所去民思請 徵召來京備用並舉
前任臺灣道姚君瑩等皆一時人望此公建白之大端也公自
入樞廷後造膝所陳多不形諸章疏雖子弟不獲聞故可述者
止此惟


上知之深倚之最切。

宣宗嘗手諭云。潘世恩精勤襄贊一德一心。夙夜在公。勤勞備至。朕實難以言喻。烏虋是可以想見其大凡矣。相傳封翁好施多隱德。嘗夜坐。聞仙樂鏗鉤。有旌幢羽葆自空下。遂生公。其時蔡學士之定。亦夢有神人送一童子東下。麾從甚盛。有告者曰。此吳縣潘某也。將來與君同年。時蔡已鄉薦。後二十餘年。竟與公同舉。禮部云。公壽八十有六。著有思補堂集。子曾瑩。辛丑進士。由編修官吏部侍郎。曾綬舉人。官內閣侍讀。曾璋。刑部員外郎。孫祖蔭。現官禮部侍郎。

國朝文獻卷之三十三







國朝先正事略卷之二十四 名臣

平江李元度次青纂

趙文恪公事略

公諱慎軫字遵路號笛樓湖南武陵人乾隆己酉拔貢學使錢南園先生器之曰人英也嘉慶元年成進士選庶吉士授編修庚申辛酉兩校順天試改御史奏川楚善後事宜

上偉之十年分校會試巡通州漕革陋規奏糧艘起撥事發諸積弊轉給事中十二年充江南副考官母憂歸服除補原官湖南學政某以矜懷失士心欲附公自固列公諸子優等公仍奏劾之遂遣戍十七年授惠潮嘉道宣教化清獄訟優禮諸生海

據警甯民械鬪陽掠聚眾久官不能治公馳往捕誅之沿海民多竄居藏匪銷賊公悉編入保甲毀其棚寮水陸獲盜無數十九年遷廣西按察使慶遠莠民藍耀青假天地會結眾歛錢有廖五桂者苦其侵暴思結龍虎會敵之揭帖中有平治大元帥及令地方助餉語以恐嚇材民事發布政使請往將大其事公不可自往按治誅耀青及五桂脅從皆杖釋之自守免罪民大安復爲條約諭民間廣種植浚陂塘嚴守望堵巖崗摘律例中易犯者五十餘事刊示之廣東洋匪投誠後漸入廣西爲盜水陸設巡船俾商民停泊有定所衛之以兵行守令以捕盜多寡定舉劾增州縣解送囚徒路費明年遷廣東布政使故事州縣

解銀及領銀皆有規費公革之名至司庫貯銀四百萬逾年乃
五百三十萬南海桑園圍石堤九千五百丈有奇里民屢修屢
決公上言民力已困請以司庫沙坦花息及糧道庫息銀八萬
發商取息爲歲修資東省屯田五千三百餘頃賦重累民公請
減屯糧額數而酌加科則極輕之沙坦六千餘頃以抵之督撫
如議奏行又以粵俗奢靡刻行陳文恭從政訓俗二種遺規躬
節儉以示勸連山縣城工銀以裁縣故未入奏銷公指廉償之
或曰子產之與可勝濟乎公曰濟所可濟不能盡亦不能恕也
二十三年擢廣西巡撫至則以農田水利爲急諭守令平疇修
陂塘設龍骨車以挽水山田開蔭井設井筒架作式使民倣之

粵西地接黔楚盜出沒其間飭屬查保甲置望樓練民壯互相守望縣建卡房數十座府各以官會營巡緝柳州至省會千餘里增設水汛四十三所每卡設哨船有盜則卡船舉礮各團丁登望樓咸出堵擒終公任獲盜千七百餘人公以外盜十居七八乃稽察客民立客長籍之單身流蕩者爲游民查籍遞回山僻草寮盡毀礦廠窯格傭丁皆立冊有保者畱否則逐刊爲省例又動支司庫養廉空缺銀爲營汛工程之用西撫歲支養廉銀萬兩又稽潯二關例得動用羨餘公歎曰吾家衣食麤足身爲大臣復取盈焉將安用之當爲聖子廣布仁澤耳乃剝預備倉捐銀萬二千令桂林府買穀積

。以千金發典肆生息。為歲修費。愛日書院久廢。修復之。復建培風書院。課民間童子。柳州思恩慶遠三府縣向無書院。公斥銀二千。倡捐興建。於是象州羅城天河武緣雜容興業等縣皆應之。道光二年入覲。成皇帝諭曰。鄉誠實不欺。故

皇考簡用以貽朕其益。勉之。公頓首泣謝。八月除閩浙總督。公治軍嚴重。申條約。徧頒諸鎮營汛。身自考較。備升無虛日。參將某驕蹇。浙江提督某玩洋務。皆奏劾之。手札司道諸鎮密令陳所屬文武優劣。驗之以事。信賞必罰。故所用皆得人。上游四府地僻山深。漳泉江廣人多。租山立廠為業。凡十餘萬人。游民混

跡其閒於是會匪擔匪丐匪羣聚爲害公令各鄉就地勢聯絡
立鄉總盜至鳴鈺逐捕加增緝捕經費遣官弁按山著名匪首
皆就獲浙洋商艘報劫公旣嚴責水師復與兩撫議立海口漁
船出入章程水陸合捕所部晏然福州閩安鎮外有琅琦島居
民二千戶多爲奸利濟匪公訪聞擒治移駐水師建礮臺望樓
會垣門戶益重漳泉械鬪風未已刊故訓導謝金鑾治法論頒
守令行之漳州守周鎬賢吏也以老乞去公手書勉爾令署汀
漳龍道尤以臺灣爲慮盡選賢能以往未幾鳳山民楊良斌作
亂巡道孔昭雯知府孔傳穰不一月平之噶瑪蘭民入山伐木
歲供道毀軍工船料匠首苛斂無已山匠林泳春因而爲變公

檄鎮將捕誅之。仍博採輿論。更定採料章程。蘭人乃服。臺灣十三營。戍兵萬四千。皆自內地。五十三營。更替例由廈門提督點驗。分汛其歸也。亦如之。遠者相距三千里。兵弁苦之。公變通舊制。令水陸二提督及福州城守分途點驗。戍兵之困以蘇。臺本產穀地。福漳泉三府民食仰之。商運歲常百萬。江浙天津亦至焉。臺人不知蓋藏。又生齒日繁。歲稍歉。米貴輒思爲亂。公令稽出日米船月報實數。酌年豐歉。定限制。俾民間常留餘三年夏。浙江水災。公奏請賑卹。復捐俸倡勸紳商。得穀六千。米一萬七。百銀七十萬五千。展賑限全活無算。凡就食流民。令所至州縣詢男婦名數。給滾單撫卹。是秋浙中米踊貴。閩撫欲運倉穀。

往濟公以臺灣歲豐乃奏弛海禁招商販臺米濟浙浙足而閩
倉如故閩鹽不銷官商積困公奏減南靖長泰二縣額引撥入
臺灣府屬并停徵商欠官民便之四年奏請以明儒黃忠端公
道周從祀文廟東廡位列羅文莊公之次故訓導德官謝金鑾
教授德化鄭兼才有學行敦崇名節公敬異之令舉祀鄉賢五
年調雲貴總督貴州彌望皆童山近歲大吏勸民種糧樹放鴛
收繭織紉甚有利而守令或以爲迂公察所屬多未行于教勸
之且捐給工本抵滇南壹番以撫靖邊夷整飭銅鹽爲務旣陳
銅鹽積弊又以防邊之策無逾屯田日與滇撫考地圖訪形勢
經營正

五月一日薨於位年六十五有

詔優卹

贈太子太保證文

恪。賜祭葬如例。公少孤。從舅氏王春塾遊。教以勵行。克已後。
益博覽儒先格言。凡有益身心。可致用者。皆潛心體驗。聞儕輩。
中嘉言善行。則惕然不自已。通籍後。致力猶勤。爲日記。至易簪。
乃已。灼知州縣之困。體卹甚至。而不可干。以私見屬吏。自道府。
以下。墾切訓誡。如師弟子。是非賢否。喜怒不藏。日吾於人。無私愛。
憎。何必使妄相揣測。耶。有所詰責。其人能以理自申。必賞異之。
卒從所請。遇事關民生疾苦。國家憂樂者。思之輒竟。少不寐。必。
得當。乃已。督滇黔時。病已亟。猶疏劾貪墨吏數十人。閱日屬續。
代者發急遞。追回滇人。皆痛惜之。公嘗顏其室曰。省吾年位逾。

進功益密。好善嫉惡。乃益真且嚴。昆明錢公所謂人英者。公真無愧也已。著奏議八卷。從政錄八卷。載筆錄四卷。榆巢雜識二卷。省僑室續筆一卷。讀書日記四卷。惜日筆二十卷。詩文集六卷。

湯文端公事略

公諱金釗字敦甫一字勗茲姓湯氏先世自浙江青田遷蕭山公生而端靖寡言笑四歲患痘幾不良於行家世服賈公獨奮於學乾隆五十九年舉省試第一嘉慶四年進士選庶吉士授編修朝貴爭羅致之謝不往而時時徒步徒大興朱文正公遊請業督過如古聖賢相爲師友十三年入直上書房母憂服闋遷侍講視學湖南累遷祭酒詹事內閣學士二十一年仍直上書房典試江南遂督江蘇學政仁宗手勅曰江蘇士子不患無才但須植德其勉力訓誨務得真才以佐國政公敬謹宣諭令多士咸喻

聖意尋遷禮部右侍郎江陰有會匪煽惑鄉民以修善獲福爲說公著福善辨曉之錄稟奏聞諭嘉其簡明透徹任滿命

仍在上書房行走二十五年七月

仁宗升遐召公赴熱河襄理喪儀轉吏部左侍郎充經筵講

官初

宣宗在潛邸尤敬禮公公之典試江南也

宣宗及諸皇子皆賦詩贈行公內剛外訥師道自處意所不

可輒變色不寘對雖大廷亦如此以是見憚然亦浸嚮用公時

尙書英和公以州縣陋規日盛奏請分別查明以定限制公奏

言陋規皆出於民州縣猶未敢公然苛索恐上知之而治以罪

也。今若明定章程，卽爲例所應得勢，必明自張膽，求多於額例之外。雖有嚴旨，不能禁矣。況名自碎雜，所在不同。逐糧察轉，滋紛擾殆，非區區立法所能限制也。時總督孫公玉庭、蔣公攸銓、尙書江公廷珍，俱先後奏阻。公疏入。上手諭曰：「朝有諍臣，連章人告，使朕胸中黑白分明，無傷於政體。朕不勝欣悅之至。」下所司議敘。道光元年，兼戶部侍郎。時孫公玉庭以南漕浮收不能盡去，議請八折收漕。公又爭之曰：「康熙中奉有永不加賦之明詔，此大清億萬年培養國脈之至計也。前有議加徵耗米及公費銀者，均經戶部以事近加賦議駁。今准其略爲浮收，則不肖者益無顧來而浮收，且十倍於

往日雖告以收逾八折卽予嚴參而前此逾額者何嘗不干嚴
謹卒不開爲之減少獨於新定之額恪遵而不敢踰無是理也
在督撫奏定之後不慮控告浮收在州縣縱有發覺又將巧脫
其罪是限制仍同虛設徒爲盛朝開加賦之端臣竊惜之疏
入事遂寢明年調戶部右侍郎憂歸起復署禮工二部侍郎兼
倉場侍郎仍命在士書房行走授皇長子讀遂自戶部左
侍郎遷左都御史是時宣宗在位久熟於情僞自京師以及十
九布政使司良風吏治之醕雜莫不周知凡細民含冤負釁嘯
號而赴闕者上必立遣重臣馳傳周慰窮治以申枉鋤強而公
以公廉強直

○ ○ ○ ○ ○
屢蒙委任。自七年九月奉使山西。明年使宣化。十月使四川。明年四月還至袁城。復奉命循漢江而東。治獄於武昌。六月抵京師。十月奉使閩中。又明年二月便道還家。上冢前後三四年。過迴萬里。輶舘所屆。虛衷約已。務達下情。而宣上德。上嘉公勤勞。每奉使還。遷資有加。其使山西也。擢禮部尚書。使宣化還。賞紫禁城騎馬。自川楚歸。充上書房總師。傳使閩還。拜吏部尚書。兼戶部尚書。充經筵講官。而公亦以南北馳征久。虛輔導屬。皇長子邁疾。聖心憂軫。陷公者。因巧肆機牙。以激上怒。於是有降補侍郎之命。重賴。

天子神聖亮公樸誠不旋踵眷公如初而公信道篤白守堅雖獲譴謫而當

天心覺悟後猶必從容奏對以畢申其說而

上亦不以芥蒂信乎古明良一德有出於尋常萬萬者而人亦罕得而知也公既降補之二年復自左都御史拜工部尙書轉吏部尙書十四年復兼工部先是御史許球劾陝撫楊名鸞諸溺職狀詔公往鞠審擬有差矣而言事諸臣必欲傳治重罪至謂公有所徇縱或堪羣語以謂名鸞嘗致厚贖於粵撫梁章鉅因以得款曲於公將興大獄撼公於是八方川陝入川清查西川各屬軍需出入及長吏貪擅不法事有旨命回奏公歎

曰吾豈可避嫌而勅法哉於是條上諸言可信與不可信者折衷平允累萬言疏入

上手勅報曰事若秉公問心無愧何恤人言尋命公暫以尙

書權陝西巡撫事公之治川陝獄也署按察使李廷錫涪州牧

楊士容江津令郭彬圖皆公門干士並累吏議公當官而行無

所避就人稱其平十七年春考績得旨湯金釗品學醑正奉

使公明其交部議敘蓋

上益洞鑒公之志行矣是年冬奉使勘獄張家口改歲勘獄太

原五月命以戶部尙書協辦大學士尋調吏部尙書會安徽鳳

陽府議生童關於官府事聞命公偕侍郎吳公文銘往讞既

而按事皖南及浙江還至江甯淮安稽察河漕諸利弊御史蔡家珩以河工賠項處分過寬劾公徇私錯謬公於途次遵旨回奏家珩復疏訐諭兩責之名鐫二秩畱任尋偕宗令肅親王敬敏等奏議鴉片烟吸食興販及官吏失察胥役賄縱商船窩藏關津偷漏棍徒冒充官人奸民栽贓誣陷各罪名三十九條得旨允行當是時中外又安朝廷無事明年夷禍首發於廣東不得逞則東陷定海南踞廈門北至於天津沿海騷動天子以爲海島遠夷蛟螭蜃蛤之性不足與計是并且以中國方制數萬里豈屑與區區醜虜爭一旦之命於不測之淵旣而事連不可解在事諸臣無能折衝禦侮以紓宵旰憂而政府獨

右之遂歸咎於首任置事之督臣以轉圜而收敗一日
土坐便殿從容問公以廣東事可付託者何人公以林文忠對
上拂之公爭益力坐是失
上旨而公亦不安於位矣始公嘗派部郎陳起詩倉差起詩以
見有差使呈請改派至是起詩聞復保送乃赴部計控延議坐
起詩規避奪職公亦坐錯謬鐫四級調用三十一年授光祿卿
公以衰老乞骸骨並自陳家無室宇乞畱京得俞旨賞二
品頂戴二十九年

孝和睿皇后升遐

上居苦次公具疏叩

安

賞頭品頂戴公最厯三朝周厯

國朝先王事畧

卷二十四

名臣

十

五部侍郎再長風憲歷吏戶禮工四部尙書典江南鄉試者三
順天鄉試者一提督學政者再總裁會試者再總裁武會試者
一知貢舉者一署掌院學士者三教習庶吉士者三命開京
辦事者四奉命釋奠文廟者三其他朝者殿試與較閱者
不可勝數自官翰林時布被脫粟後嘗不便過之其學以治經
爲務主敬爲本自明季姚江之學盛行本朝諸儒矯之遂成
水火公不立門戶不爭異同大約本明道敬義夾持而兼有取
於良知卽慎獨之說以刻意勵行爲宗督學時重刻彭南明先
生儒門法語以訓士性尤篤孝蒸蒸爲孺子慕當辛巳假歸時
公年已五十贈公猶命同牀臥起曰吾以爲十歲兒也其當官

廉而不峻。察而不徼。務在安靜。持大體。嘗按試海州。大風發屋瓦。多土。恟。愬公移坐號舍間。神色自若。其長諫垣也。有探邪教者。株連甚衆。公察其妄。卽攜狀歸。而以誤燬於火告同官。事竟。想其鎮定。皆類此。公去位。凡十有五載。雖閉戶。卻掃。每遇朝。廷立一法。用一人。喜戚見於辭色。

宣宗季年。恩眷彌篤。對廷臣垂問再四。公子寬出守鳳翔。陳謝曰。召問公病體增減。起居服食甚悉。

文宗御極之四年。重赴鹿鳴筵。加太子太保銜。並頒給御書扁額。兩朝篤禮之盛。罕有倫比。自七十五歲後。每日晨起。鈔經二百字。十三經皆徧。日讀通鑑周易終其身。寢疾之四日。

值太夫人忌辰。猶肅衣冠。強起行禮。以咸豐六年四月十九日薨。年八十有四。遺疏入。

上軫恤。

諭稱公立品端方學問醇正。卽日

遣大臣率侍衛

往奠。照尙書例議卹。

賜祭葬如例。

予諡文端。著有寸心知

室存橐子二長寬。由蔭生官知府。先公卒。次修。己亥舉人。官通政司副使。

姚文億公事略

公諱文田字秋農浙江歸安人年十六入湖州府學乾隆五十四年舉於鄉五十九年獻賦天津行在召試第一授內閣中書嘉慶四年入直軍機處是科成進士殿試以一甲第一人賜及第授修撰明年典廣東鄉試又明年典福建鄉試尋提督廣東學政十二年典試山東十五年提督河南學政十八年奉命入直南書房二十二年充會試副考官二十四年提督江蘇學政道光五年充順天鄉試副考官公裕學職負人倫鑑屢典文衡皆得士任督學時革除陋例斥偽體拔真才士習蒸蒸丕變由修撰四遷至內閣學士歷戶工兵三部侍郎擢禮部尙書

以學行受。兩朝特達之知。不由推輓。游陟正卿。持已方嚴。而
涖官勤以慎。百數十年來。學者盛談考據。往往尊漢儒。詆宋儒。
其弊流爲瑣碎穿鑿。公獨持議。謂三代以上。其道皆本堯舜得
孔孟氏。而明三代以下。其道皆本孔孟。得程朱氏。而傳自五季。
以後。人道不至陵夷者。宋諸儒之力也。至其所著之書。名物象
數。豈遂無一誤。然文字小差。漢唐先儒亦多有之。未足爲詬病。
嘗作宋儒論。以詔學者。馬虬足可以見公所學之正矣。然公於
漢學。未嘗不究心也。生平傳經羣籍。未嘗一日去書。不觀所著
易原。春秋月日表。說文聲系。說文考異。諸書皆入許鄭之室。同
時言漢學者。未能或之先焉。尤留意天文占驗法。嘉慶十八年。

林清之變未起。彗橫人紫微垣。道光初。彗見南斗下。主外夷兵。事公皆先事言之。人服其精識。蒞部務。通達治體。不爲激亢之行。議論尤平易。近人所爲奏議。多切中時弊。其言曰。督撫藩臬。迎新送舊。如衙門之整理。館舍之儲待。無論其爲本營官。卽例以主客情誼。亦不能盡廢。履任後。所屬吏紛紛晉謁。事又必不可已。在大吏自以爲秋毫不擾。而不知耗費固已多矣。且大吏抵任之始。諸務未能周知。迨蒞事稍久。然後人才之賢否。以明風俗之醇澆。以辨方將稍有設施。而瓜代者已至。更有更事未深之人。纔一蒞事。動議更張。據人言爲舉劾。以此博振作之名。不知地方情形。屬吏賢否。均未諳悉。見爲利而弊已隨其後。見

爲是而不自知其非。故不如久於其任。次第圖之。之爲得也。又曰。自古圖治之要。惟以任人爲本。近日利條過於煩密。如某州縣得一循吏。忽有四參被議之案。不能不罷斥。又如地號難治。非得人不能勝任。然才優者或有處分合例者。才僅下中亦不能不俾之受事。是爲吏議所格。而吏治皆不得人。宜稍爲變計者也。又曰。自數年來。開上控之端。於是刁民好逞其奸。彼見獄詞可以聳聽。則多牽引其所不快者。以陷害之。胥吏惟利是圖。則又多方株連。以困抗之。衣食粗足之家。一經官訟。連染雖立見昭雪。而資產已蕩然矣。彼所控訐。不過一人。而牽涉常至十數。受丁胥之魚肉。往往道弊而瘦死。雖處原告之人。以極刑於

被誣者何補推。國家慎刑之意亦曰恐有冤抑耳。然一案未結而事外之被累者相踵。是一冤未雪而合冤者且數十人也。又疏陳漕務情形曰。乾隆三十年以前。無所謂浮收。事事是時。無物不賤。官民皆裕。其後生齒愈繁。用度日絀。於是諸弊漸生。然在州縣亦有不能不爾者。所得廉俸。公項斷不敷用。自開倉至兌運。其修理倉廩。葦席木板。及幕友家人書役修飯工食費。已不貲。加以運丁需索津貼。日甚一日。至其署中大小公事動。須出錢料理。又加辦一擬徒之犯。自初詳至結案。約費百數十金。案愈巨。則費愈多。復有遞解人犯。運送餉鞘等事。所在需費。為州縣吏者。以為他弊一破。其獲咎且愈重。不若浮收。尚為上。

下皆知其藉此以肥身家者不能保其必無要之不得已而爲此者蓋亦不少臣見近日言事者動稱不肖州縣竊思州縣亦人耳何至一行作吏便行同苟賤此又州縣不能上達之實情也諸疏多蒙嘉納海內爭傳誦焉公薨於七年十月年七十遺疏上

宣宗軫悼

優旨

賜卹

賜祭葬諡文僖著有遂雅堂文集

盧敏肅公事略

公諱坤字靜之號厚山直隸涿州人嘉慶己未進士選庶吉士
改兵部主事累遷郎中隨圍木蘭校步射賞戴花翎擢湖南
糧儲道調廣東山東兵備道皆在

仁宗朝

咸皇帝御極山湖北按察使遷甘肅布政使擢授廣西巡撫調
陝西巡撫時教匪戡定後議者謂南山老林易藪奸不宜墾公
謂此地漢唐皆開闢金元始荒廢歷舉漢書蜀志唐書宋史證
之且舉漢李翕郿閣頌爲據遂加墾治至今賴焉在陝丁大母
憂小祥後會回疆有軍務特旨以行衣陞見馳驛往甘肅會

總督辦理轉餉事宜。時逆回張格爾據四城精銳屯喀什噶爾。滿漢官兵三萬七千有奇。會於阿克蘇。轉烏魯木齊糧濟之。公上議曰。烏魯木齊距阿克蘇三十二站。官兵以五萬餘人計。日需糧五百石有奇。每站須置駝五百有奇。共需駝萬有六千。關內外臺站。又需駝一萬有奇。烏魯木齊雇駝七千。尙缺二萬餘。請刻期購撥出關。其內地之銀餉軍火器誠。卽以此駝運。又請以伊犁糧由冰嶺運阿克蘇。又議兵馬過沙漠。加給草豆。添設民夫。酌給羊茶諸事。凡十一條。皆報可。大兵自進剿至凱旋。其用帑銀千一百餘萬。轉輸不竭。無虛糜公之功也。服闋補山東巡撫。以回疆平。加太子少保。賞頭品頂戴。調山西廣東江蘇。

巡撫遷湖廣總督道光十二年湖南逆獠趙金龍作亂公親往督師密陳湖北提督羅公思舉能辦賊時湖南提督海陵阿已在甯遠之下壇被獠誘戕副將游擊等皆戰歿新田縣知縣王鼎銘死之桂陽常甯諸土獠應賊起眾號數萬官兵未設糧臺而所調常德水師荊州滿騎皆不習山戰公至始奏罷之而改調鎮筸苗疆兵又以衡州水陸咽喉而常甯屏蔽衡郡當賊衝祁陽又人衡永捷徑且糧餉後路皆派兵勇防禦餘合堅壁清野檄將弁分路防堵迨湖南湖北兵大集貴州提督余步雲雲南副將會勝皆率兵來助剿距賊巢十餘里曾大雷雨我兵乘勢進剿賊悉眾抗拒於洋泉街其地爲入山水口有溪通舟楫

市長數里民去賊守公以賊偏歸一路且失其翻山長技密檄各路兵進偪合圍於是羅公思舉等晝夜督將弁立泥淖中仰擲火彈火弩延燒民舍數十戶弊賊數千賊黨趙立鳳乞降佯許之攻益急生擒其子女及頭目數百人金龍易服乘間遁爲我兵所殺獲其尸及劍印木偶餘賊先後就殲

上嘉獎。賞戴雙眼花翎世襲一等輕車都尉在事文武晉秩有差方捷書之未上也。

上命戶部尙書禧恩盛京將軍瑚松額來視師未至軍先三日奏捷會廣東逆獠趙仔青糾眾數千人楚界聲言爲趙金龍復仇公卽與欽使率提督余步雲總兵曾勝移師剿辦敗賊於

濠江又敗之於銀江擒俘青。至衡州磔於市時廣西逆獠盤均
華亦起事官兵殲之芳林渡均華爲楚界防兵所執宣之法而
廣東連山黃瓜寨排獠復煽亂官兵初失利。欽使奉命率
曾勝往剿平之。

上逮治粵督李鴻賓而調公總督兩廣。命辦善後事宜時獠
匪新定公編查戶口設獠長獠目漢民村寨設練總改殺獠同
知爲遺要缺牧職佐雜改邊俸皆報可。未幾越南奸民陳加海
與內地游民馮生丁等在夷洋狗頭山嘯聚偷入內洋公遣官
兵擊沈其入船餘寇悉平西洋峽咭喇來粵貿易夷目嘒嘒嘒
違法度公照例封船停其市易嘒嘒嘒遣獲貨兵船自外洋關

人虎口我兵礮擊之輒以礮拒駛至黃浦奉嚴旨督辦公檄鎮將用大船載石橫沈水底復用大木筏塞水面多設警備斷其入省之路其後路在老洲岡復遣將弁用大石船遏其歸復備草船火攻具脅之沿海部署皆精整禁商民無許接濟夷船於是嘩嘯諸夷窮蹙求給牌出口詞甚恭澳門夷商伽陟陀等助之請命公固持之良久乃令出虎門奏入
宣宗手敕曰玩則懲之服則舍之尙合機宜不失國體也公之經濟表見者如此公器識凝重蚤歲留心經世學自官職方擢監司任封圻所蒞皆有名績治案牘析及纖微而宅心忠厚曲盡人情不流爲深刻至典軍御將剷除凶孽皆有實效其餘察

吏安。眈。弭。盜。救。災。備。荒。辟。地。設。險。諸。善。政。不。可。殫。述。而。其。尤。關。國。體。者。則。在。堅。持。定。力。讐。服。外。夷。驅。霆。躡。風。落。其。耳。距。固。宜。上。契。

宸。衷。繫。國。安。危。輕。重。而。合。中。外。想。望。風。采。也。十。五。年。八。月。以。疾。薨。於。位。年。六。十。有。四。

帝。深。軫。惜。詔。贈。太。子。太。師。兵。部。尚。書。予。諡。敏。肅。諭。賜。祭。葬。如。例。長。子。端。黼。襲。世。職。



朱莊恪公事略

公諱桂楨字幹臣號樸庵江蘇上元人性忠介剛實毅然以古
人目昂於外物無所動爲童子時歲潦饑公白大父請毀產贍
鄉里大父喜甚從其請知其志趣遠大益以古人期之乾隆五
十二年舉順天都試卽皮置舉子業究心古臣言行及宋明儒
言性理諸書曰吾他日待用而始求之恐已遲矣嘉慶四年成
進士由吏部主事累遷員外郎郎中擢御史出爲真遠府知府
其治郡專力民事力反常吏宿習同儕見之格格若不可親然
無不心折者郡屢饑民將流芻思惟盡出庫藏速賑爲有濟時
公父之園公迎養在署公叩頭白父頭舍身拯民乞自今無更

念已色甚戚父愕然詰其所謂竟許之乃集士民託代奉甘旨
事士民愕然不解所謂姑應之乃盡發帑項以濟饑全活亡算
事竣攜印謁大府請罪就臬司獄士民惘然相誠曰吾儕暇大
守庸以自活於心安乎誓俟秋成醵金還庫款無角尖耗是歲
災實非常得公倡賑郡境千里無一人僵殍者黃平州盜發告
變公曰數人鼓衆非真亂也動兵則衆駭而事成矣單騎入境
呼父老縛爲首者出不戮一人而事定興義苗鬪大府已勒兵
公曰苗爲民欺忿鬪耳願以身保萬衆使使開諭之果帖服其
親身爲民謀類此苗俗惑怪魅胥動以浮言公擇一二事嚴懲
釋衆懼今其地所傳焚木妖致甘雨等事是也居數年民俗丕

變勤本業。泯鬪訟大府。甚重之。公強直。自遂所至。能無屈其氣。天子尤深鑒焉。二十五年。擢陝西潼商道道光二年。擢浙江按察使。遷甘肅布政使。旋調山東三年。巡撫山西。丁外艱。服闋。還朝。署禮部右侍郎。七年。授總督倉場侍郎。九年。授漕運總督。漕運爲國家倉儲首務。歷二百載。吏丁窟穴其中。爲奸利。公曲計諸弊所由始。自收徵兌。運開。擣倉胥諸竇。察而嚴窒之。故廉入而用裕。轉運以時。無觝滯。時公有疾。以剔釐積弊。廢寢食數日。形骨立。扶掖以走。見者憂之。而卒無恙。人問所藥。曰。我不知疾。惟見官事當了耳。問官事何能必了。曰。我先治我。亦不知爲治官事也。十年。調廣東巡撫。旋兼署兩廣總督。粵地接外洋。

俗獷悍。玩禁令。乃申法制。釐海舶。抑外班。攘斥夷館。凡興利治。弊皆不動聲色。有所句攝。率官弁曰。往某處。莫知其事。至則談笑就緒。故公在粵數年。莠民革面。而西洋諸國皆震懼。奉約束。惟謹。惠潮民喜械鬪。屢興重獄。公痛繩之。飭吏事自無冤濫。始有馮某者。逆獠趙金龍。殲其家族。而囚其父子。未殺。亂定。在囚。俘中。公一見曰。此冤民也。訊得實。立釋之。每秋審。讞囚平反。尤眾。十三年夏。以病屢請告。得。俞旨。且諭病痊可。速來。百姓送者。空一城。或繪像以祀。公每任一官。必有數事。卓卓在人口。皆名臣所深計。而必爲者。所餘廉俸。去時必留備荒。歉自奉極儉。殿爲窶人所不堪。居家六年。自號覺修。日與鄉里學者考論。

行詣孝弟姍睦諸大端皆身先之而平日在官或民事不得終治者如浙江海田廣東械鬪之類時耿耿懸諸心口視世俗苟且之治蹙然若叢垢之被其體也

天子屢垂詢冀其疾愈士民望公復起如占歲焉十九年十一月薨於里第年七十有三遣疏聞

上哀閔照總督例賜卹

賜祭葬

予諡莊恪

賞六歲子鎮

舉人皆異數也公宅心游目不在三代下其爲治以教化爲主內不動以欲外不可屈以勢一意於國計民瘼孤立不懼與人交專以道誼切劘如潘布衣諮其一也泣言明而能恕所舉劾無不服其公察屬奉法非徒以嚴見憚而已其令行禁止有

莫知所以然者在粵東有拆毀映夷馬頭事夷心懾服相戒不敢出一言尤爲人所稱仰云

人不謂以知德不待言以德一息然國昔長祇所立不難德

且其開關時曾自西而國轉轉平錢莊等實次於其

且其開關時曾自西而國轉轉平錢莊等實次於其

且其開關時曾自西而國轉轉平錢莊等實次於其

且其開關時曾自西而國轉轉平錢莊等實次於其

鄧嶰筠制軍事略

公諱廷楨字嶰筠江甯人嘉慶六年進士選庶吉士授編修乙丑戊辰會試及戊辰順天鄉試皆爲同考官十五年出爲甯波知府母憂服闋補延安府調西安時南鄭韓城有死囚皆受誣公平反其獄又以全同州釐母子事陝民歌頌由是譽流京師道光元年超遷湖北按察使權布政使請免田入江而稅銀在民者十餘萬兩遷江西布政使權江西巡撫以前守西安失察屬吏事免歸旋命以七品銜赴保定起爲通永道陝西布政使權陝西巡撫六年擢安徽巡撫自嘉慶時皖中多大獄信臣覆案官吏多得罪而獄歷久愈疑鳳嶺俗尤悍常以兵定

變公至。又值水災。乃親乘舟賑恤。尤精察吏所任。皆得人。悍民畏威。餘亦不敢幻訟。在安徽十年。俗乃大和。所舉任後。多至大僚。十五年。遷兩廣總督。時方議鴉片烟。禁公議奏。以謂法行於豪貴。則小民易從。令嚴於中。十則夷貨自絀。上牴之。未幾。林文忠公以欽差大臣至廣東。映夷遂輸烟入。官甚怖罪已。而中變。以兵船回。泊尖沙嘴。進至穿鼻。公飭將士迎擊。六接戰。夷皆傷退。訖公任。不得入虎門。林公既改督兩廣。自廣東外夷易犯者。莫如閩。故改公兩江。及雲貴總督。皆未行。而卒。調公督閩浙。二十年四月。夷船泊穿山洋。及梅嶺。廈門擊之。皆走。援定海。至清風嶺。得旨卻回。蓋是時夷方銳欲入閩。

而閩之海防地道多兵力散公往來泉州廈門閒署行宵征籌
應捷出晝吏夜牘且詢且披無一夕得安枕坐前在兩廣兵吏
捕煙不力奪職戍伊犁二十三年 召回起爲甘肅布政使二
十五年再授陝西巡撫時番賊屢擾蒙古游牧公先權陝甘總
督卽邀擊於硫磺溝得前所失馬牛羊以萬計八月抵陝時已
積勞久時時欲乞休以前後受 恩重未敢請也二十六年三
月薨於位年七十有二得 旨軫悼 賜祭葬如典公機神高
朗外容異量而制行內嚴自侍從厯封置四十年屢起屢蹟無
幾微得失意見於顏狀
上亦諒其素而終任之有及見公年少者皆曰如諸生時遇學

人文士薦寵講論不倦於詩及古音韻學所得尤深至世俗好
尙一不以綴意尤精於吏治有神明稱其守西安也有漢中營
卒鄭魁坐置砒餽中殺人論死賣砒者賣餽者及鄰婦之爲左
驗者皆具獄成公疑之乃密呼賣餽者前曰汝賣餽日幾何枚
曰二三百一人約賣幾何曰三四枚然則汝日閱百餘人矣曰
然百餘人形狀名姓日月汝皆職之耶曰不能曰然則汝何以
獨識鄭魁以某日買汝餽也其人愕然固問之曰我不知也縣
役來告曰官訊殺人者已服矣惟少一賣餽者爾盍爲之證訊
鄰婦言爲役所使如前言惟賣砒者爲真蓋死者嘗與鄭魁有
違言以瘋大死其膏肓而魁買砒實以毒鼠也同州鰥者以事

出其繼子子無所歸訟至省公佯怒曰此逆子也當杖死繫柱
礎下故久治他事而潛令人以茶餅給其子子奉母母怒不食
奉其叔叔食之至日暮公度其母見子儼然繫庭中時時顧曰
影待弊也意且悔乃密呼其叔曰汝嫂癡人耳試以我意語之
汝撫六歲兒至娶婦婦死更娶勞苦甚矣顧信族人言有好兒
子將爲汝嗣汝幼而撫者不能子顧能子長兒乎彼利汝財而
嗣汝顧能孝養汝乎汝死財與子皆族人也有也卽汝何利必欲
出子者明日官爲汝杖決無難也叔叩頭出次日母子來泣謝
不復言出子事此雖一節可以見公之精敏矣及爲大吏尤嚴
束儉從無妄索嘗閱兵當塗或問令曰厨傳費幾何曰二十千

聞者以爲難子爾恆由編修官至巡撫爾頤雲南趙州知州

陶文毅公事略

道光十有九年六月二日太子少保兩江總督陶公薨於位
天子震悼。詔以公任事勇敢不避嫌怨堪式百辟加贈太子
太保入祀賢良祠。予諡文毅並勅建專祠於淮北之板浦
場。明年又特允名宦祠之請不由部議於是公之勳績益炳
著於東南矣。東南大計莫如鹽與漕二百年來官民交困大都
由文法委曲繁重致利不歸上不歸下而盡歸中飽間有講求
更革釐剔者則中飽蠹蝕之人交起而持之畏事者率卻步徐
視莫敢肩其任。道光五年漕河大梗詔江南大吏議海運維
時上海關會撓於南通倉胥吏撓於北屯船丁役撓於中不日

風濤則曰寇盜不曰霉變則曰繁費

天子移公自皖撫吳毅然以身任之首致百六十萬石由海達天津每有僅用銀四五錢視河運省費一倍人始知海運利國利民爲東南拯敝第一策不得以風盜霉費之說相訾矣道光十年公督兩江承辦政蠱壞之後如淮南之窩價淮北之壘積兩淮之岸費皆浮糜數百萬仰食其閒者以億計當事洞悉其弊而不敢動公謂非減價不能敵私非輕本不能減價非裁冗費不能輕本遂奏裁淮南窩價岸費場費二百五十餘萬淮北則創改道不駁捆之議歸販不歸商之制每歲暢行倍額溢課數十萬盡償淮北之帶殘且劑淮南之懸引嘗欲推廣其法於

淮南雖以衰病不果而天下皆知票鹽減價蔽私爲正本清源
上策不復爲綱法所縛持矣然方公再議海運則南漕北倉撓
之議裁離費則窩商蠹吏撓之議截糧私則長蘆漕院撓之議
改票鹽則壩夫岸吏撓之羣議沸騰奏牘盈尺使公仔肩稍不
力上之倚任稍不堅必且不能善後然後知公之犯勞怨而事未
嘗不舉蓋由遭遇聖明而海運與票鹽後之人所宜賡其緒而恢之以蘇東南之
困而爲國家籌百世利也公諱澍字于霖號雲江湖南安化
人嘉慶七年進士選庶吉士授編修十五年典四川鄉試著蜀

輜日記於西南形勢利病如指掌改御史疏劾部員戀棧忘親
及吏部重籤河工冒濫外省吏治諸積弊又條陳三急五宜以
靖匪徒屢稱旨巡視中城決滯獄八百有奇遷給事中巡視
南漕盡革陋規會漕艘阻冰高郵禱於露筋祠一夕凍解奏磨
封祀尋授川東道有異政二十五年
宣宗卽位川督蔣公攸銹
陞見奏公治行爲四川第一可大
用遂擢山西按察使入
覲時欽交三案令赴任審辦是爲
公受
上知之始每遇京控猶多直交臬司不山巡撫前此未有也道
光元年擢安徽布政使安徽庫款虧空歷五次清查未得要領

公悉心鉤考分別應劾。應償應豁。於是三十年輻輳然一清。因奏定章程十則。嚴交代。禁流攤。裁捐款。俾有司得專力治民。三年就遷。巡撫太平甯國旌德三縣。不通水道。漕米向由民折官辦。公奏請由司庫領銀採辦。立限徵還。以杜借墊之弊。是歲水災。瀕江三十餘州縣田廬盡沒。公親勘賑。遣官赴上游買米十萬石。勸捐數十萬金。區畫周至。民不流亡。明年宿州懷遠大蝗。公禱劉猛將軍廟。有青蛙烏鵲無數。一日食蝗殆盡。奏聞。特頒御書匾額。公以水災既退。水利宜興。親勘壽州之芍陂城西湖。懷遠之郭塘陂。荆山口。鳳陽之花源湖。鳳臺之蕉岡湖。及濱江之圩垸堤壩。次第籌濬。又奏設豐備倉於各屬鄉村。秋收

後量力各捐。不經吏役不減糶。不出易不借貸。歲歉卽全散之。
樂歲再捐。以數歲救一歲之荒。略如社倉法而去其弊。其後復
於江蘇仿捐。豐備倉穀各數萬石。創修省志。表章忠節。上及元
明。陽湖武進上元等縣。以一次而題旌節孝三千餘人。或五百
餘人。創建總坊。其盡心教養多類此。五年夏。移撫江蘇。值河淮
交病。漕運中阻。公奏請以蘇松常鎮太倉之漕百六十萬石歸
海運。親赴上海。籌商船。定雇值。檄崇明狼山及山東登萊諸鎮
會哨海口。以壯聲威。各艘由吳淞口出。崇明十潞轉成山。入直
沽口。水程四千餘里。旬月抵天津。無一漂損者。
上遣重臣赴驗。米色率瑩潔。過河運數倍。海商運漕而北載豆

而南兩次得值復由部發帑收買海船耗米十餘萬石漕項銀米自解津應用及調劑旗丁外曾節省銀米各十餘萬事竣優詔褒美。賞孔雀翎明年疏陳海運章程八條欲永甦三吳之漕困以格於部議未竟也。自道光三年後吳中連歲水災由太湖入海之路不暢吳淞黃浦劉河卽禹貢三江遺跡自黃浦奪溜而吳淞中幹日微劉河則幾全淤是以水無所泄當事屢議修濬不果公疏言今日治水以吳淞爲最要治吳淞以通海日爲最要請以海運節省漕項銀二十餘萬兩興工得俞旨八年三月竣工海潮直過崑山而西水深二丈以外其攔潮大壩內外刊制淤泥立盡公復請借帶徵緩漕十餘萬石變價爲

治劉河之用部議未允及遷總督復與巡撫林公則徐合疏言
劉河與吳淞分流東達太倉爲元時海運出口之路其分支爲
白茅受常州諸水由常熟昭文入海近皆淤塞關數州縣田賦
之命若開通海口則潮沙復虞倒灌莫若挑成清水長河工省
而利永其海口各建石壩置涵洞平時築閉以禦渾潮潦時放
水歸海共估劉河工十六萬有奇借帑攤徵白茅工十一萬兩
官民捐辦十四年工竣適太湖蛟水驟漲盡啟劉河白茅海口
各壩不三日水消歲仍大熟父老皆歡忭以謂百餘年來所未
有也吳中運道莫要於徒陽運河而練湖爲其上游孟瀆則其
旁支公自巡漕時已條奏利害及撫江蘇益事講求於六年大

濬時首將豬婆灘加浚以除漕艘咽喉之梗至是復籌款二萬金先復黃金閘爲練湖關鍵并改建丹陽之黃泥閘以蓄全湖之水而運河之上游治矣其常州孟瀆河旱則引江湖以灌田潦則宣洩入江每遇運河冬月挑濬時九爲商船出入要路自公加濬孟瀆及德勝澡港二河而運河之下游亦治矣其受總督事也值私梟黃玉林伏法前督臣大學士蔣公及鹽政運司皆獲譴

上命戶部尙書王公鼎侍郎寶興公赴兩淮會籌改法爲課歸場竈之計公謂除弊卽所以興利因條上章程十五則王尙書等遂請裁鹽政歸總督管理以一事權公於是殫心力以釐積

弊其大端著有成效者四。一曰裁浮費以輕成本。凡公費匣費岸費高價數百萬。其利皆不歸於納課行鹽之商。故成本日重。公一切裁減。復裁鹽政陋規十六萬有奇。繳還鹽政養廉銀五千兩。本源澄而浮冒絕矣。一曰慎出納以重庫款。鹽庫不分正雜。虧那百出。又有總商筦庫。不行鹽而專領費。甚至捐輸皆出庫墊。冒支從不報銷。公奏分二庫。以正項貯內庫。備部撥雜項貯外庫。革總商以杜侵漁。永禁印本減帖諸名目。俾勿貽後患。一曰禁糧私船私以清綱銷。糧艘回空。向帶長蘆私鹽。公力禁之。漕督以調劑窮丁爲詞。奏請許帶蘆私。仍完淮課。御史亦以爲言。公三疏駁之。謂不但病鹽。亦且滯漕。堅持定議。蘆私遂絕。

至儀徵商船有借官行私之弊。公一切禁杜。又力主散輪。隨到隨售。而久滯報淹之弊亦少。一曰革五壩十槓。以清人無三十十年無課。徧地皆私。商遁岸懸。蓋由運道迂而成本重。公決計改票減稅。裁費不數月。商旅輻輳。場鹽一空。化私爲官。皆從來所未有也。初淮南以十年行六綱。淮北以十年行三綱。虧帑本七百餘萬。而以帑利貽患。後來立豫納減納帖息諸名色。以數十年後之課。豫虧之於數十年前。至道光八年十年間。則已無可那墊。無可借貸。公承極弊之後。淮事入載完正。雜銀二千六百四十餘萬兩。而在岸緩納之課。尙不與焉。庫貯常實存三百餘萬。又帶銷辛卯以前殘引百三十餘萬。帶徵還未銷印本積

欠侵價。銑引殘課三百數十萬。以代償前人之欠。公自任督撫以來。若治皖之荒政。之清釐庫虧。治吳之三江水利。他人得其一。皆足名世。而海運票鹽。尤百世之利。後之籌國者。必將取法焉。公受。

成皇帝待達之知。每述職。石對十餘次。造膝密陳。言無不盡。嘗中奏離務。已有起色。總督事繁。請復設鹽政。溢諭不許。并垂詢里居山水。御書印心石屋四大字。場之兩次考績。皆優敘。十二年捕獲梟匪。奉手勅云。卿爲乾國良臣。朕亦獲知人善任之名矣。十七年公壽六十。御賜福壽字并賜額曰綏。量錫祐。他珍物十六種。十九年二月因病疏請開缺。手諭云。

卿體質本非不足緣費心太甚氣血不無消耗惟望卿不日全
愈來京面晤以副眷注委任之情卿其善體之薨年六十有
二公虬髯山立洪音環辨絕類湘潭陳恪勤公生平宗仰亦在
是遇事奮發義形於色而胷懷洞無城府待人表裏如一用人
必盡所長凡所拔舉至方面節鉞者皆有名於時生平嗜風雅
留心文獻於地形水利尤究心嘗登塗山以望淮登虞山以望
海登雲臺山以覽淮海形勢所至賦詩紀事俯仰今古隱然以
一身爲江淮保障自公卒後東南乃稍稍多故矣公嘗建惜陰
書舍於江甯震川書院於嘉定敦善書院於海州以惠學者巡
城時建悅生堂以贍京師窮民回籍時捐漁稅議禁罾斷以利

資江之行旅他嫩行不可勝紀所著印心石屋文集五十六卷
奏議七十六卷陶桓公年譜四卷淵明集輯註十卷靖節年譜
考異二卷蜀輶日記四卷子恍恩賞主事候選道

何文安公事略

小師冠蓋之藪。高官大第榮戟相望。獨道州尚書何公起家儒素。游陟崇峻。

宸眷優異。譽望隆碩。不爲聲勢烜赫。家庭澹靜。動履平實。門生屬吏。及鄉黨後進。環集聽教。誨躬。躬如老儒。諸子樸謹。者學一時。魁儒雋才。靡不諧際。書冊金石。不脛而至。因內皆衣衣而壺。滄款客論文。趣古無虛日。天下士翕然歸之。蓋以文章道德繫中外望者數十年。告終前夕。有大星隕於庭。嗚乎。豈偶然哉。公諱凌漢。字雲門。一字仙槎。力奇慧。年十六。州府應皆第一。補諸生。孤露貧苦。益力於學。夜不能具燈燭。恒然松枝自照。讀經書。

必兼傳注夫人廖氏嘗襁兒於背躬刈薪致傷左目失明州牧汪某爲加賦事以抗糧拘諸生數十人解永州府太守王公宸卽拔公於順試者見公名詭曰此真讀書人他日必成國器特省釋之後案至省久之獄雖解而諸生已瘐斃七人汪牧由形幕起家能著書廣聲氣公恆歎酷吏之可畏而欺世盜名如汪者世尤多不察也嘉慶六年充選拔貢生廷試一等爲吏部司官有雜職官被議醵級聲言乾隆某年有恩召加級或以無冊可稽駁之公曰冊雖毀恩詔固在也家幸墮之九年舉順天鄉試明年成進士殿試卷進呈名在第四上以筆墨飛舞拔置一甲第三授編修十二年充廣東副考官

復命曰

上詳詢粵中吏治與正考官花公杰據所聞以對次日奉旨
查辨明年分校順天試十九年遷司業轉中允充日講起居
注官升洗馬轉侍講侍讀右庶子二十四年典福建鄉試擢祭
酒道光二年典山東鄉誠留督學政轉侍讀學士每試日靜坐
堂皇校閱胥役悉閉署一室嘗奏云場中多一查弊之人即多
一作弊之人又云臣以爲防弊之道苟挈其要領無事煩苛
手勅褒許甚屋試院中忽產著六莖數日高七八尺因顏曰瑞
著書屋並爲之記刻試贖附以論文十三則推本於明理義氣
令求之天人性命之際設課程督諸生治經科試年貌册人令

自注誦習何經以便考校故乙酉科拔貢生多治樸學者四年轉通政司副使六年擢順天府尹時前尹朱公爲弼無被議事而左遷府丞公蒙特旨除授召對時有人品學問朕所深知之諭蓋在

帝簡中久矣甫莅任聞抱養育嬰堂幼孩者須以數十金買龍票立革其弊立內號簿飭屬訊案每月按簿催結無留獄八年元旦逆回張格爾就擒

上以公文應兵差妥速而次命優敘順天所屬牧令擢至四路同知更無升途公以人材須鼓勵會大名府缺出與直督會奏得旨以西路同知辛文泚補授遂開此例京畿獄訟繁多

白府縣所自理外由形部都察院提督府奏交咨送無虛日公
盡心研究大要以罪疑惟輕務歸仁厚惟於兇盜案件謂宜懲
一警百讞治皆從嚴十年立春日循例進春
土召問春牛顏色起於何時公奏月令稱出上牛並無顏色宋
時頒行土牛經支幹各色略與今同始於仁宗景祐閒其博洽
強記多類此七月 命 皇長子往祭
孝穆皇后陵寢公以大雨時行橋道難恃請改派親王大臣
上深然之即改派署後有廢園及亭因蒔花竹爲退思之地顏
曰佳晴喜雨快雲之亭志無忘民事也八月授大理卿仍署府
尹事十一年署兵部右侍郎授左副都御史遷工部右侍郎兼

管錢法堂事署禮部左侍郎典浙江鄉試留督學政重經解訪優行試事整肅士習日醕每試得經術士命教官補舉優行以勵之胥吏冒用頂戴藉作護符嚴示禁革試院桃李門前學使儀徵阮公所署也補植桃李數百株蔚然成林特命公偕督臣程公祖洛鞠山陰會稽紳幕書役勾結舞弊一案獄成

帝嘉其明允十三年調吏部右侍郎兼順天府尹命卽來京

供職時歲試未竣也吏部議捐賑鼓勵章程有候補各員準捐儘先補用一條已具稟矣公適由陵工歸司員陳起詩上說帖於公謂如此則正途之缺轉爲捐班所有而正途亦非挾貲不得於官方吏治所傷實多公曰君言是也議遂寢調戶部左

侍郎兼右侍郎管錢法堂事再調吏部右侍郎仍兼戶部右侍郎時湖廣總督訥爾經額公奏苗疆屯防變通章程命戶部議奏同官係湖南事專屬公具稟乃援據舊章體察見在情形渠駁相半總歸於遴選廉能代謀生計同官折服十四年升左都御史兼府尹如故賜紫禁城騎馬晉工部尚書兼署左都御史奉命查勘明陵充經筵講官十五年充會試副總裁教習庶吉士十六年奏永杜回漕錮弊公飭查順天各屬大小水路繪圖籌緝始奏定水次鋪戶存貯麤米不得過十石之例疊署吏部尚書十七年吏部因京察一等人員有先由郎史改官者已議駁矣公以不勝御史非不勝外任者比苛繩恐妨言

路○援○筆○改○議○遂○奉○

俞旨十九三調戶部尙書仍署吏部尙書

充順天鄉試副考官時長子編修紹甚亦典試福建距公使閩

時凡二十年父子同科典京外試前此惟乾隆丙子科劉文正

文清公庚戌科劉文定公及青垣侍郎而已後先濟美同列榮

之公於吏工戶三部皆久任遇公議多賴公主持從容正直熟

思利弊鉅細一無所苟於政體人才特爲顧惜戶部假照案發

先後在捐納房司員皆獲咎公從容爲

上言其中人才甚有可惜者而許其捐復之旨隨下考功司

議處有近於文致者必往復剖論冀存寬大工部素稱壅滯於

司員中拔其樸實任事者負緣旣絕升轉之路遂通嘗因病起

銷假精神未甚復元

上顧而覺之再給假十日

諭無庸具摺次日公子紹基以編

修輪直召對

上知公次子紹業知醫詳詢進藥狀且曰聞汝甚能讀書何以不知醫紹基惶恐伏謝

上笑曰藥力難恃朕所賞參枝真老山種固不易得乃荆芥大黃亦有作偽者故用藥不可不慎也二十年正月值

孝全成皇后喪齊集西淀十餘日歸寓偶病寒猶力疾趨公尋疏請假甫命下遽薨年六十有九遺疏入

上嗟悼久之贈太子太保賜祭葬予諡文安禮部文來

曰據謚法勤學好問曰文止於義理曰安國初有得此謚者後皆追奪二百年來至公乃蒙恩特謚異數殊榮盈廷驚聳

始悟

聖主知公之深卷公之篤迴越尋常咸以年未古稀不及一踐揆席竟其霖楫之用重爲公惜也而公之一生履蹈中和亦實堪與先儒陸文安公金文安公媲美云公孝友純駕父廩主文繪以學行伏一時嘗授徒白牛山遇疾距家三十里公昏夜疾趨中途值雷雨忽紅鐙前導至茆舍一賣腐翁延久少憩遺童子送至館而別後訪之失所在蓋孝思所感也設教於家塾察鳴軒教法議盡從游者自遠至軒庭至不能容雷震庭樹弟子

皆病悻公方靜坐若不聞知有井水清而苦鹹爲文祭之得甘
既貴後有門下士病風邪狂舞於街市書片紙諭之立愈其正
直之氣類此與兄凌灝手足依倚未嘗暫離爲翰林時嘗會文
夜歸遲見兄坐候於門後遂節飲蚤歸晚年有恭彌篤居兄喪
悲慟切摯朝紳咸爲愴動時已官大司空攝冢宰年六十五矣
居恒莊敬刻厲無欹坐無疾趨獨坐必斂容急遽時作字必裁
劃正坐而後書畫鄭君及周子二程子張子朱子像懸齋壁所
夕瞻仰家範嚴肅稱於時通籍四十年未嘗一千吏議在詞館
攻苦如諸生治官書自立程法國史傳志手錄其子目以便
檢閱於蒙古地名滿洲人名尤詳悉總辦起居注所爲前後序

掌院曹文正公稱爲傑作遇誥冊文字重大者多屬公撰擬以公書法重海內屬敬書全唐文御序兩次以講官隨園命和御製甚多朝鮮琉球貢使索書應之不倦詩文酬答則堅不與通壬申戊寅大考皆優等賜文綺辛未甲戌己卯皆教習庶吉士殿廷文字之役派閱覆試朝考散館試差大考及漢教習卷絡繹無間前後尹京兆最久凡察吏安民弭盜備荒諸政不勝書任京尹時與兼尹盧文肅公陸文恭公和衷相得任兼尹時尹京者吳公傑曾公望顏皆以精強久任每有要事恒就公寓熟商公子持紙筆侍側具稟疏奏不令書吏知也在吏部時同官如恩文肅公卓文端公精敏綜核議事多從嚴公常

以大體爭之初若齟齬卒無不轉圓者典試督學及教習庶常
皆諄諄訓誡如子弟故門下士以經濟學術稱者世累勘佑督
修諸要工十餘次承辦龍泉峪陵工奉特旨改派公往每有
遷擢必兼它職九掌文衡五權家宰四派經筵直講以京兆而
歲賜蔭貂以尙書而賜頭等蔭貂六次賜福字皆特
命入乾清宮侍書寵光稠渥可謂極儒臣知遇之榮矣督
浙學時試甯波以宋元學案發策士無知者因屬諸生勤爲蒐
訪原書百卷次第從舊藏書家得之命門人王梓材沈垚馮雲
濠與子紹基校定付梓爲序以行所著詩文曰雲覬山房集子
紹基兩申進士官編修紹業廕生少慧通天文算法先公卒紹

國朝先正事略卷之二十五 名臣

平江李元度次青纂

林文忠公事略

道光三十年春

文宗皇帝既嗣服下

詔求賢時太子太保雲貴總督侯官林

公方引疾家居大學士潘公世恩

尚書杜公受田交章以公應

詔奉

召入都未卽至九月

上以粵逆洪秀全等稔亂

特命公爲

欽差大臣馳赴廣西

督剿尋

命署廣西巡撫事公故嘗督粵威惠著聞中外想望

年采至是力疾出粵民額手相慶賊黨散大半洪秀全懼謀遁

入海十一月公行次潮州薨遺疏入

上震悼優詔議卹賜祭葬予諡文忠自公薨後軍民失所倚賊寢不可制未幾踰嶺涉湘絕長江踞金陵爲窟穴蹂躪遍天下又十四年竭海內全力塵乃克之論者謂生靈多阨致天不怒遺使得假公數年賊不足平矣然公之身繫天下安危者尤不始此也先是公總督湖廣時鴻臚卿黃君爵滋疏請禁鴉片以塞漏卮有旨下中外大臣議公條上利害深切著明宣廟嘉焉十八年冬命以欽差大臣蒞廣東查辦海口事務明年補兩廣總督公宣諭德威繕守備於虎門各海口添建礮臺設木柙鐵索奏移高廉道駐澳門撥隸水師資控馭時

通商之國以十數。咸傾心受約束。惟暎咭喇持兩端。九月夷目義律等以索食爲名。糾師船犯尖沙嘴。公遣叅將賴恩督整走之。斷其接濟。尋六犯海口。皆受懲創。義律潛赴澳門。倩西洋夷目遞說帖求轉圜。公以其言未可信。奏請相機剿撫。並請敕福建浙江江蘇諸督撫嚴防各海口。復奏停其貿易。暎人屢撼之不動。則大懼。既以粵之無隙可乘也。乃改圖犯浙。陷定海。掠甯波。沿海騷動。在事者莫能折衝禦侮。爭歸咎公。因中傷之事垂成而敗代者至。悉反公所爲。恐和議之不速成也。撤公所設各監兵以媚之。暎人遂徑犯粵城。公知事不可爲。具遺疏以待圍解。命以四品卿銜赴鎮海軍營效力。尋謫戍伊犁。海疆事

自此益棘王相國鼎湯協揆金釗至以死生去就爭之卒爲忌者所持不能得向令公得終始其事決裂不至此公之爲天下重也可勝道哉公諱則徐字元撫一字少穆晚號垓村老人父賓日歲貢生家貧力學以經術掖後進有子三公其次也生警敏長不滿六尺英光四射聲如洪鐘每劇談隔舍數重聆之輒了了年十三郡試冠軍補弟子員二十舉於鄉就某邑令記室閻撫張公師誠見所削牘奇之延入幕嘉慶十六年公年二十有七成進士選庶吉士派習國書授編修益究心經世學雖居清秘於六曹事例因革用人行政之得失綜核無遺識者知爲公輔器矣典江西雲南鄉試分校已卯會試咸得士二十五

年補御史海寇張寶投誠後累高副將。至是擢總兵公慮其愈驕蹇不可制也疏劾之。

仁宗邁其言授杭嘉湖道修海塘興水利。士民德之會聞父病卽引疾不待命馳歸。道光二年授淮海道。明年擢江蘇按察使決獄平恕民頌之。曰林青天。尋丁母憂。明年奉旨赴南河督修隄工。工竣仍回籍。六年夏命署兩淮鹽政以未終制辭不拜。七年按察陝西遷江甯布政。父憂歸。濬福州西湖以惠桑梓。十年夏補湖北布政使。尋調河南十一年復調江甯。遂擢東河總督。疏辭優詔不許。尋奏言稽料爲河工第一弊端其門垛灘垛併垛諸名目非拙校折視難知底裏已將南北十五廳各

堽逐查抗弊者察治得旨向來河臣查驗料堽從未有如此認真者十二年春調江西巡撫吳中浚飢公奏免漕糧等賑卹清釐各屬交代盡結京控諸獄味爽視事夜過半方息數年如一日焉會考績疏言察吏莫先於自察必將各屬大小政務逐一求盡於心然後能舉以驗屬吏之盡心與否若大吏之心先未貫徹於此事之始終又何從察其情偽臣惟恃此不敢不盡之心事事與屬僚求實際耳公此言蓋生平得力處也先是公在江藩任內以各屬水災建議倡捐煮賑資送畱養收孩瘞棺捐衣勸糶養佃典牛借籽種禁燒鍋凡十二則經江督陶公樹奏行至是事竣在事者得獎敘公之爲臬司也奉詔綜辦三

江水利以憂歸嗣經陶公奏允孟濱劉河分年籌辦至是並濱
工竣公以劉河爲三江之一淤墊尤甚請勘辦從之又言江蘇
錢漕倍他省其中有緩有急有舊有新勢難一律清款與其漫
無區別徒令剝肉補瘡莫若專嚴於提新而暫緩於補舊新款
果能全解是州縣無新虧而舊欠神可冀彌補得旨竭力爲
之江南人文甲天下鄉試恒萬六七千人入鎖院時竭一晝夜
之力不能畢有擁擠仆斃者公創設信儼立燈脾陰以兵法部
勒之日晡而畢十七年春擢湖廣總督荆襄苦水患歲以爲常
公修築隄工躬自監視奏等襄陽等屬鹽務緝私事宜及辰沅
道屬苗疆屯務事宜皆如議行尋疏報南北兩省拏獲奸民與

販鴉片各情形。璽書褒美。又以江漢安瀾。請列漢神於祀典。從之。十八年冬。人覲。賜紫禁城騎馬。遂有粵東之命。公之在粵也。奏虎門收繳。映咕喇蘆船鴉片已十逾其八。得旨褒敘。及奏請勦撫兼施。手敕報曰。既有此番舉動。若再示柔弱。則大不可。朕不慮卿等孟浪。但戒卿等不可畏蕙。先威後德。控制之良法也。尋請停貿易。又諭曰。該夷自外生成。是彼曲我直。中外咸知。尙何足惜。公前後所陳。皆稱旨。爲忌者所中傷。卒不安其位。而天下自此多故矣。公議戍時。河決開封。首輔王公鼎出視工。疏畱公督辦。工成。仍就戍有門下士官於陝迎謁。公竊爲不平。見公談笑自若。不敢言。退謁鄭夫人曰。甚矣此行。

也。夫人曰：子母然。朝廷以汝師能舉天下大局付之。今決裂至此，得保首領，天恩厚矣。臣子自負國耳，敢憚行乎？公在塞外奉命勘辦開墾事宜，親歷庫車、阿克蘇、烏什、和闐、喀什噶爾、葉爾羌及伊拉里克、塔爾納沁等城，縱橫三萬餘里，水利大興，稍暇則以筆墨自娛。公書具體歐陽詩，宗白傳在官事無巨細必躬親家居，必熟訪民間利病，白諸當道求題詠者，雖踵接不暇應也。至是始得肆意遠近爭寶之伊犁，爲塞外大都會。不數月，縑楮一空。公手蹟徧水天雪海中矣。二十五年秋，賜環以四五品京堂用。十一月，命署陝甘總督。會野番肆劫，先飭鎮將防護馬廠。時承平久，營政弛，公出按邊，命演巨礮舉營。

無知者一老卒能之公立授以官士氣爭奮尋剿捕番族及漢
奸殆盡明年授陝西巡撫關中旱民不能耕爭殺牛以食公曰
如此則來歲又饑也飭官爲收牛償其值勸富民質牛予以息
次年乃大有秋二十七年遷雲貴總督滇中漢回構釁垂數十
年焚殺無虛日議者各有所袒莫能決公至諭之曰止分良莠
不分漢回適回民丁燦廷赴京疊控漢民沈正達等有司提犯
解訊保山民糾衆奪犯燬官署按殺回戶并抗拒鎖道兵公提
兵出剿途次聞趙州之彌渡有客回甸土匪滋事遂就近剿彌
渡破其柵殲匪數百保山民股栗縛犯迎師公召漢回父老各
諭以恩信復乘勢搜獲永昌順甯厯年拒捕戕官諸匪寘諸法

得旨加太子太保。

賞戴花翎。引疾歸。滇人繪像以祀家居。

倡驅夷議。大忤當事。外夷方爲歛迹。而當事思中傷之會。璽書召用。護者乃止。時方以西洋爲憂。後進咸就公請方略。公曰。此易與耳。終爲中國患者。其俄羅斯乎。吾老矣。君等當見之。然是時俄人未交中國者數十年。聞者惑焉。公之薨於行臺也。易簣時。呼星斗南者三年六十有六。公服官江南最久。以吳民苦賦重。講求漕政。不遺餘力。在粵時。中旨詢江南漕務。公條舉四端。曰本原。曰補救。曰本原中之本原。曰補救中之補救。宣宗哀許。擬俟粵東事畢。次第施行。文宗之召公也。將使籌畿輔水利。卽公前疏所謂本原中之本。

原者也。以

二聖知公之深任。公之重以公報。國憂民之心。一往無所卻。顧而卒不果行。惜哉。然公於政事。無所不盡心。而其尤關天下治亂之數者。則以辦夷務。剿粵寇二者爲最鉅。而皆齎志以終。此海內士大夫下及婦人孺子。聞公薨所由太息流涕共爲天下惜者也。公天性孝友。事事以養志顯親爲念。自奉儉而資助族戚。歲必數千金。尤愛士。所至必擇其秀異者。召入官署。勸以學行。家居。凡族姻中子弟讀書者。約期治膳。集而課之。曰。親社性聰察。摘伏如神。馭左右嚴。每黑夜潛行。躬自徼察。無敢因緣爲奸。然待人以恕。接人以誠。人咸樂爲之用。與人言必令反覆。

詳盡得達其情道人善孜孜善不及善飲喜奕服官後皆御弗
御好勤動與處數十年者未嘗見其袖手枯坐也咸豐元年滇
撫請祀雲南名宦祠陝撫據輿情入告請建專祠報可子汝舟
官編修聰彝浙江知府拱樞刑部郎中



栗恭勤公事略

公姓栗氏名毓美字友梅山西渾源州人嘉慶六年以拔貢生
官河南知縣遇災年放稅賑穀以實惠民不以上官意爲損益
遷光州知州汝甯府知府徙開封歷河南糧儲道開歸陳許道
遷湖北按察使河南布政使道光十五年授東河總督公前知
武陟縣黃沁堤馬營壩工皆親與其役及是益勤詢河兵官久
於河者以地勢水脈及前任行事之當否蓋北岸自武陟至封
邱二百餘里南岸自祥符下汛至陳留六十餘里皆地勢卑下
多串溝串溝者在隄河間其始但斷港積水而已久之溝首受
河又久之溝尾入河而串溝遂成支河於是以遠隄十餘里之

河變爲近隄之河而隄河相遠之處舊皆無工不儲料者也於
是以無工之處變爲至險之工故人不及覺覺且不及防往往
潰隄爲大患公乘小舟周歷南北時北岸原武汛串溝受水已
寬三百餘丈行四十餘里至陽武汛溝尾復入大河又合沁河
及武陟滎澤諸灘水畢注堤下兩汛素無工故無積石堤南北
皆水不能取土築壩公卽收買民磚於受衝處拋磚成壩四十
餘晝夜成輒壩六十餘所壩甫成而風雨大至支河首尾皆決
開數十丈而隄不傷公由是知輒之可用又試之原陽越堤及
攔黃壩暨南岸之黑岡皆效遂奏請減買積石銀兼備輒價計
千輒爲一方方價六兩是後每有工役碎石及積壩用大減數

年閒省官銀百三十餘萬而工益堅有不使其事者持異議語頗

土聞公前後陳奏曰護堤之方率用稽歸然歸能壓激水勢俯齧堤根又易朽腐至碎石坦坡惟鞏縣濟源產石較近而採運已艱河工失事多在無工處所千里長堤勢不能盡爲籌備而河勢變遷不常衝非所防遂爲決口輒則沿河民家終歲燒造隨地取給不談事機且輒及碎石皆以方計而石多嵌空輒則平實每方石五六千斤而輒重多三分之一一方石價可購輒兩方面拋輒一方當石兩方之用其質滯於石故入水不移堅於稽故久水不腐又土不能築壩水中輒則能水中拋壩卽盪

成坦坡亦能緩受急衝化險爲易或謂輒可保將生未生之工不能用於已生之後然使將生者可保卽別無可生之工皆衡工之決因攤陷埽不能施馬營壩之決因補隄不能得碎石使知用掃不如拋輒收輒易於運石則數千萬之官銀可省疏入上知公忠實可任且綜畫周密卒皆允之屢詔褒賞終公任五年河不爲患本朝河臣自朱公之錫後若靳文襄張文端張清恪陳恪勤齊勤恪嵇文敏張懋敬黎襄勤諸公皆有名績然修築率仍舊法易稽石以輒自公始非卓識精思身試而得其所以然之故不能創此法也二十年薨於位

上聞軫悼

贈太子太保

賜祭葬

予謚恭勤時長子恒已

官刑部郎中乃賜次子燿進士公在工勤其職有風雨危險必躬親之居平河曲折高下嚮背皆在其隱度每曰水將抵某所急備之或以爲迂且勞費公曰能知費之爲省乃真能損費者也已而水至乃大服故十五年原陽之支河十八年盛漲八尺之水皆決口而有餘卒以無事或以爲天幸然前公任三年祥符決公卒後二年南岸決明年又決則豈非人事哉公之令安陽武陟及守開封也恤疲氓懲猾吏折疑獄如神他人得其一是稱循吏然於公猶非其大者傳曰心誠求之公治河能通物性以盡利誠壹故也况求民情也哉公旣卒吏民思公不置乃立廟祀之烜燿皆官監司

臣等謹將該部議處各款分別開列

一、該部議處各款分別開列

一、該部議處各款分別開列

一、該部議處各款分別開列

一、該部議處各款分別開列

一、該部議處各款分別開列

一、該部議處各款分別開列

一、該部議處各款分別開列

一、該部議處各款分別開列

一、該部議處各款分別開列

陳忠愍公事略

王副節公錫明
鄭忠節公國鴻

葛壯節公雲飛

道光二十年西洋英咭喇以禁鴉片構釁擾海疆

上稔同安陳公有將略由廈門提督調江南時閩浙戒嚴鄧制軍廷楨以公熟習廈門爲請

上不許蓋鑑其忠勇故始破回迴本鄉之例擢之廈門復以防海需才令移鎮江南扼守吳淞口公益感憤激昂誓以死報

國矣公諱化成號蓮峰福建同安人由行伍官水師守備五遷而至金門鎮總兵其調守吳淞也時以夷目就撫廣東將撤防久獨謂款約不可恃請留所部兵弗去冬雪方盛平地積數尺公時掉小舟往來海濱風浪中或踏雪按行部曲嫗姁如家人

軍中呼陳佛吳淞以東西礮臺爲犄角。西礮臺在海口北距寶山六里。東礮臺在其南。險與西稱。夷擾浙公扼西礮臺以守。凡三閱寒暑。欽差大臣裕謙公嘗以大風雨夕偵公見公危坐帳中。鉛柝聲琅琅然也。二十一年八月定海再陷。三總兵同日戰死。鎮海失守。裕公死之。吳淞民恃公爲國。明年四月夷陷乍浦。戈船三十艘震逼吳淞。時牛制軍鑑在寶山。懼商於公公曰。無恐。以礮扼險。可快勝。公第坐鎮。毋輕出入也。於是公率參將周世榮守西礮臺。別遣將守東礮臺。公夜語世榮曰。吾與汝福皆不薄。周愕然。公曰。詰朝戰而勝。則受上賞。不然亦俱不朽。非福而何。明日夷船排江進。公登臺執紅旗揮戰。轟礮及于聲。

自卯及巳。壞夷船六七艘。賊沮欲退。我軍噪而奮。制軍聞師利。趨出及三里。賊從檣上覘其幟。駕礮狙擊之。制軍跳而免。師遂潰。東路兵棄礮走。賊併力攻公。急。周世榮請公弁公拔劍叱之。曰。庸奴誤識汝世榮。逸賊登岸。礮彈雨下。中公顛復起。猶手斃巨礮。剗重歟。血死。年六十有七。同殉者守備龔齡增以下合八十餘人。夷酋既入城。犒飲鎮海樓。酒酣。或作華言曰。此行良險。使有兩陳公安能至此哉。越十日。嘉定令練廷璜購公尸。獲積葦中。面如生。殮於武廟。百姓罷市哭奠。繪像二。一畱吳淞。一貽其子。狀聞。詔優卹。立專祠。賜祭葬。子諡忠愍。世襲輕車都尉。三總兵者曰。壽春鎮王公錫朋。定海鎮葛公雲飛。處州鎮

國朝文忠公集卷二十一
鄭公國鴻皆以定海城陷同日殉先公歿一年

王公名錫朋字樵備直隸甯河人由武舉補兵部差官援例得
固原游擊道光六年從大軍征張格爾自大河拐至回庄力戰
矢殫其酋賞戴花翎進戰至阿瓦巴特賊阻渾河沿從大軍
閒道渡河入喀什噶爾城進取英吉沙葉爾羌和闐皆有功十
二年猺民趙金剛亂湖南殘常甯新田公以臨武叅將從提督
羅公思舉破賊羊泉街誅首逆別將逐賊高家坪大捷回攻楊
家園圍賊殲之賞銳勇巴圖魯名號擢寶慶協副將時廣東
徭亦煽動趙仔青進擾湖南公殺賊濠江口又破賊銀匠衝獲
其酋旂仔青反走追獲之及其孥湖南平赴廣東大軍戰連州

大洪橋乘勝入火燒排之蛇兒嶺奪馬鞍山遂平五排猺又從
定蓮花汛冷水衝各猺擢福建汀州鎮總兵服闋改壽春鎮公
自游擊從楊忠武定回疆知名及平猺功居最嘗誡諭士卒曰
戰利呼人共之獲倍多卽人不利趨救之可兩全故戰比有功
而定海事竟以無救敗先是暎夷陷定海去之公以壽春兵鎮
其地二十一年八月夷再至出守九安門鄭公國鴻駐竹山門
葛公雲飛駐曉峰嶺相去十餘里賊先犯九安門不利退攻竹
山曉峰公馳救兩營已先敗賊爭鬪公衆且盡所親卒及身自
盪殺數十百人賊至益多揮短刀陷陣死是役也賊可二萬我
兵計五千公檄請益兵大府不應戰且五六日勢足以待救亦

生不救曰吾守鎮海者也。鎮海急則又走。三總兵皆坐是敗死。公殺賊獨多死尤烈。事聞。

天子震悼以提督禮。

賜卹。諡剛節。建專祠。子承泗襲騎都尉。

葛公雲飛字雨田浙江山陰人。道光癸未武進士。官守備。五擢。

至定海鎮總兵。父憂歸。浙江巡撫烏爾恭額尋。

奏請以公署。

原官。公之以憂去也。嘗上書大府言廣東禁鴉片。令方急。外夷。

陰狡。恐爲變。波及浙洋。宜先事定謀。及映咭喇據定海。巡撫服。

公先見。馳書要公詣鎮海計防禦。公督耕隴上。得書。白母遂行。

時道光二十年七月也。公至鎮海。請盡出鎮兵。扼金鷄。招寶兩。

山間。集定海潰兵。大閱海上。會夷酋安突得被執。夷大驚。擾公。

請遂出兵復定海。當事不能從。明年許通市。夷請釋安突得等而歸。定海公與總兵王公錫朋、鄭公國鴻偕往鎮定海。定海城三面踞江臨海。無屏蔽。公議城其三面。列巨礮塞竹山門。深港使不通舟。增築南路土城。與五奎山諸島相犄角。當事以費鉅。不允行。七月夷集廈門。公聞之。立牒大府。以土城守兵單。曉峰背負海。有間道宜增礮。及以營船備水戰。皆不省。八月夷果復犯定海。攻竹山門。敗走。明日窺東港浦。皆擊卻之。先是守兵皆駐城中。惟公自駐土城。及是王公錫朋出守曉峰嶺。鄭公國鴻守竹山門。夷船二十九艘。賊眾至二萬餘。我兵合三鎮僅四千。朱書大營請濟師。弗許。戒死守。毋望援。天雨浹旬。公青布帽首。

麻袍著鐵齒鞞日偕士卒往來靈潦中屢戰卻敵相持凡數日
曾天大霧夷全隊逼土城公礮沈其舟夷分道攻曉峰竹山曉
峰無礮夷眾奪間道下攻破竹山門薄土城公手掇四千觔礮
迴擊之賊殊死進公率部卒二百餘人持刀械步鬪夷酋安突
得執大綠旂麾兵進公罵曰逆賊終污吾刀斬之刀折復拔所
佩刀二衝賊隊中至竹山門方仰登賊刀劈公面去其半血淋
漓徑登賊賊迸間忽有礮背擊公洞胸穴如盪力戰而歿方賊
之逼土城也公行營有葍桶二公密納火線其中而朱書其上
曰軍餉城陷賊踏公營爭取之焚數百人義勇徐保夜跡公尸
楚竹山門雨霽月微明見公半面宛然立厓石下兩手握刀不

釋左一目猶耿耿如生欲負之行不能起拜而祝曰盍歸見太夫人乎遂乘夜浮舟內渡及明抵鎮海大吏護公喪還葬事聞士悼甚以提督例加卹遣官致祭謚壯節

鄭公國鴻字雪堂湖南鳳凰廳人由雲騎尉世職補屯守備遷黃州協都司道光元年起擢提標叅將四年以蔣制軍收銛薦擢平樂協副將李制軍鴻賓奏調竹山協副將坐事鐫級起湖州協副將調寶慶爲周文忠天爵所器二十年遷處州鎮總兵所至皆能舉其職逾年以力戰死事

天子軫悼贈提督加等賜恤予祭塋謚忠節世襲騎都尉特賞其孫銛銍並爲七品小京官公優於文學工書好窮

經著有詩經疏義行於世

吳文節公事略

公諱文鎔字甄甫號雲巢一號竹孫課蘇儀徵人少能文爲吳
穀人祭酒所賞拔嘉慶二十四年進士選庶吉士授編修道光
二年充山西副考官八年典試湖北尋督河南學政十二年分
校順天鄉試明年分校會試遷贊善大考遷侍講累遷侍講學
士十四年督學順天以選拔屆期疏請通飭嚴禁招搖革卷費
冊費諸名目所得皆知名士累擢詹事內閣學士除禮部侍郎
署經筵講官典武會試十八年充會試副考官調刑部奉命
偕蕭山湯文端公案事浙江江甯安徽諸行省覆奏皆稱旨
十九年授福建巡撫偕署總督魏公元烺奏籌海口查禁鴉片

育程四則下部議行。明年署閩浙總督。時英吉利夷船駛入內洋。詔遣祁侍郎舊藻黃侍郎爵滋會同公及鄧制軍廷楨等備海防及揀選水師將領各事宜。先是公與鄧公會奏請給海防經費。至是得旨俞行。故事琉球國間歲一貢。自十九年

詔改每四年遣使朝貢。是歲中山國王尙育咨稱琉球地濱海最患多風。惟朝貢以時。則風雨和順。每遇貢年。歲必大熟。又貢船出入閩疆。歲頒時憲書。得以因時趨事。庶務合宜。又琉球不產藥材。賴貢船截回應用。至航海鍼法。全賴隨時學習。番休更替。若四年一朝。則豐歉不齊。人時莫授。藥品缺乏。鍼盤荒疏。請奏復舊制。公疏聞。手敕報曰。據奏情辭真摯。如所請行。並

允令陪臣子第四人隨同貢使人監讀書公尋調湖北巡撫未
赴二十一年正月以暎夷反覆肆擾疏請添撥海防經費又密
陳廈門情形略言商民紛傳廣東有許與廈門通市之說查廈
門周圍環海地方五十里北達會垣東爲臺澎層齒西爲漳泉
門戶係通省咽喉若令外夷闖入必益肆其占據之謀防之則
已無險可扼聽之則將爲所欲爲害有不可勝言者
上聽其言又以上年暎夷駛擾廈門經軍官擊退保薦總兵賈
振彪吳建勛等在事出力皆報聞五月入覲調江西巡撫汲汲
以誠民弊吏爲心遇災徭罪力撫恤凡疏請緩征者七借給籽
糧者再民甚德之又以文信國公學術文章節義足爲萬世法

疏請從祀文廟。詔如其議。又遵旨奏保知府倪長耀麟桂、吳式芬、知州周玉衡、同知程梁策、知縣曹士桂等。報聞。前後弋獲青蓮教匪戴理劍、古魁連及南贛會匪謝詞封等九十三人。皆論如律。在江西八年。百廢具舉。有旨調浙江。浙中吏治久廢。公訪悉衢州游擊薛思齊貪劣狀。劾戍新疆。又劾罷歸安令李玉典等五人。下教各屬地方大利善。許條土施行。箠簞不飭者。罪無赦。又時時巡行巷閭。問民疾苦。察長吏賢否。千里外纖悉周知。土豪猾胥皆斂迹。屬吏莫敢詭隨風尚一變。又以浙屬各州縣多係署事之員。疏陳調署之弊。謂有一員遞署他缺。二三處久不回本任者。有卸署後不回本缺。閒住省垣者。致交代

之案愈壓愈多莫能算結且官無定所卽政難考成見飭司分別勒回本任或不堪回任者卽令揭參其實係虛缺或要地需才亦祇准專員署理不得紛紛更調以專責成得旨嘉勉漁山島者浙東濱海地盜窟也公牒總督會師剿捕獲積盜百餘人賞諸法沈燬賊船並將巢穴門戶堵除行旅大安尋偕欽差侍郎季公芝昌清查兩浙鹽務奏籌變通章程七則均從之道光己酉杭嘉湖嚴紹五郡大水漂沒田廬亡算公自以奉職無狀致召天災上疏自劾并力請行賑恤蠲豁招商平糶勸輸諸政親赴嘉湖等屬察賑全活甚眾江忠烈公忠源時權秀水令公委以賑災捕盜事並畱辦海塘工江以憂歸縣人傳之鄣

弗受公歎曰賢如江令可令其貧無以歸歸無以葬耶遂文養廉銀五百兩界之且令勿辭明年正月

文宗登極下詔求賢公奏保藩司汪本銓臬司黃宗漢知府

余士琛同知畢承昭知縣段光清楊裕深等江公忠源亦以賑務出力特疏薦均得自錄用五月西防廳北岸海坎公聞報

卽往勘時風雨暴至公立泥淖中失足落水幾危以救免隨以

先事失防自請治罪部議奪職畱任八月壩工竣詔予開復

復查明各屬災歉情形分別蠲緩並給賞白糧許之十一月擢

雲貴總督咸豐元年正月入覲召對十二次賜紫禁城騎

馬四月抵任甄劾不職知縣許文綬等四人雲南有淫祠曰姦父

光寺俗稱某天子廟。凡數十處。士人奉之。維謹事。涉不經。公毀其廬。尸其木偶于市。淫祀遂革。初永昌邊外夷匪乘虛入邊焚掠。經官軍堵剿。至是迭殲匪犯七百餘名。俘獲五十餘名。餘匪登雪山以外。事平而廣西賊洪秀全等復稔亂地。與黔滇接烽。火相聞。回匪亦乘閒蠢動。公徵兵選將。繕守備。扼形勢。終公任。境內晏然。胡文忠公林翼時方守黎平。公才之。使練兵。除土寇。得便宜行事。保擢監司。待之以國士。三年夏。以捐備餉金萬兩。賞花翎。先是公任江西巡撫。捐河工經費銀萬兩。在浙江捐本籍賑災銀萬兩。制錢六千緡。又捐浙屬備賑銀四千兩。在雲貴捐本籍河工銀六千兩。貴州防堵銀千兩。皆得旨甄敘有加。

居無何。粵賊自長沙渡洞庭陷武昌。蹂江西。據金陵爲窟穴中
原震動。

上知公威望移。公總督兩湖。至則賊自下游上犯。田鎮水陸營
皆失利。省會戒嚴。城書閉。居民一夕數驚。巡撫宗綸思移營城
外。爲自脫計。與僚屬密議。公知之。立策馬至。巡撫署約與死守。
巡撫不可。公憤甚。拔佩刀置案上曰。城存與存。城亡與亡。白司
道以下敢言出城者。齒吾刃。巡撫默然。議乃定。會賊已逼城。公
卽登保安門城樓。激厲將士誓死守。衣不解帶者數旬。聞解巡
撫內愧。公復慮公不相容。乃謀先發制之。疏劾公閉城坐守狀。
有詔趣公進復黃州。而以城守責巡撫。當是時。公方調胡文

忠帥黔勇七百人來楚會剿而曾侍郎國藩公戊戌典會試所得士也時在衡陽治水軍公馳書約夾攻黃州侍郎許之擬俟會胡二軍至大舉滅賊而巡撫屢齒之趣戰益急公嘆曰吾年逾六十受國厚恩豈猶惜死耶所以遲進者以麾下將卒宜選練且俟黔勇及水軍夾擊耳今若此不及待矣遂以咸豐三年臘月下旬自師七千人進薄黃州壁堵城會大雪公曰行泥潦間拊循士卒而巡撫銜公甚遇事陰掣其肘軍械輜糧不時至已而賊來犯營公督將弁力戰都司劉富成手刃數賊兵勇繼之殪賊數十後兩次出犯均擊退未幾賊大至正決戰間忽後營火起眾驚潰公下馬于雪泥中北向叩首痛哭大呼曰無

以仰對

聖朝遂自投塘水死之時四年正月十五日也年六十有三事問

上悼憫下所司議恤

賜祭葬

予謚文節入祀昭忠祠是年

六月武昌復陷巡撫先已受代去九月曾侍郎復武昌疏陳公死事情形并追論巡撫傾陷狀有詔逮問巡撫服毒死賊之自寧竄楚也公在滇聞報方食投箸嘆曰虎兕出柙矣竟夕歛歎不能寐及拜楚督之命置二子一妾於蜀陪道疾驅誓滅此朝食使得如公議待曾胡二軍戮力並進不過兩閱月耳爲同官所罄卒殯志以終悲夫公臨行復遺書曾侍郎曰天下大

繫子一軍。宜加意訓練。勿造次。且勿遽以援鄂爲念。公之廣懷大局。而不以已與若此。其視死直如歸耳。彼齟公者。果何爲哉。公性方嚴。遇事能持正。鬚眉凜然。寮屬憚其丰采。與林文忠並負天下望。論者謂公正直。林公聰明。林公聰明而能正直。公正直而復聰明。是可以得其概矣。初公撫浙時。例得鹽課羨餘銀八千兩。卻之。及殉難。家無餘貲。商人感公清德。欲以此爲賻。公子養原曰。若義也。先公早受之矣。先公卻而某受之。是隳先公之德也。敢辭。強之卒不受。養原以已未副貢授主事。襲職騎都尉。

1841-1842-1843-1844-1845-1846-1847-1848-1849-1850-1851-1852-1853-1854-1855-1856-1857-1858-1859-1860-1861-1862-1863-1864-1865-1866-1867-1868-1869-1870-1871-1872-1873-1874-1875-1876-1877-1878-1879-1880-1881-1882-1883-1884-1885-1886-1887-1888-1889-1890-1891-1892-1893-1894-1895-1896-1897-1898-1899-1900-1901-1902-1903-1904-1905-1906-1907-1908-1909-1910-1911-1912-1913-1914-1915-1916-1917-1918-1919-1920-1921-1922-1923-1924-1925-1926-1927-1928-1929-1930-1931-1932-1933-1934-1935-1936-1937-1938-1939-1940-1941-1942-1943-1944-1945-1946-1947-1948-1949-1950-1951-1952-1953-1954-1955-1956-1957-1958-1959-1960-1961-1962-1963-1964-1965-1966-1967-1968-1969-1970-1971-1972-1973-1974-1975-1976-1977-1978-1979-1980-1981-1982-1983-1984-1985-1986-1987-1988-1989-1990-1991-1992-1993-1994-1995-1996-1997-1998-1999-2000-2001-2002-2003-2004-2005-2006-2007-2008-2009-2010-2011-2012-2013-2014-2015-2016-2017-2018-2019-2020-2021-2022-2023-2024-2025-2026-2027-2028-2029-2030-2031-2032-2033-2034-2035-2036-2037-2038-2039-2040-2041-2042-2043-2044-2045-2046-2047-2048-2049-2050-2051-2052-2053-2054-2055-2056-2057-2058-2059-2060-2061-2062-2063-2064-2065-2066-2067-2068-2069-2070-2071-2072-2073-2074-2075-2076-2077-2078-2079-2080-2081-2082-2083-2084-2085-2086-2087-2088-2089-2090-2091-2092-2093-2094-2095-2096-2097-2098-2099-2100-2101-2102-2103-2104-2105-2106-2107-2108-2109-2110-2111-2112-2113-2114-2115-2116-2117-2118-2119-2120-2121-2122-2123-2124-2125-2126-2127-2128-2129-2130-2131-2132-2133-2134-2135-2136-2137-2138-2139-2140-2141-2142-2143-2144-2145-2146-2147-2148-2149-2150-2151-2152-2153-2154-2155-2156-2157-2158-2159-2160-2161-2162-2163-2164-2165-2166-2167-2168-2169-2170-2171-2172-2173-2174-2175-2176-2177-2178-2179-2180-2181-2182-2183-2184-2185-2186-2187-2188-2189-2190-2191-2192-2193-2194-2195-2196-2197-2198-2199-2200-2201-2202-2203-2204-2205-2206-2207-2208-2209-2210-2211-2212-2213-2214-2215-2216-2217-2218-2219-2220-2221-2222-2223-2224-2225-2226-2227-2228-2229-2230-2231-2232-2233-2234-2235-2236-2237-2238-2239-2240-2241-2242-2243-2244-2245-2246-2247-2248-2249-2250-2251-2252-2253-2254-2255-2256-2257-2258-2259-2260-2261-2262-2263-2264-2265-2266-2267-2268-2269-2270-2271-2272-2273-2274-2275-2276-2277-2278-2279-2280-2281-2282-2283-2284-2285-2286-2287-2288-2289-2290-2291-2292-2293-2294-2295-2296-2297-2298-2299-2300-2301-2302-2303-2304-2305-2306-2307-2308-2309-2310-2311-2312-2313-2314-2315-2316-2317-2318-2319-2320-2321-2322-2323-2324-2325-2326-2327-2328-2329-2330-2331-2332-2333-2334-2335-2336-2337-2338-2339-2340-2341-2342-2343-2344-2345-2346-2347-2348-2349-2350-2351-2352-2353-2354-2355-2356-2357-2358-2359-2360-2361-2362-2363-2364-2365-2366-2367-2368-2369-2370-2371-2372-2373-2374-2375-2376-2377-2378-2379-2380-2381-2382-2383-2384-2385-2386-2387-2388-2389-2390-2391-2392-2393-2394-2395-2396-2397-2398-2399-2400-2401-2402-2403-2404-2405-2406-2407-2408-2409-2410-2411-2412-2413-2414-2415-2416-2417-2418-2419-2420-2421-2422-2423-2424-2425-2426-2427-2428-2429-2430-2431-2432-2433-2434-2435-2436-2437-2438-2439-2440-2441-2442-2443-2444-2445-2446-2447-2448-2449-2450-2451-2452-2453-2454-2455-2456-2457-2458-2459-2460-2461-2462-2463-2464-2465-2466-2467-2468-2469-2470-2471-2472-2473-2474-2475-2476-2477-2478-2479-2480-2481-2482-2483-2484-2485-2486-2487-2488-2489-2490-2491-2492-2493-2494-2495-2496-2497-2498-2499-2500-2501-2502-2503-2504-2505-2506-2507-2508-2509-2510-2511-2512-2513-2514-2515-2516-2517-2518-2519-2520-2521-2522-2523-2524-2525-2526-2527-2528-2529-2530-2531-2532-2533-2534-2535-2536-2537-2538-2539-2540-2541-2542-2543-2544-2545-2546-2547-2548-2549-2550-2551-2552-2553-2554-2555-2556-2557-2558-2559-2560-2561-2562-2563-2564-2565-2566-2567-2568-2569-2570-2571-2572-2573-2574-2575-2576-2577-2578-2579-2580-2581-2582-2583-2584-2585-2586-2587-2588-2589-2590-2591-2592-2593-2594-2595-2596-2597-2598-2599-2600-2601-2602-2603-2604-2605-2606-2607-2608-2609-2610-2611-2612-2613-2614-2615-2616-2617-2618-2619-2620-2621-2622-2623-2624-2625-2626-2627-2628-2629-2630-2631-2632-2633-2634-2635-2636-2637-2638-2639-2640-2641-2642-2643-2644-2645-2646-2647-2648-2649-2650-2651-2652-2653-2654-2655-2656-2657-2658-2659

州人受立定

自下而漸明也。因以幹其辨矣。與公

月天江望餘音記公王直林公顯世

六式氣壓車非卦五爻鼠亦然寒

大同而不以自與者州其顯上宜取

卷之十一 軍直

杜文正公事略

本朝舊學諸臣若張文端勵文恪徐文定顧文端稽文敏福文端朱文端蔡文勤朱文正汪文端諸公皆以論思典學啟沃聖聰共裨益於

王德者至深且久越

文宗朝則太師大學士杜文正公爲最著樞公以咸豐二年七

月九日薨於淮安清江浦行臺越二日馳聞

上諭曰協辦大學士杜受田秉躬端正勵節立清經術淵醇體

用兼備蒙

早考特達之知由詞林視學山西特召還朝天直上書房爲

朕講習討論十餘年中。日承啟迪。獲益良多。嗣游歷正卿。忠勤益懋。朕親政後。加太子太傅。以刑部尙書協辦大學士。每召見時。於用人行政。國升民生。造膝敷陳。深資匪弼。前因豐工未合。江南山東兩省窮黎急需賑恤。特派前往查辦。疊據馳報。東南賑務均已布置周妥。念其觸暑過征。心力交瘁。正切惓懷。而前後奏牘中。總未自陳病狀。乃以感受暑溼。遽至不起。披覽遺章。不覺聲淚俱下。悲痛實深。迴憶書齋景況。加在目前。奉使陞辭。情尤眷戀。方冀贊襄帷幄。讜論常聞。詎料相睽兩月。晤對無期。耶。共賞給陀羅經被。晉贈太師。大學士入祀賢良祠。卽照大學士例。賜卹。並給廣儲司銀五千兩治喪。靈柩回京。沿途地方官

妥爲護送。準其入城治喪。屆時朕當親臨奠醊。用申悲悃。其父頭品頂戴前禮部郎杜堦。年屆九旬。猝聞此信。定深悼痛。其令恩華前往看視。並賞給人蔭十兩。以資調養。其子杜翰。服闋後。以庶子用。孫三人。均賞舉人。用示朕愴懷舊學之至意。未幾禮部以卹典奏請。予諡。又諭曰。杜受田品端學粹。正色立於朝。皇考深加倚重。特簡爲朕師傅。憶在書齋朝夕納誨。凡所陳說。悉本唐虞三代聖聖相傳之旨。實能發明蘊奧。體用兼賅。朕卽位後。周咨時政。利弊民生疾苦。亦能盡心獻替。啟沃良多。嘉慶年間。大學士朱珪仰蒙

皇祖仁宗睿皇帝鑒其品節特謚文正杜受田公忠正直揆諸
謚法實足當正字而無愧其卽賜謚文正毋庸內閣擬請尋
賜祭葬如典禮其明年駕臨辟雍講學追思往昔討論之功
特詔襲公品學復命惇郡王卽家賜祭一壇蓋公自道光
十六年入直上書房及文宗御極前後十有七年間朝夕輔導未嘗一日或離
上側當奉使日入辭涕泣感動左右故公遺疏中感戀靡已念
楚氛未靖河患未平尤以敬天法祖勤政愛民崇節儉慎好惡
平賞罰爲言

上聞震悼輟朝

手詔淋漓悲感樞抵京

命恭親王率侍衛

十人往奠爵及

親臨賜奠。

召見公父塏慰勞有加。

特晉

禮部尚書銜。

命食全俸。

恩禮優渥蓋非徒以禮崇師傅其

君臣契合符揆有迴出尋常萬萬者中外聞知爲公感泣亦非

徒謂遭逢隆備誠以其時

文宗方嗣服百爲將起朝野皆延頸跂踵於

上之待公與公之所以輔翼

上者有無窮之望又且嶺嶠盜方熾承平久政事多隳廢左右

臣僚或有隱微難喻及疏遠陳詞所不易白者獨恃公從容宣

達於密勿之間而公年未篤老倚毗正未有艾顧不謂其猝然

中道而遂已也公諱受田字芝農山東濱州人父塏嘉慶辛酉

進士。由編修官禮部侍郎致仕。公生而篤謹敏學。由天受踰冠。舉嘉慶庚午鄉試。道光癸未會試第一。殿試二申第一。選庶吉士。授編修。癸巳大考翰詹。擢中允。命督陝甘學政。與陝西巡撫史譜姻親。迴避。調山西學政。升洗馬。文宗就學。奉召還朝。命直上書房。累遷庶子。侍講。侍讀。學士。至內閣學士。兼禮部侍郎。特命專心講授。毋庸親閣務。旋升工部左侍郎。調戶部。管三庫事。懇左都御史。擢工部尚書。累充國史館提調。協修官。日講起居注官。經筵講官。道光戊子鄉場分校順天試。王辰充雲南副考官。辛丑以工部侍郎爲會試副考官。甲辰以左都御史典順天試。丁未以工部尚書爲會試

副考官辛亥以協辦大學士再典順天試所至得人中更大考翰詹及鄉會覆試朝考庶吉士散館均爲閱卷大臣復充上書房總師傅實錄館總裁專

宣宗實錄彙本以刑部繁復命管理禮部事務優之也公自侍經帷歲受御書珍玩文綺之賜道光丙午公六十生辰

賜御書福壽字暨諸珍物明年公父垺年八十有四頌御書

教忠篤慶額及福壽字如意文綺諸珍賜之自後位日崇望日益重而公欲然不自滿假亦不好爲翹異平居敬慎所蒞事不煩擾而輒就理人望之如高山深林巨壑莫測其所蘊蓄也少清貧隨宦京外躬佐理家政而劬學弗爲衰官京師退食猶

日親諸務。公父致仕後。就養京邸。出入告面。無少閒。家庭雍穆。於親舊。閒情意尤款篤。母舅李壽春爲沁源令。李官醫。祭田以宗民欠立。以五百金爲贖。復之。與人坦坦無疾言遽色。顧中實嚴毅。人莫敢以非義于遇。不趨屹不可奪。在戶部時。豫工等餉。推捐例者。欲開培附生。援納教官之條。公獨爲一疏。罷其議。尤覽擇當世賢才爲上進用。會有詔保舉人材。公首薦林文忠。則徐周文忠。天爵其池。大受小知名。節較然。天下恒觀其效。而上尤眷念公。所進引。每歷試之。推信不渝。向忠武榮在粵軍時。謗議沸生。幾蹈不測。或言公實力陳輿論。數保全之。當國寇初

起公屢以粵事詢粵人令條所聞見上之卽採錄入告公旣荷
上倚其造膝所敷陳有什伯千萬於此而潛謀默運於政本之
地者語。越外弗得聞卽其門人子弟欲於公之盛德大猷紀述
一二亦終莫得而擬議烏虜不有明詔宣示特援宋文正公
之例以崇錫令名又孰從而窺其底蘊哉公夢年六十有五子
翰道光甲辰進士由檢討累官工部侍郎軍機大臣出嗣爲世
父坊後翻乙未進士由編修官至兵部侍郎

上。尚。其。登。觀。河。鐵。刺。許。印。白。干。箇。外。物。而。而。爲。理。應。成。就。在。之。
政。以。理。道。論。等。人。分。路。復。因。見。士。之。而。計。或。人。在。心。和。情。

翁文端公事略

常熟翁文端公服官四十年。以清介正直受累。朝特達之知。由詞臣致位宰輔。凡所規畫。務崇大體。未嘗爲國家言利。自庶僚以至權貴。有以言利之說進者。必抗詞執奏。不少屈。生平恬於榮利。其退由力請。進由特召。出處本末。較然海內。引重

今

皇帝御極之初。公方以疾在告。

兩宮

皇太后圖任舊人。以輔

聖德。特旨起用。以大學士銜管理工部事務。有守正不阿之

襄公兩疏固辭卒不獲請明年春奉

懿旨。在弘德殿授讀。日侍

經。帷寅入。申出。十一月朔退直。

後邁寒疾。越五日薨。遺疏入。

上震悼。

命醕郡王率侍衛十員奠醑。

賜陀羅經被。

贈太

保入祀賢良祠。

予諡文端。

賜祭葬。飾終之典。至優渥矣。公

姓翁氏。名心存。字二銘。號遂庵。江蘇常熟人。父咸。封乾隆癸卯

舉人。官海州學正。祀海州名宦。公幼奇慧。七歲能屬文。十三徧

誦經史。下筆累千言。隨侍學正公於海州。唐公仲冕爲州牧。見

而奇之。遂師事焉。十六補弟子員。越十年舉嘉慶丙子鄉試。出

湯文端之門。入都會試。賢士大夫聞公名。皆願納交。嘗遊汴梁。

南昌所至覽觀山川形勢名賢遺跡往往作爲詩歌以道其懷。道光壬午成進士。選庶吉士。授編修。充武英殿總纂。大考優等。升中允。充文淵閣校理。五年。典福建鄉試。督廣東學政。九年。入直上書房。充日講起居注官。擢侍講。十一年。分校順天鄉試。十二年。典試四川。甫還。朝而有江西學政之命。十三年。補庶子。遷祭酒。仍畱學政任。十五年。典試浙江。差旋。過吳門。乞假省親。適奉旨補奉天府丞。兼學政。十六年。授大理少卿。十七年。抵京。特旨命授皇六子讀。十八年。以母年八十。乞養歸。先是公之告歸也。宣宗皇帝意方嚮用。以疏辭懇惻。不得。不如所請。至二十七年。

母服闋

上。亟。望。其。還。朝。會。公。子。同。書。授。貴。州。學。政。召。見。

上。問。曰。汝。父。豈。終。不。來。乎。葬。事。將。以。何。日。畢。乎。同。書。奏。臣。父。受

恩。深。重。今。葬。事。將。畢。期。以。明。春。北。上。

上。喜。曰。汝。父。固。當。速。來。汝。其。具。家。書。述。朕。意。趣。其。行。同。書。頓。首。

謹。奉。詔。公。聞。命。感。泣。遂。以。二。十。九。年。三。月。抵。京。召。見。詢

家。居。十。年。狀。七。月。復。直。上。書。房。再。授。祭。酒。遷。內。閣。學。士。再。遷。工

部。左。侍。郎。奉。旨。授。皇。八。子。讀。三。十。年。正。月。

文。宗。皇。帝。登。極。特。派。偕。諸。王。大。臣。恭。理。喪。儀。調。戶。部。右。侍。郎。

兼。管。錢。法。堂。事。賜。紫。禁。城。騎。馬。咸。豐。元。年。充。順。天。鄉。試。副。考。

官兼署吏部右侍郎。擢工部尚書。充經筵講官。二年充實錄館總裁。兼署左都御史。與武會試。三年調刑部尚書。旋仍調工部。命兼管順天府尹事。以失察屬員盜案。牽連絀吏議落職。四年二月起吏部左侍郎。計去官不及五十日也。三月調戶部右侍郎。充武英殿總裁。九月授兵部尚書。十月仍命紫禁城騎馬。十一月調吏部尚書。教習庶吉士。復充經筵講官。五年三月。上謁西陵。命留京辦事。管理戶部三庫事。六年充國史館總裁。兼掌院學士。十一月以吏部尚書協辦大學士調戶部。八年充上

書房總師傳九月拜體仁閣大學士管理戶部事九年四月因疾請開缺。予假一月。溫旨慰留。五月奉命教習庶吉士。再請解職。允之。公疏謝並陳明在京調養。

上每召見大臣。猶時時垂詢公病狀。十一年七月。

交宗升遐。十月。

梓宮自熱河至京師。公迎謁哭臨。是月。今。

上嗣位。公被命再出理部務。同治元年充實錄館監修總。

裁。此公生平出處。及歷官除拜之大略也。常熟翁氏自明以來。

多顯官。而公先世獨潛德。勿耀學。正公官海州。館粥常不繼。先後五次奉檄賑饑。無纖毫侵冒。清介絕俗。嘗出查賑州牧欲更。

所造餓民問餽重金於其婦請補印婦峻拒之公秉庭訓力學
食貧及鄉舉嫉鄉人包漕陋習歲晚出遊大江南北以避之里
黨姻笑意夷然不屑也通籍後慎交遊絕餽遺不渝其素典浙
試還入里門步行蕭然如諸生泊告養歸奉母讀書邑中每有
公事縣令禮請皆謝不往庚子歲邑大水公捐貲賑饑率紳士
誓於城隍廟有私一錢者禍及子孫在事者皆悚惕無敢欺隱
篤於行誼友愛無閒言家既貧尤尚樸素布衣糲食無所擇所
至惟以書卷自隨喜誘掖後進有知人鑒前後所取士以學術
政事文章氣節著者凡數十人主講敷文紫陽兩書院廸諸生
以樸學在成均日興修南學六館之士彬彬焉及官卿貳爲院

長薦達賢俊不可勝數其手疏密陳者輒焚其藁曰吾爲大臣
爲國求賢職也不可使人知今

上初登極卽一再上封事及詔下中外大臣博舉遺逸
揚及公謂不失以人事君之義人始知公所建白蓋以人才爲
首務云公初入詞館才名藉甚然於詞賦非所深好獨好經史
實學儒先說理之書及古名臣論奏湯文端深器之自盛京還
再直上書房時

宣宗皇帝以皇子初入學重師傳之選賜裘賜饌恩

遇優異每召對必溫諭移時乃罷及家居再出後人直如
故維時

文宗皇帝猶在潛邸。授讀者爲濱州杜文正公。遇杜公休沐日。公亦得侍學。一日論唐史及德宗世於陸贄盧杞賢奸進退反覆講晰數百言。

文宗動容嘉納焉。翼日因以宣公奏議進其以尙書兼尹順天也。時粵寇北竄。畿輔驛騷。徵調關東索倫兵及東三盟蒙古兵駐畿甸外。所需車馬芻糧之屬無算。有不給者以乏軍需論。公皆先期辦治。民不知役。並規度可控扼地。列柵屯守。又料簡民兵以壯聲援。舉光祿卿宋公太僕卿王公司其事。百里外烽候相望。金鼓聲四聞。寇窺其有備。遂不敢偏。其再筦大司農。值軍興。國用日絀。主計者輒巧爲名色以掊克於民。公每持其事。

不下所規畫。惟塞弊源。至滲漏。以寬民力。嘗以議洋藥稅事。與
尙書肅順廷爭。繇是有隙。公旣去位。肅順方貴重。用事。會戶部
鈔票案起。遂興大獄。欲以奇禍中公。王公同其事。百里平。公
上以公無他辜。不深罪。當是時。微
上保全。幾不測。公每與家人言及
兩朝厚恩。未嘗不嗚咽流涕也。咸豐十年。京師有警。都人洶洶
言

聖駕且出巡。廷臣交章固爭。公時已退居。亦上疏力言不可。

上皆采納。不以爲迂。公之奉

詔再出也。足疾猶未瘳。有

員

免帶。傾引見。及一切勞苦事。示優卹直

弘德殿。每出入

命

內侍扶掖以行夜中或龍燭前導皆異數也每日晏授經之暇則進講帝鑒圖說退直輒紬繹大業衍義帝學諸書曰此致君堯舜之本也疾革時猶惓惓以聖學早成四方早靖爲念無一語及家事命繕遺疏言願

皇太后調護

聖躬愼擇近侍

皇上懋修正學親近正人端蒙養之本原致中興之事業繕畢命子同龢恭讀一過點頭者再閉目端坐遂暝年七十有二子四長同書道光庚子進士由編修歷任安徽巡撫坐事免次同爵以廕生爲兵部員外郎湖南鹽法道次同龢咸豐丙辰一甲

一名進士授修撰遷贊善仍直弘德殿孫曾源同治癸亥二
甲一名進士官修撰

用一名進士官修撰

命于同職持趙一
 國語頗高再閉目
 識坐後如至十有
 二年

卷之四

人出婦登之亦熟娃中與之平素習

武庫

皇如四武早都氣念無一
 周又京連命滿登報言佩

[illegible]

李父恭公事略

太子太保 欽差大臣前兩江總督湘陰李公之卒於軍也遺疏言賊不能平不忠養不能終不孝殫用常服以彰臣咎上覽而悲之烏序來中郎創臥自恨奉職不稱羊叔子臨危眷眷以未平吳爲言古勞臣殫心軍國值時勢之鉏鋿志決身殲歿而猶眠豈不以是哉方粵盜初起寶道光二十有九年明年益橫肆 詔起侯官林文忠公督師林公道卒 特敕公代之論者謂林公不亡賊且就殄林公亡而得公之誠實勤密如林公者嗣其事天假公年一事權以盡公之志必有閎識深計扼賊吭而制其死命而奈何天之奪公如是速也公之督兩江也

戶部以連年蠲復絀度支籌實庫爲備豫計於是廷臣條五事
以上其大者則漕糧改徵折色入銀京師於奉天陝豫采買以
充倉庾下直省有漕督撫議江南財賦甲天下弛張必自是始
公疏言州縣兼收折色以錢抵銀本無定價若著爲令而示價
於通省則銀價日昂民且重困奏入廷臣猶以爲言再下議公
再疏言例價甚輕北方糧貴又水陸運費不貲勢不得不議增
而例有明文迥非州縣通融辦法若就州縣分別輕重無論各
州縣情形不同卽一州一縣中亦各不同且不能舍戶部定例
而轉執州縣之勒價爲準多則輸納不前少則采買不足此國
計之難也至以漕項應折若干註明糧冊糧崇畸零細碎開載

既煩且銀價時有長落將今日少完明日復多完乎歲收時有
豐歉將今歲少取明歲復多取乎小民正愁穀賤兼值銀荒以
有易無展轉虧折此民生之難也至州縣之私改折色祇以解
費爲辭今若明示折改則張目而無所顧忌以公濟私浮勤必
益甚而糧役之伺串詐混亦必日出而滋弊多一名色卽多一
利孔脂膏朘削究惟編氓任之此防州縣浮勤吏胥訛索之難
也奏入

成皇帝驥之事遂寢烏虺棄其所有而取其所無司馬溫公之
諫望倉也若乃折衆口而輟成謀則溫公所不能得之於其君
者而公顧以婉切之言破膠固之議於是歎明良一德之盛

遠軼前古而江淮之間不至蕭然煩費者非公孰貽之哉公諱
星沅字子湘別號石梧湖南湘陰人父疇優貢生桂東縣訓導
公天挺魁特總角如成人以遠大自較勵道光十二年成進士
選庶吉士授編修明年奏辦院事十五年命督學峴東公謂
學臣所以造士士習端則民風正故必以扶持世教爲舉職粵
中人士多健訟劄通省府州縣學藉生員之于訟事者牒以文
仍訓其實而理之士風爲肅嚴覈丁胥禁革規費諸名目所頒
條教大率以人才經學名義爲急下至細微皆手自屬草吏無
敢舞文秩滿授漢中府知府遷河南糧道歷陝西四川江蘇按
察使除江西布政使仍調江蘇當是時

成皇帝識公於詞臣中期練習吏事爲置圉重臣多厯郡國俾周知利病之原也尋擢陝西巡撫抵任卽奏劾牧令之尤不職者數人或自乞去固原提督胡公超戰功爲世所指名初裁西安總兵缺議每歲以冬春駐西安如湖南四川分駐半年例公謂關中方無事乃汰總兵而移提督轉令東道咽喉半年虛曠於地勢事勢皆不順力持於總督寢之修軍政定疑獄尤深疾吏役詐贓致斃命者手劄行通省愷切深至皆斂手奉法調之蘇巡撫蘇松漕事煩重其大弊尤在大戶小戶之不平公至力圖所以均之於無錫金匱兩縣革地總包總等名刊石示永戒二十六年授雲貴總督時緬甯回匪不靖公亟調官兵分道進

腹背擊之。首匪馬國海懼亡走。則潛結雲州回馬登霄海連升等。結囚作亂。透西大震。公定謀。檄諸將迅擊。而縱閒散諸回之被脅者。不三月。事大定。捷聞。加太子太保。賞戴孔雀翎。疏劾前透西道羅天池。掇殺過多。未能詳慎。區則致衆回寒心滋亂。得旨。削籍。永不敘用。旋調公兩江總督。旋是公三至江南矣。耆老聞公來。皆額手相告。江南武備他水師會巡尤不實。公撫蘇時。已引爲憂。至是銳意整飭之。奏籌海外水師事宜五則。捐俸造蒙衝四十艘。爲倡。鎮將憚公嚴明。泄沓之習一變。會俄羅斯商船抵上海。圖就地貿易。公引例卻回。有詔嘉獎。陶文毅之改淮。北綱鹽爲票也。旣以新章取速效。而淮南課額重。自銀

貴錢賤銷數易虧。公謂引滯課絀。不盡由私販。而欲圖補救。必
以嚴治私販爲首務。先後疏奏無慮萬餘言。皆得。俞旨褒勉。
逮公去江南。而淮南亦改票。並設倉於儀徵爲捷法。於是小販
雜出。漕政益狼戾。不可收拾。然後知公之先見也。先是有詔
令兩江總督轄河務。如舊制。會河督缺。命公兼攝之。乃具疏
力陳河工積弊。且言道。廳應各駐汛地。不得萃處清江浦。有
旨察禁。二十八年秋。江淮海並漲。淹民廬萬計。公親出籌賑。撫
蒿目。忧心。眠食虧損。疾大作。再乞假。乃瀝情請開缺。會江南監
司有入對者。上詢及公。盡得公積勞成疾狀。始得請。仍詔病閒。卽詣闕。公

之以郡守陟監司也。朝廷方嚮用公。每之官。不久卽遷擢去。地方興革有議擬未行者。有創始而未竟者。惟撫秦閩三年。督江南及二年。故閔綱巨目悉修舉。矜慎刑獄。而不爲煦煦仁鋤。奸暴尤力。河南多滯獄。獄囚有病死者。公謂罪死死於法。病死死於官。罪非殊死。則賊命罪當論死。則失刑。飭有司速治獄。旣上日親錄之。囹圄爲空。蜀盜曰國匪。陝盜曰刀客。久爲民害。公皆盡法懲之。禽其尤。置重典。凶覲用戢。其爲江蘇布政使也。漸江方禦島夷。戰不利。江蘇戒嚴。提督陳忠愍公陣亡於上海。夷舶由海入江。陷丹徒。犯江甯。敗卒跳集於蘇。勢洶洶。且內訂。蘇人大恐。公告於巡撫。斬標劫者。以徇其濱。兵潰勇暫招。畱令立。

功贖罪免。滋擾七月。暎夷受撫於江甯。客兵分起歸伍。公卽牒請撤糧臺。改爲報銷局。節浮費也。三十年正月。宣宗皇帝升遐。疾馳入臨。

文宗召對。恩語肫渥。公奏言。臣病幸少差。而母老多疾。乞歸養。

上鑒其誠。允之。十一月復奉欽差大臣督師之命。公入告太夫人。卽馳赴粵。時粵西羣盜如蝟毛。金田逆賊尤橫恣。公駐師柳州。疏調黔楚兵合剿。發輓指示所向。克捷時。向公榮以宿將。爲提督。在諸將中。爲能戰。周公天爵爲巡撫。果敢任事。公皆開誠以通之。金田賊旣竄。出據大黃江。擾武宣。屢被創。而勢猶熾。

我軍籌進止及駐軍地巡撫持議多異同。於是有特簡將軍總統之請。公進次武宣。疾已作。猶力疾見官吏。料簡軍書。激厲將士。如平時。憂心內焚。寢至綿懣。遂以咸豐元年四月薨於軍。年五十有五。烏虜師克在和之義。固公所日反覆於中。而特不能掬肝膈以示人。至於憊心罷精以死報國。則伏波所稱馬革裹屍之義也。遺疏入。

上嗟悼。

優旨嘉愍甚至。

予祭葬給白金五百兩。治喪諡文。

恭。賜其母陳太夫人人蔭十兩。子慨桓行服闋後引見。飾終之典可謂盛矣。公在翰林五年。一視學政典。甲午四川鄉試分校。乙未會試皆得士。公儀表瑰瑋。聲如洪鐘。自其少時發言制。

行無少苟。峻整篤實。識量尤恢遠。長遊四方。益廓見聞。嘗客陶文毅所。典章奏公。所削葉文毅無以易也。既還籍。受兩朝持達之知。署豫臬時。奉

宣宗手敕。命母失書。生本色。抵陝撫任。諭以勉力認真。勿負委任。調江蘇。疏謝。手敕報曰。朕見汝年富才明。學優品正。其有厚望於汝。汝當體朕用人之苦心。衷也。及命兼司河務。諭曰。卿年力甚強。勉爲之以副重寄。逾年請述職。批劄云。朕非不願與卿相晤。顧公事繁雜。難離本任。可暫停其乞病也。手批云。一俟痊愈。卽來京。朕切望之。至卿當諒之。其受殊眷。皆類此性。至孝。歲時祭祀。哀慕不自勝。宦遠方太夫人。以春秋高。

恒不就養。公廩思輒至不寐。泊陳情得請。喜得償所願。不圖時事之棘。惟艱。惟瘁。遽殞其身。此公遺疏所以憾養之不終也。公幼有異徵。應童子試時。外舅郭進士汪燦夢入公府。見金冊列公姓名。爵里物色之。遂妻以女。既館選。諸妹中有召紫姑神者。戲問公終身官秩。皆不爽。未署云。蒼梧廩節。其後公卒。薨於梧。州蓋前定云。所著芋香山館集若干卷。子五杭官編修。有學行。早卒。慨候選道。桓廩生。江西布政使。

呂文節公事略

呂公賢基字鶴田安嶽旌德人。贈公某遂於經學。拔貢。官教諭。公生有至性。飭倫紀。秉正嫉邪。惡言不入於耳。道光十五年進士。選庶吉士。授編修。十七年分校順天鄉試。二十二年授御史。疏言南河工料與其購於他處不如取給於葦蕩。請飭所司董勸庶險工有恃而經費亦可省。又請申禁各省加派勒捐之弊。俱從之。遷給事中。疏劾知州鄂雲寅緣投入揚威將軍奕經幕。誑騙欺濫支軍餉。又廣東劣幕余廷槐盤踞多年。黷貨受賄。與訓導黃培芳表裏爲奸。藉團練乾沒軍餉。且招募匪徒充數。藐法滋事。請飭嚴察究治。如所請行。二十三年轉掌印給事中。

丁父憂二十六年起補禮科給事中。明年掌吏科印。以河南旱災。方籌辦賑恤。疏請將江南捐輸米改撥豫省賑災。允之。二十八年巡視東城。時江西安徽湖北水災。一詔發帑賑恤。公疏言。辦賑之弊。莫如造冊稽延。定例水旱成災。督撫疏報。卽先給饑民一月口糧。再查被災輕重。分別給賑。誠以飢寒待哺。若必待查取戶口完竣。則老弱轉徙已多。應請敕下所司。遵照定例。一面查取戶口。一面放賑。無論極貧次貧。均令先沾實惠。俟冊籍已定。卽於限內具題加賑。其加賑日期。務與初賑接續。毋許間斷。至戶口或有開除續增。隨時具報。有任意延緩者。嚴參。庶有司不敢貽誤。而愷澤得以旁流。其辦賑急務。數則一多設粥廠。

嚴朴尅扣撓和積弊。一兼籌放錢糶米之法。一展緩恩詔官
急宣示。一招商採買鄰省米穀接濟。一收恤遺棄幼孩。一收買
耕牛。疏入皆議行。尋命稽察西倉。三十年正月。
文宗御極。公應詔陳言。一懋聖學。一正人心。一育人才。一
恤民隱。並請將江蘇浙江等省捐米例停止。未幾遷鴻臚寺卿。
咸豐元年擢工部左侍郎。與折江鄉試。三年兼署刑部左侍郎。
時刊部主事闕。尙書恒春擬照舊章以京察一等筆帖式題陞。
侍郎書元欲以候補主事題補。意見不同。有旨詢各堂官所
見。與恒春書元孰同孰異。公偕尙書周祖培右侍郎陸應穀遵
旨奏覆。應如恒春議。經定郡王載銓會同吏部議奏。如所請。公


尋以粵匪河工度支漕運事事可危疏請下詔求直言又奏
粵匪滋事已二年命將出師尙無成效甚至圍攻省城大肆猖
獗南河豐工未合龍重運之沮滯災民之屯聚在在堪虞河工
費四五百萬軍需費一千餘萬部臣束手無措必致掊克朘削
邦本愈搖臣愚以爲今日事勢譬之於病元氣血脈枯竭已甚
而外邪又熾若再諱疾忌醫愈難爲救惟有開通喉舌廣覓良
方庶可補救於萬一應請特旨令大小臣工悉去忌諱一改
泄沓之故習於時政闕失有可補救者各抒所見盡言無隱以
期集思廣益疏入得旨申諭各部院大臣九卿科道有言事
之責者於政治得失民生利病有可補救者各據見聞直言無


隱八月充順天鄉試副考官。九月署工部錢法堂事務。充覆試閱卷大臣。三年正月。以粵匪稔亂。命赴安徽。會同蔣文慶。周天爵辦理團練防剿事宜。公奏請。飭部撥帑備用。並請帶員前往幫辦。又奏所過地方。如查有堪備教習團練之人。請咨各疆吏。速赴安徽軍營。以資差委。均如所請行。二月。奏請。飭給事中袁甲三。廣東知府赴酌。均赴安徽。協理防剿。允之。尋偕署撫周天爵。奏言團練防剿三事。當分致其任。併致其力。以圖之。團練之事。各就地方。飭屬加意辦理。激勸紳民。殲除土匪。防堵之事。於江北沿江一帶。擇精幹牧令。稍假威權。令其練本邑之兵。團本鄉之勇。因本地之糧。以守本境之土。各固藩籬。永免徵

調。察。其。辦。理。之。善。者。升。銜。加。俸。不。遷。其。職。俾。得。盡。心。固。守。勦。賊。之。事。專。責。之。統。兵。大。帥。如。大。帥。駐。營。去。賊。百。餘。里。者。立。卽。逮。問。如。此。則。各。有。責。成。無。所。庸。其。推。諉。疏。入。得。旨。嘉。納。時。湖。北。敗。匪。由。英。山。犯。太。湖。分。股。竄。出。洪。家。埠。奪。船。意。圖。東。下。旋。竄。踞。安。慶。經。官。兵。截。勦。復。分。股。由。清。涼。庵。至。十。里。館。犯。集。賢。關。各。路。兵。勇。接。戰。失。利。遊。擊。賡。音。太。伍。登。庸。死。之。未。幾。由。集。賢。關。犯。桐。城。邑。紳。馬。三。俊。等。率。勇。迎。敵。敗。潰。桐。城。陷。時。公。方。駐。舒。城。誓。死。守。或。勸。曰。公。無。守。土。責。又。未。轄。一。兵。今。賊。鋒。銳。甚。請。退。守。以。圖。再。舉。公。叱。之。曰。吾。奉。天。子。命。治。鄉。兵。殺。賊。事。不。濟。命。也。退。將。安。之。遂。納。韓。刁。率。父。老。

登陴力禦。未幾城陷。公竭力死難。係屬及幕佐皆殉焉。十一月
巡撫江公忠源疏聞。諭曰。呂賢基。由翰林科道。洊升京卿。朕
因其品學兼優。超擢侍郎。合其回籍督辦團練。該侍郎年力正
強。方資商畀。乃以逆匪竄擾舒城。捐軀盡節。悼惜殊深。可追贈
尚書銜。照尚書例賜卹。其子編修呂錦文。服闋後。以侍讀陞用。
所有隨員幕友。盡節姓名。均查明請卹。又諭曰。贈尚書銜侍
郎呂賢基。素懷忠義。大節無虧。可於舒城建立專祠。以慰忠魂。
而光卹典。並賞內庫銀三千兩。交呂錦文祇領。赴安徽扶柩回
籍治喪。尋賜祭葬。予謚文節。並入祀京師及本籍昭忠祠。
八年復入祀鄉賢祠。公力崇正學。行身植志。不少苟詭。隨者見

之。蹙然無所容。在臺垣。伉直敢言。感時事。至涕泣不食。每入對。痛切。瀝陳聲淚俱下。文宗屢爲動容。疏出天下傳誦。何君桂珍著續理學正宗。唐君鑑著學案小識。公皆以進呈。藉爲正學之助。有議其迂者。毅然不爲止。其出治團防也。自知不返。別丑行。痛哭不能起。烏虜公之志。蓋夙定矣。錦文現官侍讀。兼襲騎都尉。





國朝先正事略卷之二十六 名臣

平江李元度次青纂

江心烈公事略 弟壯節公忠濟

公諱忠源字岷樵湖南新甯人爲諸生究心經世學不屑屑章句充道光丁酉拔貢是科舉於鄉甲辰大挑得教職新甯地接廣西民獠雜處多盜公察天下將亂倡行團練法以兵法部勒子弟是爲湖南團練之始丁未秋獠民雷再浩勾廣西賊爲亂鹽法道楊君炳堃總兵英君俊來縣合剿議徵兵公力止之自率鄉兵擣其巢再浩擒事定賞藍翎以知縣用是爲公以鄉勇討賊之始戊申謁選發浙江權知秀水邑被水災公勸分設

賑收棄孩。蠲正賦民忘其災計擒劇盜十數人邑大治巡撫吳文節公文鎔待以國士補麗水會

文宗皇帝登極

詔中外各舉所知侍郎曾公國藩具疏薦有

旨召見吳公疏畱辦海塘工閱四月工訖以父憂歸時廣西賊

首洪秀全楊秀清等稔亂

朝命大學士賽尙阿公出視師聞

公知兵疏調軍前副都統烏蘭泰公忠勇負氣與他將多齟齬

一見公深相倚重公募故所用鄉兵五百人使弟忠濬帥以來

號楚勇是爲公以湖南鄉勇出境討賊之始始至敝衣槁項諸

軍皆匿笑時賊氛惡甚官兵數萬莫敢撓公築壘逼賊營賊以

其少且新集易與也急犯之公堅壁如不敢戰賊近壘始開壁

馳之斬首數百。烏公拊掌語人曰：「君等蔑視楚勇，今何如？」侍衛開隆阿者，善射，奇中。嘗射虎，十數軍中號打虎將者也。公長揖過之，意謙。公一日戰，被圍，矢且盡。公登高阜望之，曰：「必開公也。」怒馬馳救之，並轡歸。開公拜曰：「活開隆阿者，君也。」遂握手飲，極歡。累功擢同知直隸州。賞花翎。時賊萃永安，官軍環之。闕城北一面，公與烏公請掘長壕聚殲之。弗聽。明年春，以病歸。賊果由北路犯桂林，四總兵陣歿。烏公以刀刺臂，灑血盤水中，呼將士共飲，涕泣誓師。援桂林，公在新甯亦力疾起出，私財增募千人。與今直隸總督劉公長佑倍道赴援。至則烏公中礮，卒城圍逾月。公進扼東岸之鷓鴣洲，三戰皆捷。四月朔，桂林圍解。擢知

府賊趨全州。公閒道敗之。唐家司全州既陷。銳意趨湖南。公先諸軍扼富塘埔。賊度不能越。則悉載輜重舟中。期水陸並下。公伐樹塞河。截賊蓑衣渡。鏖戰兩晝夜。逆舟挂樹。不得前。僞南王馮雲山中礮死。盡獲其輜重。賊遂東走。道州初。公慮東岸空虛。白當事請分軍扼截。弗許。請躬率所部往。又不許。至是。賊果由東岸竄湖南矣。方賊之奪舟而下也。天雨水漲。由永州至衡州。數日可達。程總督喬采時駐衡。聞警走長沙。知府陶君恩培留之。不可。鮑提督起豹亦議去。永州會聞蓑衣渡之捷。人心稍固。總督仍還衡郡。及賊踞道州。眾猶不滿萬。公慮日久。裹脅眾。乃建議分防。不如合剿。遠堵不如近攻。七月。賊自藍山嘉禾犯桂。

陽旄陷郴州。公上言後路追剿愈急。前路攻陷愈多。請仍申合
剿議。當事皆漫不省。賊則益張。公在郴州。約總兵和春。公由石
子嶺潛師出賊前。未至賊竄永興。以萬眾畱郴。相牽制。公策永
興賊必由茶陵醴陵犯長沙。乃倍道由衡州援省。會賊已踞城
南。及小西門窟穴於民廛。攻甚急。南城外天心閣。地勢高。賊方
柵其上。公望見驚曰。賊據此。長沙危矣。急帥所部爭之死傷二
十人。督戰益力。賊退趨移壘。壘去賊數十武。共汲一井。擊析聲
相聞。自是長沙止。南門受敵。賊巢背水面。城當絕地。雖後隊踵
至。無能爲矣。會僞西王蕭朝貴中礮死。賊數穿地道。又先後爲
副將鄧君紹良瞿君騰龍所拒。氣少沮。逾旬。洪楊大股至。勢猷

復江公弟忠齊自郴尾之約公夾擊方戰賊伏叢家閒挺矛刺公傷腓墜馬遇救免時新撫張公亮基至前巡撫駱公秉章與幫辦軍務前湖北巡撫羅公繞典均夙契公就詢方略公以官軍四面集惟河西一路虛請調重兵駐龍迴塘扼賊竄路期盡殲張公尤韙之而河西諸將遂巡莫敢前當是時賚公罷免新帥徐公廣縉久不至城內外巡撫三提督二總兵十莫相統攝課用不成公憤甚躬赴湘潭力請於徐公不省賊卒由龍迴塘竄出掠舟西遁而東南大局隳矣十一月公追賊至臨資口屬巴陵士寇起檄公留勦事平而瀏陽匪渠周國虞之事起先是國虞等故與粵西賊共爲邪會眾萬餘人粵賊至卽起應之已

復止。當事始掩覆之。至是將乘官軍之下。爲亂湖南。公出不意。進討。張示散脅從。許自首免誅。十二月十八日。賊來犯。設伏敗之。斬首七百。首免者萬餘人。瀏陽平。公時以援湖南功。擢道員矣。三年正月。張公權湖廣總督。疏調公旋授湖北按察使。時賊棄武昌東下。公私掃地。一切倚公辦。又平民之起爲賊者。通城劉立簡。崇陽陳百斗。嘉魚熊開宇等。有衆數千。皆討平之。遂奉幫辦江南軍務之命。公拜疏言軍事。請嚴軍法。撤提鎮汰弁兵。明賞罰。戒浪戢。察地勢。嚴約束。寬脅從。凡五千餘言。又疏請四川湖南北三省。分造戰船。習水師。令廣東籌款鑄礮。是爲公籌畫東南大局之始。疏入。

上嘉納之。四月公率軍東下。廣濟賊宋關祐等抗糧爲亂。戕守令聚眾數萬。公就便征之。戰三捷。斬首五百。有奇。生擒三百人。釋其半。令轉相解散。詰旦賊大至。又敗之。訛俘多。卽釋歸者。乃駢誅之。王月至九江。賊自皖江浙流上。距城四十里。憚公威名。不敢近。改由彭蠡犯南昌。時公奉命。援鳳類。卽抗疏。改道援江西。軍士方患暑疫。汰之。得人千三百。以五月十六夜抵南昌。凡三晝夜。行五百里。賊不意公乍至。驚曰。來何速也。章江門最受敵。公自當之。宿譙樓。焚城外民舍十八。日賊舟蔽江。至薄城。礮擊之。稍卻。趨得勝門。以門外民居阻雨。未盡焚也。方賊至。營兵四人將縋城走。公立斬以徇。曉夜躬巡。礮碎從者首。不爲動。

賊穴地轟城。公鑿隧，迺迎之。三次藥發，陷城八十餘丈。公及弟忠濟力拒之，賊死傷山積，不能入。

士頒賜玉翎管及挾拾各二。時湖南援師先後集，賊氣沮。圖竄吉安臨江，而安福泰和萬安寇復起。公乃分軍樟樹鎮，扼賊衝。檄羅公澤南等，剿泰和各屬。平之時，羅方以訓導援江西也。八月二十二日，圍解方。公遣援時巡撫以下，皆持不可。公曰：「南昌兵逾萬，畱三千人，不見多。若泰和賊與南昌賊鉤連，上下路絕，此危道也。」已獲賊謀，得其往來書，果約急攻吉安。如公言，捷聞。天子加公二品服。當是時，公義聲震天下。師及德安，聞賊上犯，公急往助守田家鎮，以二千人渡江，而令後至者閒道趨武昌。

備緩急時司防者武昌道徐君豐玉漢黃道張君汝瀛用戰艦扼江而南岸半壁山不設備公至訝之急揮兵據險賊已先我至水陸交訐師遂潰公至甫一日也徐張二公死之黃州漢陽陷惟武昌以公援應得全賊懼公躡其後尋引去初公以田鎮之失鑄四級至是奉命巡撫安徽公疏請增兵萬人當一路又念行省新改廬州爲南北樞紐去稍遲賊且北竄遂以二千人先發而湖北巡撫崇綸強畱公所遣援軍公於是益孤矣抵六安適舒桐告陷士民遮道畱公公病入城繕守備人心稍定廬州警報日夕至知府胡元煒具言城中軍實裕團丁可萬餘人請速往公乃畱千人守六安自率數百人入城知府來謁公

詢守具。以方籌畫對。糗糧軍火一無有。公審其有異志。擬誅之。未果。越二日。賊大至。圍丁烏獸散。公力疾登陴。誓死守。城周二十六里。合主客兵。裁三千。賊仍用地雷轟大西門。月城繼轟文昌門。公親督楚勇殊死鬪。殪賊數百人。疏陳守禦狀。上特賞公霍隆武巴圖魯名號。賊自十一月十二日合圍。公堅守逾月。賊奪氣將遁矣。有內奸以城中食乏。軍火且盡。告遂增闕。隧。道。以十二月十七日昧爽。併力攻。逾時水西門城塌十餘丈。公且戰且修策。忽傳賊自南門緣梯入。人聲鼎沸。公知事不濟。掣佩刀自刎。左右持之一。僕負公行。公不可則嚙其肩及耳。血淋漓。僕創甚。委公於地。賊逼公。戰至水關橋之古塘。被七

剗奮投橋下死之。同殉者同知鄒君漢勳、叅將馬君良勳。自六安從公入城者也。叅將戴君文瀾、縣丞艾君廷輝，自湖南來援。乘閒入者也。布政使劉君豫鈐、池州知府陳君源克、同知胡君子雝、副將松安君、縣丞興福君皆死。而知府竟降賊。前以城中虛實告及置梯南門，皆其勇目徐淮所爲也。公困孤城時，援師十餘壁皆不能前。十二月十二日，公弟忠溶自湖南募師來援，與劉公長佑殊死戰，不利。及再戰而城陷矣。後八日，舊卒周昌發冒死入城，負尸出，面如生事聞。

上震悼，追贈總督。

賜祭葬。予諡忠烈，封公。三代如其官。

命廬州及湖南、江西各建專祠。公性英烈，與人交披瀝肝膽，終

始不渝同年生武岡曾如鑑暨湘鄉鄧鶴齡陝西鄒興愚先後
客死京師貧不能返葬公皆身護其櫬歸治軍推赤心待人得
其死力所過無秋毫犯每戰親陷陣踔厲風發誓不與賊俱生
九料敵如神能以至少擊至衆故所向有功居圍城每夕必巡
城一周見士卒食苦輒呼七箸取嘗之曰適巡城飢與君一其
此味耳以故士卒感服無忍背者賊起嶺西尙蠻耳王師且十
萬環視莫敢先公以書生倡勇敢軍氣爲一變其後楚軍輩出
卒克金陵夷大亂皆公風聲所起也公建三省會勦議請治舟
師扼上游今大學士曾公卒用此肅清江面成大功公存亡實
關天下安危豈僅以一死激頑懦哉初公計偕入都嘗過曾公

語移時去。曾公目送之日。平生未見如此人。旣而曰。此人必立名天下。然當以節烈死。自公死。海內識與不識。下及婦人孺子。皆爲流涕。祠祀徧江以北。公旣薨之二年。

上猶下前疏。軍中其知公深矣。五年。援賊屯大蜀山。上有公祠。夜見列炬熒熒。劍槊聲相摩。賊驚遁。祠得全。喪歸。柩尙在城別。賊自東安犯新甯。攻七晝夜。敗去。訊賊黨。具言酣鬪時。見藍旗。軍采出。遂不支。藍旗者。公部向所用旗。時實無此軍也。或謂公。靈不昧。雖死猶經賊云。公年四十有二。父上景歲貢生。昆弟四。公長。次忠濬。今任四川布政使。次忠濟。道員。陣歿。通城。次忠淑。異擢道員。子二。考椿。以忠濬子嗣。孝棠。遺腹生。

忠濟字汝舟。幼從忠烈公學。道光二十九年。李沅發作亂。公倡募鄉勇。有復城功。咸豐二年。粵賊犯長沙。佐忠烈守城。戰甚力。三年。忠烈赴武昌。以舊部千人屬君。與劉君長佑。雷長沙。剿土匪。及忠烈。剿賊通城。時崇陽嘉魚賊蠡起。忠烈兵單。君與劉君倍道進援。抵崇陽。大破賊。斬首逆陳百斗及餘黨數百人。進攻通城。賊數萬圍官軍。數日。忠烈拊君背曰。非弟不能破此賊。語未竟。君挾雙刀大呼躍出。眾從之。忠烈援枹鼓助戰。眾殊死鬪。賊大潰。生擒渠魁張西園等二十餘人。斬獲無算。湖北土匪平。及守江西。賊轟城。圯十餘丈。君督壯士百餘。囊土築之。俄而城大圯。築者悉陷。君跳而免。越二日。地雷復發。城圯八十餘丈。賊

恒。而登君斬先登者二人。賊乃退。麾勇急築之。復穿地道出城。鑿濠城下。引水注之。賊所爲隧道盡廢。省城獲全。君先以功保通判。加五品銜。賜孔雀翎。至是圍解。詔擢知府。尋以省母歸。君弟忠淑奉檄剿賊通城。兼督治團練。會以疾請假。巡撫駱公命君往代。尋調赴永州。堵剿粵寇。敗賊於藍山。再敗諸嘉禾。又敗諸甯遠。連復三城。殺賊二千計。詔以道員用。六年駐防岳州。湖北巡撫胡文忠公請移剿通城。至則召本地團勇千餘置營後。助聲威。出不意破賊四營。賊遂悉銳來犯。衆數萬。四面圍官軍。或勸君宜退。叱片之。戰益力。賊從後營攻入。團勇驚散。陣亂。君立營門大呼殺賊。手刃回顧者數人。策馬奮砍。力竭遂

死之年三十有八時四月四日也是役營勇三千死幾盡無一
降者事聞贈按察使銜予卹典同治元年朝廷追念死
事諸臣與忠烈公同膺諭祭特旨予謚曰壯節

[illegible]

塔忠武公事略

咸豐四年三月粵逆數萬人自金陵溯大江而上越安慶武昌再陷岳州過洞庭以戈船徧布臨資口等處知長沙有備遂由湘陰破甯鄉開道襲湘潭湘潭居長沙上游百貨所輾賊掠舟萬計分黨溯流窺衡永當是時賊挾百勝之勢料官軍無能挫其鋒既得湘潭長沙不攻自困塔忠武公時方爲副將聞警投決起帥所部兵勇會同水師血戰五晝夜大破賊殲溺斃燔燬數萬計時所部千三百人耳微此戰賊且溯湘源以達粵西老巢直下通金陵首尾一江相貫往大局將不可支烏虜公之功在社稷豈尋常一手一足之爲烈哉自時厥後公威名震

天下由湘而岳而鄂所向克捷。雖婦人孺子罔不知有公。使天假公年。平賊當較易。顧以暴露行閒久。積勞成疾。賁志卒於軍。此朝野官吏軍民無論識與不識。莫不同聲一哭。爲公悲且爲天下生民悲也。公諱塔齊布。字智亭。姓托爾佳氏。滿洲鑲黃旗人。生而神識沈毅。都統烏蘭泰公夙器之。由火器營護軍擢三等侍衛。咸豐元年。發湖南。以都司用。二年秋。賊犯長沙。以守城功擢游擊。賞藍翎。署中軍叅將。時在籍。侍郎曾公國藩奉命督治鄉兵。用明戚繼光法訓練束伍。每校閱。公必短後衣躡屣帶刀侍。曾公與語。奇之。試所轄兵。皆精練。副將清德方忌公。嗾提督將加摧辱。曾公乃劾罷副將。薦公忠勇可大用。且云塔

齊布將來如出戰不力臣甘與同罪得旨加副將銜三年剿

茶陵安仁土匪

賞換花翎記名以副將用四年二月率所部

由平江進剿湖北通城崇陽賊會官軍失利岳州賊乘勢上犯
會侍郎水師退保省河公隨有湘潭之捷公之剿湘潭也始至
次高嶺賊卽奄至公手大旗麾軍士縱擊斬偽先鋒元帥九人
賊敗潰逐北數里至城下明日賊大出犯公伏兵山左右設礮
三重誘之及賊逼礮斃以百數賊大亂伏起夾擊之賊爭路走
僵尸相枕籍遂薄城圍殪悍賊數百公深入幾中伏跳而免麾
兵鏖鬪大破之城北賊柵皆盡其南則水師會剿焚賊舟數千
并焚市廛使城外賊無所止火光燭天三日夜浮尸蔽江下其

時領水師者楊公岳斌彭公王麟及褚觀察汝航夏同知鑾也。四月二日賊棄城夜遁。凡六日湘潭平。詔加公總兵銜。賞喀屯巴圖魯名號。命署湖南提督。未幾卽真。先是提督鮑起豹以清德之譖屢斥辱公。至是起豹罷。公代其位。軍民快之。時敗賊猶駐岳州。分黨陷常澧。公馳抵新牆。破上城三座。舟師亦敗賊雷公湖。又敗之追林磯。公與羅忠節公澤南李忠武公績賓合軍攻岳州。敗賊於高橋。閏七月二日盡破賊壘。賊棄城退駐城陵磯。未幾賊舍舟登陸。將據險爲營。分三路來撲。公亦分三路擊之。賊抵死抗拒。良久如敗潰。追至擂鼓臺。殲賊八百有奇。公臨陣好匹馬術。鋒戒從者不必從從亦無能及者。尤好單

騎薄賊壘。覘虛實。賊屢馳之。瀕危得免。有天幸。一日攜親卒四人進。覘插鼓臺。突遇悍酋。猶髯睥目。直呼公名。橫矛刺其馬。欲擒公。親卒黃明魁躍起。刺酋墜馬。酋回刺明。魁傷右脇。公親刃酋。殪之。獲賊旗。視所署字。知爲偽丞相。曾天養。天養驍桀。爲賊魁。自楊秀清以外。皆爲之下。伏誅後。賊黨爲之茹齋六日者也。賊旣失悍酋。奪氣退。武昌公與羅公自臨湘進。勦長安。驛羊樓崗。佛嶺。大沙坪等處。戰屢捷。復崇陽。蒲圻。咸甯。又敗賊於官步橋。及徐李埔。遂與羅公進屯江夏之紫坊。初。曾公在城陵磯。約諸軍會紫坊。至是召諸將議。攻取武昌。策定。議羅公帥師攻花園賊壘。水師扼長江。公從油坊嶺趨扼洪山。山在武昌城東。

北左近梁子湖右隔湯孫湖係絕地爲竄賊所必由時城賊恟
懼以八月二十三日啟東北門遁公扼而截之賊路斷迎斬黃
衣賊目數名賊崩奔悉趨山背復麾軍圍逼於沙湖塘角間賊
爭赴水死填尸幾滿中多幼孩公見之大哭傳令拯救得二百
有奇羣賊因面乞命者又七百有奇分別誅釋之武昌旣復進
攻大泊戰於五里牌斬黃衣賊馬賊賊大奔燬賊壘二亡何賊
反鬪伏突起刺傷公坐馬左右兩軍合擊賊復大潰爭橋渡橋
斷多墮水死生擒百二十四人是日羅公有興國之捷於是兩
軍會於興國籌進取羅公西擣牛壁山公東剿富池口十月二
日戰軍山觜克之屯其地距羅軍十餘里中隔小河方造浮梁

濟忽出賊千餘。過渡處。別賊數千。陣半壁山。左右與羅公大戰。公隔河爲聲援。賊大敗。旣又由富池口沿岸而上。冀襲我軍後。公擊走之。俘梁成。初五日。田鎮賊渡江來犯。公與羅公夾擊之。殪賊四百餘。溺斃半之。是時賊所設橫江鐵鎖。在南岸者已斷。而北岸猶未破。十三日。水師大戰。公及羅公列陣半壁山。護護燔逆舟數千。北岸鐵鎖悉銷。燬賊遁竄。廣濟黃梅田鎮旣克。得旨賞穿黃馬褂。予騎都尉世職。二十日。公及羅公渡江。繞至蘄州。及賊於蓮花橋遇伏。我前隊稍卻。公匹馬突陣。手刃大旗賊。追奔數十里。遂復廣濟。而黃梅爲賊必爭地。悍酋陳日綱。陳玉成。羅大綱。併力守之。以數萬賊分布小池口。孔壠驛而立堅壘。


五。於大河浦龍頭寨等處嚴密與田鎮埒。十一月朔師次雙城驛。賊數路來犯。公與羅公併力擊之。追奔十里。破其五壘。斃賊三千餘。生擒九十餘。越日進次夏新橋。距城四里。公與羅公登山望。知北門可攻。遂親進擣。我兵肉薄而登。多受創。公頭被石擊。流血被面。督戰益厲。卒克黃梅。曾公疏陳戰狀。有詔戒公輕進。公讀之。感泣。尋攻孔壠驛。驛南通小池口。東臨水。賊於西南北築土城。公從西南路進攻。累肩爲梯。卓矛而躍。遂大破之。賊悉竄小池口。分黨奔湖口。與九江相犄角。爲死守計。公遂與羅公渡江。攻潯城。十二月朔。攻西南門。不拔。驍將童添雲死之。會水師被賊襲。喪失輜重。而賊師率從江北。接濟。羅公從二套。

口渡江進攻小池口公率壯士二十人渡江督戰以眾寡不敵
敗且戰且退公匹馬衝突爲諸營扞蔽有黃衣賊酋三人策馬
來犯公以套馬竿圈一酋頸斬之且奪其馬餘賊皆靡公俟大
隊沿江上單騎馳入鄉間馬陷泥淖中幾失道有田父夙耳公
名畱匿其家時除夕前一日也次日各軍以公未歸營洶洶失
所倚有位者夜三鼓鄉民忽送公渡江歸會公羅公皆躍起跣
而出握手相勞苦繼以位公談笑自若曰飢甚速具飯啖我時
台營皆驚喜歡聲如雷飯罷已元旦矣五年正月六日城賊出
犯公擊斃三百有奇生禽二十有一公令暗伏地雷誘賊來撲
而陷之果斃百餘賊其後戰屢捷而城終不下六月曾公與公

約會於青山。曾公謂宜移師東渡。勦湖口及東流。建德。長驅直下。公以攻具方備。誓力破此城。七月十八日。傳令攻城。忽患氣脫。日中薨于軍。年三十有九。事聞。

上震悼。照將軍例。賜卹廕襲如例。許入城治喪。賜祭葬。予謚忠武。公長身火色。居平粥粥。若無能及。臨陣奮拳切齒。口角流白沫。若欲生啖賊者。所乘鐵驪絕有力。湘潭之捷。殪賊酋所得也。每戰不令士卒出已前。他軍被圍。或小卻。必驟馬馳救。背負火鎗。一腰刀。二手長矛。及套馬竿。各一技。皆精絕。無虛發。每逼賊壘。覘形勢。比賊覺。去已遠。賊中驚。以爲神。而公雍容恬退。未嘗一自詡也。天性忠孝。自擢提督。於左臂捏忠心。報國。

字左右嘗以海燕窩進公。愀然曰：「吾母夫人在都，不知能給朝夕否？」忍甘此耶？深夜呼親卒與絮語家事，每至泣下。偏裨小校直入內幄，白事不俟傳宣。治軍紀律嚴秋毫無所犯，與最下卒同甘苦。德化令進莞席，以士卒皆臥草上，卻之。及薨，軍民逾時悲泣。喪車過南昌，所乘馬服鞍韉，隨行將入城，忽滿身汗涇人謂公靈實乘之云。湖南江西及九江湘潭均奉旨建專祠。公娶于氏，生女一無子，以弟子永承嗣。其弟莽阿布先一年戰死，獨流軍中。



羅忠節公事略

本朝武功邁前古所用皆八旗暨東三省勁旅各直省綠旗兵
嘉慶初平定川楚教匪始以鄉勇輔兵之不足然十裁二三耳
迨粵逆起而楚勇湘勇名天下營兵或反爲世詬病此二百年
來兵制之一變也楚勇始自江忠烈湘勇則自羅忠節公始公
諱澤南字仲嶽號羅山湖南湘鄉人幼穎悟十歲能文家酷貧
弱苦於學夜無油把卷讀月下倦卽露宿達旦年十九喪母明
年大父及兄嫂歿二十九長次子及三子皆殤是歲爲道光乙
未大旱飢疫作公罷試徒步歸夜半敏門則其妻方以哭子喪
明時飢甚索米爲炊無有也已亥補縣學生年三十有三矣又

八年始食廩餼。公自少篤志正學。好儒先性理書。賀制軍長齡。唐太常鑑皆重之。制軍延課其子咸豐元年。詔舉孝廉方正。當事以公應。二年。粵逆洪秀全等犯長沙縣。令屬公練丁設防。號湘勇。明年侍郎曾公國藩奉命督治團防。適江西上猶土匪竄桂東。檄公進剿。行次衡山。忽草市寇起。眾千餘。公會首逆劉積厚等二十餘人。進擊桂東賊。走之。時粵寇圍南昌。公帥湘勇赴援。既至。土賊陷太和安福。圍吉安。公與劉公長佑往援。剿賊解圍。遁。公追至安福。復縣城。日夕賊大至。敗之。明日又至。我軍鏖戰一當百。斬馘無數。敗賊竄入湖南。巡撫駱公秉章檄公回剿賊。尋遁。會永興土寇亂。曾侍郎檄公往剿。戰於油榨墟。平。

之公初以湘勇三百破安福賊數千與李公續賓分帶中右營
共七百人至是增至千人屯衡州再平草市土寇斬首逆王大
漢四年夏湘潭賊退公與提督塔忠武公會師東下六月攻岳
州公以大橋路爲賊所必爭率所部扼橋守三戰皆捷殲賊千
閏七月二日破高橋賊壘九賊退踞城陵磯公與塔公乘勝進
擊進破賊營三賊宵遁是役也公獨當大橋一面功最偉云尋
自臨湘進駐長安驛賊分四路來犯公令偃旂息鼓乘閒突起
擊之賊大潰又破賊羊樓崗追至百花嶺再破之佛嶺進屯虎
爪市連破桂口大沙坪賊壘復崇陽時武昌賊分黨由金牛入
咸甯公擊走之追敗之官步橋又敗之金牛遂進駐江夏之紫

坊始會公約諸軍會紫坊及是召諸將至金口議攻武昌策公
出所繪圖言紫坊出武昌有二道一洪山大路一沿江出花園
當以重兵剿花園而分兵扼洪山防反竄諸將未決公請身任
其難遂自攻花園而令塔公出洪山時花園悍賊萬餘築堅壘
三一枕大江一瀕青林湖一跨長堤深溝堅柵列巨礮爲固八
月二十一日官軍水陸進攻公直趨花園賊憑木城轟拒我軍
伏地進分兵奪賊舟數十舟賊退營賊亦亂乘勢踰溝摩其壘
同時並下翌日攻鮎魚套賊營川勇郤公擊賊堤上隔溪不能
救街口賊乘機出逼公奮擊敗之李公出江岸回援又大敗之
賊竄洪山爲塔公所縛是夕棄城遁二十三口武漢城皆復距

會議時七日耳鄂城之克實公本謀也九目師出金牛敗賊於沿埠頭克與國塔公復武昌大治遂規取田家鎮鎮居大江北岸與半壁山斜對爲上游門戶舊設防兵陷於賊賊更爲鐵鎖以截水師而用重兵屯半壁夾江以守十月朔公搗半壁山賊數路來犯公策馬衝陣賊敗奔江邊蹙之墮水死者千人初四日塔公造浮橋渡小河爲賊所遏賊自半壁傾巢出北岸賊渡江助戰者近萬人僞王坐將臺督戰龍旗黃蓋勢張甚時公所部僅二千六百人眾包沮有潛遁者李公飛騎追三卒回手刃之軍心乃定公令堅伏弗動度賊銳已竭突起急攻賊大潰悉奔半壁山而後路爲我軍所扼不得上皆觸石墜崖死凡數千

水師亦蔽江下斷橫江鐵鎖燔賊舟四千餘艘火光夜照數十
里水陸夾擊田鎮平尋渡江次菩提埧塔公已先至兩次伏賊
起皆擊敗之擒斬千三百遂復廣濟十一月進軍雙城驛賊扼
險而營一鼓登山平其壘抵黃梅與塔公奪棚入縱火攻之賊
竄城復遂進軍濁港遇悍賊解衣出戰堆積市肆間公焚之斬
賊千餘生擒數十餘賊退保孔壠驛賊酋羅大綱復從湖口率
萬人至公分兵抄襲街口賊敗歸壘攻破之大綱逸去是役
以五千人破賊二萬賊遂盡撤沿江各營併力守九江矣塔公
渡江圍潯城分別剿盪山遏湖上口援之賊攻梅家洲賊壘不
能下會水軍自湖口入彭蠡盡燔賊艘賊亦潛以小舟縱火襲

我外江輜重船水師潰。公回駐九江。會對岸小池口有賊。公與李公率勇千四百人進剿。塔公往助之。渡江賊大至。刃旣接。我前軍卻公急斂兵歸。時十二月二十九日也。五年正月。北岸賊由黃梅廣濟上犯武昌。復失曾侍郎入南昌。別賊由浮梁陷饒州及弋陽。檄公往援剿。時公所部分三營。李公將左。蔣君益澧將右。公自將中營。唐君訓方。劉君希洛各率勇從之。三月大戰五里亭。克弋陽。賊尋陷廣信。公壁城西烏石山。賊三路來犯。公方築壘。不爲動。俟其疲乏。乘之大獲翼日。賊復大至。見我軍不動。亦不敢前。相持兩時許。忽起乘賊大敗之。遂四面薄城。賊啟東門遁。初賊驟至。民不及避。殺戮甚慘。公至不三日復其城。士

民歡躍焚香遮道迎尋追賊至德興復其城賊趨景德鎮公引
軍至賊遁未幾有義甯之役先是賊自崇通陷義甯江西大吏
命都司吳錫光往援錫光故驍將至則全軍覆焉及是檄公進
剿七月次梁口賊分兩路來拒我軍三伏以待之賊潰伏兵從
山後出賊之抄我後者我軍反蹴其後斃賊六七百人越日進
駐棋盤嶺以鼇嶺爲州城屏蔽急據之嶺距州七里左曰鳳凰
由其右最高者曰鷄鳴峰峰下卽西門擺百貨所轄也軍據此
全城在目矣十四日大戰以二千餘衆殪賊六七千賊奪氣
閉城不出次日復戰又敗之盡焚江邊賊壘是夕賊棄城遁義
甯既克公上書會侍郎其畧曰武昌居吳楚上游九江爲豫章

門戶。今皆爲賊據。崇通等處羣盜出沒。江西之義甯武甯湖南之平江臨湘均無安枕之日。欲克九江必由武漢而下。欲克武昌必由崇通而入。曾公因奏派公回援武漢而以彭三元普承堯所部寶勇隸之。九月進攻通城。悍賊萬餘人見官軍至突出薄之。公令軍士席地坐。無譁待賊逼大呼奮擊。斬賊將三人。乃崩潰。明日破城外三營。奪門入克之。尋進攻桂口。令會攻通城之李原。屠何忠駿等率平江勇駐守。而自率所部克崇陽。尋以分兵攻梯木山。有濠頭堡之敗。公整軍再戰。復大捷。進攻蒲圻。開道出公安。順初戰不利。殊死鬪。肉薄登城。卒克之。遂復咸甯。自是武昌以南無賊蹤。而逆渠石達開自崇陽乘虛入義甯江。

西賊勢日棘矣。十一月師抵紫坊。與巡撫胡友忠公會。又會提督楊公岳。燾於金口。商進取策。定議公率湘勇從東路壁洪山南岡。胡公從中路壁城南隄上。而令九溪營屯金口。爲水師犄角。時賊於武昌城外築堅壘十三。高者與城埒。公至方修壘。胡公亦始至。悍賊二萬從十字街出。胡公擊卻之。旋卻旋至。如是者數。公與李公潛師出養湖隄。分兩路繞抄。胡公所部見湘勇至。佯敗走。賊追之。旋反擊。則公等已抄出堅壘北。遂破十字街營。盡殪追賊。無脫者。於是賊皆縋城入。盡毀城東南賊壘。公與諸將議曰。西路八步街口。爲我軍通江要路。壘不破。則軍糧無由達。北路塘角。爲賊通興治要路。壘不破。則賊糧無由斷。遂

造浮橋於鮎魚套進攻八步街。以奇兵逼望山門。襲賊壘。後立平之。于是西路賊壘亦盡。尋與胡公合力攻城。並攻塘角賊營。毀漢陽門外一壘。焚其船廠。殲賊千。城賊由竇出。截我軍後路。公與李公夾擊之。又殺賊數百。環西北城賊壘皆盡。公以仰攻不易。誘賊出城戰。設伏敗之。殪賊于賊急。以大隊衝我伏兵。公督兵橫截。又斃七八百人。是夜賊于望山門外葺石壘二。高與城等。我軍二路踢平之。李公出窯灣截賊餉道。賊七八千人出塘角沿湖下抄其後。公令劉君騰鴻等出洪山之東。自率中營出洪山之西夾擊之。殄賊于餘賊自此閉城不復出。六年正月。公率中營移屯洪山絕頂。後右各營仍壁南岡。爲犄角。賊乘夜

襲中營已摩壘矣。我軍桀石投之。登者皆殪。嗣是每夕輒至。公設伏痛殲。斬首四百。賊始不敢復襲營。二月賊掘賽湖隄。劉君騰鴻出勦之。及長虹橋遇伏力戰。乃敗之。公欲分軍扼窯灣。賊出爭大戰于小龜山。斬級六七百。遂以二營駐其地。明日賊由武勝門出萬餘人。與我軍力戰隄上。殲賊數百。公追至城下。繞城審視。賊不敢出。二十九日夜有大星隕于西北。三月朔大霧。不辨咫尺。次日城賊出。公親搏戰。走之。已而賊窺我守壘兵少。大舉來犯。公追賊至城下。賊礮如雨。中公右額。裏創戰逾時歸。而劇甚。日夜危坐不寐。越三日病甚不能起。語謫謫皆時事。口占忠義祠楹聯使人書之。忽開目索紙筆。仰臥書曰。亂極時站。

得○定○纔○是○有○用○之○學○初○八○日○晨○起○汗○出○如○瀋○握○胡○文○忠○手○曰○武○
漢○未○克○江○西○復○危○不○能○兩○顧○死○何○足○惜○恨○事○未○了○耳○其○與○迪○菴○
好○爲○之○迪○菴○李○忠○武○字○也○語○畢○而○瞑○年○四○十○有○九○公○貌○樸○氣○沈○
究○心○濂○洛○之○書○通○知○世○務○期○見○諸○施○行○在○軍○毅○然○以○滅○賊○自○任○
所○部○將○弁○皆○其○鄉○黨○信○從○者○故○所○向○有○功○前○後○克○城○二○十○大○小○
二○百○餘○戰○其○臨○陣○以○堅○忍○勝○如○其○爲○學○或○問○制○敵○之○道○曰○無○他○
觀○大○學○知○止○數○語○盡○之○矣○左○氏○再○衰○三○竭○之○言○其○注○腳○也○烏○虜○
此○所○由○能○以○書○生○摧○巨○寇○率○生○徒○子○弟○數○十○人○轉○戰○大○江○南○北○
使○湘○勇○之○名○遠○出○營○兵○上○羞○武○夫○之○顏○關○其○口○而○奪○之○氣○而○與○
忠○烈○江○公○同○張○大○國○楚○也○歟○公○初○以○團○練○敘○訓○導○晉○知○縣○平○安○

福晉直隸州知州克岳州擢知府 賞戴孔雀翎武漢克復遷

道員尋授浙江甯紹台道以田鎮戰功加按察使銜克廣濟黃

梅 賞葉普鏗額巴圖魯名號凡勇號皆由外請此出 特恩

異數也義甯之役加布政使銜死事狀上 優旨照巡撫陣亡

例 賜卹父嘉旦 賞頭品頂戴子兆作兆升均 賞舉人

詔湖南湖北江西各建專祠 賜祭葬 子諡忠節同治元年

詔湖南巡撫遣官卽家 賜祭一壇三年克復金陵 特旨加

雲騎尉世職所著小學韻語一卷詩文集八卷行於世周易附

說讀孟子劄記西銘講義大極衍義 皇輿要覽彙藏于家

李忠武公事略

公諱續賓字克惠號迪庵湖南湘鄉人沈毅寡言笑身長七尺
膂力過人習騎射能挽三石弓羅忠節公講學里中公折節受
學依依不去咸豐三年忠節募勇殺賊公奉父命往佐之所練
鄉兵號湘勇從平桂東土匪未幾粵賊圍江西行省侍郎曾公
國藩檄忠節往援公佐謝君邦翰將右營邦翰邑諸生故忠節
弟子抵江西戰死公代將其營所稱湘右營者也會土寇陷太
和安福圍吉安遂同解吉安圍太和安福賊皆敗潰復馳勦永
新事平議敘從九品師旋假歸甫三日趨衡州勦賊油榨墟進
復永興次郴州敘功進縣丞初公所部僅三百六十人至是巡

撫駱公秉章命增爲五百人。明年駐衡州。平常甯土匪時湘潭賊敗竄。曾公統水陸軍東下。檄湘勇從。六月抵岳州。壁大橋。將湘軍兩營才千人。分防八路。賊日夜來犯。提督塔忠武公約會攻賊巢。兵始交。我軍小卻。賊追騎大至。公左右止數人。戒曰。毋走。徐行陟山岡。賊不敢逼。已而我軍漸集。公親搏戰。斬大夫賊數人。餘賊爭登山。公曰。是可取也。手劍策馬大呼而進。斬賊目一人。奪其所追。北十餘里。明日塔公至營。指所部贊曰。好勇好勇。與公語良久。嘆曰。名將也。公自隨。羅忠節從軍。循循弟子。列退。然若無所知。人無有異之者。至是始以知兵聞。時官軍日與賊戰。斬馘數千。公與塔公曰。連旬戰。賊不得擄掠食。且盡。可乘。

機薄其壘。明日遂進兵。風雨驟至。眾欲退。公曰：「天助我也！」與塔公並戀督戰。頃刻破數十壘。岳州平。擢知縣。賞戴藍翎。八月同羅公克崇陽。成甯進窺武昌。二十一日破花園堅壘。及鮎魚套賊營。明日克武漢。語在羅忠節傳。公擢直隸州知州。賞花翎。九月同克興國州。擒偽進士胡萬智。斬之。十月進攻半壁山賊巢。時南北兩岸賊無慮十萬。鐵鎖橫江。賊舟麇聚。數十里。塔公師抵富池口。以賊阻浮橋不克。濟湘勇及寶勇僅二千六百。人軍士盡失色。逃者三人。公飛騎追還。揮淚斬之。軍心乃固。逾日大戰。殺賊數千。赭其巢。遂破田家鎮。擢知府。賞摯勇巴圖魯名號。授安慶知府。當是時。公知兵之名震天下。初陸師分南

北進勦楊制軍需勦北岸。公隨塔公羅公勦南岸。曾公督水師。循江下僞丞相羅大綱守廣濟黃梅。設卡壘數十。田鎮破後。僞燕王秦日綱檢點陳玉成皆往附之。勢張甚。總督不能前。塔羅兩公乃渡江北。勦公率爲軍鋒。每攻壘與塔公逼賊壘十數丈。席地坐礮。彈如雨下。談笑自若。忽躍起曰。進則橫厲。無前當者。輒碎。遂復廣濟及黃梅。敗賊濯港。再敗賊孔壠驛。抵湖口。敗賊梅家洲。知九江未可驟下。從羅公移營盩山。十二月水師陷入彭蠡湖。外江失利。小池口賊勢復張。湘軍退回九江。公憤甚。請於曾公。自率千餘人以歲除前一日渡江攻小池口。僞城塔公亦率二十人偕往。因眾寡懸殊。戰不克。比暮始收隊。而塔公獨

未返公涕泣不食誓渡江再決死戰明日塔公竟覓舟返無恙
時除夕三鼓矣明年二月武昌復陷當賊之從江北上竄也公
知北岸官軍不能敵建議分南北兩軍夾江而剿令塔公益募
勇三千合潯軍五千專剿南岸別選大將率潯軍三千益募勇
五千直趨漢口剿北岸南北各自爲戰一圖安慶一圖金陵庶
大局克有濟曾公聽其言將以北岸屬羅公以餉絀不果亡何
曾公入江西饒廣告急檄湘軍援饒師抵章門則饒匪已陷弋
陽三月偕羅公進剿敗賊大水橋復弋陽城賊趨陷廣信追擊
之三日而城復移軍景德鎮會義甯州陷江省大震七月進攻
義甯奪鰲嶺賊隘賊大創棄州城遁語均詳羅公傳得旨記

名以道員用。八月，同羅公回援武漢。克通城、崇陽，而岳州警報忽至。公分兵趨蒲圻之羊樓崗。會李君杏春、彭君三元戰死。崇陽之濠頭堡衆議馳救。公曰：「死者無及矣，生者必來歸。」賊乘勝遠鬪，利在速戰，宜堅守以持之。俟其疲，乃可擊也。明日，賊至我軍，憑壘固守。比暮，賊將休。公揮衆突之，賊大潰，追北至蒲圻。翼日，復其城，並復咸甯。詔加公鹽運使銜，帥師趨武昌。壁洪山。十二月，塘角賊壘分壁小龜山。六年二月，與劉公騰鴻扼窯灣，斬馘數千。屢戰皆捷。忽羅公中礮卒，當是時，軍中新失大帥，人情洶洶。賊乘機築壘保安門外礮子及五里墩大營。湖北巡撫胡公林翼奏以公總督諸軍。公涕泣受命，遂埽平保安門賊。

壘而江西瑞臨撫建等郡賊蔓延北及崇通蒲成西及瑞昌皆陷賊乃分湘勇四千屬曾公國華劉公騰鴻等由咸甯進剿賊詢知之屢出城來犯公敗之賽湖隄又敗之小龜山雙鳳山秋七月偽翼王石達開率抵賊大至城賊將應之公分兵駐魯家港防援賊遣壯士數百人執所奪黃旗誘城賊賊信爲援至出城夾擊伏起殲賊過半及援賊旣至禦之魯家港鏖戰三日城賊鎰前失疑懼不敢出援賊遂敗奔追至小龜山斬首八百別將與城賊鏖戰賽湖隄公率師援之賊望其旂幟奔入城自是堅閉不出公募民夫開濠握江水入湖爲長圍斷賊開濟賊益困十一月二十一日武昌復得旨以按察使用尋分兵追剿

克武昌。渡江。克黃州。旋渡江。克大冶。興國。遂直搗九江。林啟榮者。賊中最悍酋也。前歲塔公圍攻時。堅守弗下。至是。仍率眾死守。夜無更柝。望火城。以內人聲寂然。官軍潛薄之。鎗礮應聲下。七年正月。公用攻武昌法。闕濠。因之。賊出城阻截。閱數月。濠始成。四月。皖賊上犯。號十萬。犯蘄州。及黃梅。羅田。公分兵投蘄州。賊稍退。六月。賊傾巢上犯。蘄黃告急。賊于廣濟童司牌築壘。伺我軍。公渡江。剋平之。八月。破小池口。偽城。仍回九江。先是四年秋。賊奪江西戰艦。沈塞湖口。築壘石鐘山。爲浮梁。鐵鎖阻官軍。隔岸梅家洲。轟僞城。環巨礮。我軍仰攻。不利。其年十二月。水師陷入內湖。曾公益治水軍。章門檄彭公玉麟統之。水軍復振。至

是袁吉瑞臨以次皆復眾議會勦九江公謂九江賊特湖口相
犄角不拔湖口九江不可得也乃定計水陸夾攻湖口九月八
日公遣其弟續宜率馬步軍攻梅家洲偽城躬率師揚言勦宿
松漏四下迂道八里江伏湖口後山士卒皆捫蘿上犁旦彭公
率戰舟攻湖口東游擊黃君翼升率戰舟攻梅家洲提督楊公
岳斌夾擊下鐘山賊方悉銳拒公率師從山椒破空下賊大
驚遂盡殲其眾湖口立復梅家洲賊棄城遁於是內外水師始
會合乘勝復彭澤夷姑洑偽城得旨除浙江布政使返九
江適臨江逸賊竄興國冒雪遣兵往援擊走之八年春水陸書
夜攻九江賊守益堅我軍穴城城崩爲磚石所壅至稍遲賊旋

堵禦。公令壯士數百人擁盾自蔽。先夕伏城濠。四月七日。地雷復發。勇自濠內奮呼登城。城立復殄。賊數萬無脫者。啟榮死亂軍中。磔其屍九江。平加巡撫銜。賞穿黃馬褂。許專摺奏事。方九江之破也。公弟續宜率師攻麻城。未合圍。公以九江師益之。躬請假歸省。甫抵鄂。而悍酋陳玉成由安慶斜潛太湖。英霍賊分擾蘄黃。警報日數至。未幾賊閒迫陷黃安。續宜分兵馳援。不下。公聞警。取道黃陂。約夾擊。敗賊黃安門外。賊遁。麻城賊亦不戰走。乃還鄂。時皖中糜爛。奉命越境剿皖。詔將軍都興阿總兵鮑超率馬步軍由宿松趨安慶。公由英山趨太湖。乃令續宜駐軍鄂渚。自師八千人啟行。議者謂出境剿賊。宜益兵爲四翼。

各三四千人。而自師中軍五路並進。公以餽餉難之。會曾公奉詔。墨經起視師。與公會於蘄州。公遣將朱品隆唐義訓分千人爲之衛。議者又謂宜調鄂中守礪勇以換留防九江彭澤之湘軍六千人。隨同勦皖。公以更調需時。日卽率守礪勇以行。抵太湖。適署皖撫李君孟羣師潰廬州。諭公及都公改道援廬。公與諸將議曰。由太湖救廬。凡數百里。廬已陷。師至緩。不能濟急。且太湖圍撤。賊由豫北竄。是背腹受敵也。遂決計取太湖。掃蕩桐舒等縣。直趨廬州。時咸豐八年八月也。是月克楓香驛小池驛。賊巢復太湖。乘勝復潛山。遂進搗三河集。三河集者廬州要害也。賊築城。傳以九壘。用悍賊數萬守之。三河破。然後可進。規

廬州自克桐城後。公令總兵趙克彰率六營守之。又命副將謝永祐守舒城。於是所部僅五千人。九月二十八日抵三河。十月二日破賊九壘。斬馘數千計。忽僞英王陳玉成自江浦六合率大隊來援。僞侍王李世賢自廬州糾捻匪來援。眾十萬連營金牛鎮白石山等處。烽火互數十里。諸將議退守桐城。公曰。軍事有進無退。當死戰。遂飛機各防軍來援。未至。初九日。援賊蝟集。明日我軍迎擊。至黎家渡。突遇大隊賊。天大霧。賊用眾抄擊我軍。相繼潰。副將劉神山。叅將彭友勝。游擊胡廷槐。鄒玉堂。杜廷光等先後戰死。公傳令軍中。嚴守牆壘。無何各壘皆破。運同丁銳義馳入湘右營。誓同公死守。或勸突圍出圖再振。公曰。軍興

九年。皆以退走。捐國威長寇志。吾當縱橫血戰。多殺一賊。卽爲國多除一害。且吾前後數百戰。每出隊卽不望生還。今日固必死。有不願從死者。請各爲計。諸將士皆曰。某等願從公死。日暮。賊攻益急。公上馬。開壁馳擊。殺賊數百人。夜二鼓。總兵李續燾副將彭祥瑞率屬越壘衝出。賊遂踞其壘。決河隄。斷我軍去路。公知事不可爲。具衣冠。望闕叩首。取所奉廷旨。及批摺焚之。曰。不可使宸翰辱賊手。乃躍馬入賊陣。身被重創。見黃旗。知爲賊渠。曰。此吾畢命處也。馳入死之。同知曾公國華知府何君忠駿。知州王君揆。一同知董君容。方知縣楊君德閭。從九品李君續藝。張君溥。萬皆殉焉。道員孫君守信。與丁君銳義。

猶激厲士卒死守中右營至二十日水火俱盡營陷皆死之是役也文武官弁死者數百人兵勇數千人而中右一營爲尤多云事聞

上震悼手敕曰詳覽奏牘不覺隕涕惜我良將不克令終尙

冀忠靈不昧再生中甫以佐予也又詔曰李續賓當賊犯長

沙時首倡團練自後赴援江西湖北安徽等省皆親歷行間身

先士卒七年中先後克復四十餘城大小六百戰所向無前一

時諸將中無與倫比朕以其威望素著特命幫辦安徽軍務方



冀肅清皖北淨埽狂氛乃因進圖廬郡先勦三河苦戰旬餘殺

賊逾萬適江浦六合廬江逆黨大股來援以五千兵勇當十萬

之賊將士傷亡從容赴義其忠勇義烈之氣雖死猶生實深悼
暗其加贈總督卽照總督陣亡例賜卹入祀昭忠祠其父登勝
可給一品封典並賞銀五百兩子光久光令賞舉人服闋後送
部引見並于湖北江西安徽湖南湘鄉各建專祠事蹟宜付史
館以示朕褒恤盡臣至意尋賜祭葬予諡忠武公崛起由
間以平賊自任選士以知恥奮勇樸誠敢戰爲上每臨陣安閒
靜鎮不苟接刃尤能以少擊衆大小數百戰未嘗錯衄在軍號
令嚴明所至百姓歡迎耕市不擾轉戰江鄂時所過州縣不見
客不索供張廣坐中言不輕發他將多以氣節相高公默然深
藏恒曰事由心定毋張皇性至孝克九江後乞假省親旣不果

乃爲迎養計其父以書報之曰軍事方殷兒當壹志報國勿以我二人爲念公省書掩涕及拔營握胡公手痛哭曰吾無由復見父母也左右皆感泣軍中所餘廉俸不以寄家嘗資助曾公營中及彭公玉麟水師營中公國荃吉安營約二萬兩而元度時駐軍貴溪餉罄盡公亦以五千金寄助焉與諸帥共事和衷商摧胡公並蠶標兵萬人隸公戲下皆心服樂爲之用其臨陣專以救敗爲務顧大局爲先遇賊則讓人禦其弱者而已當其悍者分軍則以强者予人而留弱者以自隸江楚兩軍每言肯接帶弱兵臨陣救人者塔忠武後公一人而已公薨年四十一舒城難民覓其遺骸送霍山大營同治元年詔湖南巡撫

遣官卽家。賜祭三年。克復金使。賞一等輕車都尉弟績。宜
字希庵。以戰功。累官至安徽巡撫。卒諡勇毅。



鄧忠武公事略

公諱紹良字臣若。湖南乾州廳人。父士儼。以歲貢任平江訓導。行誼稱一時。公自幼以將略自許。充屯弁。補鳳凰廳把總。道光二十二年。從征崇陽。身被數創。裳甲盡赤。以功擢千總。晉守備。李沅發爲亂。新甯公帥五百人。退賊深冲。恂賊悉銳逆戰。公撫戈直前。所部從之。賊辟易。仍據險。旅拒。公命將士乘晦銜枚登山。噪而馳。賊驚潰。不知所爲。蹂踐死者無算。遂生擒沅發。檻送京師。賞揚勇巴圖魯名號。換戴花翎。擢都司。二十九年。粵賊洪秀全起金田。屢敗官軍。提督向公榮檄公往。與爲犄角。連敗賊索潭。陶鄧墟。賊竄潯州。駐大黃江。公麾兵渡對賊壘。而軍別

賊數萬自牛排嶺來會。公引精騎五百橫縱其陣。張左右翼。繼之兩路。賊皆敗。咸豐元年夏。公躡賊至象州之謝官村。賊巢環左右皆山。公選壯騎奮而上。鏖戰箐谷中。奪其隘。破走之。乘勝追至永安州。賊迎戰死。圍斬一酋。陣稍動。遂大敗。論功以游擊升用。旋授楚雄協副將。二矣春。賊由大河竄桂林。公空壁追躡。一日夜馳三百里。屯西城。賊百道攻城不下。解圍去。遂入楚。踞道州。諸路賊俱響應。勢大振。連陷江華。永明。嘉禾。桂陽。諒一州。公追及與諸軍壁其三門。相持月餘。賊乃逸。由永興徑犯長沙。據城西南隅。民舍爲窟穴。日鑿隧道達城下。隱隱有鋤鑿聲。巡撫張公亮基急檄公入城。往來策應。九月二十九日。魁星樓側。

地雷發。城圯十數丈。城蜂擁緣陴上。公率敢死士躍而前。礮洞右臂。血淋漓不少。卻與賊搏戰。移時殪先登悍酋百餘。奪氣散走。督兵累土。城復完。賊知城堅不可下。率全隊渡湘而西。陷岳州。直趨武昌。公卷甲疾馳尾賊。三年春奉旨擢壽春鎮總兵。隨授江南提督。赴鎮江。剿賊屬援賊大至。公兵不滿千。環顧無後應。遂奔上疏自劾。詔號職仍命助攻金陵。公率所部由雨花臺直薄神策門。斬獲甚眾。欽差大臣德興阿擬奏請公幫辦軍務。向公尼之。授公五百人。令援東壩。公單騎直擣賊營。瞋目大呼。賊眾潰亂。又遮敗之。采石嗣駐軍黃池。賊引眾自蕪湖奄至。公及其未定掩擊之。斬馘無算。追奔二十里。詔賞

三品冠服並花翎。命赴徽州援至。則選精兵伏要隘。獨以數騎嘗敵賊。易其少薄之陽北。伏發。賊敗走。以次復婺源。黟。石埭。蕪湖諸縣。

上嘉其功。復提督銜。六年春。

詔援揚州。冒雨渡江。率精銳薄。

城環攻。六晝夜。奮身先登。及堞而墜者數四。誓必拔。卒引卒上。

克之。

詔授浙江提督。幫辦皖南軍務。攻賊三叉河。拔其欄。會。

甯國陷。倍道往援。先部兵駐金珂橋。扼賊旁竄。大敗之。東溪橋。

進次望牛墩。毒其汲道。賊以數千人來挑戰。公堅壁不出。俟近。

徧外壕。乃縱擊之。斬悍賊數百。復潛師襲取七里崗。遂薄城下。

毀牛馬牆。賊棄城走。旋進兵繁昌。營老鴉山。賊猝至。顧一酋銳。

甚躍馬刺之賊大潰追敗之何家灣公念甯國爲浙藩籬而涇
尤皖南咽喉遂屯兵遏其衝相持至兩載賊死爭不能入尺寸
八年春公進壁灣沚賊糾捻寇數萬復踞黃池公亟馳往出賊
不意大破其眾又敗之蒲塘夏村間賊從率潭迨追蹙之施家
渡時賊尙衆若鴉山南分三道來攻公亦分三道應之賊大披
靡會浙事急先後分兵赴援賊乘虛突襲我橋石桅不守灣沚
腹背受敵援師至自金陵者復一戰潰賊騎四面凌騰之公具
衣冠北面再拜舉火自燔其營死而浙遂不能支矣事聞
上軫悼賜祭葬命建專祠賞騎都尉兼一雲騎尉世職
贈太子少保子謚忠武哀公三代如其官嗚呼自賊起粵

西長駭而東。穴有江左獨賴。吾湖南下水軍。輸糧親舳艫。銜江
千里相望。不絕用能。乘機逐利。收奪失士。以成王誅。克夷大難。
然當前嬰城時。穴火發賊呼噪。乘城非得公奮身獨蔽。陷處抵
擊之城。其危矣保一隅。遂至天下。公之功其偉矣哉。雖不幸賁
志殞。未獲成大功。享有茅土。而此年荷社稷之靈。諸干城之力。
卒平僭亂。草薶之無遺種。公亦可以無憾矣。公卒年五十有八。
子亨先襲世職。敘光祿寺署正。

胡文忠公事略

公姓胡氏諱林翼字貺生號潤芝湖南益陽人父達源嘉慶己卯一甲三名進士官少詹事公九歲省詹事公京師卽授以儒先性理書而公少負才氣不甚措思也道光乙未舉鄉試明年成進士選庶吉士授編修庚子分校會試其年秋副交端公文慶典試江南因事降一級調用明年父憂歸服闋援例爲內閣中書捐升知府發貴州署安順府事道光之季寇亂漸萌嶺嶠以南駱越滇黔諸山中奸宄亡命狐噪梟嘯四出劫掠勾結營兵胥役爲黨羽無敢捕治安順宋普里部也當雲南驛路向有冒頂大五小五諸匪聚衆爲奸暴公廉得其狀延訪士紳寄以

耳目偵知賊黨以歲除醵飲某所公親率健捕馳至其地獲著名渠魁余饒貴等其黨無一脫者在安順年餘先後擒巨盜三百有奇一郡肅然日坐堂皇訟牒至立與剖斷清積案至三百餘牘倡修義學十數區搜輯節孝八百餘人彙報請旌建總坊通衢稟裁書吏規費安順二百年有司詳報節孝自公始調署鎮遠府府境跨有撫沅所屬皆苗獮其台拱清江黃平皆盜藪勢尤橫公治之如安順盜幾盡歲飢開倉平糶清社倉之被侵蝕者奉檄帶兵剿黃平革夷山等處苗匪獲盜首保鰲等三百餘名悉平其寨以剿匪功賞戴花翎會湖南新甯奸民李沅發爲亂奉檄赴黎平防堵事竣得旨補缺後以道員用

文宗卽位。詔大臣舉司道以下可大任者。雲貴總督吳文節公文鏐。貴州巡撫喬公用遷。皆以公名。應旋署思南府事。咸豐元年。補黎平府府境。毗連湖南粵西山深箐密。盜出沒剽奪。捕之輒越境竄。公至日。延紳民及椎結左衽諸渠率。賜以酒食。詳詢民情地勢。令相連爲堡。擇立鄉正團長。牌長互相稽覈。捕治諸不法者。是時廣西賊大起。永甯懷遠融縣環黎平西南界。皆賊公募壯勇扼隘防堵。辦團練千五百餘寨。建碉卡四百五十餘座。連屯相望。上言督撫請環邊要隘築堡守禦。以爲言。戰不如言。守用兵不如用民力。以自衛。不如先用地利以衛民。郡城故無儲積。勸富民捐穀置倉。以備城守。自後黎平壘被攻。

撲城卒不可拔。皆公練勇儲粟力也。三年秋，甕安榔匪滋事，以抗糧爲名。公以計解散脅從，而誅其首犯劉瞎麼。餘匪悉定。先是，粵逆出永安犯桂林，道榔桂茶攸犯長沙，東下湖南。巡撫張公亮基調公辦軍務，黔撫以公現辦黔匪，關全省大局，奏留之。至是，吳文節公由雲貴總督調任湖廣，仍調公帶勇來楚辦軍務。而王御史發桂亦言：公捕盜鉏奸，饒膽識，所練勇一可當十。請留楚帶勇剿賊。四年春，補貴東道。公以黔勇千人行次通城，而吳公已戰沒黃州。賊遂陷漢陽，以舟師上犯，陷岳州。湘陰甯鄉徑趨湘潭。湖南巡撫駱公秉章調公自平江通城回援省城。會忠武公塔齊布及楊公岳斌、彭公玉麟已被賊湘潭而安化。

土匪黃國旭等乘機抗糧爲亂。檄公往捕計擒之。而賊之敗於湘潭者。悉所掠舟趨常德。公以所部赴勦。尋授四川按察使。仍留辦防剿事。是年。今協揆曾公國藩大治水陸師東征。公從下岳州。巡撫駱公奏請免隨東下。仍駐岳州。按剿崇陽通城餘匪。調湖北按察使秋。曾公復武漢。破田家鎮。進圍九江。檄公會討。公自咸甯蒲圻大治興國東出瑞昌。與羅忠節公澤南剿賊湖口之梅家洲。五年春。湖廣總督楊需之師潰於廣濟。賊悉眾上竄。公請於曾公。以所部于餘人回援武昌。別以副將王國才一軍隸之。未至漢陽。失。公先以軍營沌口。檄國才軍由南岸趨武昌。會授湖北布政使。甫半日城陷。國才至。偵得城賊暗號。卽夜。

遣驍將詐爲賊裝賺入城殺賊目數十。城幾復。天曙賊聚益衆。公倉卒不能濟師。乃令國才退營。金曰。與彭公王麟水師相倚。扼賊使不得上犯。旋奉命署湖北巡撫。時武昌三次淪陷。公公私掃地。赤立無可措手。公乃謂不攻漢陽則荆襄梗塞不攻武昌則咸蒲崇通愈形滋擾。乃添募兵勇兼顧南北兩岸賊謀襲金口營斷官兵餉道。公分兵爲三路設三伏。親率大隊旋繞之。殲賊七百餘生擒僞丞相陳大爲等。五月賊分六路來撲。公遣將分路追剿。用伏兵抄襲賊尾。賊敗退屯紙坊。我軍進搗其壘。忽南風大起礮齊發賊狂奔入城。是役也擒斬千餘淹斃者無算。官軍直逼小東門於紙坊金口犄角立營賊伏不出。七月。

由金口渡江。以火龍船毀賊浮橋。水陸夾攻。遂克漢鎮。公親冒矢石。奪大別山賊卡。未克。會別賊由漢川至。焚漢口。公軍已一月不得食。至麥山。飢潰。不數日。整軍復戰。移營大軍山。分駐新堤嘉魚。其時水陸萬人。多新募賊。至常數萬。見者奪氣。公從容談笑。雖挫而其氣彌厲。州縣殘破。餉源絕。文移指撥多不時。應爲書告鄰省。求助。情詞深痛。人感其誠。稍資濟之。旋發其私家之穀。濟軍食。是年秋。羅忠節公破賊江西之義甯州。以武昌居天下衝。長江險要。所必爭。上書。曾公請赴援。曾公以塔公舊部彭三元。普承堯等軍佐之。連克通城崇陽蒲圻咸甯。公親會羅軍於蒲圻。併力擊賊。夷其壘。因偕回金口。與楊公岳斌議水陸。

進。攻。策。於。是。公。率。所。部。及。普。君。承。堯。唐。君。訓。方。諸。營。由。中。路。出。
省。城。之。南。駐。營。堤。上。羅。公。由。東。路。駐。營。洪。山。南。岡。留。九。谿。營。兵。
駐。金。口。護。水。師。以。當。西。路。敗。賊。於。五。里。街。再。敗。之。賽。湖。堤。復。分。
兵。攻。漢。陽。敗。賊。於。龜。山。尾。湖。堤。等。處。其。鮎。魚。套。賊。艘。亦。被。擊。沈。
自。是。武。昌。以。南。無。賊。踪。而。督。帥。官。公。以。吉。林。精。騎。合。衆。軍。營。北。
岸。餉。道。日。通。軍。勢。亦。日。振。六。年。三。月。羅。公。以。攻。賊。受。創。卒。時。與。
賊。相。持。急。日。夜。搏。戰。不。少。休。而。軍。中。新。失。大。帥。公。與。故。浙。江。布。
政。使。李。忠。武。公。續。賓。拊。循。而。整。飭。之。氣。益。壯。先。是。悍。賊。石。達。開。
由。崇。陽。入。江。西。連。陷。瑞。州。臨。江。又。南。出。吉。安。東。趨。撫。州。連。昌。江。
西。郡。縣。無。完。土。屢。告。急。請。援。羅。公。一。意。規。復。武。漢。不。暇。應。至。是。

公念江西方棘而武昌猝不可復乃遣劉君騰、鳴普、君承堯出瑞州應援而令曾忠愍公國華統其軍。軍糧並資給焉。五月九日江賊古隆賢領萬眾由葛店、油房嶺後路援武昌。約城賊舉火爲識。夾攻我營。公謀知之。陽爲賊火。城賊果出撲伏。發奮繼殆盡。乘援賊初至。遣兵連夜薄之。賊敗。才七月。石達開自金陵來援。號十萬。公分泐水陸力戰。都統舒保公領馬隊自江北來大破之。平魯家巷賊壘四。毀東湖賊艘七十有奇。燔賊巢八十餘處。追逐百餘里。會襄陽土匪起。連陷樊城、穀城、光化、竹山、興山。遂與川匪合。陷宜昌。公遣舒公及唐公合數營往平之。有議撫者。公不謂然。而事亦遂定。時武昌賊窘。公先與李忠武於塘角。

密灣洪山青山等處掘長濠固守其魯家巷花園山一石砦亦如之城賊不得出援賊不得入我軍安坐以待賊糧之盡遂以十一月克復省城殪賊萬計生擒偽檢點古文新等十四人先鋒悍賊八百餘並逆黨五千餘得一旨賞頭品頂戴實授巡撫遂分兵收復武黃各縣屬餘賊遁入九江北岸之小池口公計江楚唇齒相倚而九江扼長江之衝實汪楚門戶九江一日不復江楚一日不得安枕乃令李忠武率全部圍之分兵駐黃梅廣濟蘄州閒以遏江北賊而公自駐武昌調度當是時官私廬舍焚毀幾盡諸事草創公一意振興裁通省浮勇以節糜費設武漢重兵以固根本慎選賢良與民休息設清查局查被賊

後州縣倉庫錢糧交代設節義局表章歷年殉難官紳士女設
軍需局籌備東征器械餉糈拏提綱維巨細畢舉九以亂民之
生由法度廢弛吏敝民媮因循苟且以有今日不務討賊則亂
之流不塞不務察吏則亂之源不清効鎮道永守以下數十人
與屬吏更始禁應酬嚴奔競崇實黜華於是在官者稍稍推廉
尙能知吏事矣其籌餉有二曰錢糧曰鹽課曰貨稅湖北漕政
久敝官民交困道光中葉以還徵常收不及半公三次奏減章
程民是以輸將足額湖南北自淮鹽阻絕率食川鹽公分置課
鹽局於宜昌沙市又推行武穴老河口等處視向來額課過之
仿劉晏用士人法設局各市鎮攤收釐稅嚴杜中飽弊白是湖

北兵與餉強天下七年捍賊陳玉成自皖北土犯蘄州諸營敗潰賊徑趨蘄水武昌大震公急渡江赴黃州收潰卒得數千人而賊眾十餘萬環巴河以東百餘里時巴水大漲惟三台河有石橋可通公念賊渡河則勢蔓延急派千人斷橋扼河以守而潛師出迴龍山遏其上竄督諸軍合擊於孫家嘴馬家河等處賊大敗狂奔出境蘄廣肅清會將軍都與阿公及李忠武公亦連破黃宿之賊公視師九江定方略還省會提督楊公克小池口偽城次第收復湖口彭澤東流各縣九江勢遂孤塹長壕圍之八年四月李忠武穴九江城發地雷破之礮偽自天侯林啓榮等啓榮竊據四年餘塔忠武羅忠節屢攻不下至

是乃悉獮薶無遺種。

上嘉公調度有方。加太子少保。賊漸由六霍商城陷羅田麻城。黃安遣兵分道擊之。復其城。公以九江旣復。安慶在所必爭。奏請數路進攻。楊公以水師出江面。都公田宿松望江逼安慶城。爲圍師。李忠武規復太湖潛山桐城。與都公犄角。會廬州失陷。北路請援急。忠武奉旨催促。遂分營留守舒桐。自提五千人赴援。軍次三河。賊四面磨集。力竭戰沒。全軍陷焉。公時丁母憂回籍。都公以三河之敗。由公去軍無調度。請急起。公視師。總督官公亦疏請公聞。命痛哭起行。徑次黃州時。各軍退保黃梅。人心惶惶。聞公至。皆以手加額。自壯九年二月進營上巴河。整

飭部伍謀大舉會石達開由南贛犯湖南掠郴桂而西趨寶慶
號稱六十萬湖南告急公命李公續宜率所部往援而以都統
舒公馬隊三百佐之又以水師二營佐湖南水師分扼諸河道
寶慶圍速解公之力也已而協揆曾公由江西奉入川之命
總督官公奏請與公併力圖皖乃定四路進兵策曾公循江而
下爲第一路多公與鮑公超攻取潛山太湖爲第二路公出英
山霍山爲第三路李公由松子關出商城固始爲第四路議者
以鄂撫應駐黃州不宜出境公謂我奪情起復不赴前敵討賊
則此出爲無名十月移營英山時太湖圍師方集逆首陳玉成
來援眾數十萬多公鮑公等悉力拒戰賊來口眾圍鮑公營數

重聲息不通。公調金觀察國琛以八千火自松子關躡英山。踰潛山之天堂。橫出冒大雪。憑高築壘。衷賊師而陣。賊聞見之大。懾而曾公亦自宿松遣師來會。十年春。合擊賊於小池驛。大破之。遂復潛。太命諸將分下會。金陵師潰。蘇常皆不守。曾公授兩江總督。攜鮑公渡江。次祁門。謀經理徽甯。爲規復蘇常之本。乃以曾公國荃圍安慶。多公圍桐城。李公駐青草塢。爲兩軍援地。廣軍分而將軍都公又奉旨赴援淮陽。公悉力經畫。問兵事曰。惟我任。問餉事曰。於我取。一無所諉。於人。十月。多公李公大破援賊於挂车河。公忿安慶久不下。自英山移營太湖。就近部署。度賊援皖不利。必謀深入腹地。以牽動諸軍。於潛桐舒霍山。

險。建立礮卡。守以兵民。命副將余際昌屯霍山。防中路。總兵成大吉屯羅田。防北路。戒以賊至勿浪戰。堅守待援。十一年二月。賊果合捻匪。由六安霍山分路西犯。成總兵破之松子關。殲其魁龔瞎子。霍山守者違節度戰敗。車潰。賊取其旗幟。陷黃州。德安。孝威隨州。公策賊西竄。意在解皖。圍皖。解則大勢全去。墮賊計。非宜。乃定策遣李公回援。而圍皖益急。賊復分股回略蘄州。蘄水。黃梅。廣濟。以趨安慶。絢城賊夾擊。精悍皆聚。公檄成總兵下援。曾公亦從南岸遣將破賊。集賢關。劉平赤崗嶺。賊壘四座。悍賊數千悉斬之。磔逆首劉瑋林。而援賊之由桐城來者。又連爲多。公所殪。蓋安慶爲金陵屏障。久陷。賊中僞英王陳玉成。

據爲老巢。室家在焉。故救之不遺餘力。及見我懷桐潛太之師。皆屹然不動。鄂疆雖暫被擾。而黨分力弱。兇悍被殲。城中糧已垂盡。勢大感適南岸。賊復由武甯義甯內犯。與國大治南及崇通省城岌岌。公病嘔血。憊甚。率師回援。而皖圍終不解。旣抵省南岸。賊聞風遁。八月朔。遂克安慶。曾公以力主圍皖之議。推公首功。詔加太子太保。予騎都尉世職。桐城廬江舒城以次攻下之。而孝感德安黃州各郡縣賊亦先後擒斬。楚境斬清。而公則嘔血不止。病不可爲已。

文宗皇帝遺詔至。公拔慕悲泣。病益劇。遂以八月二十六日薨於武昌節署。年五十。遺疏入。優詔悼惜。追贈總督。照總督例。

賜卹入祀賢良祠。湖北及湖南原籍均建專祠。子子勛侯及歲

時由吏部帶領引見。未幾復奉諭。胡林翼戮力疆場。勛勞懋

著。數載以來。恢復本境。援勦鄰氛。整軍經武。以死勤事。允宜亟

予褒揚。著宣付史館。以光簡策。胡子勛賞舉人一體會試。用示

朕篤念蓋臣至意。尋賜祭葬。諡文忠。同治元年二月奉旨。

賜祭一壇。並命原籍督撫遣官前往家祠。賜祭公狀貌英

偉。目閃閃如巖下電。威棱懾人。聰強敏給事。至應機立斷。無留

難苟當理。艱煩重大。毅然自任。不以例文拘束。自言守鎮遠黎

平諸劇。郡捕治盜賊。爲民興利除害。皆默自程課。惟恐大吏聞

有所牽制。清厯湖北漕糧議者。以州縣公私取給積弊。且二百

年不宜驟革。公手自釐定。以部定漕折爲率。因其地之肥磽。缺之繁簡。加重輕焉。歲爲民間省錢百四十餘萬。緒爲庫項增銀四十餘萬。兩提存節省銀三十餘萬。兩民與國兩利而爲州縣裁革陋規。幾盡。使有以自給。故亦無怨者。籌辦鹽課釐稅。皆自定章程。所派官紳。各視才地所宜。時加手書訓誡。綜覈名實。精力絕人。每于理財之中。暗寓察吏之法。謂取民贍軍。使商賈同仇敵愾。卽以教忠使局員潔已奉公。卽以興廉。又時時戒飭屬吏。俾知稼穡之艱難。知小民之情僞。其治軍務。明紀律。尤加意將才。曰。爲統將。必明大體。知進退緩急機宜。其次知陣法。臨敵決勝。又其次勇敢。此大小之分也。又曰。兵之囂者。無不罷將之。

貪者無不怯。觀其將知其兵。觀其兵亦知其將。生平以天下爲已任。乘機赴會。斷行無疑。援江西數千人。援湖南萬人。皆精兵。時鄂中賊方逼餉。且缺公一意調遣。軍糧皆自任之。卒取全功。武昌始復。卽規取九江。九江復。卽規安慶。越境千餘里。討賊制其死命。督撫之以全力。援勦鄰省。自湖北始也。圍九江賊。由江由皖犯鄂者。三圍安慶。賊由皖由江由豫。全力犯鄂。州縣城陷者十餘。公屹不爲動。或遣將分援。或躬親督勦。從容肆應。算無遺策。其于閤屬事務大小。各軍強弱。以及鄰省之優劣。高下。燭照數計。洞然於心。而尤汲汲以獎拔人才爲事。屬吏一行之善。隨登薦牘。手書褒美。以寵異之。士有志節寸名。潛伏不仕千里。

招致務盡其用。嘗密薦才堪大任者十有六人。多蒙擢用。又以興國布衣萬斛泉等砥礪廉隅。不求仕進。奏請獎勵。詔賞斛泉等七品冠服。有差。嘗言國之需才。猶魚之需水。鳥之需林。人之需氣。草木之需土。得之則生。不得則死。才者無求於天下。天下當自求之。故公所特薦。不盡相識也。在武昌專意吏事。懲貪惡。任廉能。吏治蒸然日上。病急時。猶引賢退。不肖數人。時論皆以爲允。公自爲湖北巡撫。念國家多難。而自負重任。益務繩檢其身。較其尺寸毫釐。而待人一秉大公。推誠相與。無粉飾周旋。嘗曰。吾於當世賢者。可謂傾心以事矣。而人終樂從曾公。其至誠出于天性感人深故也。然諸將弁在事者。樂公之鼓舞振興。

天下士從公爲尤盛而其言不自定如此立寶善堂以延賢俊之至者察其才隨宜任使與人言虛中翕受苟可行必研窮其利害而竭盡其底蘊與所常共事文武諸公歷六七年之久披肝瀝胆無幾微間隔遇事苦心調護俾人人有布衣昆弟之歡而自視歛然常若不足語及人才優劣喟然曰世有伯樂而後有千里馬顧吾才智不足有爲賢者終不我應耳庚午秋都城戒嚴急謀人衛會款議成詔止其行

文宗升遐遠在木蘭哀詔久未下公憂思旁皇中夜扶病起立翹望京師輒流涕病因是加篤然猶終日危坐考求兵事吏事之要汲汲施行顧左右嘆曰聞道苦晚今雖稍有所見而不

及行者多矣。始曾公嘗奏胡某才勝臣百倍。及上公死事狀。謂其堅持之力。調和諸將之功。綜覈之才。皆臣所不逮。而尤服其進德之猛。嗚呼。此豈今之人也哉。所著讀史兵略若干卷。奏疏文集若干卷。家故有田數百畝。自筮仕貴州。誓先人墓。不以官俸自益。至是位巡撫。將兵十年。於家無尺寸之積。詹事公會著弟子箴言。公承其志。爲箴言書院。悉以家所藏書納其中。使人知務實學。建胡氏家學。教其族之子弟。故舊親戚。仰給于公者。歲嘗數十家。嗣子子勛襲職騎都尉。

[illegible]

蘇軾初進士今之人出歸視蘇軾與
 之次區區滿紙文句歸視蘇軾與
 之次區區滿紙文句歸視蘇軾與
 之次區區滿紙文句歸視蘇軾與

何文貞公事略 畢剛毅公金科

公諱桂珍字丹畦雲南師宗人道光戊戌進士選庶吉士年甫冠乞假歸娶士類榮之旋授編修督貴州學政擢侍講入直上書房公所學以宋儒爲宗柘城竇先生克勤著書明理學流派曰正宗公續之於朱陸異同辨最晰又以已意增輯西山真氏大學衍義手繕進優詔納之廣西盜起數抗疏言軍事得失論前大學士某前總督某悞國不宜發軍前疏留中天下想望風采咸豐四年五月出爲徽甯池太廣兵備道時安廣久陷改省會廬州仍被踞巡撫福濟公提督和春公軍廬屬之店埠公所治在江南阻於賊大府遂疏留江北檄公募勇隨征餉無所

出久之得二百餘人率以西至霍山號召鄉兵得三千有奇激以忠義以十月二日破李兆受于霍城東追擊至麻埠又五日。至流波瞳李兆受者故河南捻匪魁也有眾數萬至是爲公破。又檄商城固始諸團丁扼歸路而自率所部進追捻黨大思兆受與馬超江等相繼降散脅從萬計百姓懽呼餽糗糧不絕先是大府檄公援廬江檄未至廬江陷竟勃公落職軍民皆不能平會曾侍郎國藩督楚師克武漢大破賊田家鎮遂圍九江公通牒楚軍言戰狀侍郎具疏於朝副都御史袁公甲三時軍臨淮亦欲資公兵西與楚師會公至蘄水矣爲地方吏所尼不得前居無何九江軍失利武昌再陷侍郎入江西遂隔絕不相

聞公孤軍轉戰。瀋霍間五年。正月克蘄水。旋克英山。殲悍酋田金爵。大府檄君駐英山。然公任事八閱月。支見銀三百兩不足。供一夕。炊民兵相從日多。又益以兆。受降卒無所得食。初人日餉麪一斤。遞殺至四之一。猶弗給。五月十一日。師遂潰。方兆受之降也。公請縻以官秩。大府難之。至是絕糧。意不能無觖望。徒感公出誠。不忍背。無何超江爲士人所殺。兆受額公拘其仇弗得益。大憲則設位哭弔。捻黨糜集於是。皖豫諸帥爭以兆受反狀聞。榜於衢。購兆受頭千金。兆受詣公。自陳。公推赤心。拊慰之。稍定矣。會當道以密書由驛達。公屬先發制之。書爲兆受得。兆受謂公賣已也。遂以十一月三日伏兵戕公于英山。之小南門。

焚其尸。颺之。從死者四十七人。公正命時。有白氣如正練。自屋瓦出。逾時乃滅。年三十有九。後二年。當事復招兆受降。累擢江南提督。而公之死。無過問者。公以書生提空名。殺賊無餉。無軍資。無賞罰權。而日與反側子居。本萬萬無生理。失廬江。在奉檄前。遽入公罪。卒以一紙速之死。蓋公在翰林。劾權貴。中外久仄目。及外任。初謁大帥。侃侃陳軍事。若將爲之師者。然以是積嫌。公而公且死。不之悟也。禍所從來微矣哉。同治三年秋。江甯克復。逆渠盡殲。曾公疏陳。公率鄉團勦賊。時飢餓。艱危。歷人間。未有之苦。卒以機事不密。爲叛人所戕。天下寃之。在已尤引以爲疚。籲請加恩。旌卹。得旨。俞行。賜祭葬。賜諡文貞。命。

建祠英山。

子騎都尉世職其時同一疏得請加卹者有升

用游擊臨元鎮都司呼爾察巴圖魯畢公金科

畢公字應候籍臨元文貞公鄉人也少入伍以征開化苗匪功

敘藍翎外委粵賊起隨副將王君國才出師湖北敗賊天門丁

司橋累擢都司

賞花翎咸豐四年冬曾公督師克武昌大破

賊田家鎮檄公及國才

隨忠武公塔齊布攻九江未下五年正

月別賊犯武昌國才回援忠武才公留弗遣公驍健亞忠武能

匹馬陷堅穿出敵陣之背戒從卒勿隨行人亦莫敢隨者羣賊

率熟視不敢動十二月戰臨江樟樹鎮克之六年正月別將失

利功弗竟曾公檄令防饒州五月大捷章田渡與主防者不相

中。公。所。部。兵。單。爲。所。牽。擊。六。月。饒。州。陷。公。憤。甚。憎。募。壯。士。決。死。
戰。未。十。日。復。饒。州。獲。賞。勇。號。補。臨。元。鎮。都。司。以。游。擊。升。用。時。
主。者。遷。秩。去。公。獨。堯。防。務。屢。破。賊。殪。其。魁。賊。畏。憚。之。婦。孺。皆。德。
公。倚。爲。固。會。饒。南。賊。大。至。踞。景。德。鎮。歲。且。暮。士。不。宿。飽。忌。公。者。
復。訛。齟。之。期。以。破。賊。後。給。饒。公。憤。鬱。不。自。聊。思。更。立。奇。功。自。震。
褻。遂。以。七。年。正。月。元。日。率。千。人。進。攻。越。二。日。抵。鎮。担。水。而。陣。犁。
且。率。壯。士。十。人。濟。時。賊。臥。未。起。入。市。寂。然。公。舉。火。未。及。烈。慘。剿。
後。市。伏。賊。起。十。人。者。亡。其。七。傷。其。三。公。喋。血。鬪。手。格。殺。十。數。人。
賊。不。敢。逼。用。火。器。環。攻。之。及。王。家。洲。死。焉。年。二。十。有。五。尸。被。殘。
閱。十。有。八。日。前。傷。卒。三。人。者。始。以。公。殯。事。聞。賜。卹。如。例。始。公。

之赴饒也。自以孤軍于人不足當一面。踞請於曾公。願留戲下。弗遣。曾公慰遣之。許不久調回。既而不果。調公竟死。曾公痛惜之。爲勒碑紀其事。至是以曾公請得加贈總兵銜。賜祭葬。予諡剛毅。詔立景德鎮。



山陰縣志

卷之二十六

山水

一

趙忠節公事略

烏虜自粵寇稱亂以來海以內死封疆死職死綏者僕指不能
畢數若其以鄉紳毀家紆難率民兵登陴效死坑數千萬之賊
血戰三年解圍者三殺賊萬計追行省陷列郡盡淪於賊糧罄
援絕猶死守孤城六閱月力竭被執幽繫經年百折不可回卒
罵賊以死若湖州趙忠節公者洵一代奇烈爲時所創見者已
公諱景賢字竹生歸安人父炳言道光六年進士官刑部侍郎
公少豪邁負奇氣不拘小節讀書慕古俠烈士喜任人所難有
機權臨事輒能斷道光甲辰舉人以父子異籍被議黜入貲得
復授宣平教諭改官內閣中書未赴丁父憂閉門讀禮鄉人未

之奇也。同郡徐中丞有王獨器之。曰：君有應變才，將爲國柱石。慎自愛。公亦以時事多故，思得一當以自效。咸豐三年，賊陷江甯，江浙震動。詔舉行團練法，公獨任其事，輸重金爲衆倡，得首加道銜。以知府發甘肅，用未幾，甯國克復，湖州得解。嚴十年二月，賊覆甯郡，陷廣德，直趨湖州。公時在蘇州，聞警馳歸，與湖州守瑞春、歸安令廖宗元、烏程公李澍等籌守禦。當是時，士皆虛伍，官無見錢計。莫知所出，公曰：事急矣！今市肆雖空，百貨未盡徙也。宜權取充軍實，事成有以謝父老，否亦免爲盜齎耳。遂下令有不聽取者，治以軍法。不半日，事粗集。公曰：未也。今城外民墾如櫛，賊至窟其中，城將不能守。乃縱火燬之。江南援師至。

賊已圍攻西北城。公部署既定。納韓刀。乘城誓必死。遂約援兵。夾擊。斬賊數千。圍三日而解。時二月十七日也。有詔以道員用。賞額爾德木巴圖魯名號。賊由埭溪攻杭州。越十日。外城陷。巡撫羅公遵殿死之。將軍瑞昌公死守滬城。未下。會提督張公玉良自金陵馳援。過湖州。公遣將引道。復杭州。王壯愍公有齒。繼爲巡撫。壯愍夙知公才。至是深相倚。湖防事一以委公。乃益繕城隍。備器械。造戰艦。築牛馬牆。分勸各屬鄉鎮。治團練。閏三月。遣將復長興。德清。安吉。孝豐。武康。五縣。時蘇常迭警。援軍皆訓歸。惟存新軍三千。公悉心校練。且添募。四月。蘇州陷。延及嘉興。分兵駐南潯鎮。以扼其衝。未幾。僞輔王楊輔清自宜興。溧

陽太湖來犯。眾十萬。沿城大掠。火光燭天。刁斗聲聞數十里。公閉城堅守。意氣自若。會記名道蕭公翰慶自石埭來援。轉戰賊境五百里。將至湖州馬蹟。被害所部敗散。入郡城。公拊而用之。兵力稍厚。時賊眾已圍五門。公親督隊開北門出血戰。數晝夜。斬馘多。賊遁。二次解圍得。旨以道員記名簡用。五月。聞張公玉良攻嘉興。公卽帥師由南湖進攻吳江之平望鎮。踣賊十數。壘據守之。思卽復蘇州。成不世功。僞英王陳玉成忽自太湖窺湖郡。公急回救。賊反乘之。師潰。賊復踞平望。并犯南湖鎮。公再集民兵擊走之。六月。分兵克廣德州。時杭州圍解。敗賊仍竄湖屬。十月。省城再被圍。公帥兵往援。圍甫解。人謁王壯愍。忽湖防。

告急。卽馳歸。賊已至南門之峴山。副將劉仁福者。故興臺也。自平湖潰。歸通款於賊。率廣勇二千。自昌化來。僞爲援兵。謀入城。內應。公偵得。實陽治具。款之而止。其兵城外。陰簡精卒出。令人束竹筋於腰。爲識圍而盡殲之。礮仁福於市。竿其頭。示賊。賊爲奪氣。解圍遁。分擾西南各鄉鎮。皆擊卻之。十一月。嘉興烏鎮之賊。分途來擾。雙林鎮等處。王壯愍遣副將文端來助。勦合民兵。轉戰十餘日。悉破其壘。詔以三次解圍功。賞按察使銜。十一年正月。遣兵再克長興。有賊自宜興陸路來犯。敗之。會太湖之洞庭東西山失陷。全湖皆賊。有長興旣不能守。而北路七十二漊港。時被擾。遂於大錢口添駐水師。聯絡民兵。通饒道大小。

數十戰皆告捷。五月，大股賊來踞菱湖鎮。公親督水師礮船分路夾擊，大敗之，奪賊船數百艘，生擒數百人。七月，平望賊竄南湖鎮，與石門賊兩路來犯。皆走之。九月，賊來益眾，乃督水陸出鏖戰。五晝夜，賊始敗退。適太湖賊又來犯夾浦，連敗之。回郡，忽報杭州被圍，賊營亘六十里，餉道絕。遂親督水陸軍往接，連破賊二十有奇，終不能達城下。洞庭東山賊偵公南向，乘虛犯大錢口。公急回顧，且戰且退。既至，大敗之，奪賊船二百餘艘，始遁去。而從逆之烏鎗船匪肆掠雙林鎮，復遣兵聚殲之。亡何，杭州陷。公嘆曰：「湖郡成孤注矣！惟當效死，勿去以報國恩耳。」遂與在城文武鄉民誓死守眾，皆曰：「惟公命，偽忠士李秀成遣二

謀遣書招降公立斬之以書達上海呈江蘇巡撫轉奏始奉簡授福建督糧道之命時四面皆逼賊鋒惟留大錢口一練路十二月二十七日大雪三晝夜冰厚數尺如平地礮艦膠不能動同治元年正月二日賊乘夜來犯大錢口遂爲賊踞自此內外隔絕餉道不能通矣賊屢受湖防之挫死傷山積恨次骨掘公父墓相戒勿近攻先是賊陷名城率用地道湖郡地勢低掘隧三尺卽見水技無所施又四面環大河雲梯衝車無所用惟築壘樹柵漸進逼爲坐困計二月朔公選壯士三千誓解城圍由南北門出擊各掃十餘壘獲賊糧運入城自是賊糧不復屯近處而城內外水陸兵勇尙入千有奇男婦十一萬餘口糧且

盡越二日密奉飭赴福建新任及賞加布政使銜之恩命軍氣復爲一振蓋是時

上甚惜公才寄

諭垂詢江督曾公國藩密令輕裝赴任移其

捍衛桑梓之力以固閩疆公感泣誓死益堅密寄帛書至上海

報其叔炳麟有眾志成城守死善道之語且云使我家出一良

臣不如出一忠臣公之志蓋素定矣自三月以後軍民羅雀掘

鼠食草根樹皮皆盡公言笑如常時縣丞某欲通賊事露立擒

斬之有搜掠者仍按軍法五月三日城陷公大呼曰死無憾死

我十數萬軍民爲恨耳賊渠譚某擁至局公冠帶見賊喝曰速

殺我毋殺軍民譚曰亦不殺汝公技力自刎爲所奪執之去僕

陸二自勿死。公被執至蘇。幽諸獄。邏禁甚嚴。求死不可得。賊凌辱脅降。不屈。李世賢復爲下士狀。百計誘說。不爲動。遂有遣歸之意。譚逆不可世賢。赴江北時。誠勿殺譚。稍稍善視之。公見取。詈罵。一日。攜常熟地圖。以詢遽。投之火。二年三月。賊自大倉取歸。揚言。公將襲蘇。譚逆懼。十八日。日晡。招公飲酒。半詰。公曰。汝通妖兵。耶。公曰。我本官兵。何謂通。汝欲獻蘇州耶。公曰。蘇本大清土地。何謂獻。即又曰。汝死期至矣。公仰天大笑曰。求之一年而不得。今何幸也。連舉數巨觥。罵益厲。譚逆舉洋鎗封擊其胸。而殞。年四十有二。賊具指瘞之。公身材不踰中人。貌偉異。口可容拳。大小百餘戰。皆親冒矢石。天性好殺。嘗曰。吾得殺人下。

酒乃快事耳。所俘賊皆浮白斬之。後見曾公國藩解散歌始悟。
脅從皆獲免。湖州既陷。廷旨數詢公下落。死事聞。優詔褒。
閔。且曰。趙景賢係在籍鄉士。無守土之責。集團禦侮。每戰必捷。
迨至孤城困守。糧餉軍火俱盡。仍堅持數月。力盡被執。賊匪誘。
脅百端。矢志不移。卒以身殉。勁節孤忠。可嘉可憫。其改照巡撫。
陣亡例。從優議卹。且賜諡於湖州建專祠。其長子趙深。彥一併。
附祀事蹟。宜付史館立傳。以彰忠蓋。次子趙濱。彥潤。彥滋。彥添。
彥洙。彥均。侯及歲時。送部引見。尋賜祭葬。予諡忠節。公在。
繫作絕命詩四章。有云。亂刀交揮處。危冠獨坐時。又云。厚貌徒。
爲爾孤忠矢。靡他偽忠王。本欲送公歸。致書以漢清亭侯歸漢。

爲言公斥其倫不於倫且曰歸我者之爲知己不如殺我者之
尤爲知己也初杭州旣陷公知事不可爲盡遣其家屬出而身
居守深彥年甫十二寓湖南聞湖州失大慟服毒死南撫爲奏
請旌卹

臣等謹將
所請開列


而
茲

臣等謹將所請開列

臣等謹將所請開列

臣等謹將所請開列

臣等謹將所請開列



One hour

DS
734
L39
v.16

國朝先正事略卷之二十七名儒

平江李元度次青纂

孫夏峯先生事略子博雅

魏一鰲

先生諱奇逢字啟泰一字鍾元直隸容城人晚講學蘇門之夏
峯學者稱夏峯先生少與定興鹿忠節善繼友以聖學相砥
礪年十四謁楊尚寶補庭問設在圍城中內無儲侍外無
救援當若何先生應聲曰效死勿去補庭忠愍公子也十七舉
萬歷庚子鄉試居京師與左忠毅公光斗魏忠節公大中周忠
介公順昌相尚以氣節丁內外艱喪葬一準古禮率兄弟廬墓
凡六年宗使李蕃以純孝疏旌其門家故貧日食常不繼嘗與

鹿忠節論學自辰至日昃始得豆麪作羹怡然無不足之色自言從夢患困鬱中默識心性本原生平得力實在此天啟五年逆閹魏忠賢亂政大興鉤黨獄左忠毅魏忠節周忠介先後被逮左公弟光明魏公子學伊皆主鹿氏鹿忠節之父正世所稱鹿太公者也與先生及新城張果中各出身營救當是時高陽孫文正公承宗以樞輔督師榆關鹿忠節以職方郎贊軍事初嘗約先生至軍中徧覽山海形勝孫公學疏請任以贊畫先生語茅元儀曰古未有將相不合能立功於外者公信不愧吉甫矣奈時不可何乃辭歸至是爲書抵孫公使季弟奇彥及正孫化麟齋以往書略曰左魏諸君子清風大節必不染指以庇罪

人此何待言。獨以善類之宗。直臣之首。橫被奇冤。自非有胸無
心。誰不扼腕。惟桑與梓。固浮邱蓄泣地也。遺愛在人。不止門牆
之士。與歌黃鳥。昔盧次梗一莽男子耳。謝茂秦以眇布衣。行哭
燕市。謂元美等曰。諸君子不生爲盧生地。乃從千載下。哀湘而
弔賈乎。李獻吉在獄。何仲默致書楊遂菴。求爲引手。康德涵義
激同調。至不自愛其名。浮邱廓園之品。固當直踞獻吉。何次梗
之敢望某能無哭訴。尚負慙於茂秦。執事功德前無。遂菴憐才
扶世之感。稍一引手。且有出德涵上者。况諸君子以道義臭味
之雅。受知於執事最深。且久。豈無意乎。孫公得書。且疏請入朝。
面陳機務。忠賢大懼。謂且與晉陽之甲。夜遶御床。泣遂以嚴旨。

過諸途尋誣左魏受熊經略贓各撈追之左嘗督學三輔又治屯田有惠政先生與鹿太公及果中謀設匭建表於門曰願輸金救左督學者聽於是投匭者雲集得金數千齎入都而左魏已先斃杖下明年忠介公逮至擬贓五千先生復爲營畫得金數百而忠介復杖斃矣乃皆經紀其喪且按籍還金時邏校嚴急士大夫觸手糜爛容城去京師不二百里舉旆擊鼓眾皆爲先生危而忠賢左右皆近畿人夙重先生質行無不陰爲之地者以故卒免禍左魏遺骨藉以歸海內有范陽三烈士之稱謂先生及正果中也先生義聲震一世御史黃宗昌給事中王正志交薦之屢徵不起崇禎九年大清兵薄容城先生率兄弟

族黨入城與有司及薦紳分城守禦先生獨領西北隅斜以久
圯兵突至隨禦隨築鄰邑多陷而容城獨完巡撫張其平上其
事詔優秩擢用會南都兵部尚書范公景文亦以贊畫軍務馳
聘先生俱辭之時畿內盜賊數駭先生率子弟門人入易州五
公山結茅雙峯戚族相依者數百家乃飭戎器待糗糧部署守
禦又以其暇賦詩習禮絃歌聲相聞寇盜屏跡時以方田子春
之在無終山焉國朝順治初祭酒薛公所蘊且疏讓官以許
文正相擬遂有旨以國子監祭酒徵有司敦趣卒固辭兵部
侍郎劉公餘祐巡按御史柳寅東陳蜚交章薦皆堅臥不應自
有明及水朝前後十一徵不起天下士識與不識皆稱曰徵

君○晚○歲○渡○河○葉○蘇○門○百○泉○之○勝○且○爲○康○節○魯○齊○講○學○地○承○部○郎○
隨○光○裕○奉○以○夏○身○田○廬○遂○移○家○築○堂○曰○兼○山○讀○易○其○中○率○子○弟○
躬○耕○四○方○來○學○願○畱○者○亦○授○田○使○耕○所○居○成○聚○公○卿○持○使○節○過○
衛○源○輒○屏○騶○從○以○一○見○先○生○爲○快○而○睢○州○湯○文○正○公○斌○官○嶺○北○
道○告○養○歸○遂○從○受○業○凡○十○年○始○先○生○與○鹿○忠○節○講○學○以○象○山○陽○
明○爲○宗○晚○更○和○通○朱○子○之○說○其○持○身○務○自○刻○砥○而○與○人○無○町○畦○
每○晨○起○謁○先○祠○畢○澄○心○端○坐○雖○疾○病○未○嘗○有○惰○容○有○問○學○者○隨○
其○高○下○淺○深○必○開○以○性○之○所○近○使○自○力○於○庸○行○上○自○公○卿○大○夫○
及○野○人○牧○豎○工○商○隸○圉○武○夫○悍○卒○壹○以○誠○意○接○之○用○此○名○在○天○
下○而○人○無○忌○嫉○者○山○巾○花○放○鄰○村○爭○置○酒○相○邀○咸○知○愛○敬○居○夏○

年二十五卒年九十有二康熙十四年四月二十一日也先生嘗語學者吾始自分與楊左諸賢同命及涉亂離犯死者數矣而終無恙是以學貴知命而不惑也其學以慎獨爲宗而於人倫日用間體認天理嘗言喜怒哀樂中節視聽言動合禮子臣弟友盡分乃終身行之不能盡者又言自七十以往每閱十年而功加密惟獨知之地不敢自欺無或懈而已著有四書近指讀易大旨書經近旨聖學錄兩大案錄甲申大難錄家禮酌歲寒居答問孝友堂家乘畿輔中州人物考取節錄孫文正公年譜乙丙紀事又著理學宗傳表周程張邵朱陸薛王及羅念庵顧涇陽爲十一子別爲諸儒考附之蓋出獨見非依傍舊聞

者比也。河南北學者。歲時奉祀百泉書院。易州學者。就故宅爲雙峯書院。而容城與劉靜修、楊忠愍同祀。保定與孫文正、鹿忠節並祀。道光八年。詔從祀孔子廟庭。弟奇彥順治中以貢生知武城縣。有聲。子六。四子博雅最知名。孫淦康熙壬戌進士官中書。以孝聞。

博雅字君僑。幼端重。不苟嬉笑。甲申後。屏舉子業。絕意仕進。徵君遷蘇門。君獨畱貧。無以炊。賒柿餅以供母。徒步奉至蘇門。徵君撫之喜。作詩勞之。母病不交睫。不解襟帶者三旬餘。及卒。爲孺子泣三年。不見齒。徵君年漸高。偕兄弟朝夕上舍祝嘏。噎夜則更坐牀前。候其欠伸。未嘗頃刻離時。從徵君游者。日眾有數。

百里或數千里至者。君設榻供食。各得其宜。徵君晚年聽所詣弟子問難。必藉君轉達。反覆開示。不厭徵君著書不下數百卷。嘗教易稿。皆君手書。字體古健。無一筆苟。康熙八年。詔舉山林隱逸。郡守程啟朱以君名上之。大府君以父年老力辭。亡何徵君卒。偕兄望雅弟韻雅廬墓三年。哀毀骨立。葬祭以禮。君德器純粹。與人交和易可親。見人一善。贊揚不去口。人有過。不顯言。默然端坐閒引。一二古語相感發。聽者瞿然。多見省改。問以時事。似不甚別白。至談古今陳敗得失。瞭若指掌也。韻雅坐事。被逮繫刑部獄。凡五年。將遠徙。君具橐餽以從。病致藥餌。更周卹。其同繫者。幸朝夕相顧視。君故貧。竭產供弟故交。所贈遺皆

拒。不。納。同。難。有。械。繫。者。君。以。蹇。驢。讓。之。徒。步。烈。日。兩。足。皆。腫。嘗。遇。暴。風。雨。失。道。幾。溺。死。飢。渴。困。頓。遂。病。每。假。寐。口。中。喃喃。皆。其。弟。事。也。頃。之。竟。不。起。彌。留。猶。張。目。曰。吾。弟。免。矣。遂。卒。年。五。十。有。五。不。數。日。弟。事。漸。解。竟。免。流。徙。士。大。夫。高。其。義。稱。文。孝。先。生。所。著。有。約。齋。集。子。漢。有。文。名。

魏君一龍字蓮陸直隸新安人。夏峯高第弟子也。嘗官山西官知州。有惠政。披訪隱逸。折節下士。及去官。匹馬雙僮而已。蓮陸與清苑高鑄。范陽耿極等從徵君游。最早遭時喪。孔思難與其者。餘三十年。及徵君遷蘓門。蓮陸白山右歸。率間歲一至。每至必數月留。後構雪亭於夏峯。爲徵君訐。正年譜。白雪盈山。孤燈。

千夜上下古今視千秋如旦暮。及門問答語。蓮陸爲多。所著白
雪亭夢語。湯潛庵先生官京師時。蓮陸嘗策蹇訪之。見潛庵繩
床破破。數椽不蔽風雨。慨然曰。此猶見雪亭風味也。因出夢語
讀之。屬潛庵爲之序。初徵君命蓮陸輯北學編。尋命潛庵輯洛
學編。潛庵嘗以雪亭比朱子之寒泉精舍云。

黃梨洲先生事略弟宗炎 宗會

黃梨洲先生宗義字太冲浙江餘姚人明御史忠端公尊素長
子忠端爲揚左同志以劾魏闖死詔獄廷烈帝卽位先生年十
九袖長錐入都訟冤至則逆闖已殲卽具疏請誅曹欽程李真
會庭鞫許顯純崔應元先生對簿出所袖錐錐顯純流血被體
又毆應元拔其鬚歸祭忠端神主前又錐殺卒卒葉咨顏仲文
蓋忠端絕命二卒手也時欽程以入逆案實訴辨原疏非已出
陰致三千金賄先生求勿質先生發其事復於對簿時錐之獄
竟偕諸忠子弟設祭獄門哭声達禁中莊烈帝歎曰忠義孤兒
可念也先生歸益肆力於學經史百家無所不窺憤科舉之學

錮人思所以變之既盡發家藏書讀之不足則鈔之同里世學
樓鈕氏澹生堂祁氏南中則千頃齋黃氏絳雲樓錢氏且建續
鈔堂於南雷以承東發之緒山陰劉忠正公倡道蕺山奉忠端
遺命從之遊而是時越中承海門周氏之緒餘援儒入釋石梁
陶氏奭齡爲之魁姚江之緒大壤先生約吳越中高材生力摧
其說故蕺弟子如祁忠敏山公彪佳章給事正宸皆以名德重
而四友禦侮之助必首先先生蕺山之學專言心性而漳浦黃忠
端公兼及象數人比之程邵兩家先生曰是開物成務之學也
乃出所學律曆諸書相質證弟宗炎宗會並負異才先生自教
之有東浙三黃之目及周延儒再召謀翻逆案起馬士英督鳳

陽爲阮大鍼地。於是南太學諸生作雷都防亂。公揭斥大鍼陳公子貞慧沈徵君壽民吳秀才應箕沈上舍士桂共議東林子弟推無錫顧杲居首。搆禍諸家推先生爲首。餘以次列名。戊寅秋七月事也。王午先生入都。延儒欲薦爲中書舍人。力辭免。偶遊市中。聞鐸声曰。非吉声也。遂南下。已而大清兵果入塞。甲申。難作。大鍼驟起。南中案揚中姓氏得百四十人。將盡殺之。先生同里有閹黨首劾劉忠正公及其三大弟子。則祁章二公暨先生也。先生與杲並逮。太夫人嘆曰。章妻滂母乃萃吾一身耶。會大兵下南都。先生得免。踉蹌归浙東。時忠正公已死。節弟子多殉之。而孫公嘉績熊公汝霖以一旅之師畫江而守。先生

糾里中子弟數百人從之號世忠營請以布衣參軍事不許授
職方郎尋改御史作監國魯元年大統歷頒之浙東馬士英奔
方国安營欲入朝眾言其當誅熊公恐其挾国安爲患也好言
慰之先生曰諸臣力不能殺耳春秋之孔子豈能加於陳桓但
不謂其不當誅也能熊公謝焉又遺書王之仁曰諸公何不沈舟
決戰由赭山直趨浙西而日於江上鳴鼓攻其有備蓋意在自
守也最爾三府以供十萬之眾必不支何守之能爲聞者皆疑
其言而不能用惟熊公嘗再以所部西行下海監至是孫公以
火攻營卒付先生與正中合軍得三千人正中者王之仁從子
也以忠義自奮先生深結之使之仁不得撓軍事職方郎脊繼

左軍亂先生定之。挈以西遂渡海。劄潭山。陳太僕潛夫以軍同行。議由海道入太湖。招吳中豪傑抵乍浦。約崇德義士孫奭等內應。會大兵纂嚴。不得前。而江上已潰。公歸入四明山。結寨自固。餘兵尚五百人。先生駐兵杖錫寺。徵服出訪。監國戒部下善與山民結。部下不盡遵節制。山民畏禍。潛熬其寨。部將茅翰汪涵死之。先生無所歸。捕檄累下。攜子弟入剡中。己丑聞監國在海上。乃與都御史方端士赴之。授左副都御史。亡何。大兵圍健跳城中。危急。置靴刀待命。會蕩湖伯阮駿救至。得免。時諸帥之悍甚於方。王文臣稍異同。其間立致禍。熊公以非命死。劉公中藻以失援死。錢公肅樂以憂死。先生既失兵。日與吳尚書

鍾繼坐舟中正襟講學暇則注授時泰西回回三厯而已先生之從亡也太夫人尚居故里當事錄其家口先生曰方寸亂矣吾不能爲姜伯約也乃陳情變姓名閒行歸家是年監國自健跳至翁洲復召先生副馮侍郎京第乞師日本抵長埭不得請自是東遷西徙無甯居而浙中當事得名籍與海上有連者卽行獮薙先生於故國位在列卿江湖俠客多來投而馮侍郎等結寨社畧卽先生舊部風波鎮撼無虛日先生猶挾帛書欲招婺中鎮將南援時方捕諸寨之通海者山寨諸公相繼死弟宗炎坐與馮侍郎交通刑有日矣先生以計脫之辛卯遣閒使入海告警令爲之備甲午西侯張名振閒使至被執又名捕先

生內申慈水寨主沈爾緒禍作亦以先生爲首其得不死皆有
天幸先生氣不懾也其後海上傾覆先生無復望乃奉太夫人
返里門畢力著述而四方請業之士漸至矣自言受學戴山時
頗喜爲氣節斬斬一流患難後始多深造而追恨爲過時之學
丁未復舉證人書院由戴山之緒已而之勤之海甯巡撫張公
以下皆請開講先生不得已應之先生謂明人講學襲語錄之
糟粕不以六經爲根柢教學者必先窮經而求事實於諸史又
謂讀書不多無以證斯理之變化多而不求諸心則爲俗學蓋
先生以濂洛之統綜會諸家橫渠之禮教康節之象數東萊之
文獻良齋止齋之經術水心之文章莫不旁推交通自來儒林

所未有也。康熙戊午，詔徵博學鴻儒葉學士方諸擬疏薦陳
庶常錫嘏曰：「是將使先生爲壘山九靈之殺身也。」力止之。會修
明史，徐學士元文謂先生非可召試者，然或可聘之修史，乃與
興化李公清同徵。詔督撫以禮敦遣，先生固辭。朝廷知不
可致，特詔浙中督撫抄先生著述，閱史事者送京師。徐公延
先生子百家及萬處士斯同、萬明經言任纂修，皆先生門人也。
先生以書報徐公，且諧之曰：「昔聞首陽山二詔托孤於尚父，遂
得三年食薇顏色不壞。今吾遣子從公，可以置我矣。當是時，
聖祖表章儒術，大臣多鉅人，長德顧皆以不能致先生爲恨。魏
公象樞曰：『生平願見不得者三人，夏峯、梨洲、二曲也。』湯公斌口

黃先生論學如大禹導水導山脈絡分明吾黨之斗杓也庚午徐尚書乾學侍直

上訪及遺獻復以先生對且言曾經臣弟元文疏薦老不能來上曰可召至京朕不授以事卽欲歸當遣官送之徐公對以篤老無來意

上嘆息不置先生卒於康熙乙亥秋年八十有六初營生塋於忠端墓旁中置石床無棺槨作葬制或問援趙邠卿陳希夷例戒身後無得違命蓋自以遭國家之變期於速朽而不欲顯言其故也所著有明儒學案六十二卷三百年儒林之藪也易象數論六卷力辨河洛方位圖像之非授書隨筆一卷則闡徵君

若璩問尚書而告之者春秋曰食歷一卷辨衛璞所言之謬律
呂新義二卷則嘗取餘杭竹管肉好停勻者斷之爲十二律及
四清聲試之因廣其說者也又以蕺山有論語大學中庸解獨
闕孟子乃疏爲孟子師說四卷嘗欲重修宋史未就存叢目補
遺三卷輯明史案二百四十四卷贛州失事一卷紹武爭立紀
一卷四明山寨紀一卷海外庸哭紀一卷日本乞師紀一卷舟
山興廢一卷沙定洲紀亂一卷賜姓本末一卷又汰存錄一卷
絳夏考功幸存錄者也歷學則少有神悟及在海島古松流水
布算數嘗言句股之法乃周公商高之遺而後人失之使西
人得以竊其傳有授時歷注一卷大統歷推法一卷授時歷假

如一卷西厯回厯假如各一卷外尚有氣運算法紆股圖說開
方命算測圖要義其若干卷其後梅徵君文鼎本周髀言厯世
驚爲絕學實先生開之南雷文案十卷外集一卷吾悔集四卷
撰杖集四卷蜀山集四卷子劉子行狀二卷詩厯四卷忠端祠
神弦曲一卷後分爲南雷文定凡五集晚年又定爲南雷文約
合之得四十卷明夷待訪錄二卷語書一卷則佐王之略顧先
生炎武見而嘆曰三代之治可復也思舊錄二卷中多元史之
文又選明文案廣之爲明文海其四百八十二卷閱明人文集
二千餘家自言與十朝國史相首尾而別屬李徵君鄴嗣爲明
詩案未成而李率又輯宋元儒學案以志七百年儒苑門戶又

嘗續宋文鑑元文抄以補蘓呂二家之闕末成編卒又以蔡正甫之書不傳作今水經其餘四明山志台宕紀游匡廬游錄姚江文略姚江瑣事補唐詩人傳病榻隨筆黃氏宗譜黃氏喪制及自著年譜共若干卷先生文不名一家晚年忽愛謝皋羽所處之境同也雖不赴徵車而史局大議必咨先生歷志出吳檢討任臣之手總裁下里遺書乞審正而後定嘗論宋史別立道學傳爲元儒之陋明史不當仍其例朱檢討彝尊適有此議湯公斌出先生書示眾遂去之於國難諸公表章尤力至遺老之以軍持自晦者久之或鬪法開堂先生曰是不甘爲異姓之臣者反甘爲異姓之子也故所許止四明周蘘雲一人弟宗會晚

年好佛爲反覆言其不可於二氏之學雖其有託而逃者猶不
少寬焉。晚年益好聚書所抄自鄧之天一閣范氏欽之叢桂堂
鄭氏禾中倦圃曹氏最後則吳中傳是樓徐氏然嘗戒學者當
以書明心無玩物喪志也。子百家字主一能世其學文從梅定
九問推步法著勾股矩測解源二卷。

宗炎字晦木世稱立谿先生。崇禎中以明經貢太學學行與伯
兄梨洲埒而昇岸幾過之。己卯秋試報罷與弟宗會約閉門盡
讀天下之書而後出。晝江之役步迎監國於蒿壩兄弟毀家率
子弟僮僕荷戈婦女皆執爨以餉所謂世忠營也。梨洲西下海
昌先生乃畱龕山治輜重事敗狂走入四明山爲馮侍郎京第。

參軍事奔走諸寨。開順治庚寅。山寨軍殲。被縛侍郎之嫂先生妻母也。匿其家事。發當論死。梨州還至鄞。謀以計活之。馮尚書子道濟。故人也。慨然任其責。臨刑曰。哺矣。道濟潛載死囚隨之。亡何火忽滅。暗中有笑出。負先生去者。不知何許人也。火至以囚代之。冥行十里許。始息肩。則萬戶部履安白雲莊也。負之者戶部子程也。時諸遺民畢集。解縛置酒。忽管弦聲出。隔岸先生掉小舟往。因自取琴彈之。曰。廣陵散。幸無恙。侍郎故部。尋復合先生。仍左右之。慈湖寨主沈爾緒。又以孥寄丙山。再遭名捕。梨洲嘆曰。死矣。故人朱湛侯諸雅。六力救之。免。遂提藥籠遊海昌。石門開。或以古篆爲人鐫石印。或用李思訓趙伯駒畫法。鑿之。

以自給。浙江傳爲黃高士。畫爭購之。生平作詩幾萬首。沈寃懷。結晚稍頽。唐於家。緯律呂軌革王遁之學。皆有神悟。著周易象辭二十一卷。尋門餘論二卷。圖書辨惑一卷。力闢先天太極圖說之非。謂周易未經秦火。不應獨禁其圖。轉爲道家藏匿。二千年至陳搏而始出。謂搏之圖書乃道家養生之術。與元陳應潤說合。謂周子太極圖說圖雜以仙真說。冒以易道。亦與朱竹垞毛西河所考略同。晚年以石函錮所著述於其中。語其子曰。有急則理之。丙舍如其言。子卒。遂莫知所在。宗會字澤望。號縮齋。學者稱石田先生。所學同性尤狷介。國變後。隱於浮屠。浪遊名山。以疾終。生平讀書一再過不忘。曰。必盡百頁。有事則次日倍。

其常課自經史四部外釋道二藏未嘗不周也詩文古澹而有根據所著曰縮齋集

李二曲先生事略

李柏

惠思誠

王心敬

陸卿鵠

孫景烈

馮雲程

先生先世無達者父可從字信吾以壯武從軍爲材官崇禎壬午督師汪公禔年討賊信吾從監紀孫兆祿以行臨發抉一齒與其婦彭曰戰危事不捷當委骨沙塲子其善教兒矣亡何督師死事信吾衛監紀不克亦死彭聞報欲身殉以子幼含淚撫之然無以爲生或謂彭曰可令兒傭取直以養或令給事縣庭彭不可令先生從師學修脯不具皆謝之彭曰經書固在何必而時先生年十六粗解文義母夫人曰言忠孝節義事以督之母子相依或數日不舉火泊如也先生以昌明開學爲已任家無書從人借讀自經史百家至二氏之書無不觀其論學曰天

下○大○根○寸○人○心○而○已○矣○大○皆○緊○提○醒○天○下○之○人○心○而○已○矣○是○故○
天○下○治○亂○視○人○心○人○心○邪○正○視○學○術○凡○學○在○反○身○道○在○守○約○功○
在○悔○過○自○新○而○必○自○靜○坐○觀○心○始○静○坐○乃○能○知○過○知○乃○能○悔○悔○
乃○能○自○新○又○言○學○者○當○先○觀○象○山○慈○湖○陽○明○白○沙○之○書○闡○明○心○
性○直○指○本○初○以○洞○斯○道○之○大○源○然○後○取○二○程○朱○子○及○康○齋○敬○軒○
涇○野○整○庵○之○書○玩○索○以○盡○踐○履○之○功○否○則○醅○謹○者○之○通○慧○穎○悟○
者○雜○異○端○無○論○言○朱○言○陸○皆○於○道○未○有○得○也○於○是○閑○中○士○爭○向○
先○生○問○學○閑○學○曰○橫○渠○後○三○原○涇○野○少○壩○累○作○累○替○至○先○生○而○
復○盛○營○事○慕○其○名○踵○門○求○見○力○辭○不○得○則○一○見○之○終○不○報○謁○曰○
庶○人○不○可○入○公○府○也○再○至○并○不○復○見○有○餽○遺○者○雖○十○反○亦○不○受○

或曰。交道接禮。孟子不却。唯何甚。曰。我輩百不能學孟子。卽此一事。稍不守孟子家法。何害。當請主事關中書院先生。嘗謀爲馮恭定公設俎豆。勉就之已。而深悔急去之。陝撫白君欲薦諸朝。哀籲得免。督學許君孫荃議進其所著書。亦不可。然關中利害在民者。未嘗不爲當事力言也。少墟高弟。隱淪不爲世所知者。言之當事。表其墓以傳之。初。母夫人葬。信吾之齒。曰。齒塚以待身後合葬。先生累欲之。襄城招魂。以母老不敢遠出。乙巳。母夫人卒。庚戌。待跽之襄城。徧覓遺蛻。不得。乃爲文禱於社。服斬衰。晝夜哭不絕聲。淚盡。繼以血。襄城合張允中出迎。請適館。不可。乃亦爲之禱。卒不得。先生設招魂之祭。狂號允中。請立信。吾

祠。且造塚。故戰場。以慰孝子。心。揚州守駱鍾麟。前令藍屋時師。
事先生者也。聞先生至。裴城。謂祠事未能。旦夕。竟請南下。謁道。
南書院。以發顧高諸公書。且講學。以慰東林學者之望。先生應。
之。從者雲集。開講於無錫。於江陰。於靖江。宜興。晝夜不獲休息。忽。
靜中涕下。如雨。挺胸自詈。曰。不孝。汝此行。爲何事。竟喋喋於此。
閒。尚爲有人心者乎。雖得見高顧諸公書。何益。申旦不寐。卽戒。
行。時祠事且畢。急詣裴城宿祠下。夜分。鬼聲大作。悽愴悲涼。蓋。
先生祝於父祠。願以五千國殤魂。同返閨中。故也。允中乃爲先。
生設祭。上祀督師汪公。監紀孫公。配以信。吾下設長筵。徧及死。
事者。先生伏地大哭。觀者皆哭。於昇立碑。曰。義林奉招魂之主。

取家土而歸告於母墓附齒冢中更持服如初喪崑山顧甯人
作襄城紀異詩傳寫徧海內癸丑陝督鄂善以隱逸薦先生誓
死辭書入上皆以病爲解得旨俟病愈敦促入京自是大吏
歲歲來問起居先生遂稱廢疾長卧不起戊午部臣以海內真
儒薦有旨召對時詞科薦章徧海內先生獨被昌明絕學之
目中朝必欲致之大吏趣行益急先生固稱疾篤昇其牀至
行省大吏親至榻前懇與先生絕粒六日至欲扶佩刀自刺於
是諸官屬大駭得予假治病先生嘆曰生我名者殺我身是皆
生平洗心未密不能自晦之所致也當道知其不可屈姑置之
自是荆扉反鎖不復與人接惟顧甯人至則款之已而

天子西巡將

召見命陝督傳

旨先生驚泣曰吾其死矣辭

以廢疾不至遣子慎言詣行在進所著四書反身錄二曲集

御書關中大儒四字以寵之先生學極博嘗著十三經糾繆廿

一史糾繆及象數諸書既自以爲近於口耳之學不復示人惟

以反身錄示學者晚年遷富平學者日至然或才士著書滿家

先生竟扃戶不納積數日悵然去或出自市廛下戶先生察其

心之不雜引而進之當是時北則孫先生夏峯南則黃先生梨

洲西則先生時論以爲三大儒然夏峯自明時已與楊左諸公

爲石交其後孫高陽相國折節致敬易代後聲名益大梨洲爲

忠端之子戴山之高弟又從亡海上資望皆素高先生起自孤

童上接關學六百年之統寒餓清苦中耿光四出無所憑藉拔地倚天視二先生爲尤難云先生名顥字中孚自署曰二曲土室病夫陝西整屋人子二慎言慎行慎言以門戶故出補諸生終不與科舉後以選拔貢太學亦不赴先生晚年因兵氛遷寓富平與富平李因篤鄆縣李柏稍關中三李門人王心敬能傳其學因篤自有傳

柏字雪木少孤貧稍長讀小學曰道在是矣遂盡焚帖括而日誦古書家人強之應試遂出走西踰汧南入棧道東登首陽拜夷齊墓復以母命就試補諸生旋棄巾服遊太白山讀書十年成大儒公卿多欲薦之度不獲行已志卒辭謝所夕謳吟拾山

中。櫛。葉。書。之。門。人。都。其。集。曰。櫛。葉。集。山。居。力。耕。日。食。粥。或。半。月。食。無。鹽。意。夷。然。不。屑。也。嘗。言。古。之。人。有。七。曰。不。火。食。者。有。三。旬。九。餐。者。有。食。木。子。橡。栗。者。有。屑。榆。者。有。一。日。長。坐。者。有。十。九。年。餐。檀。啗。雪。者。蓋。有。主。於。中。不。動。於。外。所。謂。不。忘。滿。壑。也。其。高。寄。絕。俗。類。此。年。六。十。六。卒。子。曰。崧。女。適。二。曲。子。慎。言。

心。敬。字。爾。緝。號。澧。川。鄆。縣。人。少。傳。二。曲。之。學。二。曲。集。二。十。二。卷。皆。其。所。摭。次。也。少。爲。邑。諸。生。歲。試。提。學。遇。之。不。以。禮。辱。憤。脫。巾。幘。去。遂。出。其。籍。雍。正。中。詔。舉。賢。良。方。正。總。督。額。忒。倫。年。羹。堯。先。後。上。章。薦。兩。徵。不。起。及。羹。堯。爲。大。將。軍。復。招。之。卒。謝。不。往。羹。堯。敗。出。其。門。下。者。皆。絀。誤。或。禁。錮。終。身。澧。川。不。與。也。朱。高。安。督。

學開中數造廬請益焉。澧川學問淹通，有康齋之志。集中命選
舉軍餉馬政區田法、圍田法并利說諸篇，皆可坐言起行，非空
談心性者。比子某以知縣入都，
世宗見而嘉之，曰：「若儒子，故自除凡。」乾隆元年，蒲城進士某應
廷試，大學士鄂爾泰入問澧川安否。進士素昧澧川，不能對。鄂
公笑曰：「若不識關中儒者，乃亦成進士耶？」秦中新除大吏來及
皇華過境，鄂公必寄聲侯澧川，以定其見重當世如此。生平論
學以明新止至善爲歸，著有澧川關學編、澧川易說、江漢書
院講義及語錄。

孫先生景烈者，字西峯，武功人也。少舉於鄉，爲商州教官，勤於

課士不受諸生一錢雍正中舉賢良方正乾隆己未成進士授
檢討以言事忤旨放歸深自韜晦陳文恭撫挾奉詔舉經
明行修之士將以西峯應固辭主闢中書院教生徒以克己復
禮居平雖盛暑必肅衣冠韓城王文端杰其入室弟子也嘗曰
先生冬不鑪夏不扇如邵康節學行如薛文清爲闕中學者宗
有自來矣又郿縣馮先生雲程字海鵬號峪泉子生七歲而孤
感奮自立嘗謂生平有友五人同邑則雪木李子蓋屋則名世
趙子鄆縣則澧川王子晚得一人爲蓋屋司訓劉子又繼得瀟
灑之友方白趙子二曲先生爲之傳又同時有蓋屋惠含貞先
生思誠武進陸儁公先生卿鵠二曲皆爲之傳盛稱其學行云

顧亭林先生事略

張昭

吳任臣

亭林先生初名絳字甯人江南崑山人乙酉改名炎武自署蔣山僑本生父同應有同祖弟曰同吉早世聘王氏未婚守志以先生爲之後母夫人最孝嘗斷指療姑疾崇禎九年旌於朝丁亥夏避兵常熟年六十矣謂先生曰我雖婦人然受國恩矣遇變我必死之於是先生方應邑令楊永言之辟與嘉定吳其沅同里歸莊共起兵奉故帥撫王永祚以從夏文忠允葬於吳中曾王監國授先生兵部司務事既不克永言行遁去其沅死之先生與莊幸得脫母夫人聞兩京皆被遂不食卒遺命誠先勿事二姓次年唐王起閩中以職方郎召先生欲赴之念母

未葬不果。次年幾豫吳兆勝之禍。更欲赴海上道梗不前。庚寅有怨家欲陷之。乃變衣冠作商賈游京口。又游禾中。次年之舊都謁孝陵。癸丑再謁其冬。又謁而圖焉。顧氏有三世僕曰陸恩。歿於里豪丁酉先生四謁孝陵歸持之急。乃欲告先生通海先生亟往擒之。數其罪湛之水。僕增復授里豪以千金賄太守欲殺先生。勢危甚有代乞援於錢牧齋者。牧齋欲先生自稱門下。乃許之。其人知必不可而懼失援。乃私自書刺與之。先生急索刺還不得。則列揭通衢。自白牧齋亦笑曰。甯人之下也。會故相路文貞振飛之子澤溥爲白其事。於是先生浩然有去志。至是五謁孝陵。乃東行。墾田於章邱之長白山。不以自給。戍戍徧遊。

北畿出山海關歸至昌平拜謁長陵以下次年再謁又念江南
山水有未盡者復歸六謁孝陵東遊至會稽次年復北謁思陵
由太原大同入門中至榆林是歲浙中史禍作先生幸得脫甲
辰四謁思陵畢墾田於雁門之北五台之東初先生之居東也
其地溼不欲久畱每言馬伏波田疇皆從塞上立業欲居代北
嘗曰使吾澤中有牛羊千江南不足懷也然又苦其地寒乃經
營創始伊門人輩司之而身出游丁未之淮上次年自山東入
京師萊之黃氏有奴告其主所作詩者多株連復以吳中陳濟
生所輯忠義錄指爲先生作首之書中有名者三百餘人先生
聞之馳赴山東自請勘相繫數月當平李因篤親至厯下解之

獄白復如京師。五謁思陵。自是往還河北諸邊塞者。凡十年。丁巳。六謁思陵。始卜居陝之華陰。始先生徧觀四方。心耿耿未下。謂秦人慕經學。重處士。持清議。實他邦所少。而華陰綰轂關河之口。雖足不出戶而能見天下之人。聞天下之事。有警入山守險。不過十里之遙。若志在四方。則一出。閉門亦有建瓴之便。乃定居焉。王徵君宏撰築室延之。先生置田五十畝於華下。供晨夕而東西開墾。所八別。貯之以備有事。又餌沙苑蒺藜而甘之。曰。啖此久。不肉不茗可也。熊公賜履方任史事。以書來招。答曰。願以一死謝公。最下則逃之世外。懼而止。戊午。鴻詞科。詔下。諸鉅公爭欲致之。先生以死辭。次年修明史。又欲薦之。貽書葉

學士方謫誓以身殉始得免華下諸生請講學謝之曰近日二
曲徒以講學故得名遂招逼迫幾凶死名之爲累甚矣况東林
覆轍有進於此者乎少讀宋史劉忠肅傳曰士當以器識爲先
一命爲文人無足觀矣卽終身謝絕應酬文字李二曲求其爲
母傳至再三終謝之嘗曰文不關於經術政理之大不足爲也
韓公起八代衰若但作原道諫佛骨表平淮西碑張中丞傳後
序諸篇而一切諛墓之文不作豈不誠山斗乎今猶未也其論
學則曰諸君閑學之餘也橫渠盡田之教以禮爲先孔子嘗曰
博學於文約之以禮而劉康公云民受天地之中以生所謂命
也是以有動作威儀之則然則君子爲學舍禮何由近日講學

家專以聚徒立幟爲心。而其教不肅。方將賦茅鷄之不暇。何問其餘。尋以乙未春出閔。觀伊洛。厯嵩少。曰。五嶽遊其四矣。會年餓渡河。至代北。復還華下。先生旣負用世之略。不得一遂。所至輒小試之。墾田度地。累致千金。故隨寓卽饒足。徐尙書乾學兄弟甥也。未遇時。先生振其乏。至是鼎貴。爲東南人士宗。累書迎先生南歸。請居以別業。皆不至。庚申。其婦卒於崑山。寄詩挽之。而已。康熙二十年卒於華陰。年六十有九。無子。以從孫洪慎後。高弟吳江潘未刊布其遺書。先生耿介絕俗。雙瞳子。中曰。而邊黑見者。異之。最與歸莊善。少共遊。復社有歸奇。顧怪之。目於書。無所不窺。光留心經世學。厯觀廿一史。明十三朝寶錄。天下圖。

經說部以至公移邸鈔之屬。有闕民生利害者。隨錄之。又參以躬所聞見。曰。天下郡國利病書。別一編。曰。肇域志。最精韻學。能據遺經。以正六朝。唐人之失。據唐人。以正宋人之失。有音學五書。李文貞。光地。謂漢晉以來。所未有。性喜金石文。自所至。必躬自蒐訪。有金石文字記。晚益篤志六經。謂經學。卽理學也。自有舍經學。言理學者。乃墮於禪學。而不自知。故持論悉本朱子之說。而歸咎於上蔡。橫浦。象山。甚峻。有書曰。下學指南。其平時論學曰。博學於文。曰。行。已有恥。謂自一身。以至天下。國家皆學之事。自子臣弟友。以至出入往來。辭受取與之間。皆有恥之事。不恥惡衣。惡食。而恥匹夫匹婦之不被其澤。故曰。萬物皆備於我。

矣。反身而誠。其日知錄三十卷。尤終身精詣之書。凡經史粹言。皆具焉。自言有王起將以見諸行事者。而躋斯世於古治之隆。而未敢爲近人道也。先生出游。以馬二騾。二載書。墮所至。阨塞。卽呼老兵。退卒。詢曲折。或與平日所聞不合。則卽旅舍中發書。勘之。或經行平原大野。無足措意。則馬上嘿誦諸經註疏。偶有遺忘。卽又發書熟復之。汪鈍翁嘗言。經學修明者。吾得顧子亭林。李子天生。內行醖備者。吾得魏子環極。梁子曰。緝先生廣之。曰。學究天人。確乎不拔。吾不如王寅。旭讀書爲已。探顧洞微。吾不如楊雪臣。獨精三禮。卓然經師。吾不如張穆。若蕭然物外。自得天機。吾不如傅青主。堅苦力學。無師而成。吾不如李中孚。險。

阻備嘗與時屈伸。吾不如路安卿博聞強記羣書之府。吾不如
吳任臣文章爾雅。宅心和厚。吾不如朱錫鬯好學不倦。篤於明
友。吾不如王山史精心六書。信而好古。吾不如張力臣所著書
又有左傳杜解補正。九經誤字。石經考異。韻補正。昌平山水記。
山東考古錄。京東考古錄。亭林詩文集及二十一史年表。愿代
帝王宅京記。皆行於世。力臣名昭。山陽人。精六書。貧而嗜古。尤
究心金石。參討靡遺。嘗登焦山。乘江湖歸壑。入巖下。仰讀痊鶴
銘。證爲顧况書。援據甚核。後以聾廢。而考證彌勤。亭林音學五
書。力臣所寫定也。任臣吳姓名志。伊仁和人。志行端慤。博聞強
識。兼精天官樂律。康熙己未。召試博學鴻儒。授檢討。承修明史。

歷志撰十國春秋百十四卷廣搜博引可稱淹貫又撰山海經
廣注字彙補周禮大義禮通春秋正朔考辨託園詩文集諸書

王而農先生事略兄介之 子啟

先生姓王氏諱夫之字而農號薑齋湖南衡陽人父朝聘副貢生以文學知名先生少負異才讀書十行俱下年逾冠與兄介之同舉崇禎壬午鄉試以道梗未與計偕明年張獻忠陷衡州士類多汚偽命其不屈者投之湘江先生走匿南嶽雙髻峯下賊執其父以爲質先生自引刀刺其股體昇往易父賊見其重創也免之父子俱得脫十七年北京陷先生泣涕不食者數日明年王師下金陵唐桂二王相繼稱號督師何公騰蛟屯長沙堵公克錫駐常德兩公頗不相能先生憂之上書監軍章公曠請調河南北兩軍防潰變章公不能用諸鎮卒奔覆章公以

憂死順治四年

王師下湖南先生走桂林大學士瞿公式和

疏薦於桂王。先生以父憂請終制。服闋授行人。是時桂王建國

肇慶。旋移駐武岡。走靖州。柳州。大學士嚴公起恒皆從。已復從

至肇慶。時朝端水火。有吳黨楚黨之目。主吳者爲朱天麟_麟張孝

起。吳貞毓堵允錫。王化澄諸人主楚者爲金堡。丁時魁。劉湘客

袁彭年。蒙正發諸人。又其時李承棟新附於王朝政。皆決於其

于元允堡等五人附之。吳黨目爲五虎。嚴公居其間。不能有所

匡正。王在梧州。貞毓等十四人合疏攻五虎。下湘客等於獄。將

置之死。先生走告嚴公曰。諸臣棄墳墓捐妻子崎嶇從王。而以

黨人殺之。則志士將解體。誰與共危亡者。嚴公感其言。跽王舟

力校貞毓等並惡之。是時化澄已爲言者劾去。貞毓等請召還。因與合攻嚴公。先生亦三上疏劾化澄。化澄恚甚。必欲殺先生。以救得免。返桂林。復依瞿公。尋聞母病。閒道歸。至則母已前卒。其後瞿公殉節桂林。嚴公被害南甯。先生知事愈不可爲。遂決計老牖下。已而緬甸亦覆沒。先生益自晦。匿浪遊。柳永漣邵閒。所至人十慕從。輒辭去。最後歸衡陽之石船山。築土室曰觀生。居晨夕。杜門。學者稱船山先生。所著有周易內傳十二卷。發例一卷。周易大象解一卷。周易稗疏四卷。周易考異一卷。周易外傳七卷。書經稗疏四卷。尚書引義六卷。詩經稗疏四卷。詩經考異一卷。詩廣傳五卷。禮記章句四十九卷。春秋稗疏二卷。春秋

家說七卷春秋世論五卷續春秋左氏博議二卷四書訓義三十八卷四書稗疏二卷四書考異一卷讀四書大全說十卷說文廣義三卷讀通鑑論三十卷宋論十五卷張子正蒙注九卷思間錄內篇一卷外篇一卷侯解一卷噩夢一卷黃書一卷識小錄一卷老子衍一卷莊子解三十三卷龍溪夜話一卷愚鼓歌一卷相宗絡索一卷楚辭通釋十四卷薑齋文集十卷詩集十卷詩餘三卷詩話三卷外集四卷夕堂永日八代文選十九卷共計三百二十四卷其著錄於四庫者曰周易稗疏考異尚書稗疏詩稗疏考異春秋稗疏凡六種存目於四庫者曰尚書引義春秋家說凡二種先生論學以漢儒爲門戶以宋五子爲

堂奧其所作大學衍中庸衍皆力關致良知之說以羽翼朱子而於正蒙一書尤有神契。謂張子之學上承孔孟如皎日麗天無幽不燭。惜其門人未有殆庶者而當時鉅公如文富司馬諸公張子以在衣貞隱無繇資其羽翼其道之行曾不逮邵康節之數學。是以不百年而異說興。於是究觀天人之故推本陰陽法象之原就正蒙精釋而暢衍之。與自著思問錄二篇皆本隱之顯原始要終炳然如揭。口月至其扶樹道教辨士蔡象山姚江之誤或疑其言稍過。然議論精嚴粹然皆軌於正也。先生生當鼎革申申後崎嶇嶺表發讜論攻儉邪備嘗艱險既知事不可爲乃退而著書竄伏窮山四十餘年一歲數徙其處故國之

戚生死不忘康熙十八年吳逆僭號於衡偽倅有以勸進表相
屬者先生曰亡國遺臣所欠一死耳大吏聞此不祥之人哉遂
逃入深山作祓禊賦吳逆平大吏聞而嘉之屬郡守餽粟帛請
見先生以疾辭未幾卒葬大樂山之高節里自題墓碣曰明遺
臣王某之墓當是明海內儒碩推容城塾匡餘姚鳧山先生刻
苦似二曲貞晦過夏峯多聞博學志節陵然不媿黃顧兩君子
然諸先生肥遯自甘聲望益熒雖舊辟皆以死拒而公卿交口
天子動容具著述易行於世推先生窟身雍尚席棘館禁聲影
不出林奔門人故舊又無一有氣力者爲之表章歿後四十年
其子啟抱遺書上之督學宜與潘大史宗洛因緣得入四庫上

史館立傳儒林而其書仍不傳道光庚子族孫世佺始刻行咸
豐四年燬於兵燹同治二年曾中丞國荃復捐俸重鋟焉本
朝經學家後先生而起者無慮百十人所言皆有根柢然有矜
爲創獲不知爲先生所已言者四庫總目於春秋碑疏中曾論
及之實未易一二數也兄介之字石崖鄉舉後值國變
遂隱居不出先生卒著有周易本義質四卷詩經尊序十卷
春秋四傳質十二卷子敬字虎止操履高潔博學有文名康熙
朝貢生與邵陽車無咎補旃王元復能愚俊縣陳之駟桃文稱
楚南四家又稱楚中三王謂虎止與能愚及漢陽王戩伯穀也
潘太中視學楚南延虎止入幕與宜興儲大文六雅善晚集湘

西單堂著有蔗畦存稿後雲華學者稱蔗畦先生

張南四集又稱張中三王臨武與並居文苑劉王結白雲社

賈育主與居即車雅督郵張王示與並居於平輿之孤詩文既

亦好四詩每十二卷年如學士對國商賈與並居有文不與

並居者不與並居也本義與並居者不與並居也

好之實未良一二類也以介之字王與並居者不與並居也

與並居者不與並居也王與並居者不與並居也

與並居者不與並居也王與並居者不與並居也

與並居者不與並居也王與並居者不與並居也

與並居者不與並居也王與並居者不與並居也

陸將亭先生事略 葉敦艮 盛敬 江士韶

本朝諸儒恪守程朱家法者推二陸先生爲正宗二陸者一清
獻公一將亭先生也先生名世儀字道威江蘓太倉州人少卽
篤志聖賢錢忠介公肅樂牧太倉時一見奇之曰他日必以魁
儒名世劉念臺先生講道葭山張受先采嘗約先生往受學先
生卽赴之受先不果終身以爲憾時流寇日熾先生謂平賊在
良將尤在長有司宜大破成格凡進士舉貢監諸生不拘資地
但有文武幹略者輒與便宜委以治兵積粟守城之事有功卽
以爲其地之牧令如此則將兵者所至皆有呼應今拘吏部法
重以賄賂隨在充數是賣封疆也時不能用明亡嘗上書南都

看見聽又嘗參人軍事既解鑿地寬可十畝築亭其中高四閉
關謝客其自號桴亭以此風波既定至四明吳忠介歸始應諸
生之請講學東林已講於毘陵復歸講於里中當事者累欲薦
之力辭免葉敦良者字靜遠浙之西安人戴山高弟也千里賄
書討論先生喜曰證人尚有緒言吾得慰未見之憾矣先生少
嘗從事養生之說有所得矣既而豁然悟乃亟棄之作格致篇
以自考曰敬天者敬吾之心也敬吾心如敬天則天人可合一
矣故敬天爲入德之門及讀薛文清書有云敬天當自敬心始
乃歎曰先得我心哉先生教人先小學後大學以立志居敬爲
本以聖經八條目爲程主敦守禮法講明實用然後漸進於天

人之微勞及百家之言其先後次序悉朱子遺法也所著思辨錄凡十四類前集曰小學曰大學曰立志曰居敬曰格致曰誠正曰修齊曰治平後集曰天道曰人道曰諸儒曰異學曰經子曰史籍自象緯律厯以至禮樂兵農刑政河漕鹽屯諸務以及厯代儒先之異同得失勞及異端莫不窮究其所以然而立論一歸醇正清獻公嘗序而刻之其景仰者至矣先生自序生平謂得力於理先於氣一言於理氣之間盡心體驗始知太極為理兩儀爲氣人之義理本於太極氣質本於兩儀理居先氣居後理爲主氣爲輔係理判然既而悟理一分殊之旨恰與羅整庵之言合便灑然覺理氣融洽性原無二然未察及人與物性

何異處也。既而知人與萬物之所以同，又知人與萬物之所以異。於朱子所云論萬物之一原則理同而氣異，論萬物之異體則氣猶相近而理絕不同二語，大有契入。於是又識得天地萬物本同一體處，然而性善之說則終以先入之言爲主，以爲孟子論善止就天命之初繼之者善處論，未敢說到成之者性，既而悟成之者性以前著不得性字，既云成之者性，便屬氣質，既屬氣質，何云性善？於是曠覽夫人之原博觀萬物之際，見夫異異而同同者，始知性爲萬物所同，善爲人性所獨，性善之旨正不必離氣質而觀也。乃取孟子前後論性語反覆讀之，始知孟子當日止就氣質中說善，而程朱以後尚未之能晰也。於是又

取宋五子之言觀之周則無不昭合程朱間有一二未合而合者嘗入九也周子太極圖說惟人也得秀而最靈形既生其矣神發知矣形生質也神發氣也形生神發而五性具是有氣質而後有性也可見不落氣質不可謂之性一言性便屬氣質矣先生不喜新舍餘兆之學故能動見其得失之故而平心以論之九足廢諸家紛爭之說其論白沙曰世人多以白沙爲禪宗非也白沙曾替之流其意主於灑脫開曠以爲受用不屑苦思力索其靜中養出端倪之說亦本中庸然不言戒懼慎獨而惟詠歌舞蹈以養之則近於手持足行無非道妙之意矣白沙與敬齋俱學於吳康齋本皆以居敬爲主故其詩曰吾道有宗主

千秋朱子陽說敬不離口示我人德方後來自成一家始以自然爲宗而敬齋則終身無所轉移是以有狂狷之分也究之所謂自然者誠也稍有不誠則粉飾造作便非自然而或者以牽略放達爲自然非也其論陽明日陽明之學原自窮理讀書中來但才氣過高終屬聰明用事其言朱子格物之非嘗以庭前竹試之七日而病是則禪家參竹篋之法原非朱子格物之說陽明自誤會耳陽明意主簡易直捷以救支離之失故聰明者喜從之而一聞簡易直捷之說則每厭讀書窮理之繁動云一切放下而居敬之功弛矣故陽明在聖門狂者之流門人味其苦心以負之耳其論整庵曰陽明講學在正德中成乙亥間

整庵因知詔一書作於嘉靖戊子巳丑之際。整庵白謂年垂四十始志學。正陽明講學時也。其後致良知之說遍天下。而整庵書治出。然則非陽明講學。則整庵將以善人終其身。而是書且不作。陽明切磋之功。其可少哉。陽明二力不逮整庵之半。整庵才氣不逮陽明之半。於整庵吾恨其聰明少於陽明。吾恨其聰明多其論陽明弟子曰姚江弟子。必以緒山爲巨擘。其序傳青錄謂師亡未及三紀。而微言日以沈晦。豈非吾黨身踐之不力。而多言有以病之耶。此蓋爲龍溪而發。而救正王學末流之功。甚大。是不負陽明者緒山也。終皆陽明之教者龍溪也。又嘗語學者曰。世有大儒。決不別立宗旨。譬之大醫。國手無方。不備。豈

嘗沾沾然執一海上方而謂舍此更無方無藥哉。今之談宗旨者皆海上方也。所著自思辨錄外有宗禮典禮折衷治通治兆三約甲申臆儀城守要略八陣法門先儒語錄集成明儒語錄集成禮衡易窺詩鑑書鑑春秋考論讀史筆記考德錄諸書同州共學者曰盛先生敬江先生士韶。

故字宗傳號寒溪長桴亭先生。一歲年十五遇桴亭。一見卽甚相得。與同學者三年。厭溷聲華。不事舉子業。後羅家隄流離播徙去稍遠。至崇禎丙子。治與桴亭及陳子確庵江子藥園有講學之舉。時紀學初與慮驚世駭俗。深用誦秘四人者。風雨聯牀。或橫經論難。或卽事窮理。反覆以求。一是有甚商確未定。徹夜

忘寢質明而後斷而未斷而復辨者既而同志漸多旬月皆有
常會會必講貫終日凡身心性命之奧天文地利河渠兵法之
學太極陰陽鬼神之秘儒釋之辨經史百家之類罔弗根究本
未要於中正講論之樂嘗根古人不及見之退則倣先儒讀書
記之法各有所錄句日不著錄卽互相糾以爲學問進退之別
桴亭所著思辨錄皆十二年閒俛讀仰思有所見則疾書以自
識其所得者也顧其所紀皆隨筆無倫次寒溪與藥園乃纂輯
精要類分而書之藥園名士韶子虞九其學以桴亭爲歸所纂
思辨錄輯要寒溪旣序其體例藥園復序之其略曰自結繩以
降大昊始之皇龍諸聖人繼之而集諸聖之大成者有孔子漢

唐以降濂溪始之洛閩諸大儒繼之而集諸儒之大成者有朱子。然自朱子以後。羣言淆亂。莫知折中。其溺於詞章。率於訓詁者。無論已。自禪學盛而二氏標榜。於是異學與正學爭。自心宗盛而三教合一。於是儒者與儒者爭。浸淫至於未季。所推儒門巨擘。大學爲異端。立赤幟耳。或樹敵門外。或操戈室中。其指以異其害實同也。桴亭之爲是書。無閒寒暑。無閒窮達。無閒汙亂。蓋十二年如一日。皆爲衛道計耳。則繼朱子而集大成者。桴亭何多讓焉。嗚呼。此心同也。此理同也。桴亭言之。而天下萬世之人。讀之。習之。或從而歌舞詠嘆之。以是爲桴亭言之。而天下萬世之人。疑之。阻之。或從而訕美詬厲之。以是爲桴亭罪。

而皆無窮心也道存與存道亡與亡聽之天而已矣庶幾藏之
名山傳之其人以俟天下萬世之知桴亭而能讀是書者



張楊園先生事略

何汝霖

凌克貞

吳嘉玲

陳梓

先生名履祥字考夫居同鄉之楊園村學者稱楊園先生九歲喪父擗踊祖括如成人母夫人訓之成立嘗中酒母責之且諭曰孔孟亦是兩家無父兒止爲肯學好人便成大聖大賢爾勿自棄也年十五補邑諸生恥入社讀小學近思錄有得作願學記渡江而東拜劉念臺先生門下聞甲申三月之變縞素不食攜書簞步歸楊園隱約閭修益肆力程朱之書覺人譜獨體之說猶近陽明然以師故不敢言也澉湖何商隱延之家塾出傳習錄請評先生不敢任旣而館語水主人以請復辭之後數年始毅然奮筆條分縷析直抉其所以然蓋自此書出而閑闢錄

困知記學部通辨皆所謂擇焉不精者矣。吳江張嘉玲棄諸生從先生遊。資獨敏。故所詣彌粹。先生自亂後。益杜門寡交。病當世講學者。聘日辯沽虛名。故於來學之士。未嘗受其拜。一以友道處之。與茗上凌渝安沈石長及商隱交最篤。往復終身無間。平居雖盛暑。方中深衣。端拱若泥塑。或舟行百里。坐不少欹。喚年寫寒風伫立圖。自題以見志。嘗云。三代以上。折衷於孔孟。三代以下。折衷於程朱。於通鑑綱目。朱子文集語類。晨夕不去手。旁及讀書居業二錄。聖蒙訓。魯齋集。皆有評本。輯劉子粹言於師門。有補救之力。念望之子伯繩。輯先人遺書。多折衷於先生。時黃太冲方以紹述。戢山鼓動天下。先生曰。此名士。非純儒也。

痛先世殯宮以貧不能早葬燬於盜雖罪人既得斬首祭墓袒衣猶麤麻卒於康熙十三年年六十有四遺命以衰殮濮川布衣陳梓爲作傳輯年譜門人祝淦彙刻其全集目次凡十六曰經正錄曰願學記曰問目曰備忘錄曰詩曰書曰初學備忘曰學規曰訓子語曰答問曰門人所記曰言行聞見錄曰近古錄曰近鑑曰喪祭雜說曰農書先生恪守紫陽居敬窮理之訓實體諸人倫日用間在前明爲薛胡之後勁在本朝爲清獻之前茅身處草野日抱葵憂荒江寂寞中惴惴念亂其心固未嘗一日忘天下也嘗言人自著衣至於解衣終日之間所言所行須知有多少過差自解衣至於著衣終夜之間所思所慮須知

有多少邪。妄有則改之。此爲修身第一事。又曰。爲學自不欺始。不欺自親長始。於親長忍用其欺。安往而不欺者。又曰。朱子精微。象山簡率。薛胡謹嚴。陳王放曠。今人多舍朱從陸。尊陳王。詘薛胡。固由人情便簡率而苦精詳。樂放曠而畏謹嚴。亦緣百餘年來陽明之學大行。遂以先入之言爲主。雖閒讀程朱書。亦止本陸王之意。指摘其短長而已。此種習尙不變。竊憂生心害政之禍。未有艾也。又曰。學者舍稼穡。別無治生之道。能稼穡則無求於人而廉。恥立知稼穡艱難。則不敢妄取於人而禮讓興。廉恥立。禮讓興。而世道可以復古矣。故其所補農書。皆得諸身試者。何商隱名汝霖。武原人。凌渝安名克貞。沈石長名磊。皆烏程

人吳嘉玲字佩葱一字岵瞻陳梓字古民祝淦字人齋海昌人
商隱嘗曰楊園學術至正言行無疵至其不言而飲人以和與
人並立而使人化尤莫知其所以然也凌先生曰楊園間修一
室而聞風者悅服覲德者心醉惟其誠耳陳古民曰先生純粹
如敬軒而研窮精核謹飭如敬齋而規模宏遠人齋祝氏旣刻
其遺書復擇粹語爲一編曰淑艾錄以示學者陸清獻公未獲
與先生相接及見其遺書乃心折焉

同安縣志文正公集卷二十一

同安縣志文正公集卷二十一

同安縣志文正公集卷二十一

同安縣志文正公集卷二十一

同安縣志文正公集卷二十一

同安縣志文正公集卷二十一

同安縣志文正公集卷二十一

張蒿庵先生事略

孫若羣

齊魯自伏生轅固而還至東京之末康成鄭氏始爲諸經箋注號稱經師爰及北宋乃有泰山孫明復徂徠石守道特起爲人倫師表越六百年復有蒿庵張先生先生名爾歧字稷若濟陽人明季爲諸生入本朝隱居求志當正學昌明之曰博綜載籍以篤志力行爲本性孝友服親喪三年號泣不輟殯葬皆遵古禮以沃產讓兩弟爲代納稅賦三十餘年及易簣猶字子代納以終二弟之身爲其有廢疾也卒於康熙十六年年六十有大當是時孫鍾元講學蘓門黃梨洲標宗姚江皆出入白沙陽明間先生獨守程朱說不少變海內君子如相鄉張考夫太倉

陸道威名以章布躬行任斯道之重先生縉紳未通而風明合轍隱然有以開陸清獻張清恪之先故崑山顧亭林亦時以康成泰山徂徠三先生相勸先生閉戶著書所與游自亭林外惟長山劉友生樂安李象先關中李二曲王山史四人而已乾隆中詔徵海內遺書其鄉人以先生所著書上當事進冊府海岱經生益知先生爲三先生以後一人吳江陸朗夫耀陳果山東建蒿庵書院以祀先生而額其堂曰辨志取先生所論著以立教也其辨志略曰人之生未始有異也而卒至大異者書爲之也書之所以異志爲之也志異而書以異書異而人以異故志乎道義未有人於貨利者也志乎貨利未有幸而爲道義者


也。志道義則每進而上。志貨利則每趨而下。其端甚微。其效甚巨。舜蹠之分。利與善之間而已。人之所以孳孳而爲者。志在故耳。志之爲物。往而必達。圖而必成。及其既達。則不可以返也。既成。則不可以改也。於是爲舜者。安享以爲舜。爲蹠者。縱自悔其爲蹠而已。莫可致力矣。所志者殊也。世之誦周公孔子之言者。肩相比也。周孔之教。未聞有見諸行事者。豈少而習之。長而忘之。與。毋亦誦周孔而志不在周孔也。志不在周孔。則所志必貨利矣。以志在貨利之人。而乘富貴之資。制斯人之命。吾悲民生之曰。蹠也。志之定於心也。如種之播於地也。種梁菽。則梁菽種焉。附則焉。附矣。雨露之滋。培壅之力。名於所種。以成效焉。梁菽

成則人賴以養。烏附成則人被其毒。學不正志而勤其估。畢美其文辭以售於世。則所學皆其毒。人自利之藉也。嗚呼。學者一曰之志。天下治亂之源。生人憂樂之本矣。且夫志在道義。未有所不得乎道義者也。窮與達均得焉。志在貨利。末必貨利之果得也。而道義已坐失矣。孟子曰。求在我者也。是求有益於得也。求在外者也。是求無益於得也。能審乎內與外之分。必得與不必得之數。可以定所志矣。其中庸論略曰。中庸云者。贊禮之極辭也。中庸一書。禮之統論約束也。夫禮抑人之盛氣。抗人之懦情。以就於中。天下之人。質之所不便。皆不能安。不安恐遂爲道裂。指禮之物而贊以坦易之辭。以究其說於至深至大至盡之地。

所以堅守禮者之心而統之一途也。由禮而後喜怒哀樂皆可
以中節。中節而後可以爲中庸。故其言始之天命以著從來曰
斯禮也。命與性先之矣。不然不汝強也。極之彝倫典則以表大
業曰斯禮也。帝王之所考名教之所責無之。或二也要之誠明
以立本事曰斯禮也。非明無以通微。非誠無以正隱。非所以爲
外也。於是使愚不肖者知所跂而賢智者亦厭其意而不敢求
多焉。此中庸之書所以繼六經而鞭其後也。盡六經之說而後
可以究理之說而後可以究中庸之說。中庸者禮之統論約說
非其詳者也。而孔子之告顏子曰克己復禮爲仁。仁不得禮無
以爲行。并無以爲存也。吾故斷以爲中庸必有所指而所指斷

乎其爲禮也。漢儒取以記禮爲得解矣。先生所著有夏小正傳
註一卷。儀禮鄭注句讀十七卷。儀禮考注訂誤一卷。弟子職注
一卷。周易說略四卷。春秋傳義四卷。蒿庵集三卷。蒿庵閒話三
卷。顧亭林嘗曰。獨精三禮。卓然經師。吾不姑張稷若。又曰。稷若
所著儀禮鄭注句讀。根本先儒立言簡蓄。以不求聞達。故無當
世名。然書實可傳。使朱子見之。必不僅謝監獄之狎許也。同時
有孫元生若羣者。涪川人也。少勵品學。言動皆有則。鄉里稱小
聖人。早歲成進士。謁選京師。任侍郎克溥延之課。子坐不易牀。
食不兼豆。雖感暑亦衣冠危坐。如見大賓。侍郎知其一二子。應童
子試時。山左學使與侍郎交善。將爲之地。而不知一子名。妻欲

問之。憚其嚴終不敢發。善評隲。窮通壽夭皆能以文決之。康熙
癸丑。知交城縣事。遣其子歸。溜就昏。去後見其近作時藝。嘆曰。
吾子其不反矣。歸後竟卒。治交多異政。秩滿遷四川知州。卒於
官。



國朝先正事略卷之二十八 名儒

平江李元度次青纂

陳確菴先生事略

先生諱瑚字言夏號確菴江蘇太倉人明季爲諸生與同里陸
桴亭先生講明義理經濟之學桴亭作格致編首提敬天二字
以證干聖心法先生由此用力深得要領著聖學入門書分小
學爲六曰入孝曰出弟曰謹行曰信言曰親愛曰學文分大學
爲六曰格致曰誠意曰正心曰修身曰齊家曰治平小學先行
後知太學先知後行小學之終卽大學之始而每日課程卽以
敬怠善過自考又以全史浩繁難讀乃編爲四大部以政事人

文別之政部分曹事部分代人部分類文部分體手書巨帙各數十略。能背誦。又旁通當世之務。河漕農田。水利兵法陣圖。無不研貫。暇則橫槊舞劍。彎弓注矢。擊刺妙天下。崇禎壬午。舉於鄉。赴禮部試。不第。歸時。婁江湮塞。水旱存至。民大饑。先生上當事。救荒書其預脩之政。四曰築園岸。開港浦。廣樹藝。預積儲。防挽之政。四曰恤災。告早奏報。懲游惰。勸節省。補苴之政。四曰通問。勸分興。役弭亂。軫恤之政。四曰招流亡。緩征索。審刑獄。恤病囚。又陳支吾三議。其議食四條。曰勸議助勤。轉輸招商。米優米肆。議兵八條。曰嚴保甲。練鄉民。設偵探。勸習射。練天役。練牙兵。備城守之人。備城守之器。議信六條。曰勵士。節和。大戶。巡郊野。

安典肆情欲囚嚴督察又上巡撫王開江書一審勢二經費三
役兵四實法皆精切可施行而時不能用自言其學如醫之治
病求之於古猶治方藥也求之於今猶切脉也按脉以求病按
病以定方按方以用藥故百發不爽然主人諱疾則良醫亦束
手矣明亡後絕意仕進父病刺血書疏籲天乞身代父卒遺至
悉讓之弟避兵行遯不交人事嘗寓崑山之蔚村村田沮洳導
里人築圍岸禦水用兵家束伍法不日而成至今賴之晚益困
窶常至絕食終不肯干人嘗初冬驟寒客有重裘者知先生單
衿欲解以贈竟夕不敢言退而曰乃知今世復有陳無已也康
熙十四年卒年六十有三先生之學博大精深以經世自任其

論學有曰國家之盛衰視人才之消長人才之消長視教化之興廢教化興廢之關人心生死之會也人心不死則天命流行而乾坤立人心死則天命不行而乾坤亦幾乎毀矣治亂之故豈非人心爲之哉其論曰省敬怠曰君子莊敬曰強安肆曰偷小學不由乎敬則無以涵養乎本原而謹乎洒掃應對之節與詩書六藝之教大學不由乎敬則無以開發聰明進修德業而致明德新民之功敬也者聖學之所以成始而成終也有內敬主一無適是也有外敬整齊嚴肅是也有靜時之敬戒愼不睹恐懼不聞是也有動時之敬喜怒哀樂發皆中節是也有一曰之敬終曰乾乾夕惕若是也有一息之敬終食之間不違仁是

也有統體之敬。欽明恭已聖敬。曰躋緝熙敬止。是也有物物之敬。手容恭足容重。非禮勿視聽。非禮勿言動。是也。故容有善而未必敬者也。未有敬而不善者也。其論財曰。管子富國之法。理大約籠山澤之利。操輕重之權。在上不在下。使富商大賈無所牟利。桑孔之徒。師其意以爲均輸平準之法。而不知其合變何也。管子霸道也可施之一國。不可施之天下。苟利吾國。鄰國雖害不恤也。爲天下則不然。此有餘比不足者。亦王土也。此享其利。彼受其弊。弊者亦王民也。故桑孔用之漢。而耗王呂用之宋。而亡其論。申韓曰。申韓形名之學。學者形也。其法在審合形名。故曰。不知其名。復修其形。形名參同。用其所生。又曰。君操

其名臣效其形。形名參同。上下和調。蓋存名責實之謂。今直以爲刑法之刑過矣。所著書曰聖學入門。外有蔚村講規。社學事宜。開江築園書。菊窓隨筆。荒政全書。今不傳。

高巢軒先生事略

高愈

顧樞

劉灼

吳慎

施璜

高先生世泰字巢旃無錫人忠憲公攀龍從子也少侍忠憲講

張夏

嚴毅

席篤守家學晚年以東林先緒爲已任葺道南祠麗澤堂於梁

溪與高子超等講習其中祁州刁先生包往返論學尤莫逆學

者有南梁北祁之稱孝感熊文端出先生門下儀封張清恪平

湖陸清獻亦常與東林講會歎人狂若聖者所學近禪既至東

林乃大悟前失其同鄉吳慎施璜汪燧汪知默陳二典胡崱江

佑朱宏輩方講朱子之學於紫陽書院因學聖以問業東林志

相得乃作紫陽通志錄紫超名愈忠憲公兄孫也十歲讀忠憲

遺書卽知向學既壯補諸生曰誦遺經及先曰語錄謹言行植

國朝先王事略卷二十八名儒

四

身艱苦嘗言士求自立當自不忘溝壑始事親孝父晉侯嗜猶
食必且酒肉出就人飲每遣僮往候而已屏立路旁俟與主人
別則趨而掖以歸以爲常先後居親喪不飲酒食肉不內寢兩
兄皆前卒撫其孤子女爲之婚嫁晚年益窮困嘗餒粥七日矣
方絜其子登城眺望意充然樂也張清恪撫蘇時延主東林書
院講會以疾辭有司饋之人獲不受平居體安氣和雖子弟未
嘗詞譙終日危坐不欠伸盛暑不裸跣與人食不越簋箸有
忿爭者至其前輒愧悔縣人好以道學相詆謀獨至先生發曰
君子人也卒年七十有八生平於取與之介最嚴年七十時門
弟子製冠爲壽猶卻之顧棟高嘗從先生遊說經娓娓忘倦所

撰朱子小學注。乾隆中尹學使會一以小學取本頒行。其書又著周易偶存、春秋經傳曰抄、春秋類、春秋疑義、儀禮喪服或問、周禮疏義、諸書東林爲高宗憲、顓端文兩公講學地。得諸君恪守遺規。其緒言益不泯於世。同縣顧樞字所止一字窮庵。端文公憲成孫也。明天啟中舉人。少從忠憲講朱子之學。入國朝韜形遁跡。不入城市。不赴講會。惟心體力行而已。淹貫五經尤深於周易尚書。晚作易稿。折衷至當。嘗曰。吾祖於易最精。獨無著述。小子可妄穿鑿乎。於明儒服膺薛胡而謂陳王不免差失。又謂端文主無欲。忠憲主格物。並直接朱儒。其議論之醇正可知矣。同時山陰劉念臺先生之子洵字伯繩亦以清介力學稱。

力念臺先生家居講學時諸弟子聞教未遠多私於伯繩伯繩應機開譬聞者莫不灑然及先生死國難明唐魯二王皆遣使祭且蔭以官伯繩皆辭之曰父死敢因爲利旣葬杜門絕人事著禮經考次一書以竟父業有司或請見雖通家故舊亦峻拒之副使王爾祿故念臺門下士以金三百請刻公遺書不受語使者曰幸爲我辭大夫出處殊途無相強居戢山小樓二十年所以接惟史子虛惲仲升輩數人耳或勸舉講會不應臨卒戒其子曰若等安貧讀書守人譜以終身足矣人譜者念臺所著書也所卧榻假之祁氏病革強起易之曰吾豈可終於祁氏之榻門人私謚曰貞孝先生吳愼字徽仲歎諸生也於書無所不

讀而元盡心於宋五子書著書三十餘種其行世者有周易粹
言大學中庸章句翼論學以敬爲主自號曰敬庵初遊梁谿時
東林書院尚守忠憲家法徽仲與其州人施虹玉無錫張秋紹
等同受業高彙梅先生春秋釋奠畢升堂開講威儀秩然見者
莫不歛容傾聽也已而歸歛會講紫陽還古兩書院興起者衆
施虹玉名璜休甯人少應郡試見鄉先生講學紫陽瞿然曰學
者當如是矣遂棄舉業發憤自力於躬行每會講先一日齋宿
務設誠以感人教學者以九容養外九思養內已而遊梁谿事
高先生將歸與高先生期某年月日當赴講及期高先生設榻
以待或曰千里之期能必信乎高先生曰施生篤行君子也如

不信者吾不復交天下士矣言未既虹玉挈其子儋囊至矣著
思誠錄小學近思錄發明行於世汪燧字文儀居徽之金城里
年十六卽手錄先儒書所夕觀省既長篤於躬行一言動必秉
成法所著書甚具一以洛閩爲宗其讀易質疑尤見推於時卒
年七十有四張夏字秋紹無錫人隱居荻川之上孝友力學初
受業馬文肅公世奇之門已而入東林書院其爲學先經後史
博覽強記而歸本自治高先生旣歿推秋紹主講席湯文正公
撫江蘇與秋紹論學躋之延至蘇州學宮講孝經小學退而著
孝經解義小學淪注及洛閩源流錄年八十餘卒又嚴先生穀
育字佩之號生軒亦無錫人家貧屏跡不出性孝友篤學好古

經史百家靡不究尤潛心於易春秋嘗課其弟穀曰讀書以明
道也吾自得高子遺書所學乃有歸宿既與同志講道東林高
君巢梅推爲主席重修道南祠輯忠憲年譜高子節要東林書
院志諸書學使慕其名貽以額曰力扶正學終不一報謁也著
有生軒易說易同春秋論春秋集說尚書講義四書講義生軒
存稿以布衣終



沈求如先生事略

史孝咸
郡死

管宋聖
王朝式

韓當

郡曾可

有明餘姚王成文公講致良知之學弟子徧天下後或不軌師說爲訛議於世而同邑傳其學者推徐曰仁愛錢緒山德洪胡今山瀚聞人邦正詮再傳而得沈先生國模國模字求如餘姚諸生少以明道爲已任嘗從戢山劉子會講證人社歸闕姚江書院與史子虛管霞標輩申明良知之說其所學或以爲近禪而言行敦潔較然不欺其志故推醕儒明亡聞劉子絕粒死哭之慟已而講學益勤初山陰祁忠敏公彪佳與先生善忠敏以御史出按江東一日杖殺巨憝數人會先生至欣然以告先生字祁曰世培亦曾聞曾子云哀務弗喜乎忠敏後嘗語人吾每

虛○凶○必○念○求○如○恐○君○卒○喜○怒○過○當○也○順○治○十○三○年○卒○年○八○十○有○
二○子○虛○名○孝○咸○餘○姚○人○繼○求○如○先○生○主○姚○江○書○院○嘗○曰○空○談○易○
對○境○難○於○居○處○恭○執○事○敬○與○人○忠○三○語○精○察○而○力○行○之○其○庶○幾○
平○家○貧○曰○食○一○粥○泊○如○也○醅○潔○之○士○多○歸○之○卒○年○七○十○有○八○順○
治○十○六○年○也○管○霞○標○者○名○宗○聖○亦○餘○姚○人○爲○人○孝○友○忠○亮○彊○氣○
自○克○言○動○必○準○於○禮○鄉○人○化○之○孫○少○保○鑛○始○與○霞○標○爲○文○字○交○
既○從○講○聖○學○喟○然○嘆○曰○向○嗜○讀○左○國○秦○漢○百○家○書○先○生○爲○我○洗○
盡○矣○鑛○世○所○稱○月○峯○先○生○也○自○沈○史○歿○後○書○院○輟○講○垂○十○年○而○
縣○人○韓○仁○父○繼○之○仁○父○名○當○求○如○弟○子○也○其○學○兼○綜○諸○儒○以○名○
教○經○世○兢兢○儒○佛○之○辨○居○貧○未○嘗○向○人○稱○貸○每○言○立○身○必○自○節○

用始出陸校山居家制用篇授學者曰能仿此亦自足用何更
外求爲臨講必默對良久始發語聞者輒內媿泮下退而相語
曰此從韓先生來不覺自失時又有邵曾可者字子唯性孝友
愷悌少頗好書畫一日讀孟子至伯夷聖之清者也遂喚然釋
去姚江書院之立也人頗迂笑之子唯厲色曰不如是便虛度
此生遂往學同儕請業皆多辨難子唯獨默然竟曰初以主敬
爲學後專提致知師事子虛甚謹晨走十餘里叩牀下問疾不
食而反月餘亦病同人推其誠篤卒年五十有一子唯生貞顯
字鶴閒鶴閒生廷采字允斯又字念魯學者稱念魯先生九歲
讀史卽操槩爲徐達常遇春傳有法祖自外歸偶舉宋儒語語

之念魯興曰其人安往邪願得而事之祖以爲有志卽爲具衣冠送之姚江書院是時求如先生年八十矣歲必一再至書院爲諸生設講念魯立階下聽久之執卷請曰孩提不學不慮堯舜不思不勉同乎求如歎曰孺子知良知矣能敬以恕吾何加焉自是從韓先生孔當受業初讀傳習錄無所得旣讀劉公念臺人譜曰善哉吾知學王氏學者所如事矣年二十爲縣學生恥爲應舉之文入則讀古書出則古衣冠行市中未嘗旁視居喪不作佛事營窀穸必誠必信一慟盡哀當是時書院諸先生相次歿念魯抱遺書於荒江斥海之濱守其師說不變然貧無以自存走嘉興課童子自給居數年有施博者與論學於放鶴

洲念魯曰天泉四言陽明本無極之說儒也龍溪浸淫無生之
旨釋也不得以彼病此博肅拜曰博老矣惟吾子崇尚正學幸
自愛蚤吾李剛主貽書論明儒同異念魯答曰致良知者主誠
意陽明而後願學戴山其自信如此初宛平孫侍郎承澤孝感
熊相國賜履先後以關王氏學爲已任朝野之士譁然從之念
魯曰是不足與辨顧在力行耳嘗從同縣黃先生宗義問乾鑿
度算法會稽童先生瑒受陣圖保定王先生正中學西厯施將
軍琅征臺滂過念魯於西湖縱談沿海要害施奇之請與俱不
赴閒遊鎮江與梁總兵化鳳講擊刺之法一月而盡之淮安從
防河卒問河淮離合狀北訪黃河故道西走潼關喟然曰土則

古所耕也而水利亡矣奈何會邑人修復姚江書院用體幣致之先一日戒眾厥明諸子及地方吏畢至釋菜於先賢如禮出卽講堂南向坐童子歌詩闕爲講易良卦聞者肅然父老皆喜曰數十年今見此也尋遊京師商邱宋至鄞萬經欲招入一統志館念魯謝曰老矣遂歸康熙五十年卒年六十有四先生貌豐曰有光紵袍布履門庭潔如居家必正坐酒酣談忠孝事人入感動平生篤於三黨養老姑終其身館陶家堰時隣婦訕聲數出於柵聞邵先生過輒止一年而改行鄉里童子遭於道必拱手立然俗士輒貌敬之而迂先生莫背傳其學旣倦遊無所遇私念師友淵源思及身而斬也乃思記著述以自見以爲陽

明扶世翼教作王子傳。戡山功主慎忠清堅苦作劉子傳。王學
盛行務使合於觀。準作王門弟子傳。金鉉祁彪佳黃宗羲張兆
鰲等奉教守師說。作劉門弟子傳。又作宋明遺民所知傳。姚江
書院傳。及倪文正施忠愍諸傳。母人梁其遺文爲思復堂集。三
十卷。又姚江書院志。凡四卷。

王朝式字金如。山陰人。亦求如弟子也。嘗入證人祠。念臺先生
主誠意。君守致知。曰學不從良知入。必有誠非所誠之蔽。念臺
稱其志願大。而骨力堅。所成就未可量。崇禎末。浙中大饑。金如
倡賑粟。全活甚衆。時天下大亂。將走四方。求奇傑士。謀治安戰
守策。不果行。順治初。卒年三十有八。

正德十三年丁丑九月

附錄全書其間初天不太祖親征四式是帝將士賄賂之類

其間初天不太祖親征四式是帝將士賄賂之類

其間初天不太祖親征四式是帝將士賄賂之類

其間初天不太祖親征四式是帝將士賄賂之類

其間初天不太祖親征四式是帝將士賄賂之類

其間初天不太祖親征四式是帝將士賄賂之類

其間初天不太祖親征四式是帝將士賄賂之類

其間初天不太祖親征四式是帝將士賄賂之類

刁蒙吉先生事略 子再濂 王餘佑 張潛

先主諱包字蒙吉晚號用六居士直隸祁州人父克俊樂道好
施與學者稱貞惠先生先生生而穎異敦尚質行年二十有五
舉明天啟丁卯鄉試以古文鳴於京輔既再上春官不第遂棄
舉子業力以斯文爲曰任於城隅闢地爲齋曰潛室亭曰肥遯
日閉戶讀書其中無間寒暑學者宗焉執經之屨滿戶外甲申
國變設壯烈愍皇帝主於所居之順積樓服斬衰朝夕哭臨如
禮僞命敦趣先生以死拒幾及於難會賊敗得解入國朝遂
不仕日取四子五經及宋元以來諸儒書反覆尋究積二十年
不劖其學以謹言行爲要以程朱爲宗旨嘗謂君子守身之道

三○日○言○語○不○苟○曰○取○與○不○苟○曰○出○處○不○苟○尤○篤○好○梁○谿○高○忠○憲○
之○書○曰○不○讀○此○幾○過○一○生○遂○置○主○奉○之○如○事○貞○虛○惠○禮○偶○有○過○
舉○必○展○謁○悔○謝○曰○某○不○肖○甚○愧○吾○父○師○不○可○爲○子○不○可○爲○人○其○
勇○於○自○克○如○此○先○是○貞○惠○卒○三○日○勺○水○不○入○口○母○哭○慰○之○始○勉○
進○一○盞○米○鬻○髮○盡○白○杖○而○後○起○喪○祭○一○準○禮○經○既○葬○廬○於○中○庭○
詹○下○三○年○不○飲○潛○食○肉○不○入○內○室○每○朔○望○忌○辰○悲○號○感○行○路○年○
六○十○有○七○以○居○母○憂○毀○悴○致○不○起○將○卒○時○肅○衣○冠○起○坐○命○告○辭○
貞○惠○及○忠○憲○主○問○家○事○不○答○徐○曰○吾○胷○中○無○一○事○行○矣○遂○瞑○學○
者○私○謚○文○孝○先○生○生○平○本○訥○似○不○能○言○及○大○義○所○在○則○正○色○而○
談○上○下○皆○傾○聽○州○有○大○事○不○能○決○者○必○待○先○生○一○言○爲○斷○明○季○


流賊犯州城。先生毀家倡眾。誓固守城。得不破時。有二璫王兵
事探卒報賊勢張甚。二璫怒其惑眾將斬之。先生厲聲曰。必殺
彼。請先殺包乃止。二璫相謂曰。使若居官者。其不爲楊左乎。賊
既去。流民載道。設屋聚養之。病者給醫藥。全活尤多有。山左難
婦七十餘人。擇老成家人護以歸。臨行八拜以重託。家人皆感
泣。竭力衛送。歷六府盡歸其家。尤篤於故舊。然諾不苟。與東林
諸君子及魏尚書環極爲神交。各以所得相質證。孫夏峯徵君
遷蘇門。道出祁州。先生留講學於家者三月。每晨起誦易一周
輒垂簾靜坐。以爲常。所著易酌十二卷。四書翼註十六卷。斯文
正統十二卷。辨道錄八卷。潛室劄記二卷。用六集十二卷。先生

卒後無錫學者祀諸道南祠子再濂字靜之自爲諸生卽弛置
科舉業從父友五公山人王餘佑及顏習齋元好手錄父遺書
又貳之以質四方之學者平湖陸清獻公嘗與靜之書乞借鈔
用六集詩文正統辨道錄諸書靜之年逾六十復手錄付諸子
且誠之曰昔蔚州魏公持節巡京畿余以故人子獨被渥洽鄰
邑人遂簞金而請事余掩耳走菑然若穢汚之及吾體也汝曹
他日登仕籍若以官富家吾生不受其養死不享其祭惟先人
遺書未刻者尚百餘萬言必約身而次第布之其後仲子承祖
登康熙乙未進士累官至江西布政使果盡刻諸遺書行世
五公山人者字介祺保定新城人也父延善邑諸生尚氣誼當

明末散萬金產結客有子三長餘恪季餘嚴山人其仲也出嗣
世父建善令魯山會闖賊陷京師山人自魯山歸父率三子與
雄縣馬魯建義旗傳檄討賊時容城孫滋君奇逢亦起兵共恢
復雄新容三縣斬其僞官未幾賊敗大清師入山人父爲仇
家所陷執赴東三子將從餘恪以山人後世父不可死揮餘嚴
爲復仇計遂獨身赴難父子死燕市餘嚴歸率壯士入仇家殲
老稚三十口無孑遺名捕甚急會上官有知其枉者其力爲解
乃免於是山人奉魯山公隱易州之五公山少勵志行嘗受業
於孫徵君學兵法國變後更從徵君講性命之學隱居教授不
求聞達薦紳先生遑遑構講堂且安車幣迎受業從遊至數百

人山人負文武才教人以忠孝務實學嘗彙古人經世事爲居
諸篇十卷八陣圖一卷萬勝車圖說一卷兵民經略圖一卷又
湧幢草三十卷文集三十二卷王崑繩李剛主讀其遺書至撫
卷太息曰此諸葛武鄉之流也卒年七十學者私謚文節先生
山人與刁蒙吉先生爲石交靜之遊其門最久語詳尹少宰北
學編
同時有磁州張先生者名潛字尚若年十二爲諸生順治己丑
進士壬戌選庶吉士與湯文正公共砥礪爲聖賢之學性至孝
聞母病卽乞養歸躬侍湯藥母病遂瘥後連丁內外艱哀毀骨
立喪葬皆如禮服闋赴補適有詞林外轉之命同人錯愕君

怡然歸鍵戶讀書窮究身心性命之理萃古人格言懿行以勉子弟家居二十年不妄交遊惟與孫徵君往復論辨無虛日嘗曰真學問在行誼若知而不行猶弗知也又曰除忠孝倫常外別無道學其所得可知矣年五十有八卒著有澹窩集十卷



佩無此... 年五十餘人...

曰... 宗... 二十...

創... 命...

謝約齋先生事略宋之盛

目京

章愔

黃采

黃熙

謝先生文海字秋水號約齋江西南豐人生當明季見天下方
乱慨然有出世志遂棄諸生入廣昌之香山閱佛書一日午坐
忽如鳥飛出籠游大虛中自此神氣洒然異常時既讀龍溪王
氏書服之復讀王陽明書自信益篤遂與同邑李夢林邵睿明
講陽明之學會於新城之神童峯有王聖瑞者力攻陽明先生
與爭辨累日爲所動取羅整庵困知記讀之始一意程朱闢程
山學舍於城西名其堂曰尊恪著大學中庸切己錄及講義數
十篇發明張子主敬之旨以爲學之安要畏天命一言盡之矣
聖人一生戰兢惕曰曰顧謏天之明命曰上帝臨汝無貳爾心

曰昊天旦明出王游衍無非畏天命之心法也學者當常提此
言注曰而視惟傾耳而聽惟之此稍有一念之私急當痛悔速
自洗滌以無犯帝天之怒久之人欲淨盡上下同流崇天敬地
可得而臻也時甯都易堂九子星子髻山七子諸以文章節槩
名天下而先生獨反已闇修務求自得其程山十則亦以躬行
實踐爲主髻山宋之盛過訪程山遂約易堂魏禧彭任曾講旬
餘於是諸子皆推讓程山謂其篤躬行識道本同縣甘京宇健
齋與先生爲友已而服之誠也遂師之康熙二十年先生病自
爲墓志卒年六十有七所著又有初學先言大臣法則左傳濟
憂錄詩文集諸書

宋之盛字未有星子人少孤事兩兄如父崇禎己卯舉於鄉應
禮試不第歸結廬髻山足不入城市部以講學爲己任其學以
明道爲宗識仁爲要於二氏微言奧旨皆能抉摘異同非若世
之闢異論者舍精而政其牾也與約齋最篤晚讀胡敬齋居
業錄持敬之功益密戊申五月卒同邑有查小蘇者亦弃諸生
山居不出年九十而終

甘京字健齋南豐人初爲諸生後棄舉子業與同邑封潛曾曰
都師事謝約齋值邑荒亂特請免荒稅蠲賦稅賑饑平寇鄉人
賴之潛曰都均以學行爲鄉里所矜式


章慥字仲實南城人明諸生隱居華子岡灌園養母與程三論

學有針芥之投程山每心折焉好讀史衡論精審發前人所未發著二十一史章覲集閱史偶談若干卷魏蘇子稱其發微闡幽大有功於後學

黃采字亮功南城人孫提時大父訓以小學近思錄反聖賢事蹟輒忻然聽受稍長言動不苟師事程山篤志力學事父母純孝繼母周得狂易疾扶持三十餘年如一日及卒亮工年邁矣仍哀慟盡禮居家以小學家禮倡引後進風俗爲一變與弟聯以學道相勸勉著有聖圖願學錄聖學彙編卒年八十有四子相丙午壬人官信豐教諭既歿豐人祠祀之

黃熙字維緝約齋同縣人順治中進士官臨州教諭乞養歸居

父○憂○哀○感○行○路○蔬○食○三○年○母○喪○未○葬○鄰○不○戒○於○火○延○燎○將○及○維○
緝○撫○棺○大○慟○願○身○同○盡○我○風○返○火○息○約○齋○於○並○世○人○少○許○可○獨○
引○君○爲○入○室○弟○子○云○



沈何華先生事略 姚宏任

沈先生字何華其後改名的昀字朗思浙江仁和人年十六受知
黎學使元寬時山陰劉忠正公講學蕺山先生渡江往聽講而
應先生潛齋和之甲申之變棄諸生刻苦自厲其學以誠敬爲
宗以適於用爲主而力排二氏曰其精者傍吾儒其異者不可
一日容也聞四方士有賢者輒書其姓氏冀得一見之然不肯
妄交於取與尤介授徒自給三旬九食以爲常嘗絕粒數日取
階前馬蘭草食之有聞之者餽米數斗不受固請則固辭時先
生餓甚宛轉辭謝益困遂仆於地其人皇然去良久始甦笑曰
其意良可感然適以困老夫耳嘗展蕺山墓徒步往來西陵里

中子弟習知先生清節。亦有好事者。謀繼粟肉。卒不敢前。以先生必不受也。潛齋嘆曰。生平於辭受一節。自謂不持。然視沈先生。猶愧之。以末世喪禮。不講輯士喪禮說。蒼萃先儒之論。定其可行者。以授弟子。陸寅又輯四子略。五子要言。家法論。升降編。言行錄。居求編。皆粹然儒者之言。戴山身後。弟子爭其宗旨。各有煩言。先生曰。道在躬行。但滕口說。非先師所望於吾曹也。疾革。門人問曰。夫子今日何如。先生曰。心中無一物。惟知誠敬而已。卒年六十。有三無以爲殮。潛齋經紀其喪。不知所爲。涕泣不食。或問之。則曰。吾不敢輕受。賻襚以玷先生也。潛齋弟子姚敬恒趨問曰。如果可以殮先生乎。潛齋曰。子篤行。沈先生夙所許。

始可也。於是姚生遂殮先生葬之湖上。子二毅中純中皆承家學。敬恒名宏任錢塘人少孤母賢婦也。敬恒不應科舉隱市廛其母偶見敬恒買絲銀色下劣愠甚曰汝亦爲此惡行乎。敬恒長跪謝願得改行乃受學應先生曰誦大學一過一言一行服膺師說遇事必歸於忠厚潛齋不輕受人物惟敬恒之餽不辭曰吾知其非不義中來也。然敬恒不敢多有所將每待其之而致之終其身不倦潛齋歿敬恒執喪如古師弟子之禮姚江黃先生晦木於人鮮可意者獨許敬恒曰是獨行傳中人也。晚年以非罪陷縲紲憲使慮囚入獄敬恒方朗誦大學憲使異之入其室案上皆程朱書也與之坐語大驚卽日釋之。然敬恒卒以

貧死平生但事躬行不著書故鮮知者



應潛齋先生事略

凌嘉切

沈士剽

秦雲爽

潛齋先生姓應氏諱撫謙字嗣寅仁和人也父尚倫故孝子先生生而有文在手爲八卦左耳重輪右目重瞳少卽以斯道爲已任借同志虞峻民張伏生蔣與恆爲狷社取有所不爲也最後交沈朗思尤稱莫逆母病服勤數年母憐之曰吾爲若娶婦以助若先生終不背人私室母卒除喪始成禮於遺經皆實踐而力行之終身無疾言遽色每倦而休則端坐瞑目寤則遊息徐行所居僅足蔽風雨簞瓢屢空恬如也一日見梁上白蛇墮地曰此兵象也奉親逃之山中旣遭喪亂自以故國諸生絕志進取益盡力著書康熙戊午閣學李公天馥項公景襄以博學

鴻儒薦先生輦牀以告有司曰某非敢卻聘實病不能行耳或
舉泰山孫明復嘗從石公請以成丞相之賢謂不必果於卻薦
先生曰我不能以我之不可學明復之可乃免徵范忠貞公小
謨繼撫浙又欲薦之先生遂稱廢疾海甯令許西曰請主請席
造廬者再不見既而曰是非君子中庸之道也扁舟報謁許大
喜曰應先生其許我乎先生逡巡對曰使君學道但從事於愛
人足矣彼口說者適足以長客氣也許嘿然不怡既出先生解
維疾行曰使君好事必有東帛之將拒之且益其慍受之則非
心所安也杭州守嵇君宗孟數式廬欲有所贈囁嚅未果及見
所作元悶先生傳乃不敢言後以志局請先生辭之則請下榻

郡齋數日以請益先生。但一報謁而已。司里姜御史圖南視。歸於故舊。皆有餽。嘗再致先生不受。偶遇諸塗方盛暑。先生衣木棉衣。惟瘁。躑躅御史歸。投以越葛二端。曰雅知先生不受人絲粟。然是淺淺者。非自盜泉來也。先生謝曰。笥尙有絺。給昨偶感寒。欲其汗耳。竟還之。先生坐卧小樓中。一凡一榻。書冊外無長物。弟子甚多。因以樓上樓下爲差。如馬融例。里中一少年使酒。忽如門求聽講。先生許之。居三日。不勝拘苦。去使酒如故。偶醉持刀欲擊人。洵洵莫能阻。忽有人曰。應先生來。其人頓失魄。投刀垂手。汗浹皆先生撫之。曰一朝之忿。何至此。盍歸乎。其人俯首謝過去。先生卒於康熙二十六年春秋六十有九。病革尙

手輯周忠毅公傳未竟而卒生平不喜陸王之學其論性論太極於程朱亦不盡同如論易謂孔子得易之乾老子得易之坤又謂伏羲之易乾在上以天爲主得之不得有命非人之所能爲也先天之事也後天之易作於文王離在上以心爲主死壽不貳修身以俟之易凶爲吉所以立命也故所著周易集解皆獨具心得之言他若詩傳翼書傳拾遺春秋傳考禮樂彙編古樂書論孟拾遺學庸本義孝經辨定幼學蒙養編朱子集要潛齋集凡十餘種各有精義又撰教養全書四十一卷分選舉學校職官田賦水利國計漕運治河師役鹽法十考略仿文獻通考例而明代事實尤詳又有性理大中二十八卷其論次陽明

言行一卷附焉。平湖陸清獻公爲之序。謂當自爲一書。不當附性理後。因表而出之。曰王學考。清獻嘗兩會先生於武林。與論學術源流甚契。先生亦命二子訪清獻於西湖。寓次其卒也。清獻祭以文略言先生高風峻節。可比許由。陶潛。然許雖高潔。文未無聞。陶之文采表著矣。而耽於麴蘖。不可以爲訓。惟先生閱覽博物。澹泊甯靜。許之所無。先生有之。陶之所有。先生無之。爲定高視古今云。先生歿後。河陽趙公士麟。儀封張公伯行。刻其道集行世。門人凌嘉珏。字文衡。沈士則。字志可。姚宏任。字敬恆。能傳其學。時錢塘有秦定叟先生者。諱雲爽。字開地。著紫陽大旨八卷。專爲糾陽明朱子晚年定論而作也。書分八門。曰朱子


初學曰論已發未發曰論涵養本源曰論居敬窮理曰論致知
格物曰論性曰論心曰論太極而陽明之論亦間載以資互證

胡石莊先生事略 陳大章 劉夢鵬

胡先生承諸字君信號石莊胡北天門人明宗禎末舉於鄉入國朝隱居不仕臥天門山柘間窮年誦讀書無所不窺而深自韜晦足不出庭戶生平無講學名而析理至精論事尤極平實著繹志六十一篇繹志者繹已所志也凡聖賢帝王名臣賢士與凡民之志業莫不兼綜條貫原本道德切近人情酌古而宜今爲有體有用之學其自曰志學曰明道曰立德曰養心曰修身曰言行曰成務曰辨惑曰聖王曰睿學曰至治曰治本曰任賢曰去邪曰大臣曰名臣曰諫諍曰功蹟曰吏治曰選舉曰朋黨曰辨姦曰教化曰愛養曰租稅曰雜賦曰導河曰勅法曰治

盜曰三禮曰古制曰建置曰禮祥曰兵略曰軍政曰武備曰名將曰興亡曰凡事曰立教曰論交曰人道曰出處曰取與曰慎動曰庸行曰父兄曰宗族曰夫婦曰祀先曰奉身曰養生曰經學曰史學曰著述曰文章曰雜說曰兼采曰尚論曰廣徵曰自叙凡二十餘萬言先生自擬其書於徐幹中論顏之推家訓然其精粹奧衍非二書所及也李君念慈序稱先生尚有續書說若干卷與是書相表裏又稱有菊佳軒詩宏深博奧不屑爲祈頽秀發以趨時尚今皆不傳楚北學者後有陳大章劉夢鵬大章字仲夔黃崗人康熙二十七年進士選庶吉士深於毛詩著詩傳名物集覽十二卷徵引既衆可資博覽夢鵬字雲翼蘄水

人乾隆十六年進士官饒陽知縣著春秋義解十二卷。大旨推
本公穀謂公穀屬辭此事義不詭於儒者其斥左氏也持論甚
辨



國朝先正事略卷二十九 名儒

平江李元度次青纂

李闇章先生事略 完成 陶世徵

李先生諱生光字闇章山西絳州人未冠爲諸生聞辛聘君復元倡學河汾遂往受業質疑問難無虛日生平篤於躬行事親至孝聘君深重之甲申之變先生北向痛哭焚其青衿自號汾曲逸民搆草堂日夕燕處其中讀書自得諸弟子羅列其下談經課藝外訓以二南大義程朱微言所成就者眾著有儒教辨正崇正黜邪編凡萬餘言衛道之力甚勇又著正氣猶存西山閣筆友于集諸書皆直寫胸臆以淺近語寓豐世牖民之意其

處子吟曰東鄰有處子夙明烈女篇字人尙未嫁而乃失所天。痛茲生命薄守貞期自全毀容絕膏沐矢志窮益堅愛人貴以德姑姊莫相憐侃辭謝媒妁何用口譏譏是可以見先生之志矣。同州党先生成字憲公號冰壑其學以朱子爲宗以明理去私爲本生平不求人知人卽知而寧道之終非其志也。州守前後表宅里士大夫公舉純孝舉實學州守貫其租庸先生皆若罔聞知魏敏果公屢遺書商學業說士於太守袁公禮幣式問敦請開講范彪西先生曾揚之於觀察張公郡守梁公先生聞之皆遜謝意甚不憚時以古狷者推之其辨朱陸異同謂論者多以陸爲尊德性朱爲道問學此言殊未然蓋朱子之道問學

實以尊德性也。陸氏則自錮其德性矣。何尊之可云。陸子嘗曰：不求本根，馳心外物理，豈在於外物乎？此告子義外之學也。朱子曰：本心物理原無內外，以外物爲外者，是告子義外之學也。卽此數語，可以見二家之異同矣。若粗論其同，二家皆欲扶世教，皆欲崇天理，去私欲，其秉心似無大異者。而實究其學宗，則博文約禮者，孔顏之家法，屢見於論語。朱子得其正矣。陸氏乃言六經皆我注腳，又言不識一字，管取堂堂作大丈夫，豈不偏哉。先生之語氣和平，而辨論精當，類如此。又陶先生世徵字視庵，亦絳州人，與李聞章、黨承璽兩先生同學。平生願學孔子，嘗言一部論語皆孔子精神所流露也。至無行不與之語及諸弟

子極意摹擬贊揚之語較尋常荅問尤爲親切從此想像其精神命脈之所存久之覺夫子之真面目躍然欲出恍若親承提命者然可謂極美牆之慕矣

朱柏廬先生事畧

顧培
益生

潘天成

易之錡

金微
一士

朱先生用純字致一江蘇崑山人父集璜明季諸生貢太學

大兵卜江東城陷不屈死先生慕王袁攀柏之義自號曰柏廬
隱居味道以諸生老其學確守程朱知行並進而一以主敬爲
程長洲徐昭法與先生友屢以書問學辨析甚至居平精神純
謐動止有常晨起謁家廟退卽莊誦孝經數手書其文教學者
置義田修墓祭友愛諸弟白首無間遇事變嶄然不撓自言看
得天理熟當機立應如離弦之矢更不疑議更不矜張行所無
事康熙十七年或欲以鴻博薦固辭乃免其後有司欲舉爲鄉
飲賓亦弗應有來學者必先授以小學近思錄繼進之以四子

書每歲誦春率諸弟子行釋奠先師禮禮畢講四子書進止肅恭誠意激發興起者甚衆已又患學者空言無實得復作輟請語反躬自責言尤痛切其論學未嘗爭持異同曰知所當知行所當行可矣他非所暇也二十七年卒年七十有二前歿之三曰設先人位強起拜於堂曰吾可告無罪於先人矣顧弟子曰學問在性命事業在忠孝勉之哉有愧訥集及大學中庸講義行於世所著治家格言尤膾炙人口云同時有顧昉滋者名培無錫人也少善病母憂其不壽命習長生家言頗得導引術年一十五從宜興湯先生之錡問業始幡然有志於學湯先生歿有弟子曰金傲先生築其學山居以延傲昕夕講習遵高子靜



坐法以整齊嚴肅爲人德之方默識未發之中久之遂篤信性善之旨動靜語默無非學矣晚歲四方來學者益衆春秋大會山居行復七舊規有請益者教以默識其大原實體諸倫物七日期畢釋奠於先師習禮歌詩歲以爲常張清恪撫吳時詣東林講學頗疑靜坐之說先生往復千言暢高子之旨其言甚辨清恪不能難也年七十有九卒

又潘先生天成字錫疇號鐵廬溧陽人寄籍桐城爲安慶府學生幼與父母避仇相失年十五乞食尋親往來徽甯萬山中行且哭每至一村持鼓大呼作鄉語觀者輒笑至江西界母金氏聞聲自巷中出遂相持哭迎父母歸傭販以養備極艱苦亦從

湯先生之錡遊稱高座弟子又請業於梅徵君文鼎遂爲漬學之儒年七十四竟窮餓以死遺書鐵廬集五卷其門人荆溪許重炎傳其學謀葬之且刻其集得徵入四庫錫疇之學源出姚江以養心爲體以經世爲用出自寒門天性真摯品最高潔而精神堅苦足以維風俗而勵人心四庫書提要稱爲義理文章莫大乎是卒祀郡邑忠孝祠

之錡字世調至聖純篤居親喪一循古禮就地寢苦事諸父如父於儒先書無不讀而以周子主靜之說爲宗以子臣弟友爲教當事延主東林延陵諸講席不就有詢朱陸異同者則曰顧力行何如耳多辨論何益其卒也整襟危坐而逝金徹字廓明

靖江人。好高。顧遺書。以聖人爲必可學。師事湯世調。長世調三歲。執禮甚恭。後居無錫。與同志靜坐讀書。興起者甚衆。王喆生。字醕叔。崑山人。柏廬先生弟子也。康熙壬戌進士。官編修。授職七月。告養歸。絕意仕進。讀書敦行檢。望日重。兩任邑中。清文田畝事。先後爲巡撫湯公斌。宋公榮所推重。表章前哲。扶持桑梓。皆不遺餘力。著懿言日錄。張清恪稱其精深博大。比之抑戒云。



劉崑石先生事畧

姜國霖

法坤宏

劉先生名原淥。字崑石。號直齋。山東安邱人。生五歲。問身所從。來。父奇之。十四歲而孤。事母至孝。遇難。負母而逃。卒免禍。明末盜賊蜂起。先生與其仲兄率鄉人壘而守。閉婦女一室中。約戰。敗。則火之。及賊薄壘。鄉人多被創死。仲兄身中九矢。關益力。先生從之。發數十矢。矢盡。仲兄麾之去。先生大呼曰。離兄一步非死所也。卒斬首二。獲馬六。賊遁。一鄉得全。亂定。經營土疆。力耕致富。已而盡推膏腴與仲兄。分其餘爲長兄立後。瞻其亡姊家。大購經史。閉關讀書。初閤養生家言。喜之。旣讀宋儒語錄。乃篤信朱子之學。反覆推究四十餘年。於明學薛文清於本朝學

陸清獻其餘不以爲是也。嘗曰：學者居敬窮理，二者皆法文王而已矣。小心翼翼，昭事上帝，居敬之功也。不識不知，順天之則，窮理之功也。又曰：讀書乃身上之用，而人以爲紙上之用；居官乃辛苦之時，而人以爲快樂之時；哀年正勤學之日，而人以爲養安之日；科第本消退之根，而人以爲長進之根。皆可嘆也。每五更起，謁祠堂，退居一室，與諸弟子講論，常至夜分。月爲講會，興起者甚眾，請於有司，建朱子祠東郊，春秋祀焉。以喪祭禮廢，俗日偷，乃酌古今之宜，定爲品式，祭必嚴齋戒，蒞事極虔。仲兄疾，籲天祈以身代，兄卒七日，中止三食。久之，一邑皆化於禮。又爲鄉人置義倉，煮粥以食饑人。嘗言：人與我一天而已，何畛域。

之有焉年八十二有病當祭朱子強起拜於庭悶絕良久始甦
康熙三十九年卒撰讀書日記六卷近思續錄四卷冷語三卷
其冷語中詆劉安世爲僉王等於章倡那恕則以其與伊川不
協之故而未讀宋史盡言集也繼先生而起者有濰縣姜雲一
膠州法鏡野等皆以學行稱

雲一名國霖少有至性父遊京師病雲往省則已勿無錢市
棺以敝衣一襲裹父力身負之乞食而還族人醵金以葬母善
怒怒則致疾雲一百計解之一日怒甚雲一跪膝前作小兒嬉
戲狀持母手撻其面母笑而罷自是不復怒時雲一年五亡矣
師事昌樂周先生士安士宏有高致嘗與雲一至菖樂其山水

家焉死卽葬於菖雲一築室其側家極貧七十外猶弱耕年饑
率二日一食貌轉映莒人恐其餓死聞於官而遺之粟居常黼
衣冠謹言語竟日危坐無頽容人或非毀之至面誚夷然不爲
動。昌樂閻懷庭問雲一喜讀何書曰論語二十篇終身味之不
盡也自言年四十始能不以貧富撓甘心五十始能不以死生
動其心云

鏡野姓法氏名坤宏曾祖若真康熙己未舉鴻博官布政使先
生性恬靜不諸俗遂自號迂齋少讀先儒書未厭也旣得傳習
錄大喜以爲如己意所出故其學以陽明爲宗以不自欺爲本
間懷庭嘗辨之鏡野曰此無事口談也譬之飲食得其甘者果

其腹飫其精者澤其體徒謀謀然爲他人辨是非所謂含靈龜
觀采頤也乾隆六年舉人官大理評事卒年八十有七著春秋
取義測及綱目要畧同時齋魯閒學者又有濰縣劉君以貴德
州梁君鴻荔安邱張君貞益都李君文藻壽光五君允中彬彬
乎稱盛焉



白含貞先生事畧

范湛

王化泰

張承烈

馬嗣煜

白先生奐彩字含貞號泊如陝西華州人出焉恭定公從吾之門明末與張太乙武陸海諸君同講學後所與游則同州党兩一王思苦張敦庵馬立若蒲城王省庵諸君以道誼相切劘党兩一先生名湛字子澄嘗言人生須作天地閒第一等事爲天地閒第一等人故自號兩一王省庵先生名化泰篤志理學與党兩一爲至交互相砥礪同時有周先生澹園究心濂洛關閩書立身行己大體卓然與白党諸先生並推關中學者又武功張先生承烈字爾晉初喜任俠三變而留心正學折節讀儒先書言動以之準繩尺寸毫髮不敢苟而同州馬先生嗣煜者字

元昭號二岑以古學自任通判山東權守武定州敵兵來攻城
陷死之李二曲先生謂開學自馮恭定公以後咸推二岑先生

施愚山先生事畧

愚山先生諱閏章字尙白安徽宣城人祖鴻猷明萬歷閒遊鄒
忠介焦文端羅近溪三先生之門以理學顯稱中明先生父咎
篤孝友父喪三日水漿不入口杖不能起既葬奉木主寢室出
告反面如事生輻父遺草必跪書遇諱日白衣冠號泣終其身
母病禱九華山神願減算延母壽母後竟以八十終而咎止三
十有七家法嚴重始婚夕客強以酒謝弟勝父以爲忤客目攝
之卽跪謝父遺去則退而跪於寢門漏二下父入見之引其手
曰孺子執禮過矣弟譽讀書陽羨會秋薦新穀與客會食烹地
魚忽泣然曰吾弟出門時魚方二寸許今盈尺矣遂鳴咽廢箸

兄弟閔自爲知己嘗恐年壽不齊月下相抱哭願世世爲兄弟
先生少孤叔譽撫之成立弱冠工制舉業兼治詩古文辭從沈
徵君壽民遊金壇周儀部鑣異其文延之讀書其家順治丙戌
舉於鄉己丑成進士授刑部主事

天子大婚禮成上

皇太后徽號

詔赦天下公奉使廣西徧遊嶺西諸山水曾承

明王犯桂林殺定南王孔有德畧地而東先生還至平樂將嬰
城其守知府尹明廷曰公使臣無嬰城理揮之行抵家丁祖母
艱服除補員外郎引經斷獄有疑必反覆推求曰如是則生者
死者兩無憾也公餘與宋荔裳嚴顯亭丁飛濤張譙明趙錦帆

周。徇。來。諸。君。相。唱。和。號。燕。臺。七。子。當。是。時。

世。祖。方。右。文。選。尚。書。郎。資。望。深。者。御。試。高。等。乃。得。補。授。提。學。

使。者。先。生。名。第。一。擢。山。東。提。學。僉。事。教。士。以。通。經。學。古。爲。先。論。

文。崇。雅。黜。浮。風。氣。一。變。嘗。葺。孟。廟。閔。子。廟。伏。生。祠。墓。及。孫。明。復。

石。守。道。二。祠。其。初。至。濟。南。也。夢。古。衣。冠。丈。夫。揖。而。若。有。所。屬。也。

三。次。日。遊。藥。山。尋。李。滄。溟。墓。墓。蕪。沒。不。封。樹。一。豐。碑。無。字。仆。草。

閱。恍。然。悟。夢。境。卽。自。爲。文。勒。其。上。其。應。御。試。也。大。學。士。劉。公。

正。宗。實。薦。之。後。屬。其。同。年。孤。子。竟。以。文。不。入。格。黜。劉。公。語。人。曰。

學。臣。不。受。請。託。獨。施。君。耳。秩。滿。遷。湖。西。道。參。議。時。軍。餉。嚴。迫。屬。

邑。多。逋。賦。追。呼。急。輒。相。聚。爲。盜。先。生。作。勸。民。急。公。歌。召。父。老。垂。

涕泣諭之相率輸租恐後吉水有巨室依險自保邑令執之以
叛聞先生察其枉令輸賦而遣之因徧厯穹山逕谷閒作彈子
嶺大阮歎竹源阮諸篇以告諸長吏讀者爲流涕曰施使君今
之元道州也臨江城圯築輒潰先生禱於神越日城成會歲旱
禱雨徒跣走南郭門外伏雩壇下呼天痛哭俄一人發狂叫號
云某日雨及期雨果大至地多虎暴白晝噬人爲文告城隍神
期三日得虎次日午郊外民居兩婦方舂虎突至婦以杵擲之
應手斃患自是息暇日修景賢鷺洲兩書院祀王文成鄒忠介
羅文恭日與諸生講學其中時屏騶從往來金牛石蓮諸洞訪
前賢遺跡遊宴賦詩耆舊逸民皆出就之偶會期有具牒請質


者先生曰此講習地聽訟有官署令就坐講長幼有序極陳兄弟之恩且曰某少孤終鮮兄弟見友恭者固欣然慕卽見閭牆者亦心動以謂彼尙有同氣或猶可轉乖爲和也言下涕泣忽未坐二客相持大慟各出袖中牒燔之蓋兄弟訟產十年不決者曰吾小人今遇聖賢而不洗心者非人也遂讓所爭產爲祀田居亡何以裁缺歸士民醵金建龍岡書院留先生講學三日乃去父老遮道不可輿步而登舟熱香哭送者數千人所乘官舟輕不能渡湖民爭買石膏填之旣渡乏食賣舟而歸時叔譽年七十矣先生事叔如父有終焉之志部檄至引疾力辭里居十年詔舉博學鴻儒相國李公霸杜公立德馮公溥交薦之

先生固辭叔父強之出。召試授侍講纂修明史。是年叔譽卒。先生衰毀成疾。擬奔喪。格於例。居平忽忽不樂。逾年典試河南。稱得士。張公伯行其一也。請假省墓。先就叔譽葬。所哭奠三宿。然後歸。又二年轉侍讀。先生素以文學飭吏治。自入史館。當著作之任。朝士大夫求碑版詩歌者。趾錯於戶。四方名士負笈問業。無虛日。一一應之。不少倦。平日口期期若不能言。及談忠孝奇節。輒抵掌奮發。慷慨流涕。不能已。遇羈人才士。失志無聊。多方爲之延譽。士以此益歸其門。一日退朝。端坐草廡。恭定傳自午迄酉。移案就簷隙。草罷不能起。左右掖之。若形存者。時子彥瀉以咯血歸。彥恪亦南還就試。妾徐氏刲股和藥。以進焚香籲。

天曰主翁畜道德名滿天下縱必不起亦請延待其子一訣使
竟死妾婦手目不瞑矣因長號三晝夜一夕白光如匹練自屋
上落奇香起榻前先生忽甦康熙二十二年三月十七日事也
彥恪尋奔侍先是庚戌春彥恪夢神人按籍言司天下壽算即
先生壽以七十有八告至是從容言之先生遽曰吾少失母大
母吳太恭人鞠之後太恭人疾不受治吾齋沐禱城隍神願減
一紀延其壽人無知者次日同學楊薦臣來曰某夢入城隍廟
見子跪階下手一紙哀請聞神曰準達天曹矣子豈有所求乎
吾悚然不敢應是日太恭人竟不藥愈又十二年乃終以若所
聞減一紀則今秋正限盡時也閏六月果卒年六十有六先生

國朝文正公集卷二十一
官湖西時叔譽往視先生跪迎之有不悅必冠服跪終日俟其
解乃起自中明公歷世創義田不就先生積俸置田二百畝贍
其族葺里中同仁館又修復依仁齋於白門以推闡中明公理
學之緒蒙師劉伯陽無子葬之中明墓旁歲明分祀焉生平以
友朋爲性命高濂刑孟貞江甯顧與治宛平楊商賢皆文字交
也邢顧歿皆經理其喪刻其遺集顧無子邢止一孫以屬高濂
令買田贍之商賢客死礪石志其墓嘗與同邑吳某赴禮部試
吳有老母下第先生已在第中相持泣一若與之俱擯者同年
生李廵官粵東卒無子妻女流落東萊爲責所迫將鬻女先生
理其責而資送之後十五年遊茗雪閒廣陵宗鶴問過訪詢之

則。題。女。夫。也。太。喜。偕。至。其。家。李。泣。拜。至。不。能。仰。視。平。樂。守。尹。君。
嬰。城。死。其。子。三。十。未。娶。先。生。爲。娶。之。嘗。曰。吾。去。平。樂。時。放。舟。寧。
流。迴。望。尹。君。送。予。還。其。前。後。伍。伯。忽。獸。走。獨。一。舉。眇。眇。隨。決。皆。
殉。至。今。思。之。猶。絕。痛。也。應。召。試。時。人。都。不。通。一。刺。於。朝。貴。或。尤。
之。先。生。笑。謝。曰。吾。豈。矯。情。哉。所。懼。者。官。高。一。級。卽。人。品。減。一。等。
耳。先。生。嘗。云。終。日。不。見。已。過。便。絕。聖。賢。之。路。終。日。喜。言。人。過。便。
傷。天。地。之。和。時。以。爲。名。言。所。著。有。學。餘。集。八。十。卷。年。譜。四。卷。試。
院。冰。淵。一。卷。詩。話。雜。著。各。二。卷。青。原。志。畧。補。輯。十。三。卷。行。於。世。
孫。念。曾。乾。隆。丙。辰。召。試。博。學。鴻。詞。科。



曹厚庵先生事畧

張貞生

先生姓曹氏各本榮字欣木又字厚庵湖北黃岡人幼讀陽明書好之探索至廢寢食常屏跡山中夜半月出坐達旦怡然有得順治六年成進士選庶吉士謁館師胡此庵講明善之旨先生曰何其言之似王文成也因與往復討論此庵曰予所言皆先儒之言非心悟獨得者於子何益先生由是益究心每深思不得輒泣下閱一年豁然大悟趨質此庵此庵遙望見先生大喜曰于今大有得矣八年授秘書院編修應詔上聖學疏千餘言其畧云合

皇上得二帝三王之統則當以二帝三王之學爲學誠宜開張

聖聽修德勤學舉四書五經及通鑑中有裨身心要務治平大業者內則深宮燕閒朝夕討論外則經筵進講敷對詳明從此設誠致行君德既修自能祈天永命有詔嘉納十年擢贊善尋遷司業刊白鹿洞學規以教諸生明年轉中允又明年

世祖拔詞臣中品端學殖者充日講官先生與焉十三年晉秘書院侍講轉左庶子兼侍讀日侍講幄論辨經義問無不對對無不盡尋與傅公以漸同奉詔撰易經通注九卷鏐鑄衆說詞理簡明爲說易家之圭臬先生素善病

上遣御醫診視

御筆仿巨然畫

賜之

世祖一日讀孟子至人知之亦囂囂顧先生曰自得無欲汝足

當之矣十四年主順天鄉試充經筵講官坐失察同考官不決事。鑄五級明年九月。

上諭吏部曰曹本榮侍講幄日久著有勤勞其令復原級十八年補翰林院侍講學士改國史院侍讀學士康熙四年以病請回籍遷葬卒於揚州年四十有四先生家素貧在京師居黃岡倉館布袍菜食家人不勝其苦有同年生從容謂曰今詞臣供職一兩年卽假歸盛冠蓋出入烜赫爲親族交遊光寵子何自苦若是先生曰吾將以爲學也學貴澹泊明志使吾學麤有成得致吾君於堯舜飢困非所惜也同年生譚鳳禎卒於京邸先生爲之治喪其妾生子令室中婢乳之後成立魏敏果公爲賦

古人交行其學初從陽明入直悟心原繼加以踐履篤實之功著五大儒語錄及周張精義王羅擇編居要錄切問錄諸書其論次五大儒以程朱薛與陸王並行其卒也蘇門孫徵君慟惜之謂商周之際道在箕子宋元之際道在許子明清之際道在曹子其言不可易也病革時門下士計東在側諄諄語以窮理盡性之學且曰當知此道極簡易勿過求之苦且難殞之曰起就沐浴正衣冠視日影方中危坐而逝行李蕭然囊無一金積賴門人賻贈歸其喪計東嘗問先生曰今天下幸而前有朱子後有王陽明使心性之學大明於世倘二子不能先後生則誰爲天地必不可無者先生悚然厲聲曰寧無王陽明不可

無朱子其所得可知矣。子宜溥。由廕生舉博學鴻詞科。召試授檢討。同時有張簣山者。亦官學士。與先生同以理學名。簣山名貞生。一字幹臣。江西廬陵人。順治十五年進士。累官侍講學士。爲司業時。刻鄒南皋宋儒語畧。頗主良知之說。後與魏敏果熊文端往來講學。乃一宗考亭。康熙九年。議遣大臣巡方。幹臣言。察吏安民。當責成督撫。大臣巡方。徒擾百姓。無益。坐出位。言事降二秩。尋乞病歸。然卒罷巡方之令。居京邸。蓬蒿滿徑。突無炊烟。瀕行。不能具裝。故人餽贐。皆弗受。家居構我師祠。又捐宅爲誠意書院。學宗朱子。一以慎獨主敬爲歸。嘗大書座右曰。最危是人禽之界。喫緊在義利一關。著有庸書二十卷。聖門


戒律八條及玉山遺響集十四年以原官起補卒年五十有三
嘗言學問經濟本非兩途然經濟有從學問來者學顏子之學
卽志伊尹之志是也亦有不從學問來者則爲驕客爲器小爲
執拗甚至爲奸險非不自謂有爲有猷其實毒蒼生而誤國是
者卽此自命經濟之人也論者以爲名言子世坤能傳其學著
有恥言集

秋逸庵先生事畧 張 沐

先生名介字介石號逸庵河南登封人。性清鯁。篤於踐履。順治八年進士。由檢討出爲福建巡海道。時海疆未靖。築石城以備盜。興廉去貪。革除苛敬。恩信大行。康熙元年。轉江西湖東道。因裁缺。改直隸大名道。時方嚴旂。下逃奴之令。坐窩逃。就繫者。纍纍在官。期年。清三百餘獄。不牽累無辜。民感之。母憂歸。不復出。詣蘇門。受業於孫徵君。執弟子禮甚堅。篤志躬行。以倡明絕學爲已任。與睢州湯潛菴。上蔡張仲誠先生。往復辨難。興復嵩陽書院。士習蒸蒸不變。二十五年。以潛庵薦。授少詹事。入直上書房。轉導皇太子。會潛庵爲執政。所嫉。掎摭萬端。先生引疾乞。

休詹事尹泰等刻先生詐疾因以傾潛庵。尋予假歸復主書院。日孜孜以講學爲事。潛庵疏稱其賦質剛方踐履篤實服官冰。葉自矢居家淡泊自甘蓋實錄也。所著有理學正經性理要旨。中州道學編孝經易知敬恕堂存稿仲誠姓張氏名沐號起菴。順治十五年進士授內黃知縣。其治以躬行爲本重農桑敦教化裁革苛歛與民休息令家書爲善最樂於門注六諭敷言反覆譬曉。雖婦孺莫不憬然易慮也。朔望集諸生會講明倫堂俾自奮於學居五年坐視免以薦起知四川資縣。其治如內黃。屢舉廉吏乞病歸。從孫徵君遊與湯潛菴耿逸菴二先生往來講學。初潛菴自夏峯道內黃與先生語大悅。遺書徵君稱其任道。

甚勇求道甚切。及以薦入京。潛菴與人書。又稱仲誠腳踏實地。其學以主敬爲功。治易有心得。當代真儒也。其推重如此。尋主遊梁書院。晚年闢白龜圖。草字士壁。以受四方學者。興起者甚衆。學者稱上蔡夫子。著圖書秘典。溯流史學鈔。一隅解諸書。



汪星溪先生事畧


溪先生佑字啟我號星溪安徽休甯人十歲讀四子書至孔子作春秋孟子閔聖道章夜屢夢天日晦冥舉手捫之覺而詢諸師師曰此皆聖道之榛莽楊墨之流禍汝今所讀正人心息邪說孟子良爲此也稍長慕劉因氏所評周程張邵朱呂之說謂幸生朱子之鄉遂願私淑以終身焉篤好小學近思錄遵朱子半日靜坐半日讀書法明崇禎末寇事棘先生憂之嘗平寇十六策思效伊川詣闕上書故事以時不可爲不果上遂隱居事親學日進友人楊景陶邀赴還古書院會講先生見所講多雜陸王之說乃與同人發明程朱正學會汪君覺斯倡復大泉書

院請會先生見汪君所學。遂正遂授以陳清濶學。部通辨互相
考。嘗曰。有善無惡。性之體。有善有惡。情之動。知善知惡。爲良
知。爲善去惡。爲良能。擴而充之。盡其才。窮理盡性。至於命。斯爲
大中至正。斯爲至誠。无妄。乃陽明宗旨。反以無善無惡爲心之
體。何耶。顧端文有言。釋氏三藏十三部。五子四百八十卷。一言
以蔽之曰。無善無惡。其害可勝言哉。紫陽書院。正吾黨講學。明
道之壇坫也。乃與汪正叔。江衛道。江月巖。胡匏。夏吳敬庵。汪石
樵。吳慎先。汪括齋。朱濟臣。陳書始。謝兼善。諸君。振興紫陽大會。
訂六邑同人。歲以朱子生日。行釋菜禮。講學三日。一遵白鹿洞
遺規。嚴斥歧趨。循正軌。此外若休城四孟會。白嶽聖誕會。各邑

塾月講會皆不憚遠涉應期必赴蓋先生自遜世以後視富貴如浮雲避勢利如蛇蝎格格不諧於俗者四十年而一時同人皆知崇尚正學則爲功多矣所著有詩傳闡要易傳闡要禮記問答禮記訂訛大樂嘉成四書闡要四書講錄五子近思錄四子近思翼明儒崇正錄明儒通考明儒性理彙編讀史筆記星溪文集日記家訓諸書而尤邃者明儒通考一書擇精而語詳高彙旃先生千里借鈔以謂得見此書雖瞑目而無憾云子鑑安貧讀書能嗣其家學







國朝先正事略卷三十 名儒

平江李元度次青纂

范彪西先生事略 王端

范先生鎬鼎字彪西山西洪洞人康熙六年進士性孝友究心
瀕洛遺書闡明絳州辛復元全之學養母不仕河汾人士多從
之受經十八年舉博學鴻詞科不出奉 溫旨賜御書山林雲
鶴四字士類榮之家居立希賢書院置田以贍學者四十二年
望祖西巡迎 駕進理學備考三十四卷剋取辛氏全孫氏奇
逢熊氏賜履張氏夏黃氏宗義諸家之說附以己意
上命留覽時陳文貞公廷敬扈從賦詩有曰歸來屬車上猶指

少微星謂先生也。陸清獻公嘗與先生書曰：夙聞山右辛復元之名而未見其書。承乏恆陽，幸與山右接壤，則又聞先生出處不苟，守禮謹嚴。蓋今之辛復元也。且盡刊行辛書，大有功於世道。辱以見示，不敢私於篋衍。將攜以南歸，徧告鄉後進，俾知太行之西，龍門之東，復有大儒出其間。王仲淹、薛敬軒之遺風未墜，相與討論而傳習之，爲惠不亦多乎？其推重如此。所著五經堂文集五卷、語錄一卷，又繼其父芸茂作續垂棘編十九卷、三晉詩選四十卷。又王先生端字子方，一字任菴，翼城人。生八歲而向學，十二能爲文，十六有志於聖道，獨行獨勉，二十四而粗見大略。又二年病失明，乃益厲於學，耳聞而口誦之，所詣日遠。

晉有學思錄

會稽

國朝古三王名儒

三



張武承先生事略

陳洪

張先生烈字武承順天大興人性至孝事繼母委曲承順無閒言。康熙九年進士授中書十八年召試鴻詞科授編修與修明史遷贊善先生少聰穎讀書日數行下及長專心理學篤守朱子之說毅然以衛道爲己任著王學質疑舉陽明傳習錄條析而辨難之凡爲卷五其一質心卽理也其二質格物致知也其三質知行合一也其四質與人問答也其五總論陽明之流弊至於鼓滯邪遁也後附朱陸異同史法質疑一二則讀史質疑五則其總論略曰象山言本心陽明言良知其弊使人喪本心喪良知何也天之道非別有一物寄於聲臭之表時行物生卽

所謂上天之載無聲無臭也。人之心非別有一物在窈窕冥冥之中。視聽言動皆心所在也。善治心者。治視聽言動。卽治心也。治倫物政事。卽治心也。視聽言動。倫物政事之間。講明一分。則心之本明者。復一分矣。力行一分。則心之未善者。復一分矣。積之久而。悟其皆心也。天命流行之妙。一以貫之。而無餘。卽傳不悟而持其守。講求於視聽言動。倫物政事間者。固各有規矩可循。而心之本明本善者。自在也。此聖學所以平穩純正。萬萬無流弊也。堯舜言人心道心。而外不復言心。但與其臣愼典庸禮命德討罪。教稼明倫恤刑熙績。卽無非精一。不必人人與之言心也。成湯於若有恆性外。不復言性。但惟用人。惟己改過不吝。

顯。德。遂。良。取。亂。侮。亡。卽。無。非。建。中。不。必。人。人。與。之。言。性。也。夫。子。
立。教。惟。是。交。行。忠。信。詩。書。禮。樂。聞。見。擇。識。知。人。愛。人。不。必。人。人。
與。之。言。一。貫。也。惟。朱。子。善。學。孔。子。循。循。畏。謹。一。字。必。求。其。安。一。
事。必。審。其。極。倪。焉。日。有。孳。孳。弊。而。後。已。此。聖。門。家。法。也。學。者。循。
是。而。謹。守。之。卽。使。不。皆。進。於。高。妙。要。其。恪。遵。往。訓。甯。慎。勿。疏。甯。
拘。勿。肆。其。敢。於。逞。聰。明。恣。議。論。昭。行。檢。者。無。有。矣。今。詆。學。朱。子。
者。曰。支。離。也。玩。物。也。義。外。也。以。此。垂。教。其。誰。不。曰。吾。自。有。良。知。
六。經。任。我。驅。使。讀。書。訓。詁。不。足。爲。制。度。儀。節。不。必。謹。公。議。皆。世。
俗。之。論。名。教。特。形。跡。之。粗。但。求。一。念。自。信。不。妨。肆。行。無。忌。而。流。
弊。不。可。言。矣。故。專。提。本。心。良。知。者。予。人。以。假。借。掩。飾。之。題。高。可。

以陵蔑君子下亦開不肖者以方便之路。而及其既爲不肖也。并淹飾假借。亦可不用。此必至之勢也。總之陽明天資雄放。其於循循講習。謹守規矩。實所不。耐。及一旦有得於佛老與象山。旨合。喜其與己便也。遂獨闢宗旨。舉聖賢經書。皆欲以此強貫之。直謂六經注我。隨意驅駕。何所不可。此設淫之始也。及人多不服。則借孟子良知二字。復竄入大學致知中。遂盡翻朱子之案。又以朱攻朱。著爲色年定論。實則以中爲晚。以晚爲中。與當日情事。迥不相涉。則又曰。年歲原未深考。乃委曲調停。不得已之心。豈非遁之又遁乎。先生是書。陸清獻公嘗序而行之。凡宗洛閩之學者。皆奉爲圭臬。而四庫書目。稱集中朱陸異同論不

及賈董異同論爲持平王學質疑則未免煨鍊云所著尙有讀
易日鈔六卷卒年六十有四祀鄉賢同時有陳先生法字定齋
去平人也由詞林外歷郡守官至大名道爲政以教養爲先興
利除弊力挽風氣之靡公牘文告皆手治情詞懇款旣久人猶
感誦之陳文恭公應詔舉賢才嘗再疏舉先生生平力崇正
學著明辨錄其論象山合乎禪宗曰自古聖賢教人不過使之
循子臣弟友之常謹視聽言動之則而求之遺經以致其知反
之身心以踐其實去其外誘之私充其本然之善如是而已故
曰夫道若大路然無他元妙之可言也自達摩入而後直指人
心見性成佛自宗果教入靜坐體究而後有改頭換面之伎倆

於是好高欲速者希冀捷獲絕聖棄智。定慮澄心。以求之虛無
曠眇之中。恂惚閒偶有所見。遂務爲獨得。以爲道之妙不外乎
此。乃舉吾儒所謂一貫。所謂仁。所謂天理者。皆以釋氏之本來
面目當之。蓋彌近理而大亂真矣。昔楊慈湖有雙明閣之悟。象
山歎其一日千里。詹子南靜坐。瞑目半月。操存一日。下樓忽見
此心澄瑩。中立象山曰。逆而視之曰。此理已顯。且證其爲智仁
男。證其爲萬善皆是物。徐仲誠處槐堂一月。問之云。如鏡中觀
花。象山謂其善自述。此皆禪家頓悟法。其所謂反身者。不過反
觀內照。其所謂萬物皆備者。不過鏡中影象而已。至智仁勇三
達德。惟聖人能不思不勉。下此皆不能無學問思辨力行之功。

今乃瞑目安坐半月而遂可以全三德備萬善雖顏閔且不能
幾此非所謂直指人心見性成佛者邪慈湖在太學循禮齋嘗
夜憶先訓默自返觀覺天地萬物通爲一已王陽明在龍場晝
夜默坐一夕大悟汗出踊躍若狂陳白沙靜坐久之見心體隱
然呈露錢緒山靜坐僧房凝神靜慮倏見此心真體蔣道林靜
坐寺中半年忽覺此心洞然宇宙渾屬一身羅念菴坐石蓮洞
中有悟汪下如雨灑然自得羅近溪一日忽悟心甚痛快直趨
父榻前陳之其父亦起舞凡學之墮禪宗者無不有此頓悟之
機聖學不如是也其辨致良知曰昔者子思嘗言致良知矣日
其次致曲孟子嘗言致良知矣曰擴充四端朱子嘗言致良知

矣。曰因其所發而遂明之曰因其已知之理而益窮之皆由其偏而致其全由其發見之微致之以至於不可勝用由其所從生致之以至於其所終極所謂充其本然之善也而陽明之所謂致良知者則謂天性之真明覺自然自有條理又曰吾心之良知卽所謂天理致吾心之良知之天理於事事物物則事事物物皆得其理是所謂良知者已自然純乎天理而無一毫人欲之私所謂致焉者毫不假借推致之力純任自然所謂萬法從一心流出者也夫以孔子生安之聖至七十而始從心不踰矩今欲概之人人不學不慮任天則之自然其不至猖狂而妄行者幾希矣至所著易箋辨來易錯綜之非謂先儒雖言卦變

未有易其陰陽剛柔之實顛倒其上下之位者。今以乾爲珥以
水爲火以上爲下。混淆汨沒而易象自此亡矣。又著有河干問
答內心齋詩彙諸書。

This image shows a blank, aged, cream-colored page, likely an endpaper or flyleaf of a book. The paper has a slightly textured appearance with some minor creases and discoloration, particularly along the edges. The right edge of the page is dark and textured, suggesting the binding or the adjacent page. There are no visible markings, text, or illustrations on the page.

This image shows a single, heavily aged and damaged page from an old book. The paper is a mottled, dark brown color, showing significant signs of wear, including creases, tears, and a large, dark, irregular stain on the right side. The text is extremely faint and illegible, appearing as light, blurry shapes against the dark background. The overall appearance is one of extreme age and poor preservation.

竇遜齋先生事略

白。容。城。孫。徵。君。遷。河。南。中。州。士。大。夫。多。興。於。學。及。其。門。者。滑。菴。
湯。公。逸。庵。耿。公。爲。鼎。而。聞。二。公。之。風。而。興。起。者。復。四。三。人。竇。遜。
齋。先。生。其。一。也。先。生。諱。克。勤。字。敏。修。一。號。靜。庵。河。南。柘。城。人。父。
大。任。邑。諸。生。爲。學。以。不。欺。爲。本。性。喜。成。就。後。學。先。生。幼。異。敏。讀。
書。每。過。夜。中。父。懼。其。瘁。也。止。之。乃。以。衣。蔽。戶。牖。篝。燈。默。誦。少。長。
徧。治。諸。經。時。徵。君。既。歿。耿。公。講。學。於。嵩。陽。往。就。之。六。年。五。至。非。
父。召。不。歸。康。熙。十。一。年。舉。於。鄉。見。湯。公。於。京。師。學。益。進。湯。公。謂。
師。道。不。立。由。教。官。之。失。職。也。勸。就。教。職。得。泌。陽。教。識。乃。仿。朱。子。
白。鹿。洞。遺。規。分。立。五。社。長。月。朔。稽。善。過。而。勸。懲。之。又。立。童。子。社。

每月五日集童子習禮儀。令讀孝經小學。稍長者爲解性理。暇則齋居讀書。餽粥不繼。晏如也。十七年成進士。館選丁母憂。服除。授檢討。尋告歸。父趣之入朝。踰年竟歸。蓋痛母深。不忍久。雖其父也。於柘城東門外創立朱陽書院。倡導正學。時中州自夏峯嵩陽外。惟朱陽之學者稱盛矣。

聖祖皇帝嘗命諸翰林作楷書。先生書治法堯舜學遵孔孟。其要在主敬慎。獨以進。

上深器之。其家居大府。監司守令多重其行。鄉邦疾苦多賴以更除。枉撓者得直。故其歿也。士友深慟。知與不知莫不書傷邑之頑人。或匍匐赴弔。哭盡哀而去。先生素無疾。方侍父食。氣逆

上有頤端坐而逝時康熙戊子閏月二十五日也年五十有六
先生教行於家婦王氏執舅之喪年六十有四矣終祥禫不飲
酒茹葷其稱其盡禮予三人次容莊容遂皆舉人能承其父學
先生著理學正宗謂自孟子後歷漢唐之世無有登聖人堂與
者故溯道統正傳必以宋儒爲斷而宋儒稱孔孟嫡傳必以周
程張朱爲歸他若南軒東萊及龜山豫章延平勉齋遞傳王何
金許以及傳春秋之康侯集書傳之片峯凡有功聖道者皆詳
列之而於元明則列曾齋敬軒取其最也又著孝經聞義事親
庸言泌陽學條規尋樂堂家規等書皆行世涪城有專祠

國朝文獻卷三十一

大

勞麟書先生事略

先生姓勞氏名史字麟書浙江餘姚人。世爲農。先生少就傳讀書。及長。躬耕養父母。夜則披卷誦。年十七。讀朱子大學中庸序。慨然發憤。以道自任。舉動必依於禮。讀朱子近思錄。立起設香案。北面稽首曰。吾師在是矣。常自刻責。以謂天之命我者。若君子詔臣父之詔。子一廢職。卽廢嚴譴。一墜家業。卽窮無所歸。可不懼哉。讀易有疑。不能晰。輒仰天籲。朱子曰。夫子其牖我乎。久之。觸處洞然。其能學以爲始。於不妄語。而妄動極。諸至成無息。接後學。委曲盡謀。雖傭工下隸。皆引之向道。曰。盡爾職分。務實做去。終身不懈。卽聖賢矣。勿過自薄也。聞者莫不爽然。里中

負貲者近先生居不忍貨傷物。鬻兒牧豎或折棄。增繳毀機。罪有鬪爭者。就先生質。往往置酒求解。門人桑調元白錢唐來謁。論學數日。將別送之日。吾壽不過三年。恐不復相見。行矣勉之。居三年。先生年五十九。其年九月。語門人汪鑒曰。不過今月。吾將去矣。送徧誦親友家。飯與老者言。所以教少者言。所以學已合家人治。木師後事。晦前一日。趣具湯沐浴更衣。移榻正寢。炳燭宴坐。如平時。旋就寢。明晨撫之逝矣。子廷鉞有學行。能食貧。居喪不受賻。贈先生嘗吉文王陟降在帝左右。此是實理。深山窮谷中有直儒者。出縱遜世。不見知其神明。亦必在孔子左右。無是也。一夕。調元夢先生從一大殿出。執其手曰。爾程子踽踽。

欲適萬里程。吾何能釋懷。調元驚悟後十年。入太學。瞻大成殿。如夢所見。調元字伊佐。號破甫。爲孝子。天顯之子。雍正十一年。進士官工部主事。引疾歸。有別業在東臬。闢餘山書屋。以友教四方之士。從者雲集。爲人清鯁。絕俗足跡。遍五嶽。晚主灤源書院。益暢師說。刻餘山遺書。勞先生所著也。所自著者曰。瘦甫集。論語說躬行實踐錄。鑒亦餘姚人。嘗扶父櫬自雲南歸。至漢江。遇大風。舟且覆。鑒憑棺號哭。誓身殉。忽風回。得泊沙岸。乃免。衆呼江孝子。爲人矜尚。志節既從。勞先生學誠之曰。英氣客氣也。其學以鑄之。先生之功鑒實左右焉。

此篇乃人臣之職也。人臣之職。在於盡忠。忠者。心之謂也。心之於人。猶天之於地。地無天而不立。人無心而不存。故忠者。人臣之本也。人臣之於君。猶天之於地。地無天而不立。人無心而不存。故忠者。人臣之本也。人臣之於君。猶天之於地。地無天而不立。人無心而不存。故忠者。人臣之本也。

此篇乃人臣之職也。人臣之職。在於盡忠。忠者。心之謂也。心之於人。猶天之於地。地無天而不立。人無心而不存。故忠者。人臣之本也。人臣之於君。猶天之於地。地無天而不立。人無心而不存。故忠者。人臣之本也。人臣之於君。猶天之於地。地無天而不立。人無心而不存。故忠者。人臣之本也。

此篇乃人臣之職也。人臣之職。在於盡忠。忠者。心之謂也。心之於人。猶天之於地。地無天而不立。人無心而不存。故忠者。人臣之本也。人臣之於君。猶天之於地。地無天而不立。人無心而不存。故忠者。人臣之本也。人臣之於君。猶天之於地。地無天而不立。人無心而不存。故忠者。人臣之本也。人臣之於君。猶天之於地。地無天而不立。人無心而不存。故忠者。人臣之本也。

李禮山先生事略 并親祖

先生名來章字禮山河南襄城人明恭靖公敏後也李氏自恭靖以來世以禮學著稱先生爲肖雲先生曾孫生而穎異於書無所不窺年十五入邑庠工詩古文詞旣而一切棄去專心瀛洛之書以興復先業爲已任從孫夏峯李二曲兩徵君游所業益進康熙之卯舉於鄉復受業魏庸齋象樞之門庸齋有欲除妄念莫如立志之語因作書紳語略復與張潛菴雷靜菴張起菴三先生寓書往來剖析經旨其持論以不肖先儒有益世用爲主嘗謂近思錄一書爲周孔真命脈學者不從此入手欲或近道難矣時孫徵君與耿誠齋諸君講學百泉先生與耿逸菴

中蟬菴講學嵩陽書院雨河相望一時稱極盛焉已主南陽書院作南陽學規及達天錄士習日上尋以母老謝歸葺紫雲書院讀書其中學者多自遠而至母歿後謁選知廣東連山縣先是排狴負險跳梁提督殷化行討之反爲所乘調重兵會剿始就撫距先生蒞任甫隔歲耳人多危之先生曰狴雖異類亦有入性當推誠待之乃仿王文成遺意日延耆老問民疾苦招流亡勸之開墾薄其賦復深入狴穴爲之置約延師以至誠相感動剗連山書院著學規日進縣人申教之而狴民之秀者亦知嚮學謂讀聲徹巖谷臺使者交獎曰忠信篤敬蠻猶信可行矣己丑與行取薦牘有文翁化蜀之稱王辰授兵部主事監此新

名華。運官餽遺。差竣引疾歸田。相國從典李侍郎先復王侍郎
企靖交章以實學可大用薦得旨徵召以疾力辭遂不出嘗
言欲爲聖賢須自慎獨始著衾影錄卒年六十有八著書四十
餘種其行世者曰禮山園文集洛學編連陽八排猱風土記陳
文恭撫豫時嘗以先生及夏峯潛菴逸菴靜菴起菴合以張敬
菴冉蟬菴爲中州八先生增祖許州七子祠并祀鄉賢冉蟬菴
先生名觀祖字永光中牟人也康熙癸卯舉鄉試第一不汲汲
進取而潛心理學殫精著述耿逸菴特延主嵩陽書院著爲學
大指十八則及天理主敬圖以示生徒問業者雲集辛未成進
士選庶常授檢討尋乞假歸脩然寂處銳意實學時張敬菴方

閔請見書院延先生主敎事所著有五經四書詳說及詩文雜著二十種。朝廷遇有纂修或就其家採擇焉年八十有二卒。

彭南昀先生事略弟

求

孫紹升

先生諱定求字勤止一字南昀長洲人父瓏字雲容號一菴順治十六年進士授廣東長甯知縣有惠政以廉直不爲太守所容被誣劾歸歸益力於學反本守約要於自得晚年得梁谿高顧二子書一以主敬爲宗署所居曰志矩齋中懸高子所書程子四箴手題其上曰師承儼在凝塵滿榻靜對穆如也先生幼承家學又嘗師事湯文正公康熙十二年舉於鄉十五年會試及廷對皆第一官修撰性恬於榮利鯁直自遂處公卿大夫閒弗善也居三年乞假歸時一菴方家居講學先生跪請曰兒願得閉門讀書如童子入塾時庶少補前過乎於是齋居靜思

研極性命久之慨然以道自任既入都奉職擢司業設教條正
文體杜請託諸堂肅然以入旗子弟爲人材所自出宜豫教乃
集孝經古義爲旁訓譯以國書頒諸教習以訓於官學生二十
七年擢侍講復乞歸三十二年父憂服闋補原官與同列不相
中。逾年引疾歸遂不復出其爲學以不欺爲本以踐行爲要初
好宋五子近思錄已而徧讀先儒書輯其要爲儒門法語又以
生平服教最切者尤在明七子作高望吟七章以見志七子者
白沙陳子陽明王子東廓鄒子念菴羅子梁谿高子念臺劉子
榕壇黃子也時有作書極詆陽明者先生恫之以謂陽明實兼
三不朽今謂良知之說近禪則良知兩言出孟子將并孟子病

之乎。程子云：知者吾之所固有，然不致則不能得之。又云：聞見之知，非德性之知；德性之知，不假見聞。將并程子病之乎？論者謂明之亡，不亡於朋黨，不亡於寇盜，而亡於學術，意以此歸獄陽明。嗟夫！誠使明季臣工以致良知之說互相警覺提撕，則必不敢招權納賄，則必不敢妨賢虐忠，則必不敢縱盜戕民。識者方恨陽明之道不行，不圖誣詆者顛倒黑白，逞戈矛弄簧鼓，一至於斯極也。著陽明釋毀錄，又以入德之方，莫先主靜，大本立而後達道行。濂溪之蘊發於延平，默坐澄心，乃其要領。東林復七其遺矩也，而昧者非之，杜方便之門，長汙漫之習，豈不謬哉！作密證錄，又以寡過之方，莫備於易。喜伊川易傳，兼採瞿塘來氏

說旁通諸家纂周易集注四十四年

聖祖南巡大吏稱先生學行首賜

御書命開局陽州與諸詞

臣共校全唐詩時先生門人秉銓政謂銷假即可按俸遷除先生不應畢事還仍閉關謝客獨宿涿真洞中雞鳴起焚香靜坐日出謁先師及家廟以爲常觀花對酒有得輒發之於詩灑如也平生以獨善爲恥扶植善類獎勵名節棘棘不阿張清恪巡撫江蘇爲總督噶禮所誣獄久不決代者至先生率諸掎紳及諸生數百人具章白張公誣請以民情入告事雖不行天下猶知有清議未幾督伏罪張公再莅任先生綬口不道前事蔣侍郎恭棐爲外吏被評頌繫維揚先生詣訊所爲吳民請留時忌

者虎視弗顧也。五十八年有疾。自爲墓志。焚香啜茗而逝。年七十有五。同堂弟寧求。字文治。號瞻庭。爲諸王從一菴講學。里中康熙二十三年。賜進士及第。第三人。由編修。歷待講。勤於其職。母憂歸。服除不起。後以張尙書英韓侍郎莖薦。召人都補侍讀。直暢春苑。逾年以勞卒。家無餘財。至嚮居焉。子啟豐。號芝庭。會試廷對。皆第一。官兵部尙書。清苦力學。事在名臣傳。芝庭子尺木。名紹升。字允初。乾隆己丑進士。能傳家學。工古文。初慕洛陽賈生之爲人。思赫然樹功烈。後讀儒先書。尤喜陸王之學。及與吳縣汪搢大紳。瑞金羅有高臺山。同縣薛家鳳。皆三游。乃大閱藏經。究出世法。絕欲素食。持戒甚嚴。嘗與同志集貲爲近

取堂施衣施棺恤廢放生鄉人多化之。又拓先世義田千餘畝。著有二林居集。其解大學格物訓格爲度量本之倉頡篇。最爲精確。又作讀古本大學說。深有裨於經傳。然彭氏學兼朱陸。識兼頓漸。芝庭尺木之學。頗入於禪。大紳臺山皆三論學。皆以見性爲宗。意欲徹儒佛之樊。而游大同之宇。林寧載東原。蓋嘗遺書辨之云。

李剛主先生事略

顏元

王源

劉齊

張白超

劉捷

李先生璠字剛主直隸蠡縣人父明性故明諸生學者私謚孝
愨先生性篤孝其父春秋高日必五六食孝愨率其婦馬雞鳴
起盥漱問安每食心手捧持之自奉穰竅不繼嘗侍疾數月衣
不解帶居喪屏酒肉不入中門晨興必上家號泣六年如一日
雍正十年被旌保定故多儒者容城孫徵君奇逢講學蘇門閒
祁州刁孝廉包聚生徒里閭孝愨獨篤行卻講謂學貴實踐與
同邑王法乾五公山人王餘佑相期爲有用之學晚乃得顏習
齋習齋名元字渾然博野人明末其父戍遼東歿習齋貧無立
錫地百計負其骨歸墓世以孝子目之其學主忍嗜慾苦筋力

以勤家而養親。而以其餘習六藝。講世務。以備天下國家之用。以是爲孔子之學。而自別於程朱著存性有學。存治存人四編。蓋目擊明季諸儒空談心性之失。而力矯其弊也。先生弱冠卽從習齋游。躬耕善稼。穡雖儉。歲必有收。而食必粢糲。妻妾子婦。執苦身之役。舉康熙庚午鄉試。晚歲授通州學正。浹月以母老告歸。長官不能奪也。先生博學工文辭。與慈溪姜宸英齊名。又嘗爲其友治劇邑。逾年。政教大行。用此名動公卿間。明索一相。國嘗延先生教其子。不就。安溪李公撫直隸。薦其學行於天子。固辭而不謝。諸王交聘。輒避而之。他大興王源子崑繩。恢奇人也。所慕惟漢諸葛武侯。明王文成。而日程朱爲迂闊。見先

生大悅。因與共師事習齋。時年將六十矣。方望溪苞訝之。崑繩曰。眾謂我目空並世人。非也。果有人敢自侈大乎。先生嘗與望溪論習齋之學。望溪曰。程朱未嘗不有事於此也。但凡此乃道之法跡耳。使不由敬靜以探其源。則於性命之理。知之不真。而發於身心。施於天下國家者。不能曲得其次序。先生色變爲默。然者久之。崑繩概不快意。既葬二親。遂漫游。將求名山大壑。以隱身焉。雖妻子不知其所之。居數年。忽過望溪。曰。吾求天下士四十年。得子與剛主。而子篤信程朱之學。恨終不能化子爲是。以來留。兼旬盡發程朱之所以失。習齋之所以得者。望溪不與爭。將行。憮然曰。子終守迷。吾從此逝矣。望溪曰。子之言盡矣。吾

可以言乎。子母視程朱爲氣息奄在人。觀朱子上孝宗書雖晚明楊左之直節無以過也。其備荒浙東安撫荆湘西漢趙張之吏治無以過也。而世不以此稱者。以道德崇閣稱此轉其小焉者耳。吾姑以淺事喻子。非其義也。雖三公之貴。避之若浼。子所能信於程朱者也。今中朝如某某子。夙所賤惡。倘一旦揚子於朝。以學士或御史中丞徵。子將亡命山海而義不返顧乎。抑猶躊躇不能自決也。吾願子歸視妻孥。流行坎止。歸潔其身而已矣。崑繩自是終其身。口未嘗非程朱。其後望溪出刑部獄。先生往唁。以語崑繩者。語之先生立起自責。取不滿程朱語。載經說中。已鏤板者。削之過半。望溪舉習齋有治存學二編之未愜者。

告之先生隨更正曰吾師始教師以改過爲大吾敢留之爲口
實哉習齋無子先生中歲遷博野爲葺祠堂以收召學者望溪
使子道希從先生學博野去京師三百里先生復三至望溪家
一聞其母疾再弔喪終則自計衰頹恐不能更出就與言別驅
柴車長子習仁御往返芻秣皆載車中知望溪時窶且艱也初
先生喪親服闋慨然曰禮云居喪未葬讀喪禮既葬讀祭禮喪
復常讀樂章今古樂並亡當誰讀者既聞毛西河檢討精於樂
律且得其竟山樂錄皇言定聲錄二書卽束裝走三千里往
受業凡三日盡得舊所傳五聲二變四清七始九歌十二管并
器色旋宮諸遺法且能正西河樂書訛謬二十餘字西河大驚

乃盡出所著俾論定今西河經史文集四百餘卷皆先生所編輯也。所自著曰恕谷集十三卷。周易傳註七卷。筮考一卷。郊社考辨一卷。論語傳註二卷。大學中庸傳註各一卷。傳註問一卷。李氏學樂錄二卷。大學辨業四卷。聖經學規二卷。小學稽業五卷。

卷

崑繩一字或菴。少喜任俠。言兵。從甯都魏叔子學古文。性豪勁。尚氣於文章。自謂左史昌黎外無北面者。年四十始遊京師。徐相國元文賓禮之。諸公排纂文史。必就質焉。明史稿兵志其所作也。或病其不習時文。笑曰。是尚需學而能乎。因就有司求試舉。京兆第四人。曰。吾寄焉。以爲不知已者。詎厲也。晚年與李剛

主師事顏習齋學禮終日正衣冠對僕隸必肅恭然自負經世學益堅曰吾所學乃今始可見之行事非虛言也既而爲汙漫遊見人不自道姓名逾六十復歸客死山陽生平內行篤修其兄死旬歲中貌若非人卒之日神色傲然無一語及家事著有易傳十卷平書二卷兵論二卷及或菴文集評訂孟子並春秋三卷行於世良繩與方望溪交最篤同時論交者曰劉言潔張彝歎劉古塘望溪爲作四君子傳

言潔名齊無錫人康熙丙寅以選貢入太學當是時崑山徐尙書以收召後進爲已任祭酒司業多出其門士有爲尙書所可者名輒重於太學由此雋鄉會猶歷階然惟言潔與其有三數

人閉門修業。孤立行己。意蹟而不悔。久之。此數人遂爲清議所從出。士之立名義者。皆歸之。雖布衣。其重若與公卿相。躋教習。期滿。例當得知縣。而某少宰起荒陬。至大僚。欲擅風雅之譽。博人禮先焉。謂往見必爲選首。君謝不往。某銜之。注籍州判。某由是叢詆訕。而言潔望益高。或曰。將飛者縮翼。言潔自此遠矣。君聞卽日趣裝歸。歸數年。卒。年四十七。性沈毅。與人君終日溫溫。人皆嚴憚之。偃臥一室。天下士常想見其風采。與方百川同視鄉賢。

張舜欵。名自超。高淳人。少孤。課耕奉其母。研究經史。一以躬行實踐爲本。困諸生幾三十年。未嘗有愠色。年近五十。舉康熙癸

未進士而不肯試爲吏。性明決。所不爲。眾莫能奪。所欲爲。雖困。不以自悔也。無子。母疾篤時。爲員妾。命入側室。泣曰。兒方寸亂矣。雖入室。不能合。歡成子。姓天。果不絕。張氏兒何患無子。其後終。母喪數年。妾終不孕。眾乃歎其知命而不惑也。歲連祲。死者相籍。君賤價斥其田。首捐二百金爲富人倡。晚歲。家日落。取菽麥雜糲稗食之。或遺以財。終不受。鄉人有不善。常長其知。徐文定撫浙時。聘主書院。後奎召入都。行至荏平。無疾而卒。著有春秋宗朱辨義。

劉捷字古塘。江甯諸生。試必壓其儕。名日起。獨自謂所業弗善也。發憤窮經史。久之。出所爲文。眾弗善。以進於有司。則擯焉而

君顧自喜貧甚。母家給田數十畝。盡以歸庶弟。而覓食自活。以名在天下。諸大府常不遠數千里。厚幣招之。年羹堯巡撫四川。固請與偕。議加賦力爭而止。遂以他故行。曰。其心神外我矣。能守吾言。以期月邪。及督川陝。復固請以往。再三見陝。曰。而歸。張文端公鵬翮督學江南。招入使院。有故人夜詣君。出千金爲其姻家請事。君曰。吾不意子以此等人視我。其自遠方歸。解裝嘗得數十百金。戚族環至。視其所急而分之。隨手盡。朝炊不繼。晏如也。兄輝祖字北固。康熙庚午舉鄉試第一。及辛卯。君復爲省元。以磨勘停科。癸巳赴公車。適望溪以南山集被逮。室此土。君曰。吾義不可不偕行。至京師。已失試期。後遂不復與試。

張警庵先生事略

事能靈

李圖南

李戎文

先生諱鵬翼字蜚子晚號警庵福建連城人幼知好學塾師教以作文取科第心疑之十四歲熟讀四書大全忽悟曰心當在身內身當在心內弱冠籍郡庠尋食廩餼越三十年充歲貢質素弱初學導引攝生術五十後專用持敬寡欲之功神氣日固壽八十有八生值亂離十二歲明亡播遷飢饉而學不廢迨閩疆底定士務進取先生年已四十遭耿逆之變棄舉業及返初志是時始見近思錄及朱子全集更十年始見薛文清讀書錄連城處萬山中無師承先生銳意問學而自治嚴整終日端坐雖跬步不苟盛暑不袒初事親養志無違居喪蔬食三年不外

遊不內寢。動必以禮。嘗曰。考亭易簣之年。乃我下帷之始。盡俛焉。曰。有孳孳。不知其老且耄也。讀四子五經。自識心得。名說略輯。濂洛關閩要言。爲禮學入門。又爲後四書采歷代名臣爲將相諫三譜。綜二十二史定史案。考古今疆域。九邊阨塞。黃河原委。著中華世統圖說。當明季學術龐雜。海內宿老如孫夏峰。李中孚。黃梨洲。尙多濡染。先生與當湖陸清獻公並時。宗主程朱。異地同心。生平韜晦。不自表襮。儀封張清恪公撫閩。蒐羅碩彥。悔未及知先生。漳浦蔡文勤公書酷學二字表其間。先生晚年喜與長江黃霏陽聲遊。其及門則黃建中。劉偉克傳其業。所居鄉曰新泉。男女往來分二橋道。不拾遺。市中交易。先讓。外客皆

服先生之教也。所著書尙有芝壇日讀小記。皆切倫常日用之道。與林赤章霞起。及童玉鉉。李岷峰董若水四先生友。號曰四愚。構四愚亭於冠豸山中。先生結屋獨居山之深處。讀書鼓琴。自樂。地故無水。禱而得泉。玉鉉修山志。有二十四景。先生爲之記。耿逆僞將軍劉應麟欲聽琴。擄先生至郡。先生白衣抱琴不拜。應麟知其難屈。遽釋之。歿三十餘年。當事題入鄉賢祠。同時入祀者有童寒泉先生。童先生諱能。字龍傳。晚號寒泉。警菴同邑人也。爲諸生好學。守程朱家法。不失尺寸。乾隆丙辰薦博學鴻詞。累舉優行。皆以母老辭。母年登九十。兄弟白首同居。居喪以禮化。及鄉人學使。

者重之。欲以優行貢成均。仍不赴。乙丑主漳州芝山書院。閱七月。以微疾端坐而逝。前一夕。與學博鄒君共飯。出手書一帙。皆身後事也。年六十有三。著有朱子爲學考。專考朱子爲學次第。其間淺深疏密。異同曲折。逐年逐月。纖悉畢具。與陳氏通辨一書。專論朱陸異同者。稍有別云。又著理學疑問。周易賡義。樂律古義。河洛太極辨微。諸書皆從苦心力索得之。雷翠庭先生稱其精神與古經傳相憑依。所造深以邃。嘗再遊武夷。歸築室於邑之冠豸山翠庭。嘗訪之。孤館寒燈。商訂舊學。時北壁破。風氣栗烈。以草薦。暗之意怡然。自樂也。連城理學始自宋之邱起潛。明之童東臬而警庵寒泉繼之。力敦倫紀。嚴辨朱陸異同。張清

恪撫蜀時。建文溪書院。祀起潛東泉兩先生。起潛蓋長汀楊淡軒高弟。東泉則臨川吳康齋高弟也。後增建五賢書院。中祀宋五子。而以警庵寒泉配焉。

李先生簡庵者。名圖南。字開士。亦連城人。性端敏。甫四齡。成誦四子書。能敷荅節習舉業。工詩古文。旣而歎曰。吾學自有身心性命所宜急者。可以虛名驚乎。於是究心濂洛關閩。書以反躬切以爲務。居連峯點石諸山者久之。嘗曰。學者惟利名之念爲害最大。越此庶可與其學。弱冠餽諸生舉。康熙庚子鄉試。屢上公車。不第。未嘗不自得。事父母以色養。居喪盡禮。平居恂恂若不勝衣。遇不韙。輒義形於色。邑令杜某其父舊亦宰連城。自爲

生祠既去。民改祀朱子。迫令至。欲復之。眾莫敢言。君毅然曰。太守爭之。令怒甚。索君素行。無可瑕疵。乃已。家居讀書。彈琴養殮。或不繼。雍正九年。吏部檄天下舉人。需次縣令者。先赴京學習政事。君至。觀政戶部。隸湖廣司。以母病亟歸。歸而竟先母卒。年五十七。好讀易。卒時。自以未竟其業。命子納易於懷。以殯。雷翠庭謂學聖人。必自狷者始。君庶足當之。子成。文字。仲彭。性介潔。爲名諸生。境極困。授徒自給。歲終。以徒學未成。引爲愧。束脩有半受者。有全御者。其徒益感憤。自勵。嘗應舉。以驢餽。固辭。或遺其家。旣而知之。卽酬以古琴。聞翠庭先生之喪。徒步行二百里。往弔。不受祭而歸。

國朝先正事略卷三十一 名儒

朱湘陶先生事略

潘恬如

錢民

任德成

平江李元度次青纂

朱先生澤澣字湘陶號止泉江蘇寶應人少勤學得程氏分年
日程卽依次讀之閱數年而徧更擲覽天文與地諸書窮竟原
委久之始有志聖人之道讀朱子語類有心得反覆不厭嘗言
世之名朱學者其居敬也徒矜持於言貌而所爲不覩不聞者
離矣其窮理也徒泛濫於名物而所爲無方無體者昧矣於是
有舍德性而言間學以爲朱子固如是者不知從來道問學莫
如朱子尊德性亦莫如先子觀朱子中和之說可知矣故知居


敬窮理止是一事窮卽窮其所存之心存卽存其所窮之理非
有二也。平居齋肅如對神明。遇喪祭一以朱子家禮爲法。雍正
六年。詔公卿各舉所知直隸總督劉公思恕欲薦先生。命其
弟造廬請弗應。晚歲得脾疾。然猶五更起。盟沐觀書。至夜分不
倦。誠其子曰。聖賢工夫正於困苦時驗之。若稍縱弛。便至墮落。
可不懼哉。疾甚。吟邵子詩。別親友。怡然而逝。年六十七。著有朱
子聖學考略。朱子誨人編。王學辨先儒闢佛考。陽明晚年定論。
止泉文集。嘗講道錫山。通書關中。皆闡明紫陽之學。歿後學者
祀之東林道南祠。同時有潘恬如者。字克先。長洲諸生也。其學
切於內省。聲光闇然。以師道推重鄉里。與彭南昫尤展成友。康

熙三十五年。以疾終年八十。先一日致書展成曰。病甚弗起矣。存吾順事。殂吾殯。到此覺真實受用也。南酌歎其知命。又錢子仁名民。嘉定人。早孤。棄書學。賈既長。數爲鄉里所侮。乃慨然有志於學。聞青浦有孔子衣冠墓。齋戒往禱。願爲聖人之徒。其夕夢一丈夫告之曰。道之不明。由後儒之說亂之也。子欲爲學。屏去漢以後書。其可旣歸。取四子書力究之。時年已三十矣。題所居曰存養廬。宴坐其中。反觀默識。日有省發。陸清獻公知嘉定。子仁從之論學。又五年。復往平湖見之。清獻與語多不合。訝之。子仁曰。公從宋子入。民從尼父入耳。嘗言聖學貴本末兼盡。始終有序。大學所謂知本者。作聖之基也。誠正者。作聖之功也。中

庸所謂尊德性先也本也。道問學後也。未也。卽物窮理其病在
於無本。六經注我其誤在於無末。論語曰。君子務本。本立而道
生。朱子以爲學者不可厭末求本。教人但學其末。是所謂其本
亂也。本亂而未可治乎。此未合乎大學也。孟子曰。堯舜之智不
徧物。中庸曰。雖聖人亦有所不知焉。朱子教初學卽責以知既
盡而後意可誠。又云格物者窮事物之理。如此則意之惑
茲。甚又安得而誠乎。且堯舜之智不能徧物。况初學乎。是未合
乎孟子也。又云。今之學者不求孔孟之實而紛紛焉爭朱陸之
異同。是謂舍田而芸人之田。終亦必亡而已矣。其篤於自信如
此。子仁卒於康熙中後七十餘年。族子大昕爲之狀。指紳閒始

有傳其學者。又任先生德成字象元吳江諸生也。篤於儒行。奉
朱子白鹿洞規。因集自漢及明先正格言。與洞規相發明者。爲
一編。曰洞規大義。居鄉勤施濟。置社倉。創鄉塾。濬萬頃江。達之
太湖。里中無水患。年饑。煮粥食。餓者有偷。見夜入其室。手量米
一斛。給之。命無恐。且誠曰。此危道。慎勿更爲。其人叩頭負米去。
徧告其黨。相戒勿竊。任氏語頗聞於時。而象元初未以語人也。
雍正初。鄂文端公爲布政使。舉君賢良方正。固辭。乃已。年八十
得疾。誠其子曰。勤讀書。勉爲善。守此兩言足矣。送吟康節詩曰。
俯仰天地間。浩然無所愧。吟罷而逝。乾隆三十七年也。後詔
求天地遺書。其家以所著上之四庫館。

此乃由... 天... 其... 而... 之... 也... 日... 人...



徐青牧先生事略

先生諱世沐字爾瀚號青牧江蘇江陰人少孤奉母孝力學自立補學官弟子見太極西銘諸書發憤志道自歎囿於舉子業如井蛙焉其學篤信朱子切已反求務有益於身心其辨別異同務歸於實踐俾人無惑歧途而後已其虛心抑志不敢自是至耄年如一日也先生少時猶及交太倉陸桴亭無錫高子旃武進馬一庵諸先生往來論學無虛日關中李二曲南遊先生與深談久之二曲曰子學篤而行未廣答曰先生行高而學未醇其不苟同多類此晚以子恪選拔人都攜之行遂館焉閉戶讀書日有記注仇君滄柱見而驚歎颺言於眾由是安溪李公

當湖陸公亟與訂交。先生所著四子書、易詩書儀禮周禮春秋、孝經小學及明紀諸編，統名之曰惜陰錄。其大指以爲聖賢之學，隨知隨行。若知而不行，雖讀盡十三經、二十一史，徒做精神。其光陰可惜也。故嘗深痛舉業之驅人人鄙欲學者，實從事於聖賢之道，而勿務空知。當湖手鈔其四書中精要語而爲之跋，謂與曾子之尊聞行知、董生之正誼明道相表裏，而自矢以餘年。竭其駑鈍，作秉燭夜遊計。其爲當世大儒所傾服如此。當湖以御史罷官，先生亦旋里。越二十五年，乃卒。年八十有三。疾革，召老友陳克艱與訣，遺命勿作佛事。息心端坐而逝。克艱與先生同里共學，繼之者則楊文定公名時也。

向荆山先生事略

黃良輔

程登泰

向先生璿字荆山號惕齋浙江山陰人少政舉子業年二十居
母喪始觀性理書一日讀孟子至人之所以異於禽獸者幾希
瞿然曰吾其遂甘爲禽獸乎切已悔過心不甯者數月乃從王
行九請業行九者王文成公裔也方講良知之學先生及其門
去而以書往復者數四益自信集里中十餘人爲輔仁會每月
朔一舉威儀進止皆有法先生服膺王學者六七年讀程朱書
忽自疑偶得高忠憲公年譜讀之遂舍其故所學一以程朱爲
宗惟守小學近思錄諸書與學者辨析異同其自省亦日密當
言事事反躬刻刻畏天一刻不畏天便是罪過一事不反躬便

涉怨尤。故其平居雖小過失。刻責甚至。日之所作。夜必告天。家貧。或終日不舉火。而手不釋書。著志學錄。四書記疑。明其所得。於程朱者。雍正九年卒。年五十。門人黃良輔。程登泰。能傳其學。良輔字序言。登泰字魯望。皆先生同縣人。聞其論學。有省。遂受業焉。始宗王學。卒歸於程朱。序言能文章。善闡其師說。魯望以侍父病。得咯血疾。疾亟。讀書不輟。或止之。則曰。死命耳。以學死。不愈於徒死。平卒。年二十有九。序言後先生一年卒。

李恒齋先生事略唐鑑

李先主文昭字元明號恒齋湖南善化人幼有奇慧知向學十歲適郡城其父攜往文廟告以羣賢配享從祀之故先生歎曰如此庶不枉一生十歲補弟子員博通經史舉康熙癸巳鄉試官穀城教諭與同里熊班若邵陵車補梅瀉山張石攻邵陽王醒齋諸同志共勉爲濂洛關閩之學於書無所不讀讀無務究其蘊奧雖子史梵書亦必批其根柢嘗言不察二氏之所以非妄知吾儒之所以是不觀諸子之有醢有駮安知吾儒之醢乎其醢不審秦漢以下之成敗得失安知三代以上帝德王猷之盡善盡美也性純孝躬行實踐篤於人倫以扶持世教爲任主

講嶽麓書院數年從遊者眾悉訓以修己治人之學著周易拾遺六卷周禮集傳六卷春秋集傳十卷太極通書拾遺後錄正卷西銘拾遺後錄二卷正蒙集解九卷近思錄集解十四卷慮與詩解一卷訓子詩解一卷家禮拾遺三卷恆齋文集十二卷傳於世其未出者語類約編聖學淵源錄四書詳說楚辭集註拾遺增刪儀禮經傳通解古文醕古詩的先生之學一以朱子爲歸其通書集解序曰昔者哀周之運百家競作孔孟之徒有憂之集微言而成論語遵正學而著七篇使學者不迷於向方其功盛矣自秦漢以降道術分裂荀揚王韓各駕其說而不能相一有宋周子以先知先覺之誥建圖屬書弁冕羣言以傳之

程氏而張氏亦與有聞焉。推演廣大，辨析精微，所謂爲五地立心，爲生民立命，爲往聖繼絕學，爲萬世開太平者也。顧其業至廣，其說愈詳。學者乃或望洋而興難，甚至未嘗究其顛末而妄肆詆訶，有如陸九淵議太極之非，是大原可得而湮也。林栗攻西銘之失，是宏綱可得而絕也。程迥詆王敬之誤，是聖功可得而廢也。陳亮疑道治天下之迂，是王猷可得而雜也。朱子蓋深憫之，不得已而作近思錄，著性命之蘊，而天下之言道者有所宗。揭進修之要，而天下之言學者有所準。至於窮理居敬克己之方，齊家治國平天下之法，以逮應物教人制心之則，與夫閑邪說、宗正說之歸，莫不舉之有要而循之有序。誠可以羽翼四

子而補其所未備焉。欲求四君子之道而不先之以是書，固不得其門而入矣。然其微辭奧義，多未易曉。朱子雖往往發明之，而散見於羣書。學者欲觀其聚焉而不可得也，竊不自揆，爲之哀集而次別之。而又取其意之相類，與其說之相資者，條而附之以備一家之言。至其所闕之處，則取葉氏、陳氏、蔣氏、胡氏之言以補之。閒亦或附已意於其閒，庶幾可以便觀覽，備遺忘，以待同志者之取裁而已。嗚呼！學者誠能遜志於此書，則諸子百家皆難爲言。而於內聖外王之道，不患其無階以升，較之役志於辭章之中，老死於訓詁之下，風摧浪旋，無以自拔，而猶自矜衣鉢之傳者，其小大之不同，量爲何如也。聊志其概，以自警云。

其語錄約編序曰。大化之運元必歸貞。道統之傳開必有會之。故修和之盛。司空告其成。謨烈之垂。家相成其德。洙泗衍其傳。命世發其蘊。斯蓋卓然自立於一代而萬世共由之也。秦灰既烈。聖道中淪。雖董韓孫石之才。而莫能振其緒。迨濂洛疊起。而道統於是乎中興。然合志者未免夷惠之偏。及門者鮮有顏曾之匹。而道術亦復爲天下裂矣。藉六經以文。好言託三代以飾。唐攻蠱中於君心。毒流於生民。是王氏之學也。尙縱橫之詭習。揚精阮之餘波。其文適足以滅質。其博適足以溺心。是蘇氏之學也。恃履忠蹈信之資。蔑知言窮理之學。醇大而疵亦不細。功多而過亦不少。是司馬氏之學也。以佛乘爲道岸。以禪悟爲儒。

修肆淫。詖邪遁之辭。攻頓。瞞。蝨。賊之技。是張氏之學也。昧心性之大原。務德業之崇廣。九層之臺。不積於累土。千里之行。不謹於舉步。是胡氏之學也。譏問學。爲榛塞。詆思辨。爲陸沈。聚精會神。而以爲德性。任性率意。而以爲天機。是陸氏之學也。擇善之不明。而託於運。厚立已之。不固。而流爲通融。博學多聞。而不知守約窮源之要。是呂氏之學也。卽器而謂之道。卽物而謂之則。侈心於制度之未鑿。知於文爲之繁。是永嘉陳氏之學也。義與利雙行。王與霸雜用。枉已而思以直人。詘身而思以伸道。是永康陳氏之學也。神徂聖伏。百喙爭鳴。於是晦翁朱子。獨與敬夫。平通左駉。右介攘剔之扶持之。然後聖道大明。如日月之經天。

江河之行地從遊之士幾編天下而訓誨諄懇提撕反覆憂之
深而言之切慮之遠而說之詳顧紀錄之多未免重複識見之
悞未免舛訛敬軒葛子蓋屢以刪修詔後之人而未有承其志
者竊不自揣擇其言之精粹者勒爲一編名之曰約至若四書
五經太極通書西銘之說則前民固已衰集於傳註之下惟程
張之書之發明者則附於近思之集解禮儀之辨晰者則附於
家禮之拾遺故其所編者獨此而已其他文集則將八古文之
選而獨取知舊門人之間答列於各傳之末焉嗚乎宋之道統
先知先覺周子以之其斯道之元乎有典有則程子以之其斯
道之亨乎無內無恨朱子以之其斯道之利貞乎然則讀是書

者何異。哈大成之再集也哉。先生卒祀鄉賢祠。

同縣唐先生鑑字鏡海。陝西布政使仲冕子也。嘉慶十四年進士。由檢討授御史。劾武陵令顧烺圻貪劣狀。一時稱快。出知平樂府。盡除陋規。不以一錢自污。創立猺疆義塾。陋俗丕變。遷江安糧道。置嘉晉於法。累遷江甯布政使。入爲太常卿。海疆事起。疏劾總督琦善耆英等直聲震天下。以老告歸。咸豐元年。文宗下詔求賢。召赴闕奏對。稱旨。辭以老不能任職。優詔加二品銜。命回江南主書院講席。矜式後學。七年卒。特旨予說生平力崇正學。闢陽明不爲調停兩可之說。著學案小識。以示宗旨。又著畿輔水利書。召對時曾以進呈。詔嘉納焉。

王白田先生事略

王先生懋竑字予中江蘇寶應人。世爲儒家。叔父式丹以詩文名。康熙四十二年。賜進士第一人。世所稱樓村先生者也。先生少從叔父學。卽自刻厲。又與方先生望溪交篤。志經史。恥爲標榜之習。康熙戊子。舉鄉試。又十年。成進士。年已五十一矣。諸鉅公多物色之。先生皆堅謝。嘗云。黃陶庵有言。人止羨三年中之一人。不知更有數十年數百年之人。此語殊足念也。時太倉王公常熟蔣公補薦三人。皆館選。先生皆未一往。適蔣公五十生辰。或約往祝。亦謝之。有笑其拙者。先生曰。正欲爲天地間留此一脈耳。逾年。改就安慶府教授。重建培元書院。以學行造士。語。

學者曰人一號爲名士無足取矣。雍正元年

世宗手諭蔡世遠王懋竑喬崇修均著調取來京。先生應召

特授編修。上書房行走時同直者滿洲福敏公徐元夢公高安

朱公軾皆負一時重望。而先生尤邃於經術。原原本本有叩卽

應。明年春以母憂去官。特賜內府自金爲喪祭費。諭以治

喪畢卽來京。不必俟服闋。先生性最孝。善病。居喪哀毀踰禮。明

年入都謝恩畢。遂以老病辭歸。時年未六十也。性耿介恬淡

少嘗謂友人曰。老屋三間破書萬卷。平生志願足於斯矣。歸田

後杜門著書。當路要人雖素親厚。未嘗以竿牘及之。晚年校定

朱文公年譜。於文集語類考訂尤詳。謂易本義前九圖筮儀及

家禮皆後人依託。非文公所作。其略云。朱子於易有本義。有啟蒙。與門人講論甚詳。而此九圖曾無一語及之。九圖之不合於本義。啟蒙者多矣。門人何以絕不致疑也。本義之敘畫卦云。自下而上。再倍而三。以成八卦。八卦之上。各加八卦。以成六十四卦。初不敢參以邵子之說。至啟蒙則一本邵子。而邵子所傳止有先天圖。其伏羲八卦圖。文王八卦圖。則以經世演易圖推而得之。同州王氏漢上朱氏易皆有此三圖。而啟蒙因之。至朱子所自作橫圖六則。注大傳及邵子語於下。而不敢題云伏羲六十四卦圖。其慎重如此。今乃直云伏羲八卦次序圖。伏羲八卦方位圖。伏羲六十四卦次序圖。伏羲六十四卦方位圖。是孰受

而孰傳之耶。又云伏羲四圖其說皆出邵氏。按邵氏止有先天一圖其八卦圖後來所推六橫圖朱子所作而以爲皆出邵氏。是誣邵氏也。又云邵氏得之李之才李得之穆修穆得之希夷先生此明道敘康節學問源流如此。漢上朱氏以先天圖屬之已無所據。今乃移之四圖若希夷已有此四圖者是并誣希夷矣。文王八卦說卦明言之本義以爲未詳。啟蒙別爲之說而不以入於本義。至於乾天也故稱乎父一節本義以爲揲蓍以求爻。啟蒙以爲乾求於坤坤求於乾與乾爲首兩節皆文王觀於已成之卦而推其未明之象與本義不同。今乃以爲文王八卦次序圖又孰受而孰傳之耶。變卦圖啟蒙詳之蓋一卦可變爲

六十四卦象傳變卦。偶舉十九卦以爲說。爾今圖卦變皆自十二辟卦而來。以本義考之。惟訟晉二卦爲合。餘十七卦皆不合。其非朱子之書明矣。筮儀之文。亦不類朱子士冠禮特牲饋食少牢饋食禮。筮者皆西而。惟士喪禮筮宅以不在廟故。筮者北面。今直云筮者北面見儀禮。朱子豈不讀儀禮者。而疏謬若是耶。自直齋陳氏謂本義首別九圖。末著揲法學者。遂以九圖揲法爲本義原本所有。而不知其爲後人依託也。家禮載於行狀。其序載於文集。其成書之歲月載於年譜。其亡而復得之由載於附錄。似無可疑者。然李公晦敘年譜謂家禮成於庚寅。居祝孺人喪時。乃文集答汪尙書與張敬夫呂伯公書論祭儀祭說。

往復甚詳。汪呂書在壬辰癸巳。距庚寅僅二三年。家禮既有成書。何爲絕不之及也。語錄云。向作祭儀祭說。甚簡而易曉。今已亡之矣。則是所亡者。乃祭儀祭說。而非家禮明矣。文集語錄自家禮序外。無一語及家禮者。惟與蔡季通書有已取家禮四卷。納一哥之語。此儀禮經傳通解中家禮六卷之四。非今所傳之家禮也。勉齋作行狀。在朱子歿後二十餘年。其時家禮已盛行。故不欲公言其非。但其詞略而不盡。其書家禮後。謂經傳通解未成爲百世之遺恨。則其微意亦可見矣。後人雖云尊用其書。實未有能行者。故其中謬誤多不及察。今按家禮云。非嫡長子。則不敢祭其父。若與嫡長同居。則死而後。其子孫爲立祠堂於

私室。且隨所繼世數爲龕俟其出而異居。乃備其制。此據禮支子不祭之說。然死而立祠。私室勢有難行。假令支子有四五人。而同居。則將立四五祠堂。不知何地可以容之。又云生而異居。則預於其地立齋以居。如祠堂之制。死則以爲祠堂。此於古無所據。生而自爲祠堂。已非人情。子爲父立。則尤不可。紫陽所定之書。必不爾也。士冠禮鄭注云。廟爲禰廟主人。將冠者之父兄也。賈疏。家事統於尊祖。在則祖爲冠主。蓋以父言。則祖爲禰廟。以祖言。則曾祖爲禰廟也。家禮改以繼高祖之宗子爲三。其非宗子之子。則冠不於禮之祖堂。而於高祖之祠堂。而主人亦非將冠者之親父兄。不亦遠於禮乎。後世封建旣廢。無別子爲祖。

繼別爲宗不例凡爲大宗者其始皆繼高祖之宗也。然傳之六世以後則當云大宗而不得。謹云繼高祖之宗。其二世以下繼高祖之宗。五世則遷。故曰小宗。今家禮一以繼高祖之宗爲主人。以大小宗論則去大宗而就小宗。以遠近論則舍同父之兄弟而就同高祖之三從兄弟。進退皆不可矣。告遷於祠堂一條云。族人。有親未盡者。遷於最長之房。尤爲無義。夫支子不祭。禮也。今使最長之房主高祖之祭。其爲繼曾祖之宗。則向不得祭高祖者。而今反得祭其爲繼祖之宗。則曾祖且不得祭其爲繼禰之宗。則祖且不得祭其爲繼禰之宗之支庶。則禰并不得祭。而今反得祭其高祖。此說之不可通者也。且繼曾祖之宗以下。

本無高祖之龕將別爲龕以祭之乎抑竟直於所虛之龕乎若
繼禰之支庶則並無祠堂其將祭於寢乎况高祖而下必不止
一房最長之房既卒又有一次長之房是使高祖之主流轉於
支庶之家而遷徙莫知所定豈敬宗收族之義乎此必非朱子
書也同邑朱澤雲潛心朱學據答南軒書云敬貫動靜而以靜
爲本謂必從主敬以透主靜消息先生辨之曰人之有動靜也
猶其有呼吸也靜則必動動則必靜論其循環則有互根之妙
諭其時節則有各致之功朱子已發未發說作於己丑有以靜
爲本之語甲午乙未以後不復主此說矣主靜之旨出於濂溪
而朱子丙申作濂溪書堂記己亥作隆興祠記癸卯作韶州祠

記癸丑作邵州祠記俱不言言主靜蓋敬可以貫動靜而靜不
可以該動專言靜則偏矣先生於諸史皆有考證實事求是
爲抑揚過當之論其考孟子書齊人伐燕事謂通鑑據孟子以
伐燕爲齊宣王而宣王卒於周顯王之四十五年又三年慎靚
王元年燕王噲始立又七年齊人伐燕則不可以爲宣王事也
於是上增威王之十年下減湣王之十年以就伐燕之歲其增
減皆未有據而仍以燕人畔爲湣王時則與孟子亦不合不知
孟子七篇所言齊王皆湣王非宣王也湣王初年兵強天下與
秦爲東西帝其所以治國者亦必有異矣孟子謂以齊王由反
手王由足用爲善皆道其實而其好勇好貨好色不能自克未

年之禍亦基於此。後來傳孟子者，改湣王爲智王，以爲孟子諱。蓋未識此意耳。孟子去齊，當在湣王之十三年。四年下距湣王之歿，更廿五六年。孟子必不及見公孫止。兩篇皆稱王而不稱諡，乃其元本。而梁惠王兩篇稱宣王，其爲後人所增無疑矣。先生撰述已刻者，白田草堂集二十四卷。朱子年譜及讀史記疑若于卷，晚年貧益甚，布衣蔬食，恬然安之。有婚嫁事，營辦苦不給。誠其子曰：「此等處須撥去。世俗見解放開眼界，直以古人爲洪若有一豪自歉，則非矣。疾革不亂作詩訓。子曰：『人之立身，惟孝與忠。恕以接物，慎以持躬。讀書考古，其益無窮。守此不失，先世遺風垂歿之言，汝其敬從。』」六子各書一紙，給之。整衣冠端坐逝。

乾隆十六年十月也年七十有四

孟瓶庵先生事略

謝金鑾

先生諱超然字朝舉號瓶庵福建閩縣人乾隆二十四年鄉試第一明年成進士選庶吉士改兵部主事累遷吏部郎中三十年典試廣西三十三年分校順天試尋督學四川廉正不阿遇士有禮蜀人爲立去思碑使還以親老請急歸年甫四十二遂不出巡撫徐公嗣曾請主龍峰書院書院跡自張清恪而蔡文勤爲之長相與講明正學其後繼之者惟林通政枝春張編修甄陶嚴惲有法先生立教以誠人人自奮於學論者謂不啻文勤主講時也性至孝待父疾必躬扶掖執廁臉家居名刺不入公府周戚族攜孤弱助嫁娶殯葬雖空乏必應嘗歎服徐陵我

猶有車可賣之言。有謗誣者。僞參者。久通者。卽置勿問。其學以懲忿窒慾。遷善改過爲修身立命之門。嘗曰。變化氣質。當學后成公。刻意自責。當學吳聘君。又曰。談性命則先儒之書已詳。不如歸諸實踐。博見間則將衰之年無及。不如返諸身心。其論明儒曰。明講學家宗旨最繁。王文成曰。致良知。其徒羅近溪易之曰。赤子良心。聶雙江曰。歸寂。季彭山曰。主宰。其緒曰。良知。王心齋曰。百姓日用。耿天臺曰。常知。李見羅曰。止修。耿楚侗曰。不容己。唐一菴曰。討真心。胡廬山曰。無念。湛甘泉曰。隨處體認天理。諸家各有語錄。不可勝紀。要之。陳白沙靜中養出端倪。爲王氏之先驅。而焦竑李贄之佛學。卽聖學亦王氏之極弊也。著喪禮。

輯略二卷以正閩俗喪葬之失傷不葬其親者惑形家言以速禍取孟子掩之誠是之語作誠是錄一卷記檢身實踐之要爲焚香錄一卷取周易復卦之義歸之損益二象爲求復錄四卷輯朱子粹語爲晚間錄一卷輯古今殺戒語爲廣愛錄一卷訓子孫爲家誡錄二卷雜考經史識遺佚爲避暑錄一卷又使粵使蜀日記各一卷詩文集十二卷嘉慶二年卒年六十有七學者祠祀之與同祀鄉賢者有謝先生退谷
謝先生退谷諱金鑾侯官人也乾隆丙午舉人官教諭其學以四子書爲綱五經爲輔末冠卽喜讀宋儒書比長交陳恥齋先生與語合送畢力心性之說旣復求之易書詩周官禮記篤好

胡東樵顧復初任荆溪方望溪四家之書謂其博通傳註而有
所領悟折衷使學者可以修諸身而見諸用庶乎孔門之功臣
矣其他考據家喜摭求古書闕新博愈古愈廢之說則以爲愈
佳將謂唐不如晉晉不如漢東漢又不如西漢宋以後則鄙夷
弗屑已矣其於聖人之經也不求其端不訊其末惟以訓詁名
物象數務考辨以語修己致用之力則無術焉謂之經學則可
不足以語經術也若胡顧任方四家可謂經術也已又言聖人
所以教人者曰忠信曰好學二者盡之矣蓋忠信則以日用實
行爲憑而無虛空高遠之說好學則極倫常變態之跡而無信
已執一之求故弟子大書特書曰子以匹教文行忠信言聖人

之教如此而已。子曰：十室之邑，必有忠信。如某者，焉不如某之好學。然則好學不尤重歟？吾於經術之言，獨取胡顧任方四家者，以四家讀經，皆汲汲於倫常日用，而非訓詁鈔錄者也。趙文恪督閩浙時，疏請以先生及鄭教授兼才入祀鄉賢祠。所著有泉漳治法、蛤仔難紀、略退谷文集。

（The text in this block is extremely faded and illegible, appearing as faint vertical columns of characters within a rectangular border. It likely contains the main body of the document's text, possibly a list or a detailed account, but the characters cannot be transcribed accurately due to the quality of the scan and the age of the paper.）

鄭慕斯先生事略

鄭先生文炳字慕斯福建莆田人。少有志操。長探性命之學。作正學論。要以洛閩爲歸。父光春客遊四方。音耗久絕。先生將往尋而莫所知。在問於母葉氏。熟記其狀貌。及離家年月。以行展轉蹤跡。至滇南旅寓。忽相見。號泣懇俱還。不果。父趣之歸。未幾父卒。復奔起負骸歸葬。子身跋涉萬餘里。一笠一橐。露宿草行。徬徨江楚。黔蜀閒。屢濱於死。人目爲孝子。汪學使薇拔補弟子員。張清恪撫閩。重其學行。選入鰲峰書院。從蔡文勤學。清恪調撫江蘇。遣使聘之。至講業年餘而歸。雍正乾隆兩舉孝廉。方正皆不就。太守欽其品。延主洞橋書院。訓迪不倦。倡修平海衛學。

建五賢祠年八十有六卒著周易聚義明倫集性理廣義省心
堂集諸書初先生之往尋父也娶婦吳氏裁數日及歸婦已死
東昌守程鯤化嘉其孝以女妻之子士仁有學行善事其親庚
午舉人其後嗣皆守道能女鄉里咸曰鄭孝子家

伊用侯先生事略

子秉綬

閩南儒者世服朱子緒言雖親受業姚江之門如薛行人中離於紫陽不敢少悖本朝安溪李文貞公漳浦蔡文勤公益推而明之文勤授甯化副都御史雷公雷公授同邑光祿卿伊公其爲學以慎獨爲本其推行始於固窮迄於成仁取義故其道近而難至其事質重而光明伊先生諱朝棟字用侯先世自河南遷甯化由拔貢生舉乾隆二十四年鄉試越十年成進士補刑部主事累遷郎中擢御史給事中嘗奏對純皇帝知其賢歷除光祿少卿通政司參議鴻臚卿大理少卿最後爲光祿卿將大用之矣病偏枯以乾隆五十七年乞休時

長子秉綬官刑部主事

予告後遂養病京師嘉慶元年扶掖

以與干畏宴其後秉綬知惠州府就養至惠州當是時嶺南多
姦民歸善博羅屢有爲逆者而提督標兵反與通大吏特諱言
之也秉綬既以先事請誅亂民觸總督吉慶之怒劾戍矣而亂
黨遂起先生乃謂子之屈可以不伸而嶺南自弁縱賊及兵與
賊通之患不可不詰身嘗爲九卿義不得苟止具疏將以聞吉
慶并劾先生落職聽勘於是亂益劇總督倉猝自裁勘者至奏
先生言皆實秉綬故無罪

上乃褒雪其事起秉綬知揚州府先生從至揚州以嘉慶十二
年八月卒年七十有九先生少湛靜勤者好持身尤耿介歲饑

食粥或欲周之而不能也。自聞雷公之學，益究心儒先書言動。有渠獲先後居喪，一用朱子家禮。茹蔬三年，哀感行路。相國蔡文恭公嘗曰：「居貧實樂，居喪實憂者，吾見伊君而已。」文恭名新。文勤公從子也。方處極困時，將會試而無資，適族子以事繫縣，持百金詣先生求一言，不可已。而事聞於縣，縣令雅重先生，竟釋族子。先生亦竟不受金。居邸舍二十年，治事甚勤，恪不求人知。獄有不平，必與同僚上官力爭之。人或悅或否，而不爲易諸城。劉文正公最賢之，欲薦舉。而文正旋歿，故自主事遷御史，皆用積資自給。事申以至爲卿，皆特擢，不由論薦。高宗嘗面諭曰：「福建理學之邦，汝謹厚守繩尺，朕所知也。惜以。」

疾未竟其用。晚以秉綬官中事爲國一奮天下觀其丰采及先生卒而閩學之傳或幾乎息矣。自少好讀書。所著南窗叢書多發先儒疑義。其爲詩尤有高韻逸氣。曰賜硯齋集。

秉綬字組似號墨卿。乾隆五十四年進士。嘉慶三年以員外郎典試湖南。其守惠州也。下車問民疾苦。汰陋規。抑豪強。倡修學宮。建豐湖書院。課諸生有程法。嘗修朝雲墓於蘇文忠祠沼中。得德有鄰堂硯人謂文忠以貺賢守云。陸豐甲子司奸民聚黨劫人限期勒贖。遲則支解之。乃請總督發兵速剿。幕中客多阻之不聽。總督因問策。秉綬曰。總兵錢夢虎素有威望。同知袁樹悉其地民情。如檄錢駐甲子而令袁曉諭父老使獻渠魁事當

濟從之果送七人出。未幾歸善博羅。變動時豐。不乘隙起者。誅此七人之力也。尋以擒勦歸善奸民陳亞本事。忤總督劾戍。曾新督倭什布至。平反入告。

仁宗以情事類。劉清之於魁倫。特免其罪。旋有揚州之命。賑淮南災。每邑置粥廠四。銀米皆親給。寢食爲廢。北湖湯家泮盜藪也。擒其魁數人。餘黨解散。一攝河庫道。再權運使。皆稱職。父憂歸闕。秋水園以奉母嘉慶二十年九月卒。年六十二。揚州士民祀之三賢祠。三賢者宋歐陽文忠、蘇文忠、本朝王文簡皆揚州名宦也。工詩。尤善隸法。好蓄古書畫。頗究性命之學。屏謝聲色。每食必具蔬。曰藉以清吾心耳。其被劾也。灑然若無事。值

坡公生日招宋芷灣輩設祀懸展筮小像其拜之賦詩飲酒極
歡高士徐薌圃曰嗟乎如墨卿者豈復有世閒升沈得失之念
在其意中哉所著曰留春草堂集

閻懷庭先生事略

韓夢周

滕綱

任瑗

閻先生循觀字伊嵩一字懷庭山東長樂人性穎敏讀書過目不忘年十八舉於鄉其學初好佛氏既讀宋儒書乃一奉程朱爲宗與濰縣韓理堂講學於程符山省身克己刻苦自立而諄諄致戒近名於河津之派爲近治經不立一家言而要歸於自得乾隆三十四年成進士授吏部主事當官議事務持大體覈功罪意所不可持之甚力公署會食率用四五簋先生獨自買麪餅食之同年生爲外官餽以金不受曰忝居議吏之地何敢辱君惠且不可以貧故累君也居二年引疾歸歸一月而卒年四十有五先生少孤及長每承祭哀慕累日其父母墓卑涇值

淫雨衆水交匯輒不食繞墓哭以是致羸疾議從墓旁濬渠洩其流數年而事不集久之卒遷葬焉益都李文藻曰當懷庭之遷葬也啟壙時恐水之敗其親之棺也恐敗其棺遂及其親之膚也省省乎其若欲以生殉親也若欲以身代親之體膚也既見棺無恙依依乎其親之再生也若孺慕乎其側也及遷葬封穴皇皇乎如弗克見也如親之初歿也戚友持掖之始克終事焉著困勉齋私記西澗文集尙書讀記毛詩讀記春秋一得名人小傳行於世先生之學以克己爲主每發憤獨坐嗟咨涕洟或終夜不寐名其堂曰去惰爲三目以自詔曰存省勿忘躬行勿怠常業勿廢自言讀書程符三中杪秋蕩暮落木有聲偶出

行微雨沾袂意悽惻久之歸讀史記屈賈傳纍欬流涕忽自省曰此非情之正也君子憂德不戚年修身不垢俗豈以外至累其心哉更取儀禮讀之時天宇漸霽日明左扉澹然見古人素位之意焉程符山在濰縣西南先生與韓先生公復居山中師其邑人滕先生綱同學相善也綱字建三歲貢生隱居窮經不稱人過失雖貧甚一錢之餽苟無處莫能強之受母疾嘗一日夜行五百里求藥療母病良已旁縣好學者多從之游先生與公復論學皆宗程朱斥陽明其言曰王氏書發明知行合一之旨最爲有味然由其說終任心而廢講習言雖高而非貞則也聖人之教人也使人賓賓焉於博文好古言行禮樂之間至性

命一貫。非其時則弗語。蓋多爲之方。以服擾其聰明思慮之用。及其久也。內外馴習。欲棄之而有不可得。故能強立而不返。其機之欲達。然後發其來原始。知夫道之極焉。今義理未明。持行未諳。而驟使專事其心。一念一時之至。非不適。適然自得也。然過焉而易忘。震焉而易變。無所以馴習之故也。吾聞聖人之道。愚夫婦與能其說。不過高孔孟及程朱是也。王氏不然。故竊以爲非貞則也。其持論多類此。

韓公復名夢周。一字理堂。淮人也。少孤。力學。揭母不敬。思無邪。二語於齋壁。跬步必以禮。乾隆二十二年進士。知來安縣。始至。徵蠹役。斥淫祀。勸農功。訓民節儉。遂黠商之以竄物。綱民者歲。

饑當賑。大吏謂可已。日一申狀。卒得請。劾江清書院已。又立恤孤院。地故產椿櫟。以爲薪。先生止之曰。是宜蠶。手訂育蠶及種樹法。募沂堯工師。教其民。民用以饒。嘗欲開黑水河以利圩田。事成。當爲白世利會鄉試。奉檄爲同考官。而縣有蝗災。監司遂以捕蝗不力罷之。歸講學。程符山中。凡二十有六年。嘉慶四年卒。年七十。先生少讀諸儒書。於朱陸以來學術之辨。不得其是非。及交淮安任先生瑗。自謂釋然無疑。生平律已嚴。教士以恥求利達爲尙。嘗言三代以上士皆務道德自治而已矣。其措諸事業者。自治之餘也。故曰使先知覺後知。使先覺覺後覺。春秋時先王。道衰。人各驚於功利。管晏之徒。豔稱於世。道德功名裂。

而爲二。自是以降。各以才力相尚。漢唐君臣乘時建樹。考之春秋。治五霸之義。功罪各不相掩。或以其有濟於世。忘其所以致此者。皆逢時遇主。一切以揅時弊。而但炫於揚厲之跡。遂欲左顯右隱。譏儒者不達時務。空言無補。等諸匏瓜之不食。則是顏曾劣於管晏。而孫吳商李之徒。賢於孟子也。又曰。戴東原謂程朱說性卽理也。其視性如人心中有一物。此卽老氏之所謂無。佛氏之所謂空。稍變而爲此說。孔孟無之。然孟子有曰。仁義禮智根於心。彼疏孟子字義。并此句忽之。何也。如此荒謬。直枉讀一世書耳。嘗有友人謁選吏部。以爲貧而仕。爲言先生規之曰。足下之出處。當問其義不義。不當問其貧不貧。若遂計較於此。

恐臨利害不能無畏顧。將成患得失之鄙夫也。先生工古文表

章名賢忠節。皆有關於世道。所著曰理堂集。

任先生瑗字恕庵。號東澗。江蘇山陽人。年十八棄舉子業。講學靜坐三年。見心之妙者。機既而歎曰。聖人之道歸於中庸。極於盡性。精義入神。以致用也。利用安身。以崇德也。豈是之謂哉。乃取孔孟朱程之書。潛玩力索。久乃得於聖賢之要。作反經說傳。習錄。辨以救姚江之失。嘗佐父宗延守延平。平順昌巨寇興舉。淮安水利俱有成效。其措施方略具見於遺書。乾隆元年舉制科。高安朱文端以先生薦此至。而文端薨。延試亦報罷。自是遂決志不復出矣。越三十九年卒。年八十有二。有纂注朱子文

類一百卷。論語困知錄二卷。中庸困知錄二卷。續編補遺各一卷。易學象數傳心錄一卷。太極圖說析疑一卷。通書測二卷。讀經管見一卷。小泉筆記一卷。困學恐聞二卷。反經說一卷。陽明傳習錄辨二卷。小泉集一卷。知言劄記二卷。朱子年譜一卷。讀史衡說二卷。史記論文。史記筆談各一卷。六溪山房文槩五卷。六有軒存藁二卷。寒山吟漫錄四卷。拊缶集二卷。和陶一卷。六有軒詩漫抄二卷。嚶林一卷。大學困知錄。周易筆解。如干卷。

鄧慕濂先生事略 朱昌圖

鄧先生元昌字慕濂江西贛人也爲諸生有文名年踰冠得宋五子書讀之涕泗被面下曰吾乃今日知爲人之道也遂棄舉子業朔望陳五經及宋儒書拜之每晨起跪讀通書太極圖說西銘三四遍乃起靜坐雲都宋昌圖以通家子謁之先生喜曰吾小友也館之於家昕夕論學爲日程言動必記之互相考一曰昌圖讀朱子或問首章先生過廡下聽之泣而拜慟不能起其子見之趨掖焉先生與昌圖相持而啼謂昌圖曰子年未二十負志趣願子勉卒之母蹈吾所悔永爲朱子罪人先生有長兄瞽而頑大小事必稟而後行後母性瑣刻每怒先生必長跼

請罪得解乃起。後母弟早夭，弟婦有子，請於先生曰：「感兄公之德，願留守待兒之有立也。」先生泣拜之曰：「是遂不入處室，挾其子與弟之子，寢於堂，課督之。」先生有田在城南，秋熟視穫，挾小學書坐城隅，見貧人子拾秉穗者累累，先生招之曰：「來，吾教汝讀書，能背誦書者，吾與汝穀。」羣兒爭昵趨之，始導以識字，既使諷章句，又以俚語譬曉之。羣兒咸踊躍稱善。既卒穫，羣兒噪曰：「穫卒，先生且歸，奈何有泣者？」自是每秋穫，羣兒則就學焉。故城南人無少長，智愚皆曰：「我鄧先生。」城南人見有衣冠，問鄧先生者，則曰：「是我先生。」客即爭挽留，渴進飲，飢進食，市井間見先生，至必肅立，端拱俟其過，乃散列坐云。乾隆三十年卒，年六十八。

姚鏡塘先生事略

卷三十一 名儒

姚先生學塏字晉堂一字鏡塘浙江歸安人性靜介讀書能實體諸身乾隆己酉舉於鄉遭父喪能盡禮嘉慶丙辰進士官中書母不樂居京師乃歸侍母母不許期滿任則歸戊辰夏擬乞終養適奉命主黔試歸道聞母訃痛不得躬養侍疾遂終身不以妻子目隨服闋獨行至京妻張有婦德蓄妾方氏年十七將遣侍京寓不許乃歸其父母方氏曰婦人從一者也吾有所從矣竟不嫁與張躬紡績以終先生獨居京師前後四十年若旅人之窶者衣食敝陋然冠服未嘗不整其學以修己爲要每論事言必可行與潘布衣認友善口求寡過以無玷古人從遊

者常滿室人至其居蹙然病其貧曰就之乃知其樂嘗曰吾視
百物皆有真趣又曰人必內自定始可應物在官惟恐曠職而
恬退不務進取其不歸者母遺命也累遷兵部郎中治部事必
慎毋欺既病不就寢曰正衣冠坐有問者必起揖道光丙戌十
一月病篤握布衣手曰人生獨知之地鮮無愧者我生平竭蹶
竟如此止君亦就衰也盡所得爲俟年而已遂坐暝年六十有

一
潘布衣名諮字少白會稽人少卓犖讀古人書不事制舉業好
獨遊天下奇山水足跡踰數萬里入蜀居青城大西適晉居藐
姑射在江介居龍眠九華當入峽時舟敗身僅免守令使人能

遣之不受也。讀書姑射山時，大吏欲識其面，不能致，則以計遇之。留數日去。與長民者言，言愛人，與里老言，言耕鑿樹蓄，與士人言，言孝弟忠信，遇名下士，則告以實行爲首務。尤兢兢義利之辨，居惟一襪，被日雨，蔬食，食有餘，則以給人之困者。自山西歸，弟子贄以金，皆不納。有數人潛與偕行，賣金爲其母壽，抵越而後發，不可返。乃各取少許同抵家，其母怒曰：「汝見僧以如來像丐市者乎？吾其爲像也。」乃謝而盡散之。少好奇節，喜苟難，晚年遊燕趙，與姚鏡塘善，惕然知人生學問未有毫末，可有餘者。雖聖人亦僅無欠闕耳。故其於庸言庸行，惴惴若不足，常欲使天下人咸務本節用，治禮義，以稱國家教養之意，無負天地所

以斯生人之心閒爲詩古文超曠絕俗居京師上自公卿下至婦孺無不知有潘先生者然其所致力實不在聲聞閒也著古文八卷詩五卷常語二卷桂林陳繼昌欽程恩澤等爲序而行之同時劉君傳瑩字椒雲漢陽人道光十九年舉於鄉官國子學正初慕顧亭林閭百詩顧景范諸先生考古務精博好爲詩古文辭尤究心輿地之學顧體羸善病病作輒廢食又連喪婦或勸其少休君自苦彌甚志益高嘗曰世之困人者獨功利耳文章考證家得其深者亦足以澹外慕而自足要不若義理之學自浩其心性超萬累之表而無所挫自是益反求諸身不以文學人自處所爲日記多痛自繩檢二十八年夏告歸未數月

卒年三十有一

名儒

三

國朝先正事略

卷三十一

國朝先正事略卷三十二 經學

平江李元度次青纂

問百詩先生事略 李鎧

楊開沅

吳玉指

宋鑑

先生幼日吃性頗鈍。讀書千百過不能熟。年十五冬夜讀書寒甚。漏四下。堅坐沈思。心忽開。自是穎悟絕人。是歲補學官弟子。一時名士如李太虛、方爾止、王于一、杜于皇輩皆析輩行與交。年二十讀尚書至古文二十五篇。卽疑其僞。沈潛三十餘年。盡得其癡。若所在作尚書古文疏證八卷。其最精者謂漢藝文志言魯共王壞孔子宅。得古文尚書孔安國以考二十九篇得多十六篇。楚元王傳亦云逸書十六篇。天漢之後孔安國獻之古。

文篇數之見於西漢者如此。而梅賾所上乃增多二十五篇。此役數之不合也。杜林、馬鄭皆傳古文者。據鄭氏說則增多者舜典、汨作九共、大禹謨、益稷、五子之歌、嗣征、典寶、湯誥。成有一德、伊訓、肆命、原命、武盡、旅獒、罔命。凡十六篇。而九共有九篇。故亦稱二十四篇。今晚出書無汨作九共、典寶等。此篇名之不合也。鄭康成注書序於仲虺之誥、大甲、說命、微子之命、蔡仲之命、周官、君陳、畢命、君奭。皆注曰：亡。而於汨作九共、典寶、肆命等皆注曰：逸。逸者即孔壁書也。康成雖云受書於張恭祖。然其書贊曰：我先師棘下生子安國。亦好此學。則其淵源於安國明矣。今晚出書與鄭名目互異。其果安國之舊耶？又曰：古文傳自孔氏後。

惟鄭康成所注者得其真。今文傳自伏生後。惟蔡邕石經所勒。老得其正。今晚出書。昧谷鄭作柳谷。心腹腎腸。鄭作憂腎陽。則劉刻鄭作臙宮。劓割頭庶。剝與真。古文既不同矣。石經殘碑遺字。見於洪适隸釋者五百四十七字。以今孔書校之。不同者甚多。碑云。高宗之饗。國百年。與今書之五十有九年。異孔敘三宗。以年多少爲先後。碑以傳序爲次。則與今文又不同。然後知晚出之書。蓋不古不今。非伏非孔。而欲別爲一家之學者也。班孟堅言。司馬逸從安國問故。故堯典禹貢。洪範微子金縢諸篇。多古文說。許慎說文解字亦云。其稱書孔氏。今以史記說文與晚出書相較。又甚不合。安國注論語。予小子履。以爲墨子引湯

誓其辭若此。不云此出湯誥。亦不云與湯誥小異。然則予小子。履云云。非真古文湯誥。蓋斷斷也。其注雖有周親不如仁人句。於論語則云。親而不賢。不忠則誅之。管蔡是也。仁人謂箕子微子。來則用之。於尙書則云。周至也。言紂至親雖多。不如周家之多仁人。其詮釋相懸絕如此。此豈一人之手筆乎。又云。古未有夷族之刑。卽苗民之虐。亦肉刑止爾。有之自秦文公始。僞作古文者。見荀子有亂世以族論罪。以世舉賢之語。遂竄之秦誓篇中。無論紂惡不如是甚。且三代上亦斷無此慘酷之刑也。荀卿曰。誥誓不及五帝。司馬法言有虞氏戒於國中。夏后氏誓於軍中。殷誓於軍門之外。周將交刃而誓之。當虞舜在上。禹繼征有

出安得有羣羣后誓師之事。司馬法曰。人罪人之地。見其老弱。奉歸無傷。雖遇壯者。不校勿敵。敵若傷之。藥醫歸之。三代之用兵。以仁爲本。如此。安得有火炎崑岡。玉石俱焚之事。既讀陳琳檄。吳文云。大兵一放。玉石俱碎。乃知其時自有此等語。則此書之出。魏晉間又一證也。又云。武城篇先書一月壬辰。次癸巳。又次戊午。已是月之二十八日。復繼以癸亥。甲子。是爲二月之四日五日。而不冠以二月。非今文書法也。洛誥稱乙卯。費誓兩稱甲戌。此周公伯禽口中之詞。指此日有此事云爾。豈史家紀事之例乎。又云。書序益稷本名棄稷。馬鄭王三家本皆然。蓋別是一篇。中多載后稷與契之言。楊子雲法言孝至篇云。言合稷契。

之謂忠謨。合皋陶之謂嘉子雲親見古文。故有此言。晚出書析
皋陶謨之半爲益稷。則稷與契初無一言。子雲豈鑿空者耶。其
辨孔傳之僞云。三江入海。未嘗入震澤。孔謂江自彭蠡分而爲
三。共入震澤者。謬也。金城郡。昭帝所置。安國卒於武帝時。而傳
稱積石山在金城西南。豈非後人作僞之證乎。傳義多與王肅
注同。乃孔竊王非。先有孔說。而王取之也。漢儒說六宗。言人人
殊。魏明帝詔令王肅議。肅乃取家語。孔子曰。所宗者六。以對。肅
以前未聞也。而僞傳已有之。非孔竊王。而何識者以爲知言。康
熙元年。游京師。龔尙書鼎孳爲之延譽。由是知名。十七年。召
試鳴博。不第。在都門。與汪編修琬交。汪著五服考異。先生糾其

謬數條。汪意不懌。謂人曰。百詩有親在。奈何喋喋言喪禮。先生曰。王伯厚嘗云。夏侯勝善說禮服。謂禮之喪服也。蕭望之以禮服授皇太子。則漢世不諱喪服也。唐之姦臣。以凶事非臣子所宜言。去國恤一篇。識者非之。說經之家。可拾其餘唾乎。徐尙書乾學因問於經亦有徵乎。先生曰。雜記曾申問於曾子曰。哭父母有常聲乎。申曾子次子也。檀弓子張死。曾子有母之喪。齊衰而往哭之。夫孔子歿。子張尙存。見於孟子。子張死而曾子方喪母。則孔子時曾子母在。可知。記所載曾子問一篇。正其親在時也。徐歎服。延爲上客。每詩文成。必屬裁定。曰。書不過聞先生目訛謬百出。合肥李公天馥亦言。詩文不經百詩勘定。未可輕示。

人及徐公奉

勅修一統志。開局洞庭東山。先生相從最久。徐

公手輯其緒論。

曰。閻氏碎金。先生於地理尤精審。凡山川形勢。

州郡沿革。瞭若指掌。少讀孟子疑滕定公薨。使然友之鄒。問孟

子。慮緩不及事。及長。親歷其地。乃知故滕國城在今縣西南十

五里。故邾城在今鄒縣東南二十六里。相去僅百里。故朝見孟

子而暮。卽反命也。因撰四書釋地四卷。釋地餘論若子篇。又作

孟子生卒年月考。嘗言孔門從祀顏曾之外。當廣爲十二哲。德

行三人。閔子騫。冉伯牛。仲弓。言語三人。宰我。子貢。有若。政事三

人。冉有。季路。公西華。文學三人。子夏。子游。子張。以論語孟子證

之。確不可易。又謂先儒以大學傳出曾氏門人之手。但見誠意

章引曾子說謂古者弟子於師方稱子耳。不知禮記四十九篇稱曾子者百其一爲曾申餘皆曾參則是記禮者之通稱不必弟子謂其師也。若謂大學止一引與它篇屢引者不同則禮器內則亦止一引豈二篇亦曾子門人作乎。孟子七篇於孔門高弟或名之或字之而稱曾子者二十二益驗其爲通稱也。又言檀弓載季武子之喪曾點倚其門而歌爲記者之妄。春秋昭公七年季孫宿卒孔子年十七曾點少孔子若干歲雖不可知然論語序其侍坐次於子路則必少於子路矣。孔子年十七時子路甫八歲點不過六七歲童子烏有倚國相之門臨喪而歌之事乎。又嘗舉朱子論語孟子集注之誤如季文子始專魯政不

待武子子糾兄而非弟。曾西子而非孫。武丁至紂凡九世。非七世。昭陽敗魏取八邑。非七邑。不衣冠而處。見說苑。非家語。農家者流。見漢書。非史遷。去魯司寇。則適衛。而非適齊。滅夏后相。則寒浞。而非羿。敬叔弟也。非懿子之兄。顓臾近也。非遠人之謂。魯有少施氏。則孟施當亦其氏。不當以施爲語聲。聞者皆服其精確。

世宗皇帝在潛邸。聞其名。手書延至京師。握手賜坐。呼先生曰。素觀所著書。每進一篇。未嘗不稱善。疾革。請移就外。留之不可。乃以大牀爲輿。上賜青紗帳。二十人舁之。出安穩如牀。簀不覺其行也。康熙四十三年六月卒。年六十有九。

世宗遣官經紀其喪。親製挽詩四章。有三千里路爲子來之句。復爲文祭之。有云。讀書等身一字無。假孔思周情。旨深言大。愈謂非先生不能當也。生平長於考證。遇有疑義。反覆窮究。必得其解。乃已。嘗語弟子曰。曩在徐尚書邸夜飲。尚書云。今晨直起居注。

上問古人有言使功不如使過。此語自有出處。當時不能答。予舉宋陳良時有使功不如使過論。篇中言秦伯用孟明事。但不如此語。出何書耳。越十五年。讀唐書李靖傳。高祖以靖達畱詔斬之。許紹爲請而免。後率兵破開州蠻。帝謂左有曰。使功不如使過。果然矣。謂卽出此也。又越五年。讀後漢書獨行傳。索盧放

諫更始使者勿斬太守曰夫使功者不如使過章懷太子注若秦穆公赦孟明而用之乃知全出於此甚矣學問之無窮而人尤不可以無年也天性頗好罵詞科五十人中獨許吳志伊之博覽徐勝力之強記於李天生謂其杜撰故事汪茗文謂其私造典禮劄記中多微文時賢如王阮亭魏叔子喬石林朱竹垞何義門皆不免譏評所服膺者曰黃太沖顧甯人然於明夷待訪錄指其訛謬者不一甯人出曰知錄相質卽爲改訂數條甯人虛已從之先生名若璩字百詩山西太原人五世祖居淮安後改歸原籍父修齡平生慎行檢以詩名母丁氏亦能詩文先生又著潛邱劄記六卷毛朱詩說一卷及日知錄補正喪服翼

注博學堂錄宋劉攽李壽馬端臨王應麟四家逸事諸書詩有
眷西堂諸集子泳官中書舍人有文名同時淮安學者有李鎧
楊開沅吳玉搢皆山陽人。

鎧字公凱順治十八年進士官蓋平知縣康熙己未召試博學
鴻詞科授編修累官內閣學士著有史斷讀書雜述惺庵集玉
漁洋稱其爲有本之學開沅字用九康熙四十二年進士官編
修受業南雷之門尤明於河漕之利害玉搢字山夫由廩貢官
訓導著山陽志遺金石存說文引經考六書部敘考又著別雅
五卷辨六書之假借深爲有功小學非俗儒剽竊所能爲也又
有宋半塘者名鑑字元衡安邑人能傳潛邱之學以古文尚書

疏證。交詞稍曼衍。乃重輯尙書考辨四卷。嘗曰。經學不明。小學不講也。小學不講。則形聲莫辨。而訓詁無據矣。乃采經史方言。釋名玉篇廣韻。水經注諸書。爲說文解字疏詳。贍辨博。又益以附備借三門。爲治經者之津筏。半塘以乾隆戊辰進士。令常山。稍遷南雄通判。子葆醕。字芝山。舉人。官助教。能世其家學。

萬充宗先生事

子經 猶子言

萬先生斯大字充宗。浙江鄞人。始祖斌。明初從龍立功。斌子鐘。世襲指揮。又四傳至淮安總兵表。以儒將私淑新建之學。世稱鹿園先生。又二世至福建總兵邦字生。戶部主事泰先生父也。戶部八子皆受業梨洲先生之門。稱高座弟子。長子斯年字澹菴。少爲錢忠介所深契。避亂必載書行。晝則偕老農雜作。夜擁書集。子弟講習成就者多。第五子斯選字公擇。躬行實踐。爲同堂領袖。嘗言宋儒自游楊後。雖朱陸大賢不免夾染二氏至明儒尤甚。其於諸儒書。彈駁疵類至數千萬言。梨洲以爲吳康齋之流。所著曰白雲集。第七子斯備字允誠。李杲堂徵君鄴嗣女。

夫也。與徵君唱和二十年。相依如左右手。著有深省堂集第八
子斯同。自有傳先生。其第六子生逢喪亂。不事科舉業。湛思諸
經。以爲非盡通諸經。不能通一經。非悟傳注之失。不能通經。非
以經釋經。亦無由悟傳注之失。於是融會考證。奉正朔以批閭
位。百注遂無堅城。舉諸家聚訟條分而縷析之。割如也。尤精春
秋三禮排纂說禮之言。較衛正叔爲尤博。正叔無所折衷。先生
則批卻導窾言之了。了爲書三百卷。其別出者曰學禮質疑二
卷。周官辨非二卷。儀禮商二卷。禮記偶箋二卷。梨洲皆序而行
之。又輯春秋二百四十卷。燬於火。晚年復輯絕筆於昭公臨終
曰。吾魂魄猶彷彿與劉原父諸人論季武子立後一事。其覃精

如此浙東經術自深甯東發兩先生後明初黃南山楊鏡川能承其緒其後寢衰矣得黎洲及先生而一振其辨正商周改月改時周詩周正及兄弟同昭穆皆極精確爲人剛毅嗜義若飢渴張公煌言死國難棄骨荒郊先生葬之南屏山乞黎洲誌墓春秋野祭效西臺之哭父友陸文虎符甬中所稱陸萬是也文虎無後兩世喪皆未葬先生葬其六棺嘗遊武林之玉龍山見張縉彥神主碎之觀者咸辟易李杲堂嘗言說經無雙名擅八龍昔有慈明今見充宗其推服者至矣卒於康熙癸亥七月年五十有一外著有丁災甲陽草各一卷萬氏家譜十卷子經字授一別字九沙自幼孺染家學一切世俗之佔畢未由至前於

是授經說數百萬言於父及諸父。受明史紀傳三百卷及列代史表數十種於季父。及其從兄言而又講性理於應徵士嗣寅。求漢隸源流於鄭君谷口。考地理箋釋於閻徵士百詩其學益奧。傳無涯涘。以康熙癸未進士選庶吉士。授編修。方先生苞時以南山集牽連下詔獄。莫敢保出之者。九沙奮然送狀西曹。遂釋之。舉朝高其義。典試山西得孫公嘉淦。一見推挹。卒成魁儒。又嘗識杭君世駿。全君祖望於髫年。以爲鄭漁仲之流。世稱其有人倫鑑。視學黔中。還朝爲忌者。所中有通州修城之役。家旣罄。蕭然如布衣時。賣所作隸字得錢給朝夕。乃增補充宗先生禮記集解。凡數萬言。以春秋定哀二公未畢。續纂數萬言。又取。

從兄言尚書說輯成一編以成萬氏經學又重修季野先生列
代紀年及從兄言明史舉要以成萬氏史學雖疏食不給而見
義嘗必爲蒼水張公墓道將圯竭力修之歲必設祀墓故充宗
先生所營葬者也會詔舉鴻詞科趙侍郎殿最薦之已而三
禮館開李侍郎紱又欲薦使成其父書皆以老不起晚年家燬
於火先世遺書皆燼焉年八十有三卒
言字貞一號管村少以古文名隨諸父在講社中最精博梨洲
先生深器其文謂能撫震川之古淡而加以剡源之色澤季野
先生亦云使吾有兩筆班馬不難到矣以副貢被召修明史
獨成崇禎長編一書出爲五河知縣忤大吏論死尋得免所著

萬季野先生事畧

萬先生斯同字季野學者稱石園先生浙江鄞人戶部郎泰第
八子生而異敏讀書過目不忘八歲在客座中背誦楊子法言
終篇不失一字。願趺弛不馴戶部閉之空室中先生竊視架上
有明史料數十冊讀之甚喜數日而盡又見經學諸書皆盡之
既出時時隨諸兄後聽其議論曾家課先生欲豫焉諸兄笑曰
汝何知先生曰觀諸兄所爲易與耳因雜出經義目試之千言
立就伯兄大驚持之泣以告戶部曰幾失吾弟戶部亦愕然曰
幾失吾子遂從梨洲先生遊爲高第弟子與聞戢山劉氏之學
以慎獨爲主以聖賢爲必可及時用江有五經會先生年最少

過疑義輒片言析之嘗守先儒戒以調無益之書不必觀無益之文不必作遂專意古學博通諸史尤熟於明代掌故康熙戊午詔徵博學鴻儒巡道許鴻勳以先生薦力辭免明年修明史徐相國元文延至京師時史局中徵士例食七品俸稱纂修官先生請以布衣參史局不署銜不支俸許之諸纂修以稿至上者皆送先生覆審覽畢謂侍者曰取某書某卷某葉有某事當補人某事當參校如言取至無爽者徐公罷繼之者張公王書陳公廷敬王公鴻緒皆延請有加禮明史稿五百卷先生手定也先生病唐以後史官語局分修之失嘗曰昔遷固才既傑出又承父學故事信而言某某其後專家之學才雖不逮猶未至

如官修者之雜亂也。官修之史，倉卒成於衆人，不暇擇其材之
宜與事之習，是猶招市人而與謀室中之事也。吾辭史局而就
館，總裁所者，惟恐衆人分操割裂，使一代治亂賢奸之跡昧晦
而不明耳。又嘗語方侍郎苞曰：史之難爲久矣，非論其世知其
人，具見其表裏，則吾以爲信，而人受其枉者多矣。吾少館某氏，
其家有列朝實錄，吾默識暗誦，未敢有一言一事之遺也。長遊
四方，從故家求遺書，旁及郡志、邑乘、雜家、志傳之文，莫不網羅
參互，而要以實錄爲指歸。蓋實錄者，直載其事，與言而無所增
飾者也。因其世以考其事，覈其言而平心察之，則其人之本末
十得八九矣。然言之發，或有所由，事之端，或有所起，而其流或

有所激則非他書不能具也。凡實錄之難詳者，吾以他書證之。他書之誣且濫者，吾以所得於實錄者裁之。子盍就吾所述，約以義法而經緯其文。他日書成，曰：「此四明萬氏所草創也。吾死不恨矣。」蓋先生以遺民自居，而卽任故國之史事，以報故國。其至京師，特以羣書有不能自致者，必資有力者以成之。其心事類元遺山，其潔身非遺山所及也。其後乾隆中，大學士張公廷王等奉詔刊定明史，皆以史稿爲本，而加增損焉。先生之志於是爲不負矣。其初至京師也，時議意其專長在史。及徐尙書乾學居憂，請先生纂讀禮通考、自國卹及家禮、十四經之箋疏、廿一史之志、傳、漢、唐、宋諸儒之文集、說部，無或遺者。又以其餘

爲喪禮辨疑四卷。廟制折衷二卷。乃知先生故深於經。徐公因請編成五禮之書二百餘卷。當是時京師者彥雲集。各以所長自見。而先生最闇淡。自王公以下。爭相從問。古儀法月再三會。聽講者常數十人。錄所聞。共講肄。莫不呼曰萬先生。而先生與人還往。其自署祇曰布衣萬斯同。未嘗有他稱也。故督師之姻人方居要津。乞史館於督師。少寬假。先生屢數其罪以告之。有運餉官以棄運走道死。其孫以賂乞入死事。列先生斥之父友。馮侍郎躋仲諸子沒入勳衛家。先生贖而歸之。以康熙壬午夏卒於王尙書史局中。年六十。門人私謚曰貞文先生。於前史體例。貫穿精熟。指陳得失。洞中肯綮。劉知幾鄭樵不能及也。馬班

史皆有表。而後漢三國以下無之。劉知幾謂無關得失。先生則曰。史之有表。所以通紀傳之窮。有其人已入紀傳。而表之者。有未人而牽連以表之者。表立而後紀傳之文可省。讀史不讀表。非深於史者也。所著補歷代史表六十卷。又紀元彙考四卷。宋季忠義錄十六卷。南宋六陵遺事一卷。庚申君遺事一卷。河源考二卷。河渠考十二卷。儒林宗派八卷。石經考二卷。石鼓文考二卷。羣書疑辨十二卷。書學彙編二十二卷。周正彙考八卷。歷代宰輔彙考八卷。石園詩文集二十卷。而明史稿及讀禮通考。別爲書。先生在京師。攜書十數萬卷。及卒。旁無親屬。編修錢名世。以弟子爲喪主。兼取其書去。時論薄之。

錢田間先生事略方中通 方中履

錢先生澄之字欽光原名秉鐙安徽桐城人。生當明季弱冠時有御史某閹黨也巡按至皖盛威儀謁孔子廟諸生方出迎先生忽前攀車而攬其帷眾莫知所爲御史大駭命停車而洩溺已灑其衣矣先生徐正衣冠昌言以譏之騶從數十百人皆相視莫敢動而御史方自幸脫於逆案懼其聲之著也漫以爲病狂而舍之先生由是名聞四方與雲間陳臥子夏彝仲嘉善魏學渠交最深又嘗問易於黃石齋先生著田間易學十二卷初從京房邵康節入故言數頗詳蓋石齋之餘緒也後乃兼求義理大旨以朱子爲宗又著田間詩學十二卷謂詩與尚書春秋

相表裏必考之三禮以詳其制作徵諸三傳以審其本末稽之五雅以核其名物博之竹書紀年皇壬大紀以辨時代之異同與情事之疑信卽今輿記以考古之圖經而參以平生所親歷其書以小序首句爲主所採諸儒論說自注疏集傳外凡二十家持論精核於名物訓詁山川地理言之尤詳云先生少以經濟自負常思冒危難以立功名及歸自閩中遂杜足田閒課耕以自給年八十有二而終同縣方中通字位伯明檢討以智密之之次子也明之中葉以博洽著者稱楊慎而陳耀文起與之爭然慎有僞說以售欺耀文好蔓引以求勝次則焦竑亦善考證而習與李贄游好牽綴佛書傷於蕪雜惟密之先生崛起崇

禎中博極羣書。考據精核。迥出其上。風氣既開。國朝亭林百
詩錫鬯諸君。沿而起一掃懸擬之空談。密之撰通雅十二卷。
窮源竟委。詞必有徵。中通承其家學。以博綜稱著。數度衍二十
四卷。附錄一卷。其書有數原律衍幾何約珠算筆算籌算尺算。
諸法。復條列古九章名目引。御製數理精蘊。推闡其義。其幾
何約及珠算等。大抵裒集諸家之長。而增損潤色。勒爲一編。又
撰物理小識十二卷。及浮山文集。中通第中履著古今釋疑十
八卷。雖不及通雅之精核。然學有淵源。故不爲舛陋也。

三才圖會

馬宛斯先生事略

王爾膺

馬先生驍字驄御一字宛斯山東鄒平人順治己亥進士謁選京邸以文望舉爲順天鄉試同考官除淮安推官多所平反裁缺改靈璧知縣蠲荒除弊均里甲歲省民力無算流亡復業卒於官士民奉祀名宦祠著左傳事緯十二卷附錄八卷先生於左氏融會貫通所論具有條理其圖表亦皆考證精詳爲專門之學又撰繹史百六十卷纂錄開闢至秦末之事博引古籍疏通辨證雖悟悟閒亦不免而詞必有徵實非羅泌路史胡宏皇王大紀所可及且史例六家古無此式與袁樞紀事本末均卓然特創自爲一家之體顧亭林讀是書歎曰必傳之作也康熙

四十四年

上南巡垂問繹史一書。命張公玉書物色原板。明年夏遣官至鄒平購板入內府。後先生而起者有掖縣王止庵。名爾聲。字襄哉。治經宗漢學。嘗云。鄭夾漈謂漢人窮經而經亡。此言大非。漢儒有家法。七十子之微言大義。賴漢以存。窮經而經亡。當在魏晉以後。蓋荀虞之易。亂於王弼。馬鄭之書。亡於偽孔氏。賈服之春秋。淆於杜元凱。其幸存者。毛鄭之詩。何氏之公羊。鄭氏之三禮耳。窮經當以毛鄭何爲主。然後博考諸儒。擇其善而折衷焉。斯可矣。學者以爲知言。

毛西河先生事略 陸邦烈

先生名奇齡字大可一字齊于又名姓字初晴學者稱西河先生。蕭山人生時母張夢番僧持度牒入門四歲母口授大學卽成誦乃授書使循所讀自認之一再週無不識者時以篇首后後厚三字形異音同爲問具語之卽欣然以解旣就塾讀論語集註至有子孝弟章愀然請罷讀問何故則曰性中止有仁曷嘗有孝弟此言不忍聞也師大奇之總角補諸生與伯兄萬齡齊名人呼小毛生華亭陳公子龍評爲才子之文會明亡哭學宮三日時山賊起先生竄身城南山與同縣沈禹錫包秉德蔡仲光爲四友築土室讀書其中順治三年王師下江南杭州

不守山陰鄭秀才遵謙與餘姚熊給事汝霖孫副使嘉績上虞
徐尙書人龍括閩左爲民兵截江抗王師會武甯侯王公之
仁保定伯毛公有倫初以備倭軍甯波至是引軍西與民兵合
號西陵軍共推魯王監國保定伯至蕭山移檄購大小毛生徐
尙書薦授先生監軍推官力辭之當是時馬士英奉故福王太
后奔杭州竄方國安軍中號方馬軍與西陵軍相犄角先生謂
保定曰方馬國賊也明公爲東南建義旗何可與二賊共事請
絕之國安聞言大恨欲甘心焉幾被獲脫之龕山時保定弟有
倣爲靖南將軍軍龕山也唐王建號福州黃公道周以蠟書招
先生又辭之亡走山寺祝髮披緇匿坑中王師破江東戮留

髮者先生以髡免歸。母夫人泣曰：吾向夢僧寄度牒生兒，今竟然矣。先是明季士林好爲社，先生品目過嚴峻，人多忌之。至是選越郡詩會稽庶常王自超從賊中歸，投以十詩，選其四中有鄆城夜走及哭周介生赴西市作先生以右丞司戶評其篇庶常大恚，謂誣其從賊，乃聚諸出社者，首先先生抗命，今復抗試，且以浮屠居士林黷壞名教，罪當死。讞者察其枉，得不坐。順治八年，復諸生籍，怨家猶洶洶。布政使張某以從賊歸，命爲今官構者讒先生張大恨，屬提學仍黜其籍。先生嘗效元人作詞曲自娛，提學摘其語以爲訕謗，謀訐而殺之。制府寃之，置不問。仇者憤不得雪，適姻戚有負營丁責者，忽攫先生於途，責以代償，擁

而渡江。郈人追至西陵。渡。篡之。還。次日。購道瑾。橫所篡處。謂毛生聚眾殺營兵籍捕。四出。乃變姓名爲王士方。將出亡。仲兄錫齡出。周易泣授曰。古賢處憂患。必知易。汝知此足矣。先生跪受。教乃避地靖江之海陵。逾月。渡淮。飲故人所有。客目攝之。酒半。牽之入旁舍。勞問。則故靖南將軍有俶也。具言保定死武甯已殉節而已。以亡軍倖免。將要赴彭城。值山陽令朱禹錫聞先生至。款之。而吏部郎張新標有名園。中秋夜。會客數十人。伎樂合作。先生倚醉扣槃賦明河篇。凡六百餘言。及旦。傳寫殆徧。施愚山參議還自京師。見之。驚曰。此必吾友毛生者也。於是之齊之楚之鄭衛梁宋。作續哀江南賦萬餘言。嘗登嵩山。越數峯。遠望

懷○愴○不○能○上○曰○吾○力○衰○矣○傷○哉○貧○且○多○難○芒○芒○者○安○歸○乎○乃○復○
之○禹○州○寓○故○懷○慶○王○邸○之○白○雲○樓○作○白○雲○樓○歌○未○而○月○都○下○伎○
館○酒○樓○競○傳○唱○仇○者○偵○知○之○去○之○嵩○山○匿○道○士○土○室○中○苦○無○書○
夜○起○傍○徨○假○寐○而○泣○夢○有○告○之○者○曰○盍○之○嵩○陽○問○之○踰○月○過○嵩○
陽○廟○市○無○書○惟○高○笠○僧○貽○書○一○帙○則○古○本○大○學○也○先○生○憶○夢○心○
動○即○所○自○來○曰○吾○遼○人○也○天○也○未○全○家○死○於○兵○遂○視○髮○鼠○海○濱○
少○受○學○義○州○賀○凌○臺○先○生○凌○臺○爲○賀○黃○門○欽○之○孫○講○學○醫○巫○閭○
以○大○學○古○本○授○予○曰○古○學○之○失○傳○由○不○知○本○也○大○學○不○云○壹○是○
皆○以○修○身○爲○本○乎○本○該○體○用○而○統○心○意○及○家○國○天○下○必○正○心○誠○
意○而○學○乃○有○體○必○齊○家○治○國○平○天○下○而○學○乃○有○用○北○宋○祖○陳○搏○

之學講性命而略事爲則專內遺外不知有身南宋宗程頤之
學就事物以求心忙則登枝遂流并不知有本夫格物者絜量
本末本諸身也致知者審度先後以身先之也中庸以誠意爲
誠身孟子以存心爲養其大體是正心誠心無非身也先生受
學心契之已而應湖西施參議之招設講鷺洲書院楚人楊洪
才恥庵來講姚江之學使君雅不善姚江謂不宜舍事物求心
性恥庵不之辨會平食使君曰不遷怒實難吾昨責官庖以闕
供也今又責之直怒怒矣宜何以治之恥庵乃舉手肅四座曰
若此者可仍求之事物否時四座闐然先生大悟即下拜曰受
教矣歸而惺然坐通夜不寐踰年客崇仁又客淮西留三年淮

人有知小毛生者。先生曰。吾北小毛生。自毛生也。是時。赦屢
下先生禍。已解。康熙十七年。詔舉博學鴻儒。先生入都。鴻文
毅溥。辟館相待。而李文定天馥。畱先生主其家。時應召者。駢集
馮公大會。城東萬柳堂。先生援筆作萬柳堂賦。椎座客第一。及
試。

聖祖方幸霸州。攜諸書親覽。翼日下三相國公問。
上忽問曰。媧皇補天事。信乎。蓋先生卷中用此語也。眾未對。馮
公奏。淮南子有之。上曰。徒記事邪。則楚詞。列子。早及之。何止淮南第。未知傳信何
如耳。馮公復奏。賦主鋪張古籍。宜可用。於是先生列上卷授檢。

討纂修明史闕題得宏正兩朝紀傳具草二百餘篇時

聖祖精韻學剖析精嚴關中李檢討因篤與吳門顧處士炎武
錫終身之力講音韻然卒狃於陸氏切韻二百八部之說先生
詘之嘗與檢討飲文定宅論韻不合李公曰吾少讀箕子麥秀
歌惡其無韻故凡遇論韻者吾必曰能抑是則言敢請檢討末
卽對先生曰禾黍油油者尤也不與我好則蕭肴豪尤之通也
好者尤三聲也有證乎曰有詩云無言不讐無德不報請益曰
易云問聲相應同氣相求水流湓火就燥公曰善檢討笑曰韻
有四聲未聞三聲也先生曰四聲起於齊周顒而沈約成之古
無有也古八自爲韻而多以平上去三聲韻互相通押謂之三

聲不讀虞廷賡歌有股肱起元首喜自工熙乎不讀蔓草詩有
零露漙漙清揚婉適我願彤弓詩有受言藏中心規一朝養乎公
與檢討乃大服先生著古今通韻十二卷進呈
上幸南海子攜書行覽之稱善有旨宣付史館并勅禮部
知其事其後嶺南楊生進沈約原韻十六卷
上疑其僞特命取皇史宬所藏通韻本付閣臣參校以不合
斥去丹陛樂者黃門鼓吹曲也設筍無於午門旁太常典之
而其曲多誤
上命更定之掌院陳公廷敬以列代樂章配音樂議屬先生條
上多所採用先生於音律有神悟二十三年

上諭羣臣以徑一圍三隔八相生之法先生遂極意搜討作

聖諭樂本解說皇言定聲錄及竟山樂錄思進之大常眾阻
之三十八年

上復南巡先生進樂本解說刻本詔傳先生至行在朝門
獎勞并勅改刻本訛字宣付專行時蠡吾李璟走三千里受
業凡三日盡得其五音二變四清七調九聲十二管并器色旋
宮之法先生大驚遂盡出所著令校輯焉時值
北郊定配位太常卿徐元珙謂

南郊南向則

三祖配位固宜以東設西向爲一配西設東向爲二配又東設

西向爲三配。其日月星辰諸配亦皆始東設而次西設。何則。以崇左也。至北郊北向。則向所爲左者。今在右矣。乃三祖配位。一如南郊。始東設而次西設。其山林川澤亦如之。則在昭穆爲顛倒。而在左右爲偏戾。於禮不合。疏上。詔學士徐公乾學韓公蔡議覆。

上實無改意。而翰林官多各持一議。李文定特召問先生。先生曰。南郊尙左。故南向而配先左。此東設者南向之左也。北郊尙右。故北向而配先右。此東設者北向之右也。曰。此亦有言之者矣。特以左右言。則一左一右。似乎有分。而以東西言。則一東也。天下有南北異向而一東一西。可同偏之禮乎。曰。有之。在

何經曰。在曲禮。禮曰。席南向。向北向。以西方爲上。東向。西向。以南方爲上。語未竟。李公撫掌曰。有是哉。經之無所不備也。然則仍舊貫而已矣。議遂定。先生尋乞病歸。越三年。

聖祖南巡。謁禹陵。先生迎駕西陵渡。

上遙見先生。遣侍衛勞問。比還送駕。

上駐馬。問所苦。復勞之去。及三巡江浙。先生謁行在。年老

矣。命起立。勿跪。且賜御書一幅。時皇太子隨駕。亦賜

書屏。聯各一。其蒙恩遇如此。先生嘗痛易學未明。太史占筮

見之大傳及春秋傳者。並失傳。而仲兄有五易之說。以移易爲

文王孔子造卦象詞。爲春秋史。日立變解。占所自始。遂推衍其

義作仲氏易三十卷。推易始末四卷。春秋占筮書三卷。河洛原
舛編一卷。太極圖說遺義一卷。易小帖八卷。易韻四卷。尚書廣
聽錄五卷。舜典補亡一卷。古文尚書冤詞八卷。國風省篇二卷。
毛詩寫官記四卷。詩札二卷。詩傳詩說駁義五卷。白鷺洲主客
說詩一卷。昏禮辨正一卷。廟制折衷二卷。大小宗通釋二卷。辨
定祭禮通俗譜五卷。喪禮吾語篇十卷。春秋毛詩傳三十六卷。
春秋條貫篇十一卷。春秋屬辭比事記十卷。春秋簡書刊誤二
卷。論語稽求篇七卷。大學證文四卷。大學知本圖說一卷。四書
臚言四卷。聖諭樂本解說二卷。皇言定聲錄八卷。竟山樂
錄四卷。大學問一卷。孝經問一卷。周禮問二卷。明堂問一卷。學

校問一卷郊社禘祫問一卷經問十八卷彤史拾遺六卷武宗
外紀一卷後鑒錄七卷蠻司合誌十五卷古今通韻十二卷後
觀石錄二卷越語芹筴錄二卷蕭山縣志刊誤三卷湘湖水利
志三卷杭州志三詰三誤辨一卷杭州治火議一卷詩話八卷
詞話三卷天問補註一卷曾子問講義四卷韻學要指十一卷
策問一卷表一卷雜說十卷文一百三十三卷詩五十六卷合
四百九十有八卷先生少負奇才說經長於辨駁多與宋儒鑿
枘而雄辨足以濟之晚益樂易好獎借後進或疑其歷詆古人
使氣難近及親炙乃爽然出意外侍史曼殊豔而工詩諸名士
爲文張之晚歲悼亡忽忽不自得先生每作詩文必陳書滿前

及伸紙疾書或反不用一字夫人陳氏性妒以曼殊故輒置於人前曰公等以毛大可爲博學耶渠作七言八句亦必獺祭乃成先生笑曰握筆一次展卷一回積久自能賅博婦言不足聽也嘗僦居屋三間左右庋圖史寓眷屬而中爲客次先生日著書其閒筆不停揮請業者環坐問隨答井井無一誤夫人在室巾時或詬詈先生復還詬之殆五官並用者始甯女士徐昭華讀瀨中集感歎願受業稱都講焉琉球使者過杭州以兼金購文集且求見先生其名動海外若此自明以來申明漢儒之學使儒者不敢以空言說經實先生開其先路其文縱橫博辨傲睨一世與其經說相表裏自成一格不可以繩尺求然議論獨

到處卒不可廢詩。次於文要。亦我用我法。不屑隨人步趨者。卒年八十有五。以兄子遠宗。後康熙庚午進士。弟子陸邦烈。盛唐王錫章。大來等著錄者甚眾。邦烈字又超。平湖人。嘗取先生經說所載。裒爲聖門釋非錄五卷。謂聖門口語。未可盡非云。

朱愚庵先生事略

陳啟源

朱諱鶴齡字長孺江蘇吳江人前明諸生性好學遺落世事晨
夕一編行不識路途坐不知寒暑或謂之愚因以愚庵自號嘗
箋注杜子美李義山詩故所作韻語頗出入二家入國朝屏
居著述與顧亭林友亭林以本原之學相勸始湛思覃力於諸
經注疏及儒先語錄著有尚書埤傳禹貢長箋讀左日鈔詩經
通義等書尚書斟酌於漢學宋學閒長箋作於胡朏明錐指之
前不及朏明書而旁引曲證亦多創獲讀左瑕瑜並陳不及顧
亭林惠定宇之密詩經參停於今古之閒於國朝惟用陳啟
源說蓋啟源實與參訂焉其比鄰衛三國禹貢三江震澤太湖

嶠豕漢源諸辨多有裨於考證又著愚庵詩文集其書元裕之
集後云裕之於元既踐其土如其毛卽無反詈之理乃今之詆
訕不少避者若欲掩其失身之事以誑國人非徒悖也其愚亦
甚矣其言蓋指國初居心反覆之輩可謂知大義矣啟源字
長發先生同縣人著毛詩稽古編自記謂閱時十四載彙凡三
易乃成引據賅博疏證詳明爲唐以前專門之學

劉繼莊先生事略

劉繼莊者名獻廷字君賢順天大興人先世本吳人寓吳江者數十年卒焉其學主於經世自象緯律厯邊塞關要財賦軍政之屬旁及岐黃釋老家言無不窮究崑山徐尙書好士多藏書大江南北宿老爭赴之先生遊其間別有心得萬徵君季野於書無所不讀獨心折先生引參明史館事顧君景范黃君子鴻長於輿地亦引先生參一統志事先生謂諸公考古有餘而未切實用其論向來方輿書大抵詳於人事而天地之故概未有聞當於疆域前別添數則先以諸方之北極出地爲主定簡平儀之度制爲正切線表而節氣之後先日蝕之分杪五星之陵

犯占驗皆可推矣。諸方七十二候多不同。如嶺南之梅十月已開。桃李臘月已開。而吳下梅開於驚蟄。桃李開於清明。相懸若此。今世所傳七十二候本諸月令。乃七國時中原之氣候。今之中原已與七國之中原不合。則厯差爲之。宜於南北諸方細考其氣候。詳載之。爲一則。則天地相應之變遷。可以求其微矣。燕京吳下水皆東南流。故必東南風而後雨。衡湘水皆北流。故必北風而後雨。山水之向背分合。皆當按籍而列之。而風土之剛柔。暨陰陽燥溼之徵。可次第求矣。諸方有土音。又有俚音。蓋五行氣運所宣之不同。各譜之爲一則。合之土產。則諸方人民性情風俗之微。皆可推而見矣。其論水利。謂西北乃二帝三王之

舊都二千餘年未聞仰給於東南何則溝洫通而水利修也自
劉石雲擾以訖金元人皆草草偷生不暇遠慮相習成風不知
水利爲何事故西北非無水也有水而不能用也不爲民利乃
爲民害旱則赤地千里潦則漂沒民居無地可瀦無道可行人
固無如水何水亦無如人何虞學上始奮然言之郭太史始毅
然行之未幾竟廢三百年無過問者有聖人出經理天下必自
西北水利始西北水利莫詳於水經酈注雖時移勢易十猶可
得六七酈氏略於東南人以此少之不知水道之當詳正在西
北擬取列史中關於水利農田戰守者各詳考其所以附以諸
家之說以爲之疏俾施行者有所考鏡又言通鑒綱目非朱子

親筆故多迂而不切而關繫重者反遺之當別作紀年一書凡先生所撰著其運量皆非一人一時所能成故多未就也生平自謂於聲音之道別有所窺足窮造化之奧百世而不惑嘗作新韻譜自華嚴字母悟入而參之以天竺陀羅尼泰西蠟頂話小西天梵書暨天方蒙古女真等音又證以遼人林菴長之說而益自信同時吳修齡自謂蒼頡以後一人先生則曰是其於天竺以下書皆未得通而但畧見華嚴之旨者也先生之法先立鼻音二以鼻音爲韻本次定喉音四爲諸韻之宗以喉音互相合凡得音十七喉音與鼻音互相合凡得音十又以有餘不盡者三合之凡得音五共三十二音爲韻父而韻歷三十二音

爲韻母橫轉各有五子萬有不齊之聲攝於此矣嘗欲譜四方
土音以窮宇宙元音之變乃取新韻譜爲主而以四方土音填
之逢人皆可卽證蓋是書多得之大荒以外囊括沿博學者或
驟見而未能通也先生與梁質人王昆繩友所嚴事者曰梁溪
顧昀滋衡陽王而農而尤心服者曰南昌彭躬菴所自著曰廣
陽雜記

國朝先正事略卷三十三 經學

平江李元度次青纂

梅定九先生事略 孫文穆公穀成

先生諱文鼎字定九又字勿庵安徽宣城八年二十七與弟文
鼎共習臺官交食法著天學駢枝六卷值天學書之難讀者必
求其說至廢寢食疇人弟子皆折節造訪人有問者亦詳告之
無隱期與斯世共明之所著天算之書八十餘種讀元史授時
法經歎其法之善作元史天經補註二卷又以授時集古法大
成然朔法五端外大率多因古術因參校古術七十餘家著古
今天法通考七十餘卷授時以六術考古今冬至取魯獻公冬

至證統天術之疏。然依其本法步算。與授時所得正同。作春秋以來冬至考一卷。元史西征庚午元術西征者。謂太祖庚辰也。庚午元者。上元起算之端也。志訛太祖庚辰爲太宗。不知太宗無庚辰也。又訛上元爲庚子。則於積年不合也。考而正之作庚午元法考一卷。授時非諸古術所能比。郭守敬所著法草乃法經立法之根。拈其義之情微者。作郭太史法草補註二卷。立成傳寫魯魚。不得其法。不敢妄用作。大統立成註二卷。授時法於日纏盈縮月離遲疾。並以累積招差立算。而九章諸書無此術。從未有能言其故者。作平定三差詳說一卷。此發明古法者也。唐九執法爲西法之權輿。其後有婆羅門一一曜經及都聿利

斯經皆九執之屬在元則有札馬魯丁西城萬年法在明則有馬沙亦黑馬哈麻之回回法西域天文書天順時貝琳所刻天文實用卽本此書作回回法補註三卷西域天文書補註二卷三十雜星考一卷表景生於日軌之高下日軌又因於地差而變移作四省表景立成一卷周髀所言里差法卽西人之說所自出作周髀算經補註一卷渾蓋之器最便行測作渾蓋通憲圖說訂補一卷西國日月以太陽行黃道三十度爲一日作西國日月考一卷西術中有細草猶授時之有通軌也以天指大意彙括而註之作七政細草補註三卷新法有交食蒙求七政蒙引二書並逸作交食蒙求訂補二卷交食蒙求附說二卷監

正揚光先日食圖以金環與食甚時分爲二圖而各具時刻其
誤非小作交食圖法訂誤一卷新法以黃道求赤道交食細草
用儀象志表不如弧三角之親切作求赤道宿度法一卷謂中
西兩家之法求交食起復方位皆以東西南北爲言然東西南
北惟日月行至午規而又近天頂則四方各正其位矣自非然
者則黃道有斜正之殊而自虧至復經歷時刻展轉遷移弧度
之勢頃刻易向且北極有高下而隨處所見必皆不同勢難施
諸測驗今別立新法不用東西南北之號惟就人所見日月圓
體分爲八向以正對天頂處命之曰上對地平處命之曰下上
下聯爲直線作十字橫線命之曰左右此四正向也曰上左上

右曰下左下右則四隅向也乃以定其受蝕之所在則舉目可見作交食管見一卷太陽之有日差猶月離交食之有加減時因表說含糊有誤作日差原理一卷火星最爲難算至地谷而始密解其立法之根作火緯本原圖說一卷訂火緯表記因及七政作七政前均簡法一卷金水歲輪繞日其度右移上三星軌跡其度左轉若歲輪則仍右移作上三星軌跡成繞日圓象一卷天問略取黃緯不真而列表從之誤作黃赤距緯圖辨一卷西人謂日月高度等其表景有長短以證日遠月近其說非是作太陰表影辨一卷新法帝星句陳經緯利本互異作帝星句陳經緯考異一卷測帝星句陳二星爲定夜時之簡法作略

著真度一卷。以士皆發明新法算書。或正其誤。或補其闕也。康熙開明史開局。天文志爲吳檢討任臣分修。總裁爲湯公斌。徐公乾學。經嘉興徐善苑。平劉獻廷。常州楊文言。各有增定。後以屬黃先生宗羲。又以屬先生先生摘其訛舛五十條。處以天草通軌補之作。明史志擬彙三卷。雖爲大統而作。實以闡明授明之奧。補元史之缺略。其總目凡三。曰法原。曰立成。曰推步。又作天志贅言一卷。大意言明用大統。實卽授時。宜於元史闕載之事。詳之以補其未備。又回回法承用三百年。法宜備書。所鄭世子之天學。袁黃之天法。新書唐順之周述學之會通回法。以庚午元法之例。列之皆得。附錄其西洋法。方今見行。然崇禎朝徐

李測驗改憲之功不可沒也亦宜備載緣起康熙二十八年先生至京師見安溪李文貞公文貞謂曰天法至本朝大備經生家猶若望洋者無快論以發其意也宜略倣元趙友欽革象新書體例作簡要之書俾人人得其門戶此學庶將大顯因作天學疑問三卷四十一年文貞扈駕南巡駐蹕德州有旨取先生書文貞以天學疑問呈求聖誨奉旨朕留心歷算多年此事朕能決其是非將書留覽後二月召見文貞聖祖云昨所呈書甚細心且議論亦公平此人用力深矣朕帶回宮中細閱文貞因求

皇上親加御筆批駁改定

上肯之明年駕復南巡於行在發回原書中間圈點塗抹

及籤貼批語皆

上親筆也文貞復請此書疵謬所在諭曰無疵謬但算法未

備未幾

聖祖西巡問隱淪之士文貞以關中李顥河南張沐及先生三

人對

上亦素知顥及先生四十四年南巡狩文貞以撫臣扈從

上問宣城處士梅文鼎今焉在文貞以向在臣署對

上曰朕歸時汝與偕來朕將而見文貞尋與先生伋迎河子越

晨俱召對御舟中從容垂問凡三日

上謂文貞曰天象算法朕最留心此學今鮮知者如文鼎實僅見也其人亦雅士惜乎老矣

賜御書扇幅頒賚珍饌臨辭


特賜績學參微四大字越明年又命其孫鼓成人內廷學習五十三年十二月鼓成奉

上諭汝祖留心律歷多年可將律呂正義寄一部去令看或有錯處可指出夫古帝王有都俞吁咈四字後來遂止有都俞即朋友之間亦不喜人規勸此皆私意也汝等須極力克去則學問自然長進可併將此意寫與汝祖知之恩遇爲古所未有也先生所著書柏鄉魏荔彤兼濟堂纂刻者凡二十九種鼓成

謂編校不善。別爲編次。更名梅氏叢書輯要總二十五種。六十
二卷。未刻者。今失傳。先生爲學甚勤。李文貞命子鍾倫。弟鼎徵
及羣從。皆執弟子禮。宿遷徐用錫。晉江陳萬策。景州魏廷珍。河
閒王之銳。交河王蘭生。皆以得與參校爲榮。康熙六十年卒。年
八十有九。

上聞命有司。經紀其喪。士論榮之。先生家居。營祠廟。申宗禁。梅
氏無公庭訟。幾三十年。族屬數千人。無博戲者。及卒。皆弔哭。失
志。子以燕。癸酉舉人。毀成以康熙五十三年。賜舉人。明年
賜進士。選庶吉士。授編修。供奉內廷。官至左都御史。謚文穆。
蒙。

聖祖授以借根方法。知與古人立天元一術相同。闡揚
聖學。有明三百年所不能知者。一旦復顯於世。與修明史天志
著增刪算法統宗十一卷。赤水遺珠一卷。操縵卮言一卷。文彙
先生仲弟與兄共著。步五星式六卷。早卒。文龍其季弟也。著中
西經星同異考一卷。




薛儀甫先生事略 唐夢賚

薛先生鳳祚字儀甫山東淄川人嘗師事定興鹿忠節善繼容城孫徵君奇逢著聖學心傳發明認理尋樂之旨又講求天文地理實用初從魏文魁學天文順治中譯穆尼閣說爲天步真原先生謹守成法著天學會通十餘種梅定九天算書記所謂青州之學也其曰對數比例者卽西法之假數也日中法四線者以西法六十分爲度不便於算改從古法以百分爲度表所列止正弦餘弦正切餘切故曰四線其推步諸書曰太陽大陰諸行法原曰木火土三星經行法原曰交食法原曰歷年甲子曰求歲實曰五星高行曰交食表曰經星中星曰西域回回術

曰西術表曰今西法選要曰今法表皆會中西以立法以順治十二年乙未冬至爲元諸應皆從此起算以三百六十五曰二十三刻三分五十七秒五微爲歲實黃赤道交度有加減恆星歲行五十二秒與天步真原法同梅定九謂其書詳於法而無快論以發其趣蓋其時新法初行中西文字輾轉相通故詞旨未能盡暢也先生又著兩河清彙詳究黃河運河北自昌平通州南至浙江等處河湖泉水諸目皆詳載之又記黃河職官夫役道里之數及歷代至本朝治河成績援據古今疏證頗明別爲海運一篇欲仿元運故道與漕河並行則祖邱瓊山舊說也同縣唐先生夢賚字濟武順治六年進士以檢討言事罷歸

家居閉戶讀書著述甚富。有銅鈔疏禁糴說備邊策。皆留心經濟之書。



山陰

山陰縣志卷之十一

王寅旭先生事略談泰

王先生錫闡字寅旭吳江人博覽羣書守義樹節與張楊園講
濂洛之學兼通中西天學先生生於明季當徐光啟等修新法
時聚訟盈廷生生獨閉戶著書潛心測算遇天色晴霽輒登屋
臥鴨吻間仰觀景象竟夕不寐務求精符天象不屑屑於門戶
之分著曉庵新法六卷考古之誤而存其是擇西說之長而去
其短據依主表改立法數雖私家撰述未見施行而為術精妙
識者莫不稱善年五十五卒梅處士定九日從來言交食者祇
有食甚分數未及其邊惟寅旭以日月圓體分三百六十度而
論其日食時所虧之邊凡幾何度今推其法頗精確然則御

製考成所采定九以上下左右算交食方向法蓋本於先生矣。康熙以來梅學盛行王學尙微蓋先生無子傳其業者無人又其遺書知之者少持平而論先生精而核定九博而大各造其極難可軒輊而皆在薛鳳祚之上。

談泰字階平江甯舉人官南匯訓導博覽勤學精於天算得梅氏算學之傳所著考證經史之書曰觀書雜識二十卷其算術之書有測量周徑正誤周髀經算四極南北遊法增補武成朔閏譜召誥月日譜歲次月建異同辨春秋歲次考三統術推三統術譜冬至權度紀略天官節次斗分辨野辨操縵卮言正誤圓壺周徑積實祖沖之補法辨補內方非十尺辨喪服傳濫

說王服經帶數等書又著古算書細草十餘種



陳泗源先生事略

陳先生厚耀字泗源江蘇泰州人康熙四十五年進士官蘇州府教授學問淵博李文貞薦其通天文算法引一見於內閣中書聖祖命試以算法繪三角形令求中綿及問弧背尺寸先生具可進稱旨命入直內廷後編修與梅文穆殷成同修書曆召至御座旁教以幾何算法先生學益進

上嘗問曰汝能測北極出地高下否對曰遇春秋二分用儀器測之可得高度若餘節氣又有加減之異然亦不準何也地上有朦氣之差以人目視之有升卑爲高映小爲大之異故以渾

儀測之多不合惟在天度數則不差耳又問地周三百六十度
依周尺每度二百五十里今尺二百里地周幾何徑幾何奏曰
依周尺地周九萬里今尺七萬二千里以圍三徑一推之地徑
二萬四千以密率推之當得地徑二萬二千九百一十八里有
奇


上問地圖出何書對以周髀算經曾言之問何以見其圓也對
曰職方外紀西人言繞地過一周四而皆生齒所居故知其爲
圓且東西測影有時差南北測星有地差皆與圓形相合故益
知其爲圓

上稱善累遷司業左諭德以老疾致仕卒於家先生治春秋尤

究心天算。嘗誦杜預長曆爲春秋長曆十卷。其凡有四。一曰曆證。備引漢書續漢書晉書隋書唐書宋史元史左傳注疏春秋屬辭。天元曆理。歷法新書諸說。以證推步之異。其引春秋屬辭。載杜預論日月差謬一條。爲注疏所無。又引大衍曆義。春秋曆考一條。亦唐志所未錄。尤足以資考證。二曰古曆。以古法十九年爲一章。一章之首。推合周曆正月朔日冬至前列算法。後以春秋十二公紀年。橫列爲四章。縱列十二公。積而成表。以求歷元。三曰曆編。舉春秋二百四十二年。一一推其朔閏及月之大。小而以經傳干支爲證。佐皆述杜預之說。而考辨之。四曰曆存。以古曆推隱公元年正月庚戌朔。杜氏長曆則爲辛巳朔。乃古

歷所推之上年十二月朔謂元年之前失一閏。蓋以經傳干支推次知之。先生則謂如預之說。元年至七年中。書者雖多不失。而與二年八月之庚辰。三年十二月之庚戌。四年二月之戊申。又不能合。且隱公三年二月己巳朔。日食。桓公三年七月壬辰朔。日食。亦皆失之。蓋隱公元年以前。非失一閏。乃多一閏。因退一月就之。定隱公元年正月爲庚辰朔。較長。歷實退兩月。推至僖公五年。正以下朔。閏因一一與杜歷相符。故不復續載焉。杜預書。惟以干支遞排。而以閏月小建爲之。遷就先生明於歷法。故所推較預爲密。蓋非惟補其闕佚。並能正其譌舛。於考證之學。極爲有裨。治春秋者。不可少此編矣。又選春秋戰國異辭五

十四卷通表二卷撫遺一卷春秋世族譜一卷鄒平馬宛斯驪
爲繹史兼采三傳國語國策先生則皆撫於五書之外尤獨爲
其難以族書與顧復初棟高大事表互證則春秋氏族之學
幾乎備矣以外尙有禮記分類十七史正譌諸書今不傳



胡東樵先生事略

葉佩蓀

黃儀

顧祖禹

先生諱渭初名渭生字肫明浙江德清人曾祖友信明進士有
父名世所稱思泉先生也父公角天啟中舉人先生年十二而
孤母沈攜之避寇山谷閒十五爲縣學生試高等屢赴行省試
不售乃入太學嘗館益都馮相國邸會開博學鴻詞科相國欲
以先生應詔堅辭不肯就羣公避嫌以相國子師莫敢先發
及見薦牘無先生名則又大驚先生自是謝科舉專窮經義尤
精輿地之學徐尙書乾學奉詔修一統志開局洞庭山延請
黃儀子鴻顧祖禹景范問若璩百詩及先主分纂因得縱觀天
下郡國之書先生素習禹貢謂漢唐二孔氏宋蔡氏於地理多

疏舛如三江當主鄭康成說。庾仲初言不可以釋禹貢浮於

淮泗達於河。河當從說。文作荷。滌波既豬。波當從鄭康成本作

播。梁州之黑水與導川之黑水不可泐而爲一。乃博稽載籍及

古今經解考其同異而折衷之。依經爲訓。章則句從。名曰禹貢

雖指凡二十卷。爲圖四十七篇。於九川山川形勢及古今郡國

分合同異。道里遠近。夷險稔然。若聚木而畫沙也。漢唐以來。河

道遷徙。雖非禹貢之舊。要爲民生國可所繫。故於導河一章。備

考歷代決溢改流之跡。且爲圖以表之。嘗謂詩書禮春秋皆不

可無圖。惟易無所用圖。六十四卦一體六爻之畫。卽其圖也。八

卦之次序方位。則乾坤三索出震齊巽二章盡之矣。若先後天

之圖。唐以前書絕無一字符驗而突出於宋初田邵子以及朱子但取其數之巧合而不能指其授受所從來本義卷首九圖乃門人所依附朱子當日未嘗堅主其說至河圖之象自古無傳後人何從擬議洛書之文見於洪範五行九宮初不爲易而設作易圖明辨十卷又言洪範古聖所傳漢儒專主災異以瞽史矯誣之說亂彝倫攸敘之經害一洛書本文具在洪範宋儒初爲黑白之點六員之體九十之位且謂洪範之理通於易劉牧以九爲河圖十爲洛書蔡元定兩易其名害二洪範原無錯簡後儒任意改竄移庶徵王省惟歲以下爲五紀之傳移皇極斂時五服至作汝用名及三德惟辟作福以下爲五福六極之

傳害三。作洪範正詩五卷。又作大學翼真七卷。言經文此謂知本二句。當在止於信之下。知本蓋知止之訛。格物致知與至善釋在邦畿章內。本無闕文。無衍於補。皆作然。有得非異趣。以爲高者。康熙四十三年。

聖祖南巡。先生撰平成頌并禹貢錐指獻諸行在。有詔嘉獎。召至南書房。有廬賜饌。賜御書詩扇並御書晉年

篤學四大字。賜之儒者咸以爲榮。五十二年正月卒。年八十有二。從子曾恩。從先生學。由進士及第。官至刑部尚書。孫彥穎。宮編修。彥昇。進士。由刑部主事改定陶知縣。著春秋說四書近是叢書要錄於樂律。力有心得。著樂律表微八卷。同御製佩蓀

亦治古易不言圖書著易守四十卷於易中三聖人所未言者不加一字故曰守。

黃儀字子鴻常熟人精輿地之學調班書地志所載諸川第言其所出所入而中間經歷之地不可得聞惟水經注備著之然非繪圖不能了然於心目乃反覆尋究每水各爲一圖凡郡邑建置沿革山川險易皆縷析而條分之與閻百詩顧景范同修一統志蒐討之力爲多。

顧景范者名祖禹無錫人學者稱宛溪先生父柔謙字剛中精於史學者山居贅論一書景范沈敏有大略爲人奇貧而廉介樸厚不求名於時貫穿諸史出以已所獨見著方輿紀要百二

十卷據正史考訂地理於山川形勢險要古今用兵戰守攻取
成敗得失之跡皆有折衷雖荒僻幽仄之地皆如目見而身履
之其論之最精者謂天下之形勢視乎建都故邊與腹無定所
有在此爲要害而彼爲散地在彼爲散地而此爲要害者又謂
有根本之地有起事之地立本者必審天下之勢而起事常不
擇地甯邠魏叔子推爲數千百年絕無僅有之書欽定通鑑
擊要於地理注中多加采錄焉

何義門先生事略

沈彤

陳景雲

陳黃中

何先生焯字岷瞻晚號茶仙江蘇長洲人先世曾以義門旌學者稱義門先生少讀書數行齊下爲文才思橫溢天性最耿介廉於財視千金猶草芥晨炊未具不計也康熙二十四年充拔貢生時徐尙書乾學翁祭酒叔元方收召後進其所善通顯立致先生亦及其門而慎自持遇不韙且相諍執尙書待之甚厚而爲忌者所構失歡至辨訟於大府祭酒之子妄人也先生積忤之爲所寤及祭酒受要人指劾睢州湯文正公舉朝憤之莫敢訟言其非獨慈谿姜西溟移文譏之先生亦上書請削門生籍天下快焉然先生卒以是潦倒場屋不得志最後爲安溪李

文貞所知四十一年

聖祖南巡駐涿州文貞時撫直隸迎謁道左

上從容問野甯有遺賢乎文貞以何焯對遂召試命直南

書房明年賜舉人試禮部下第復賜進士選庶書上仍直

南書房尋命侍讀皇太子允禩貝勒府兼武英殿纂修然

忌者滋多散館置下等得旨再教習三年明年外艱歸旋丁

後母艱初先生選刻四書文行遠集數種及從安溪遊得成宏

先輩宗傳復選歷科程墨海內五尺童子皆知其名晚歲益有

見於儒者之大原嘗歎王厚齋雖魁宿尚未脫盡詞科習氣而

欲然自附於不賢識小之徒欲因文見道以採本於儒術蓋所

得自此益遠矣。五十二年再以文貞薦。召赴闕。仍直武英殿。明年授編修。又明年。駕在熱河。有構蜚語以聞者。上還京。先生迎道左。卽命收繫。盡籍其邸中書籍以進。交學士蔣公廷錫等檢勘。無狂謬語。又草稿中有辭吳縣令餽金札。上覽之。怒漸解。且嘉其有守。簡數條。命內侍詣獄詰責先生。各據實奏。辭反報。僅坐免官。還其書。命仍直武英殿。方事之殷。校尉縛先生馬上。馳送獄。家人惶怖。先生眠食如平時。振襟讀易。聲出戶外。旣出獄。卽趨局校書。如故時。諸王皆右文。朱邸所治冊府。多資其校勘。世宗皇帝在潛邸。亦以困學。紀聞屬先生箋疏。六十年病。

詔賜醫藥。六月九日卒。年六十有二。

上曰：何焯修書，勤學問，好朕正欲用之，不意驟歿，殊可閔。遂

詔復原官，超贈侍讀學士，賜金給符，傳歸喪。命有司存恤

其孤。先生蓄書數萬卷，參互鉤稽，如別黑白。吳下多書估，先生

訪講宋元舊槧，及故家善本，細讎正之。丹黃積數十過，始知近

世之書脫漏訛謬，讀者多沈迷於其中，而不悟所校定兩漢書

三國志考證尤精核。乾隆五年，侍郎方苞奏取其書付國子監

爲新利本，所取正先生凡有評識，必洞徹其表裏，通核其時勢

利病，無一語無根據。每讀書論世，輒思爲用天下之具，故精密

絕倫。若此書得晉唐人法。

聖祖嘗命書四書章句集註奏

御嘉獎

命卽鋟板所著道

占齋識小錄多刪取諸題識爲之最矜慎繫獄時門人某妄意
中有忌諱語投諸火或謂爲所乾沒云先生與方望溪論文不
其合望溪最惡錢牧齋文先生頗右之謂自牧齋後更無人矣
蓋少嘗學於邵僧彌僧彌出自虞山也然望溪有作必問其友
曰義門見之否義門能糾吾文之短者如有言乞以告我先生
歿後世或用兼金購所閱經史諸本估人多冒其蹟以求售於
是何氏僞書頗雜出邑子蔣維鈞刻其讀書記五十八卷行於
世先生事親孝謹推財產於兄弟待親故貧者咸有恩晚歲落
官入直芻米僕賃不給其廉介自若也門人有才而貧者恆飲

食於其家而教之著錄四百餘人知名者三之一吳江沈彤陳
景雲其最著也。彤字冠雲一字果堂。自少力學。以窮經爲事。貫
穿前人之異同。折衷至當。淹通三禮。論者謂亞於惠天牧。而酷
於萬充宗。爲人誠篤。盡洗吳中名士習氣。乾隆丙辰。以諸生
召試鴻詞科。不遇。與修三禮及一統志書。成授九品官。以親老
辭歸。親歿二年中。不茹葷。不內寢。纖悉中禮。其周官祿出考。因
歐陽文忠有周禮官多田少祿且不給之疑。後人辨者。不過以
攝官爲詞。冠雲獨詳究周制。分官爵公田祿田三篇。據經起芻
旁求諸注。乃適如經之所有。其精密淹通。於鄭賈注疏外。可爲
特出。又撰儀禮小疏一卷。取士冠禮。士昏禮。公食大夫禮。喪服

士喪禮爲之疏箋足訂舊義之訛。又撰春秋左氏傳小疏。尙書小疏各一卷。其果堂集十二卷。則多訂正經學之文。其於禮經服制足補漢宋以來注疏家所未備。又撰氣穴考略。內經本論卒年六十有五。景雲字少章。年十七。湯文正公撫吳。試士拔第一。補縣學生。康熙中。應順天試。不遇。館於藩邸。三年辭歸。時年四十。以母老。絕意官遊。後藩邸再遣使敦促。漕師赫公命淮安守造廬延請。皆堅謝不赴也。凡經史子集地理制度。下及裨官家。無不綜覽。而尤深於史學。溫公通鑑略能背誦。前明三百年事。能剖決其毫芒得失。所著讀書紀聞十二卷。綱目辨誤四卷。兩漢訂誤五卷。三國志校誤三卷。韓文校誤三卷。柳文校誤三

卷文選校正三卷。通鑑胡注正誤二卷。紀元考略二卷。文集四
卷。篤於內行。親喪每慟輒絕。祭必涕泗沾衣。外和內剛。不因人
熱。晚歲名益高。跡益晦。終年杜門。足不蹋城市。朝齋暮監。處之
怡然也。子黃中。字和叔。號東莊。乾隆初。應博學鴻詞科。不遇。乃
縱遊南臨洞庭。登衡嶽。東浮錢唐。入閩。北馳驅燕齊。河岱。閱學
益精。爲海甯陳相國所知。嘗上書相國。論用人理財養兵數大
事。鑿鑿切利病。無少諱。會有詔求骨鯁魁壘之士。如古馬周
陽城者。陳公欲以和叔應。詔和叔辭焉。初。客湖南巡撫幕府。
士苗或小警。巡撫欲與師勦之。屬繕奏草。和叔曰。此召亂也。撫
而輯之。其可弗聽。和叔行已而苗叛。用兵期年。乃靖。在京師。最

善山陰胡稚威。稚威故奇士。傲睨當世士。鮮當意者。顧獨爲和叔屈。所著文必以見示。輒爲發其蘊。別其良。未嘗不相視而笑也。和叔卒年五十有九。貧甚至不能庀喪具。姻黨以金賄妾張氏。固卻之曰。柰何以貧故傷夫子義。遂鬻居以葬。所著宋史彙一百七十卷。新唐書刊誤三卷。國朝證法考三卷。殿閣部院年表。督撫年表。各六卷。詩文集四卷。

惠天牧先生事略

惠先生士奇字天牧一字仲儒江蘇吳縣人父周陽字元龍少從徐俟齋遊復受業於堯峰康熙己未舉鴻詞科丁憂不與試辛未成進士選庶吉士改密雲縣知縣卒於官惠氏三世以經學著稱元龍其創始者也所著周易傳春秋三禮問友詩說其論詩謂大小雅以音別不以政別謂正雅變雅美刺錯陳不必分六月以上爲正六月以下爲變文王以下爲正民勞以下爲變謂二南二十六篇皆房中之樂不必泥其所指何人講天子諸侯均得有頌魯頌非僭立論皆有依據先生生時元龍夢貴人來謁視其刺乃東里楊文貞公遂以文貞名名之弱冠爲諸

生不就省試。或問之。則曰。胷中無書焉。用試爲。於是奮志讀書。不輟。遂博通六藝。凡九經經文。國語戰國策。楚詞史記漢書三國志。皆能闡誦。嘗與名流會坐。中有客前請曰。聞君熟於史漢。試爲誦封禪書。先生朗誦終篇。不失一字。合坐皆歎服。康熙戊子。舉鄉試第一。明年成進士。選庶吉士。授編修。分校癸巳乙未會試。

聖祖嘗問廷臣誰工作賦。閣學蔣公廷錫以華亭王公瓊齡。仁和湯公右曾及先生名對。其後湯公掌翰林院。詞臣撰擬文字。皆送先生改定。乃進呈。己亥正月。

太皇太后升祔禮成。特命祭告炎帝陵舜陵。故事。祭告使臣

學士以上皆開列。先生以編修與焉。異數也。庚子主湖廣鄉試。冬奉督學廣東之命。下車日焚香設誓。不妄取一文。不妄徇一情。頒條教以通經爲先。士能背誦五經。背寫三禮。左傳者。諸生食廩餼。童子青其衿。嘗言漢蜀郡僻陋。有蠻夷風。文翁爲蜀守。選子弟就學。遣雋士張寬等東受七經。還以教授。其後司馬相如王褒嚴尊楊雄相繼而起。文章冠天下。漢之蜀猶今之粵也。於是毅然以經學倡。每試士。扃門後。卽危坐堂上。溫經史。繞座背誦。不一字遺。諸生大驚曰。吾屬非人矣。乃一淬於學。世宗御極。復命留任三年。粵士爭棄兔園冊。通經者愈多。其爲文章。郁郁萃萃。比於江浙矣。又謂今之校官古博士也。博士

明於古今通達國體。今校官無博士之才。弟子何所效法。因訪輿論。得海陽進士翁廷資。卽具疏題補韶州教授。部議學臣向無題補屬吏例。奉旨惠士奇官聲好著。照所請行。後不爲例。在任遷右中允。超擢侍講學士。轉侍讀學士。任滿還都。送行者如堵。牆旣去。粵人尸祝之。設木主。配食先賢。潮州於昌黎祠惠州於東坡祠。廣州於三賢祠。每元旦及生辰。諸生皆肅衣冠入拜。其得士心如此。丙午還朝。丁未五月奉旨修理鎮江城。以產盡停工罷官。

高宗卽位有旨調取來京引見。以講讀用。所欠修城銀得寬免。丁巳六月補侍讀時已垂老耳漸聾。己未春以病告歸。辛

西三月卒年七十有一先生盛年兼治經史晚年尤邃於經學
撰易說六卷禮說十四卷春秋說十五卷其論易曰易始於伏
羲盛於文王大備於孔子而其說猶存於漢不明孔子之易不
足與言文王不明文王之易不足與言伏羲舍文王孔子之易
而遠問庖犧吾不知之矣漢儒言易孟喜以卦氣京房以適變
荀爽以升降鄭康成以爻辰虞翻以納甲其說不同而指歸則
一皆不可廢今所傳之易出自費直費氏本古文文王彌盡改爲
俗書又創爲虛象之說遂舉漢易而空之而古學亡矣易者象
也聖人觀象而繫辭君子觀象而玩辭六十四卦皆實象安得
虛哉其論春秋曰春秋三傳事莫詳於左氏論莫正於穀梁韓

宣子見魯春秋曰周禮盡在魯矣。然則春秋本周禮以記事也。左氏褒貶皆春秋諸儒之論。故記事皆實而論或未公。公羊不信國史。惟篤信其師說。師所未言。則以意逆之。故所失常多。要之左氏得諸國史。公穀得之師承。雖互有得失。不可偏廢。後世有王通者。好爲大言以欺人。乃曰三傳作而春秋散。於是啖助趙匡之徒。爭攻三傳以伸其異說。夫春秋無左傳。則二百四十年盲焉如坐闇室中矣。公穀二家。卽七十子之徒所傳之大義也。學者當信而好之。擇善而從之。若徒據孟子盡信書不如無書之說。力排而痛詆之。吾恐三傳廢而春秋亦隨之而亡也。其論周禮曰禮經出於屋壁。多古字古音。經之存乎訓識。字審

音乃知其義。故古訓不可改也。康成注經。皆從古讀。蓋字有音義相近而譌者。故讀從之。後世不學。遂謂康成好改字。豈其然乎。康成三禮。何休公羊。多引漢法。以其去古未遠。故借以爲況。賈公彥於鄭注如飛。矛扶蘇。薄借綦之類。皆不能疏所讀之字。亦不能疏。輒曰從俗讀。甚非不知。蓋闕之義。夫漢遠於周。而唐又遠於漢。宜其說之不能盡通也。況宋以後乎。周秦諸子。其文雖不盡雅馴。然皆可引爲禮經之證。以其近古也。幼時讀世一史。於天文樂律二志。未盡通曉。及官翰林。因新法究推步之原。著交食舉隅二卷。言測日食者。先求食限。食限必在兩交去交近則食。遠則否。有入食限而不食者。未有不入食限而食者也。

古法不能定期。故日食或在晦。說者謂日之食。晦朔之間。月之食。惟在望。此知二五而不知十也。日月有平行。有實行。有視行。日月之食。亦有實食。有視食。實食者。日月在天相掩之實度。視食者。人在地所見之初虧食甚復圓也。古術或知求實行。莫知求視行。皆知求平朔。莫知求實朔。故不能定期者。以此。七政有高卑。故有恆星。天有五星。天有日。天有月。天古人以恆星最高。遂指恆星爲天體。新法於恆星天之外。又有宗動天。合於九重之數。宗動者。七政之所同宗也。沈括謂日月星辰之行。不相觸者。氣而已。此不知厯象者也。如日月有氣而無體。則月焉能掩日哉。日高而月下。五星亦有高下。高下旣殊。又焉能相觸乎。春

秋。日。有。食。之。既。既。者。有。繼。之。辭。非。盡。也。新。法。謂。之。金。錢。食。日。大。月。小。月。不。能。盡。揜。日。光。故。全。食。之。時。其。中。闕。然。而。光。溢。於。外。狀。若。金。錢。也。又。撰。琴。瑟。理。數。考。四。卷。其。略。云。十。二。律。黃。鐘。至。小。呂。爲。陽。蕤。賓。至。應。鐘。爲。陰。陽。用。正。而。陰。用。倍。蕤。賓。長。小。呂。短。黃。鐘。中。自。古。相。傳。之。舊。法。也。晉。永。嘉。之。亂。有。司。失。傳。梁。武。帝。始。改。舊。法。黃。鐘。長。應。鐘。短。小。呂。中。由。是。陽。正。陰。倍。之。法。絕。漢。魏。律。遂。小。呂。一。均。之。下。徵。調。黃。鐘。爲。宮。有。小。呂。無。蕤。賓。故。假。用。小。呂。爲。變。徵。黃。鐘。遂。之。黃。鐘。宮。爲。正。宮。小。呂。遂。之。黃。鐘。宮。爲。下。宮。徵。最。小。而。以。爲。宮。故。爲。下。宮。隋。鄭。譯。遂。以。黃。鐘。正。宮。當。之。擅。去。小。呂。用。蕤。賓。以。附。會。先。儒。宮。濁。羽。清。之。說。夫。宮。濁。羽。清。者。指。下。徵。調。而。

言譯改爲正宮。是以歷代之樂皆患聲高。隋唐以來。惟奏黃鐘一均而旋宮之法廢矣。古法盡亡。獨存於琴。遂遂孔疏密取則琴。暉琴之十二律。起於中暉。遂之七音。生於宮。孔黃鐘。遂從宮。孔黃鐘。始一上一下。終於蕤賓。琴自中暉。黃鐘。始一左一右。終於十暉。小呂餘遂及琴放。此書成。惟嘉定王進士恪見而喜之。餘皆莫能解也。所著詩有紅豆齋小草。詠史樂府及南中采蓴歸耕人海諸集。晚年自號半農居士。學者稱紅豆先生。子七人。棟最知名。自有傳。

陳亦韓先生事略 蔡德晉

陳先生祖范字亦韓自號見復江蘇常熟人少習舉業有師法。雍正元年黃侍郎叔琳典試江南所取皆一時名士先生與嘉定張公鵬翀宜興任公啟運當塗徐公文靖才尤高試文傳頌遍海內其秋試禮部中式同邑蔣文肅廷錫方爲大學士語之曰子有盛名登甲榜而某又在朝今歲大魁非子而誰先生默然趨出卽辦裝南下語人曰無使他日以我爲依附權門遂不與。殿試歸明年補行正科親朋皆勸赴廷對先生曰吾少無溫飽之心徒自苦奚爲及今尙可止過此則義不當止勢又不得自止矣於是僦廬華隄之濱槌戶讀書弟子著錄者日衆

閒與吟社諸老唱和。月一讌集。居數年。有詔天下設書院。以教士。諸大吏爭先延請爲師。先生勉應之。在蘇州紫陽書院三年。訓課有法。士子至今思之。又主徐州之雲龍。安慶之敬敷。揚州之安定。或一年。或二年。輒辭去。曰。士習難醇。師道難立。且此席似宋時祠祿。仕而不遂者處焉。吾不求仕。而久與其列。爲汗顏耳。乾隆十五年。

天子崇尚經術。特詔內外大臣薦舉經明行修之士。秦文恭蕙田昌言曰。不得陳某。則此舉爲無光。於是雅知先生者交章列薦。明年。

上命閣部大臣於所舉中核其名實允孚者。得四人。先生褒然。


居首其三人則無錫顧棟高。金匱吳鼎介。休梁錫與也。得旨
皆授國子監司業。先生與顧公以年老不任職。卽家拜受。新
命朝野咸以爲異。數云。又三年卒於家。年七十有九。所選述有
經咫一卷。薦時錄呈。御覽又文集四卷。詩集四卷。掌錄二
卷。先生於學務求心得。不言馳騁其說。與古人爭勝。尤恥勦襲
成言。爲已有。蓋合於論語之君子儒焉。其論易不取先天之學。
謂易本隱以之顯。學易者務舍顯而求隱。末求文字。先觀圖象。
且帝出乎震一節。方位顯然。以數往知來。爲先天圖之注腳。未
免牽合。儒者於經所無則信之。於經所明言則疑之。何也。論詩
謂朱子不信小序。是其慎處。亦卽其師心自用處。詩之體格古

今不同。作詩之故亦古今不同。占時君民朝野不若後代之闢。絕指陳時事。譏切宮闈。不若後代之忌諱。朱子以後代詩人之習。上觀三百篇。故於小序。覺其迂闊牽強而難信也。謂論語賢賢易色。主夫婦而言。賢賢如關雎之淑女好逑。車葦之令德來教好德。非好色。故云易色也。造端夫婦。其理甚大。若賢人之賢。則交友一倫已括之矣。又言世俗有非禮之禮。三承重也。繼嗣也。葬服也。古者人子有爲父後。不爲父後之分。漢時詔令尙云。賜爲父後者爵一級。爲後者承爵祿奉宗祀而傳之以重者也。應爲後之子亡。則適孫承之。而謂之承重。今士大夫不世爵。旣無重可傳。而漫於喪訃立長孫承重之條。遂駕名諸父之前。禮

果然乎哉。古之爲人後者，後其繼別之宗耳。宗不可絕，是以後之。若餘人無子，不皆立後，其資財入宗子之家，以宗子祭，無後故也。自宗法廢而收族之道亡，資財無所入，勢必立其近屬以奉祭祀。然風俗澆薄，無資財者委而去之，稍有絲粟之貽，卽攘臂而爭。此禮所稱爲人後者，與饋軍之將亡國之大夫同其可恥者也。古之葬有常期，過期而不能葬，則主喪者不除服，改葬則絕者不可以無服，送至親也。今葬無常期，遠者至一二十年爲子者不能守，未葬不除之禮，卽古已久忽焉。返其初喪之服而葬，是以僞事其親也。喪事有進無退，不亦舛乎？必不得已，假用改葬之總事，異而除之，或亦亡於禮者之禮也。又與人論史

記謂班孟堅譏子長先黃老而後六經。此子長述其父說則然。其所撰五帝本紀贊首推尙書列傳開端云載籍極博猶考信於六藝可謂之後六經乎。列老子於申韓而進孔子爲世家稱老子不過云古之隱者而於孔子曰可謂至聖矣。至聖之稱至今用爲廟號匹夫而躋世家卽世世襲封之兆也。弟子七十餘人合爲一傳卽堂廡從祀之端也。以孟荀表諸子又隱然以孟子爲主。韓退之荀孟醇疵之辯子長已有先覺竊謂孔氏之道得子長而始定一尊雖從祀廟庭亦不爲過。而班氏譏之不能不爲之曰也。同縣王侍御峻顧主事鎮孫主事夢達湯進士愈先後游其門皆知名。又有蔡先生德晉者字仁錫無錫人也。雍

正四年舉人乾隆初楊文定公名時以大宗伯兼領成均薦仁錫經明行修授國子監學正遷工部司務生平覃精二禮著禮經本義十七卷禮傳本義二十傳通禮五十卷雖開出新義然大旨悉衷諸古嘗謂橫渠以禮教人最得孔門博約之旨故其律身甚嚴出處辭受皆不苟與方侍郎苞李侍郎綏往返論三禮其持論悉有根據




臧玉林先生事略
臧庸
臧禮堂

臧先生琳字玉林江蘇武進人康熙閑補縣學生其學謂不通訓詁無以明經治經當以漢唐注疏為主著經義雜記三十卷尚書集解百二十卷別白精審實事求是未嘗輕詆前哲至於詩禮二經王肅私竄以難鄭氏者尤能推見至隱閭百詩見其書歎其精確稱為隱德君子先生元孫庸學於盧抱經學士學上校經典釋文見先生書多引其說庸字拜經初名鏞堂性沈默樸厚學術精審著拜經日記十二卷拜經堂文集四卷又輯輯月令雜說一卷孝經考異一卷樂記二十三篇注一卷又輯子夏易傳一卷詩考異四卷韓詩遺說三卷訂譌一卷盧植禮

記解詁一卷爾雅古注三卷說文舊音考三卷蔡邕明堂月令章句一卷玉肅禮記注一卷聖諭論一卷帝王世紀一卷尸子一卷賈堂國語注一卷蕭該漢書音義二卷校鄭康成易注二卷皆有補於遺經庸弟禮堂字和貴少溺苦於學家貧無僕役躬執爨以養父母父病瘧畏寒無火和貴每夕身溫其被父喪三日不食三年不入內母疾割股以進禱於神請減壽一紀以益母母愈而和貴竟天矣年止三十其初娶也懼婦不能孝其親作七言辭以教婦婦至使人抗聲誦俾立聽畢而後合卺朱文正公嘗稱其文行阮文達撫浙聘襄詒經精舍以持服避之許冠墨纓方入使院友于兄弟有過則諫必改乃已好許氏說

文著說文引經考十三卷段君三裁王君引之皆歎其精確又
嘗錄傳記孝子孝婦孝孫諸節行凡數百卷尤有裨於倫紀云



DS 734 L39 v.18
國朝先正事略卷三十四 經學

平江李元度次青纂

顧震倉先生事略 吳鼎 梁錫璵

先生顧姓名棟高字震滄又字復初江蘇無錫人康熙六十年進士授內閣中書雍正中引見以奏對越次罷職乾隆十五年特詔內外大臣薦舉經明行修之士明年於所舉中核其名實允孚者得四人則先生及陳公祖范吳公鼎梁公錫璵也得旨皆授國子監司業先生以年老不仕職辭遂賜司業銜許其歸會。

皇太后萬壽八京祝嘏 特賜召見 御製七律一章賜之二

十二年

高宗南巡。召見。行在。賜祭酒銜。并。御書傳經耆碩四字。

二十四年卒。年八十有一。先生所學。合宋元明諸儒門。逕而一之。援新安以入金谿。爲調停之說。著大儒粹語二十八卷。又著春秋大事表百三十一篇。條理詳明。議論精核。多發前人所未發。毛詩類釋二十一卷。采錄舊說。發明經義。至爲謹嚴。又尙書質疑二卷。四庫書題要。謂其多憑臆斷。蓋先生窮經之功。春秋爲最。書則用力少也。乾隆四十八年。詔修國史。儒林傳首舉先生名。謂如顧棟高輩。豈可不爲表章。館臣遂剝儒林傳。以先生爲始。其見童如此。吳先生鼎字尊彝。金匱人。乾隆九年舉人。

以薦舉經學授司業擢侍講學士降調侍講所著有易例舉要
二卷十家易象集說九十卷袁宏道元龍仁夫明來知德等
十家易說以繼李鼎祚董楷之後其東莞學案則專攻陳建學
部通辨作也其兄鼐亦通經術深於易三禮梁先生錫與字確
許山西介休人雍正二年舉人以經學薦特旨授司業與吳
先生同食俸視事不爲定員厯官祭酒少詹事膺薦時以所撰
易經揆一呈御覽與吳先生並蒙召對






高宗面諭曰汝等以經學保舉皆積學所致不似他途倖進朕
是以用汝等教士又曰窮經爲讀書根本但窮經不足在口耳
在躬行實踐汝等能躬行實踐方可以教人皆頓首稱謝

有旨吳鼎梁錫與所著經學當派翰林中書官各二十人在
武大殿各繕一部進呈官給筆札原書仍發還其令梁詩正劉
統勳董其事稽古之樂海內所希有也

徐位山先生事略

徐先生文靖字位山安徽當塗人雍正元年舉江南鄉試典試者爲黃侍郎叔琳試歸語人曰他人但以榜中有狀頭爲榮耳吾得三人曰任啟運陳祖范徐文靖其學者博而醇今世大手筆也乾隆丙辰先生舉博學鴻詞科試未入格十七年復薦經學特授檢討生平考據經史講求實學著周易拾遺十四卷禹貢會箋十二卷山河兩戒考竹書統箋十二卷管城領記三十卷其言易主程氏而於漢魏之說亦有發明其說禹貢因胡肅明所已言而更推所未至故較錐指益精密惟信山海經竹書紀年太過則好古之僻也管城領記推原詩禮諸經旁及子史

說部語必求當全謝山嘗服其考據精博乾隆初張詹事鵬翀
嘗以管城碩記山河兩戒考進呈御覽先生老年猶健低頭
據案著書不輟年九十餘乃卒



江慎修先生事略

汪紱

金榜

江先生永字慎修安徽婺源人少就外傳見邱濬大學衍義補中多徵引周禮卽求得周禮熟讀之爲諸生數十年健戶授徒束脩所入盡以購書遂博通古今尤專心於十三經注疏自壯至老丹黃不去手嘗一遊京師朝廷方開三禮館方侍郎苞素精三禮聞先生名願一見見則以所疑士冠禮士昏禮中數事爲問先生從容置答乃大歎服吳編修紱於儀禮功頗深及交先生質以三禮中疑義往復辯難歎曰先生非常人也曾詔舉經明行修之儒有薦先生者力辭免休甯戴震少不譽於鄉而先生獨重之引爲忘年交震之學得諸先生爲多乾隆二

十七年三月卒年八十有二所著有周禮疑義舉要六卷禮記訓義擇言六卷深衣考誤一卷律呂闡微十一卷春秋地理考實四卷鄉黨圖考十一卷讀書隨筆十二卷古韻標準六卷四聲切韻表四卷音學辨微一卷推步法解五卷七政衍金水二星發微冬至權度恆氣注歷辨歲實消長辨歷學補論中西合法擬草各一卷其禮書綱目八十八卷哀集經傳釐析篇章足終朱子未竟之緒其近思錄集注十四卷病近本破碎仍還原書次第皆有關學術之大者先生讀書好深思長於比勘於步算鐘律聲韻尤精其論歲實消長曰日平行於黃道是爲恆氣恆歲實因有本輪均輪高衝之差而生盈縮謂之視行視行者

日之實體所正而平行者本輪之心也以視行加減平行故定
氣時刻多寡不同高衝爲編末盈初之端歲有推移故定氣時
刻之多寡且歲歲不同而恆氣恆歲實終古無增損也當以恆
者爲率隨其時之高衝以算定氣而歲實消長可勿論猶之步
月行者先有平朔平望之策以求定朔定策而此月與彼月多
於朔策幾何少於朔策幾何不必計也其論黃鐘之宮曰呂氏
春秋稱伶倫作律先爲黃鐘之宮次制十二簡以別十二律黃
鐘之宮者黃鐘半律後世所謂黃鐘清聲也唐時風雅十二詩
譜以清黃起調畢曲琴家正宮調黃鐘不在大絃而在第三絃
合於古者黃鐘宮爲律本之意聲律自然古今不異也伶州鳩

論七律而及武工之四樂。夷則無射曰上宮。黃鐘大簇曰下宮。
蕤律長者用其清聲。律短者用其濁聲。古樂用均之法。雖亡而
因端可推。韓子外儲篇曰。琴以小絃爲大聲。大絃爲小聲。雖詭
僻以諷。然因是知古者調瑟之法。黃鐘大呂太簇夾鐘姑洗仲
呂蕤賓。用牛而居小絃。林鐘夷則南呂無射應鐘。用全而居大
絃也。管子書五聲。徵羽宮商角之序亦如此。其說易卦變曰。卦
變之義。言人人殊。當於反卦取之。否反爲泰。泰反爲否。故曰小
紅大來曰。大往小來。是其例也。彖傳言來言下。言反者。自反卦
之外卦來居內卦也。言往言上。言進言升者。自反卦之內卦往
居外卦也。其論春秋軍制云。儒者多稱井田廢而兵農始分。考

春秋之世兵農固已分矣。管仲參國伍鄙之法，齊三軍出之十鄉，十有五公與國子高子分率之，而鄙處之農不與也。爲農者治田供稅，不以隸於師旅也。鄉田但有兵賦，無田稅，似後世之軍田屯田。此外更無養兵之費。晉之始，惟一軍，旣而作二軍，作三軍，作五軍，旣舍二軍，旋作六軍，後爲四軍，以新軍無帥而復三軍，其旣增又損也。蓋除其軍籍，使之歸農，若軍盡出於農，則農民固在，安用屢易軍制乎？隨武子曰：「楚國荆尸而舉，商農工賈不敗其業。」此農不從軍之證也。魯之作三軍也，季氏取其子之父，兄子弟盡征之，孟氏取半焉，以其半歸公。叔孫氏臣其子弟，而以其父兄歸公，所謂子弟者，兵之壯者也；父兄者，兵之老

者也。皆其素在軍籍。隸之卒。乘者非通國之父兄子弟也。其後舍中軍。季氏擇二。二子各一。皆盡征之。而貢之於公。若民之爲農者。所出田稅。自仍歸之君。故哀公曰。二吾猶不足。三家雖專。亦惟食其采邑。豈嘗使通國之農盡屬已哉。陽虎王辰戒都車。令癸巳至此。近都之民爲兵之證。其野處之農。固不爲兵也。其論深衣之制曰。後儒爲深衣圖考者數十家。大率鍾裳交解。十二幅之譌。而續衽鉤邊。致滋異說。考玉藻篇言衽當旁。則非前後之正幅矣。鄭氏注云。衽謂裳幅所交裂也。則在旁名衽者。交裂而餘幅不交裂也。續衽者。裳之左旁。連合其衽鉤邊者。裳之右旁。別用布一幅。斜裁之。綴於後衽之上。使鉤曲而前。以揜裳。

除漢時謂之曲裾故鄭注云鉤邊若今曲裾也其解論語攝齊
升堂曰古者諸侯三朝外朝治朝皆有位而無堂古之朝儀甚
簡日出視朝君與卿大夫上相揖而朝事畢君反乎路寢卿以
下各就治事之所君召與圖事乃入內朝內朝有堂有寢孔子
攝齊升堂謂內朝非治朝也路門爲君乘車出入之地故考工
記云路門不容乘車之五个治朝在路門外若治朝有堂礙於
車行矣禮記言雨霑服失容則廢朝此亦治朝無堂之證先生
於經傳制度名物考稽精審多類此先生未之辨明則其說具
載方策中而人顧莫之見及指以示人則皆恍然自失而不啻
其心所欲言蓋其義自漢儒修補以來歷魏晉唐宋元明二千

餘年代加修闡有直至今日始明者非好學深思不能知其意也。然先生闡述宋五子之書。凡數十卷。世皆未之見。顧僅傳其考證之書。世之尊先生者。又豈足以盡先生哉。先生論古韻。讀考古音者。昉於吳才老。崑山顧氏。援證極精博。然顧氏考古之功多。審音之功淺。必按其呼等。察其偏旁。參以古音。乃無遺恨。歿後一年。詔修音韻。述微奏。尙書蕙田請於朝。令汀南督臣檄取先生所著韻書三種進呈。貯館以備採擇。家故貧。其居鄉嘗稱春秋傳。豐年補助之義。以語相人。乃鄉與輸田輸穀爲義倉行之三十年。鄉人不知有錢。歲同縣有汪雙池先生者與齊名。

汪先生名紱字榮人雙池其別字也。初能言母江氏曰授四子書五經八歲悉成誦。自是讀書稟母教。未嘗從師。母歿父淹滯金陵泣往迎父。父曰吾無家安歸。叱之返。先生無以自活爲景德鎮畫盤傭且讀。旋館楓嶺浦城。閔補邑諸生父卒慟幾絕。扶櫬而歸。先生二十以後著書十餘萬言。旁及百氏九流及壯盡焚之。自後凡有述作皆從反身切已而出。博極兩漢六代諸儒疏義而一以宋五子之學爲歸。其論格物也。謂格訓至自程子始。然格字本有至到之訓。如書言格於上下。格於皇天。格於上帝。皆至到之義。又如荀格祖考來格。則又來字之義也。詩云有物有則。上文致知致字爲推致之義。甚明。則格物爲窮

致物理亦甚明矣。凡物雖在外而物之理本皆備於吾心。但吾心之知虛而在物之理實。故欲推及吾心之知。必須實從事物上逐一體驗。蓋凡可學而知者。卽皆吾心所固有之知也。而陸王。家反疑其求之於外過矣。先生所著有易經詮義十五卷。尙書詮義十二卷。詩經詮義十五卷。春秋集傳十六卷。禮記章句十卷。或問四卷。參讀禮志疑二卷。孝經章句一卷。樂經律呂通解五卷。樂經或問三卷。讀陰符經一卷。讀參同契一卷。讀近思錄一卷。讀讀書錄一卷。讀困知記一卷。讀問學錄一卷。先儒昭誥一卷。理學逢原十二卷。山海經存九卷。詩韻析六卷。物銓八卷。芾略四卷。琴譜一卷。醫林輯略探源九卷。戍笈談兵及六王

數論若干卷大風集四卷詩文集十一卷先生著書聞而川力
尊不求人知歿後門人余元遴傳其遺書董編修桂夷表章之
得稍稍行於世婺源居萬山中爲朱子故里流風餘澤所被士
多治樸學不求仕進而江慎修及先生最著並祀鄉賢有專祠
金先生榜字蕊中一字槃齋歙人慎修先生弟子也乾隆三十
七年一甲一名進士授修撰性恬淡養疴讀書不復出治禮宗
鄭康成博采舊聞撫秘摭要著禮箋十卷復刺取其大者數十
事爲二卷寄朱文正公珪文正序之稱爲辭精義覈蕊中雖最
尊康成之學然於鄭義所未衷者必糾舉之於鄭氏家法不敢
誣也

任鈞臺先生事略

先生任姓諱啟運字翼聖江南宜興人居荆溪近古鈞臺世稱鈞臺先生生而穎異歲末周母許指壁閒字爲訓翼日復之對亦以指母喜曰爲常六歲從大父贊讀書大父志氣慷慨常舉古聖賢豪傑事相勛道及忠孝事則掀髯奮發或涕泗交頤九歲讀孟子終飲泣不食祖問故曰焉有讀無有乎爾二語不泣者乎祖指註云程朱去孟子于五百年得絕學於遺經今去朱子止五百年小子宜自勵漸次讀九經悉通貫大義嘗夢二龍蜿蜒飲視池水覺而竊喜自負時從父大任經學爲吳中大師從請業授以中庸性天之學憬然悟其宗旨益篤志力學以聖

賢爲必可爲年三十一始籍於校食廩餼吳中號多名士大都
逐聲利志取科名先生獨抱遺經講習意夷然不屑也雍正元
年舉鄉試尋應聘修江南通志十一年春詔舉經學醇儒華
亭張交敏公照尹順天以先生名聞於朝會中禮部試卽應
詔試性理論稱旨翼日召對便殿問大極圖大旨先生言
如泉湧若不知身在殿廷者

憲皇帝稱善授檢討人直上書房侍

純皇帝及和親王學一日

憲皇帝詢及內典對曰臣未之學也

帝曰朕知卿非堯舜之道不陳耳自是恩礼加隆馭馭將大

用矣

純皇帝御極仍命傳皇子。乾隆元年晉中允分枝順天鄉試。充日講起居注官授侍講遷侍講學士擢左僉都御史宗人府丞充三禮館副總裁先生自通籍後閒歲必遷其官。或一歲數遷然每優以輔導之重未嘗跬步離講席也。既受命總裁三禮以爲生平志業所在幸得畢力於斯發凡起例編排無閒寒暑。方侍郎苞李閣學紱負宿望館中莫敢與抗時方分得周官李分得儀禮每有議論至齟齬不相下必折衷於先生得一言而兩家之論定嘗早朝上顧其年老有寒色解貂裘賜之令內侍扶之出俄嬰未疾

賜醫藥存問無何竟不起

上聞之嗟悼彌日

賜內帑金以斂時乾隆九年七月日也年

七十有五先生忠孝性生事親克盡菽水歡有學使者以重幣來聘卻之曰吾館里閑時得定省豈忍以多金故遠離吾母則告養時年已六十矣居父憂喪葬盡禮撫幼弟有恩官副憲時適河決淮南饑黎四出詔出常平倉米賑之先生疏言直隸北境及山西等處土廣人稀宜乘時遷南民以墾北土募南士之明農者仿古力田科使爲田師相地勢高下畫疆畝時蓄泄道種莳則瘠土可轉爲沃土且溝渠浚則水有瀦蓄不至悉注於河而河亦易治矣在經筵時成講義六十篇以進

上嘉納焉。少博覽強記，諸子百家靡不探討，已以爲汎濫無益，乃一意治經，成禮記章句十卷，以小戴禮四十九篇，非聖人所手定。漢儒前後損益，篇次頗多混淆。大學中庸朱子旣成章句，則曲禮以下四十七篇皆可釐爲章句，但所傳篇次悉遵唐孔穎達本，非劉向馬融大小戴刪并之本。其序列分錯，初無義類可從。爰仿鄭康成序儀禮例，更其前後，并爲四十二篇，或刪其目而以文類并入，則如郊特牲、問喪等篇，或補其文而以義類聯綴，則如士相見義、朝義等篇。事以類次，分畫較然。凡有關倫紀之大而爲秦漢元明輕變易者，必畧著其說，以俟後之論禮者酌取焉。又以儀禮特牲、少牢、饋食禮三篇皆士禮，因據三禮

及他傳記之有關王禮者。推之成肆獻裸饋食禮五篇。曰祭統。曰吉蠲。曰朝踐。曰正祭。曰繹祭。每篇各爲節。次不得於經。則求之注疏。以補之。較勉齋黃氏祭禮尤精密。儀禮一經。久成絕學。先生研究鉤貫。條理秩然。可與鄭注相參。不愧窮經之目。又以考古者必知宮室之制。而後行禮之方位。節次可明。因考古宮室制度。成宮室考十三卷。繼乃潛心學易。發憤探索。恆徹夜不寐。雍正庚戌九月六日。忽神遊乾坤圖內。身如委蛇。逮見八卦。劃然開朗。乃駐。蓋越旬有七日矣。至是成易學洗心傳九卷。謂論語五十學矣。卽河圖洛書中數。讀易須先從圖書推究。故首列圖象圖書。以後太極兩儀四象八卦先天後天與夫錯縱變

雜其立十六圖而各系以說原本先儒間以己意推廣之以李
鼎祚所集三十餘家爲宗。每解一卦則合上下內外錯縱互變
伏見諸體以盡其變推之天時人事以廣其義。繫辭文言則以
本義爲宗而旁參衆論說卦序卦則推本於先天後天圖陰陽
形象動靜剛柔見聖人所以闡明卦德卦位卦象之說。雜卦傳
孔子之序卦也。此爲孔子之易。逐節反對中具有覺世牖民之
義。終之以共者與文王終未濟同意。初先生計偕入都時季冬
初先生居前室忽若電光閃爍同舍詫異迹之先生方偃臥帷
中蓋頂光逆露也。其所得可知矣。乾隆壬辰詔開四庫館有
旨取所著入中秘。其他四書約旨孝經章句白虎通正義女教

經傳通纂家禮酌筭書證傳任氏世錄清芬堂文集藏於家子
翔登進士官吏部員外郎以經學世其家

全謝山先生事略 盛世佐

先生姓全氏名祖望字紹衣一字謝山浙江鄞縣人生有異稟書過目不忘年十四補弟子員應行省試以古文謁查初曰編修編修許爲劉原父之儔充選貢入都上書方侍郎苞論喪禮或問侍郎大異之聲譽頓起尋舉順天鄉試出曹公一士門臨川李侍郎紱見其行卷歎曰此深甯東發後一人也乾隆元年舉博學鴻辭卽以是科成進士選庶吉士不與鴻博試時詞科尙未集臨川以問先生先生爲疏記四十餘人各列所長以告會首輔張文和與臨川相惡又屢招先生不赴以此深嫉之二年散館先生列最下等以知縣候選方侍郎欲薦入三禮館辭

之歸不復出。初見江陰楊文定公。公稱其博而勉以有用之學。先生曰。以東來止齋之學。朱子尙譏之。何敢言博。公曰。但見及此。則進矣。先生既歸。貧且病。養殮不給。而好學益厲。人有所餽。皆峻辭。屢主蕺山端溪諸書院。成就人材甚衆。有閒益席修份。社掌故桑海遺聞表章節義。如不及重登范氏天一閣。搃金石舊編。編爲碑目。且鈔其秘書。經揚州居馬氏畚經堂。成困學紀聞三箋。論者謂在百詩義門二家之上。至湖上適杭董浦以閏重三日修禊事。至者四十二人。先生與焉。遂訪方侍郎於渭園。時方年八十矣。猶七治儀禮戒先生不當爲汗漫游。陳勾山太僕再以書來。速出山。梁薌林少師擬特疏薦。皆力辭之。貽詩以

見志二十年七月卒於家年五十有一先生負氣忤俗有節概
相傳爲錢忠介公肅樂後身其學淵博無滯浹於書靡不貫穿
在翰林與臨川共借永樂大典讀之每日各盡二十冊時開明
史館復爲書六通遺之南歸後修南雷黃氏宋元儒學案七校
水經注續選甬上耆舊詩撰丙辰公重徵士小錄及詞科撫言
先之以康熙己未百八十六徵士而接以乾隆丙辰書未卒業
在端州釋奠禮成祀白沙以下二十有一人從前未有之典也
先後答弟子董秉純張炳特學鏞盧鎬等所問經史錄爲經史
問答凡十卷足徵後學卒後秉純等哀其文爲鮚埼亭集又所
著有漢書地理志稽疑古今通史年表同時浙東學者有盛世

佐字庸三秀水人舉人官龍里知縣撰儀禮集編四十卷彙眾
解而研辨之持論謹嚴無淺學空談輕排賈鄭之習又楊復儀
禮圖久行世然其說皆本注疏而時有并注疏之意失之者庸
三十一是正其於諸家謬誤辨證尤詳

焦里堂先生事略

焦先生名循字里堂江蘇甘泉人世傳周易之學少穎異八歲客阮氏辨壁上馮夷字曰此當如楚辭讀皮冰切不當讀如經阮氏奇之遂字以女年十七丁父及嫡母憂八閏月未嘗櫛沐食臥不離喪次哀毀甚阮文達元督學山東浙江旋奉撫浙之命先後招先生往遊乾隆辛酉舉於鄉王戎復從阮公遊浙有勸應禮部試且資之者先生以生母病辭之母竟以是冬卒先生哀毀如初服除遂閉戶著書葺其老屋曰半九書塾復構樓曰雕菰有湖光山色之勝足不入城市者十餘年庚辰七月卒年五十有八先生博聞強記識力精卓於學無所不通於經無

所不治而於周易孟子專勤成書其於易本有家學嘗疑一號
咎也何以既見於旅又見於同人一拯馬壯也何以既見於復
又見於明夷密雲不雨之象何以小畜與小過同辭申庚三日
之占何以蠱象與巽象同例乃徧求說易之書讀之撰述成帙
甲子後復精研舊稿悟得洞淵九容之術實通於易乃以數之
比例求易之比例於是撰擬通釋一書丁卯病危以易未成爲
恨病瘳屏他務專治此經遂成易通釋二十卷自謂所悟得者
一曰旁通二曰相鉅三曰時行旁通者在本卦初與四易三與
五易二與上易本卦無可見則旁通於他卦亦初通於四二通
於五三通於上先二五後初四三上爲當位不俟二五而初四

三上先行爲失道。易之道惟在變通。二五先行而上下應之。此變通不窮者也。或初四先行。三上先行。則上下不能應。然能變而通之。仍大中而上下應。如乾四之坤而成小畜。復失道矣。變通之小畜。二之豫。五姤二之復。五復初不能應。姤初則能應。小畜四不能應。豫四則能應。坎四之離上成井。豐失道矣。變通之井。二之噬嗑。五豐五之渙。二豐上不能應。渙上則能應。井三不能應。噬嗑三則能應。此所謂時行也。比例之義出於相錯。如睽二之五爲无妄。井二之噬嗑五亦爲无妄。故睽之噬膚卽噬嗑之噬膚。坎三之離上成豐。噬嗑上之三亦成豐。故豐之曰是卽離之曰是。豐之曰中卽噬嗑之曰中。漸上之歸妹三歸妹成大

壯漸成蹇。蹇大壯。相錯成需。故歸妹以須之。卽需也。歸妹四之
漸。初漸成家人。歸妹成臨。臨通遯。相錯爲謙。履故少能視跛能
履。臨二之五。卽履二之謙。五之比例也。易通釋旣成。復提其要
爲圖略八卷。凡圖五篇。原八篇。發明旁通相錯時行之義。論十
篇。破舊說之非。復成章句十二卷。總稱雕菰樓易學三書。其四
十卷。先生易學旣成。隨筆記錄二十卷。曰易餘篇錄。凡友朋門
弟子所問答。及於易者。復錄存二卷。曰易語自癸酉立。曰錄自
稽所業。得三卷。曰注易日記。又有易廣記三卷。先生易學不拘
守漢魏各師法。惟以卦爻經文比例爲主。號毗密雲。蹤跡甚顯。
疾藜樽酒。假借可據。如郭守敬之以實測得天行也。旣又著孟

子山義三十卷疏趙歧之注兼採近儒數十家之說而以己意
折衷合孔孟相傳之正指又著六經補疏說曰說漢易者每屏
王弼之說然弼之解箕子乃用趙賓說孔穎達不能申明之他
如讀彭爲旁借雍爲雍通孚爲浮而訓爲務躁解斯爲斯而釋
爲賤役蓋以六書通借之法解經尙未遠於馬鄭諸儒惟貌爲
高簡故疏者視爲空論且因作周易王氏注補疏二卷說尙書
者多以孔傳爲僞然堯典以下至秦誓其篇固不僞也卽魏晉
人作傳亦何不可存因舉其說之善者如金縢我之不辟訓辟
爲法居東卽東征罪人卽管蔡大誥周公不自譌王而自稱成
王之命皆非馬鄭所能及作尙書孔氏傳補疏二卷毛鄭義有

異同然正義往往雜鄭於毛。比毛於鄭而聲音訓詁疏略亦多。因撰毛詩鄭氏箋補疏五卷。春秋成而亂臣賊子懼。左氏傳云。稱君君無道稱臣臣之罪。杜預且揚其詞而暢衍之。與孟子之說大悖。預爲司馬懿女壻。曰見成濟之事將有以爲昭飾。且有以爲懿師節。卽用以爲己節。此左氏春秋集解所以作也。烏氏充宗斥左氏之頗。惠氏平農顧氏棟高糾杜氏之失。然未有摘其奸而發其覆者。撰春秋左傳杜氏集解補疏五卷。謂禮以時爲大。蔽千萬世制禮之法。而訓詁名物亦所宜究。撰禮記鄭氏疏三卷。論語一書。所以發明伏羲文王周公之指。其文簡奧。聖子闡發最詳。最切。論語一書之中。參伍錯綜。引中觸類。其

且相發明者亦與易例同撰論語何氏集解補疏二卷合之爲六經補疏二十卷先生游浙因阮文達考浙江原委以證禹貢三江乃撰禹貢鄭注釋一卷專明班氏鄭氏之學謂王伯厚詩地理考繁雜無所融貫作毛詩地理釋四卷又仿戴東原孟子字義疏證撰論語通釋一卷凡十二篇曰聖曰大曰仁曰一貫忠恕曰學曰知曰能曰權曰義曰禮曰仕曰君子小人又撰羣經宮室圖二卷爲圖五十篇毛詩鳥獸章木蟲魚釋十一卷陸璣疏考證一卷又錄當世通儒說尚書者四十一家書五十七部仿衛湜禮記之例以時之先後爲序得四十卷曰書義叢鈔先生思深悟銳尤精於天學算術謂梅徵君弧三角舉要環中

素尺撰非一時。繇複無次。戴庶常句股割圓記。務爲簡奧。變易舊名。撰釋弧三卷。錢詹事。爾是書於正弧斜弧次形矢較之用。理無不包。法無不備。嘗與詹事論七政諸輪。詹事復書云。推闡入微。以實測之數。假立法象以求其合。尤爲洞徹根原。先生以弧線之生。緣於諸輪輪徑相交。乃成三角。輪之弗明。法無從附也。撰釋輪二卷。又謂康熙甲子。厯書用諸輪法。雍正癸卯。厯書用橢圓法。實測隨時而差。則立法亦時而改。撰釋橢一卷。又謂劉徽之注九章算術。猶許氏愼之撰說文解字。講六經者不能舍許氏之書。講九章者亦不能舍劉氏之書。九章不能盡加減乘除之用。而加減乘除可以通九章之窮。作加減乘除釋八卷。

先生與吳縣李尙之銳歆縣汪孝嬰萊商論算學是時李仁卿
秦道古之書兩君未之見也乙卯先生得益古演段測圓海鏡
二書急寄尙之尙之爲之疏通證明先生又得秦氏所爲數學
大略因撰天元一釋二卷開方通釋一卷以述兩家之學於帶
分寄母同數相削之故條分縷晰發揮無餘蘊自李欒城郭邢
臺之後爲此說者未知此妙也李欒城之學先生既撰天元一
釋以闡明之而測圓海鏡益古演段兩書不詳開方之法以常
法推之不合讀者仍不能豁然嗣得秦道古數學九章有正負
開方法因作開方通釋詳述其義後命其子琥列益古演段六
十四問用正負開方法推算之因以同名相加異名相消用超

用變之法詳示琥琥乃得以秦氏之法讀李氏之書而算推策
一一符合六十四問每門皆詳盡其式先生喜曰得此而演段
川讀矣卽命名曰益古演段開方補以附里堂學算記之未先
生善屬文最愛柳州謂唐宋以來一人而已後人多斥柳州
爲王叔文黨先生爲雪之且曰山山疆馮山公王西莊三先生
於叔文事皆立論平允足洗不讀書者隨聲附和之陋習生平
於治經外如詩詞醫學形家九流之書無不通貫表章先正作
北湖小志六卷又掇拾揚州雜文舊事爲目錄一卷名曰足徵
錄又成邦記六卷每得一書必識其顛末有所契則手錄之如
是者三十年成禮堂道聽錄五十卷又與




國朝人著述三十

惠松厓先生事略

惠先生棟字定宇號松厓侍讀學士奇六子初爲吳江縣學
生改歸元和籍幼承家學自經史諸子百家雜說釋道二藏靡
不津逮臨川李公紱一見奇之曰仲孺有子矣學士視學粵東
先生從之任所粵中高才生蘇珥羅天尺何夢瑤陳海六時稱
惠門四子嘗入署講論文藝與先生爲莫逆交至於學問該洽
則四子皆自以遠不避也及學士被讒毀家修城先生往來京
口困甚遭兩喪不以貧廢禮中年課徒自給行義至高雖極困
得財輒分與同氣未嘗輕事干謁陋巷屢空坦如也每得善本
書傾囊弗惜或借讀手鈔校勘精審於古書之真偽瞭然若辨

黑白乾隆十五年詔舉經明行修之士總督尹文端繼善黃文襄廷桂交章論薦有博通經史學有淵源之稱然先生於兩公非有半面識也五十後九遂於易謂宣尼作十翼其微言大義七十子之徒相傳至漢猶有存者自王弼興而漢學亡幸存其略於李氏集解中精挈三十年引伸觸類始得貫通其旨乃撰次周易述一編專宗虞仲翔參以荀鄭諸家之義約其旨爲注演其說爲疏漢學之絕者千有五百餘年至是而燦然復章矣書垂成而疾革遂闕革至未濟十五卦及序卦雜卦二篇孔氏正義據馬融陸績說以爻辭爲周公所作與鄭學異其所執者明夷六五云箕子升六四云王用享岐山皆文士後事也先

二家作讀書三十二贊文集手訂者曰雕菰樓集二十四卷詞
三卷詩話一卷性誠樸敦孝友恬淡寡欲惟以著書爲事湖山
自娛壯年卽名重海內錢辛楣王西莊程易田諸先生皆推敬
之英煦齋家宰序其易學以爲發千古未發之蘊子琥能讀書
傳其學



三東書局藏

三東書局藏

三東書局藏

生獨辨之於明夷之五曰箕子當從古文作其字其古音亥亦作其劉向云今易其子作亥茲荀爽據以爲說讀其子爲亥茲其與亥子與茲文異而音義同三統術云該闕於亥孽萌於子該亥亦同物也五本坤也坤終於亥乾出於子用晦而明明不可息故云其子之明夷馬融俗儒不識七十子傳易之大義讀其爲箕蓋涉彖傳而譌五爲天位箕子臣也而當君位乖於易例甚矣謬種流傳兆於西漢博士施讎讀其爲箕蜀人趙賓述孟氏之學以爲其子明夷陰陽氣無箕子其子者萬物方亥茲也賓據古義以難諸儒諸儒皆屈於是施讎梁邱賀皆嫉之孟喜與讎賀同事田王孫喜未貴而學獨高喜所傳易家候陰陽

災變書得自王孫而賀惡之謂無此事語聞於上官帝遂以喜
爲改師法中梁邱之僭也。讎賀嫉喜而并及賓。班固作喜傳亦
用讎賀之單詞。皆非實錄。劉向別錄猶循孟學。故馬融俗說荀
爽獨知其非。復用賓古義。而晉人鄒湛以漫衍無經譏之。蓋魏
晉以後經師道喪。王肅詆鄭氏而禘郊之義乘袁準毀祭服而
明堂之制亡。鄒湛譏荀諝而周易之學晦。郢書燕說一倡百和。
何尤乎後世之紛紜也。於升之四曰文王爻辭皆據夏商之制。
春秋傳引夏書惟彼陶唐帥彼天常有此冀方。服虔云堯居冀
州。虞夏因之。禹貢冀州治梁及岐。爾雅云梁山晉望也。諸侯三
望天子四望梁山爲晉望。梁岐皆冀州之望。此所謂王謂夏后

氏受命告祭非文王也。其說乾之四德曰：元者天之始，說文元從一，兄道立於一，造分天地，化生萬物。乾之初九積善在下，陽氣始生，東方爲仁，故云善之長。陰陽交而後亨。乾之九二當上升，坤五爲天子，故文言再言君德。經凡言亨者，皆謂乾坤交也。乾六爻二四上匪正，坤六爻初三五匪正。乾變坤，化六爻皆正，成兩既濟，故云各正性命，保合太和。和卽利，正卽貞也。經凡言利貞者，皆爻當位或變之正。或剛柔相易，惟既濟一卦六爻皆正，故云剛柔正而位當。雜卦篇所謂既濟定也。卦具四德者七：乾坤變化而成兩既濟，屯三爻變革，四爻變皆成既濟，隨三四易位成既濟，无妄三四易位，上爻又變而成既濟，臨二升居五。

位三爻又變而成既濟故皆言元亨利貞也其論古筮之法曰
易稱天下之動貞夫一故卦爻之動一則正兩則惑京氏筮法
一爻變者爲九六二爻以上變爲八晉公子得貞屯悔豫皆八
乃三爻變不稱屯之豫而稱八穆姜遇艮之八乃五爻變不稱
艮之隨而稱八所謂貞夫一也七者著之數八者卦之數著圓
而神卦方以知神以知來知以藏往知來爲卦之未成者藏往
爲卦之已成者故不曰七而曰八春秋內外傳無筮得其卦之
七者以七爲著之數未成卦也又因學易而悟明堂之法撰明
堂大道錄八卷禘說二卷大略謂說卦帝出乎震帝者五帝也
在太微之中五德相次以成四時聖人法之立明堂爲治天下

之大法明堂有五室四堂室以祭天堂以布政王者承天統物
各於其方以聽事。謂之明堂月令今所傳月令是也。古之聖人
生有配天之德。沒有配天之祭。故太皞以下歷代稱禘。太皞以
木德。炎帝以火德。黃帝以土德。少皞以金德。顓頊以水德。王者
行大亨之禮於明堂。謂之禘。祖宗其郊則行之南郊。禘郊祖宗
四大祭而總謂之禘者。禘其祖之所自出故也。鄭注大傳不王
不禘。及詩長發大禘。箋皆云郊祀天。是郊稱禘也。周頌雝序云
禘太祖也。鄭箋云太祖謂文王。是祖稱禘也。劉歆云大禘則終
王是宗稱禘也。董子曰天地者先祖之所出也。禘者禘其祖之
所自出。故四大祭皆蒙禘名。禘禮上溯遠祖。旁及毀廟。下逮功

臣聖人居天子之位行配天之祭推人道以接天而天神降地
元出人鬼格夫然而陰陽和風雨時五穀熟草木茂羣生咸遂
物無疵癘所謂既濟定也先儒皆以明堂上有靈臺下有辟雍
四門有太學潁客春秋釋例云太祖有八名肅然清靜謂之清
廟行禘祫序昭穆謂之太廟告朔行政謂之明堂行饗射養國
老謂之辟雍占雲物望氛祥謂之靈臺其四門之學謂之太學
其中室謂之太室總謂之宮盧植注禮記亦云明堂卽太廟與
靈臺辟雍古法皆同一處近世殊異分爲三耳而晉時袁準著
論非之昧於古制矣王者觀諸侯或巡狩四岳則有方明方明
者放乎明堂之制也亦謂之明堂荀子所謂築明堂於塞外以

朝諸侯戰國時齊有泰山明堂卽方明也周書朝諸侯則於明堂儀禮覲諸侯則設方明故虞禋六宗而覲四岳羣牧周禮方明而覲公侯伯子男六宗乃明卽明堂六天之神鄭氏謂天之司盟非也自明堂之制不詳而禘禮亦廢鄭氏知園丘方澤之爲禘而不知爲明堂六帝王肅又誤據魯禘故禘爲宗廟之祭無配天之事故魏明帝謂漢氏四百餘年廢無禘祀也禘行於明堂明堂之法本於易中庸言至誠可以贊化育與天地參此明堂配天之義也又有易漢學七卷易例二卷謂孔辟中古文得多十六篇內有九共九篇析之爲二十四鄭康成所傳之二十四篇卽孔壁真古文東晉晚出之二十五篇與漢書不合可

決其僞唐人詆鄭所傳爲張霸僞造者妄也。今文太誓三篇其略見於太史公書。史公從安國問故。其載當可信。唐人尊信晚出之太誓。而以今文太誓爲僞。亦非也。於春秋有左傳補注六卷。自序云。嘗見鄭康成之周禮韋宏嗣之國語。純采先儒之說。未乃下以己意。令學者審其異同。杜元凱春秋集解。雖根本前修而不著其說。又其持論間與諸儒相違。於是樂遜序義。劉炫規過之書出焉。今刺取經傳。附以先世遺聞。宗韋鄭之遺。前修不揜。效樂劉之意。有失必規。而於古今文之同異。辨之尤悉云。其注秦穆姬屬賈君。用唐尙書說。以賈君爲申生妃。今尹爲艾獵。用世本說。爲叔敖之兄。同盟於亳城北。用服虔本。證亳爲京。


之譌塹防門而守之廣里用續漢書及京相璠說以防門廣里
爲地名吳句餘用服虔說以爲吳子餘祭萬者二人用吳仁傑
說二人當爲二入臧文仲廢六關訓廢爲置讀如公羊廢其有
聲者之廢皆前人所未及道也又言公羊有嚴顏二家蔡邕石
經所定者嚴氏春秋也何邵公所注者顏氏春秋也石經公羊
未云桓公二年顏氏有所見異辭云云僖公三十年顏氏言君
出則已入今何本皆有之又云顏氏無伐而不言圍者非取邑
之辭也今何本亦無之以此知何所注者顏氏本也鄭康成注
三禮引隱二年放於此乎隱三年登戾之桓十一年遷鄭焉而
鄙留皆與何氏異與石經同蓋鄭所據者嚴氏本也又云應邵

風俗通稱穀梁爲子夏門人楊士勲謂受經於子夏案桓譚新
論云左氏傳世遭戰國寢藏後百餘年曾穀梁赤爲春秋殘略
多所違失然則穀梁子非親受經於子夏矣古人親受業者稱
弟子轉相授者稱門人則穀梁於子夏猶孟子之於子思故魏
麋信注穀梁以爲與秦孝公同時也楊士勲言穀梁作傳傳孔
卿卿傳魯人申公申公傳傳士江翁案孫卿齊潛襄時人當秦
之惠王則在其後卿所著書言天子廟數及賻賵祔含之義述
春秋善胥命而言盟詛不及三王諸侯相見仁者居守皆本穀
梁說其言傳孫卿信矣隱元年傳成人之美不成人之惡僖二
十二年傳過而不改是謂之過二十三年傳以不教民戰是則

棄其師今皆在論語巾傳所載與儀禮一記合者尤多故鄭康
成云穀梁善於經也其論論語曰旨尼言述而不作於魯論見
之鄉黨一書半是禮經堯曰數章全書訓典論君臣則人言不
廢譏無恆則南國有言於善人爲邦則曰誠哉是言於隱居行
義則曰吾聞其語素絢唐棣逸詩可頌百官冢宰古典可稽出
門如見大賓使民如承大祭此胥臣多聞之所述也視其所以
觀其所由察其所安此文王官人之所記也克己復禮左氏以
爲古志己所不欲勿施於人管子以爲古語參分天下而有其
二周志之遺文也陳力就列不能者止周任之遺言也推此言
之聖人豈空作哉其論爾雅曰釋詁釋訓乃周公所作以敎成

王故詩稱古訓是式。漢時謂之故訓。又謂之詁訓。詁訓者雅言也。周之古訓。仲山式之子之雅言。門人記之。俗儒不信爾雅。而仲山之古訓。夫子之雅言。皆不存矣。又撰九經古義二十二卷。討論古字古音。以博異聞。正俗學。益都李進士文藻見其書。而善之。爲鋟板。粵中李與先生亦素不相識也。論者謂宋元以來。說經之書。充棟高閣者。蔑棄古訓。自誇心得。下者勦襲人言。以爲已有。儒林之名。徒爲空疏。藏拙之地。獨惡氏世守古學。而先生所得尤深。擬諸漢儒。當在何邵公。服子慎之間。馬融。趙岐輩。不能及也。先生少時。已好撰述。有王文簡精華錄。訓纂二十四卷。論者以爲過於任淵之注山谷。李壁之注荆公焉。又有後漢書。

補注十五卷凡曜齋筆記二卷松厓筆記二卷周易本義辨證
五卷松厓文鈔二卷及諸史會最竹南漫錄諸書先生卒於乾
隆戊寅五月年六十有二其弟子知名者江聲余蕭客自有傳



王西莊先生事略

弟鳴韶

金日追

費士璣

西莊先生諱鳴盛字鳳階晚號西泚江蘇嘉定人少警穎爲諸生時巡撫陳文肅大受招入紫陽書院院長王侍御峻奇賞其才爲文鏐經鑄史泉湧風發乾隆十二年鄉試以五經中式會試不第歸時沈文肅德潛以侍郎致仕海內英駿皆師之先生稱高第弟子又其時長洲吳泰來企晉上海趙文哲損之青浦王昶述庵及先生妹壻錢大昕曉徵皆以博學工詩文稱而羣推先生爲渠帥十九年以一甲二名進士賜及第授編修公卿禮我之秦文恭蕙田方修五禮通考屬以分修而尤見重於掌院學士蔣文恪溥二十一年大考翰詹名第一擢侍讀學士

三十四年典福建鄉試尋擢內閣學士兼禮部侍郎還朝坐濫用驛馬左遷光祿卿尋丁內艱歸遂不復出久之遷居蘇州學者望風麇至有江左十二子若岑諸集之刻聲氣益廣望益高而健戶讀書絕不與當事酬接家本寒素嘗藉賣文自給餘一介不取也偃仰自得者垂三十年嘉慶二年十二月卒於蘇州年七十有八先生爲詩少宗漢魏盛唐在都下見錢謙石蔣心餘輩喜宋詩往往效之後悔復操前說於明李崕峒何大復李千麟王元美陳臥子及國朝王貽上朱錫鬯之詩服膺無間大抵以才輔學粹然正治之音也古文不專一家於明初嗜王逸叢繼效歸熙甫撫經義之精奧而以委折疏達出之有耕養

齋詩文集四十卷。早歲與元和惠定宇、吳江沈冠雲研精經學。一以漢人爲師。許鄭尤所墨守。所著尙書後案三十卷。專宗鄭康成。注鄭注亡逸者。采馬融、王肅注補之。孔傳雖僞。其訓注非盡虛造者。閎亦取焉。又著軍賦考。精深博洽。比古今疑義而折衷之。又著十七史商榷一百卷。校勘本文。補正譌脫。最詳於輿地職官典章制度。能剖其異同。證其舛誤。其書博辨詳明。與容齋伯厚相上下。前人糾謬拾遺之作。不屑沿襲。擲也。晚作蛾術編一百卷。其日有十說錄。說字說地說制說人說物說集說。刻說通說。系皆刻行於世。弟鳴韶字鶴溪。工詩畫。爲古文以清簡爲工。先生奇其才。責以制舉業。曰。兄愛我良厚。不知我名心。

素淡也。補新陽縣學生時。先生已入翰林。鶴溪獨侍二親。閉關絕塵事。典衣購書。額其堂曰逸野。旁闢一室。懸簞笠以見志。嘗自作簞笠軒圖。授徒講業。以終著文十卷。春秋三傳考。十三經異義考。祖德述聞。竹窗瑣碎。共若干卷。先生次江左十二子詩。以鶴溪居其一。論者不以爲私。先生嘗曰。吾門下以金子璞園爲第一。費子士璣次之。璞園名曰追。嘉定諸生讀書不求聞達。十三經皆有校本。而儀禮尤精。著儀禮正訛十七卷。士璣吳江人。嘉慶戊午舉人。治漢易。

錢竹汀先生事略 弟大昭 猗于塘 玷 伺

先生名大昕字曉徵號辛楣又號竹汀江蘇嘉定人年十五爲諸生有神童之目乾隆十六年

高宗南巡獻賦召試舉人以內閣中書用十九年成進士選庶吉士授編修大考擢贊善尋遷侍讀二十八年大考擢侍講學士充日講起居注官轉侍讀學士遷少詹事時朝廷修熱河志續文獻通考續通志一統志天球圖先生咸充纂修官己卯壬午乙酉甲午充山東湖南浙江河南主考官庚辰丙戌充會試同考官京察三列一等典試河南之歲卽命督學廣東踰年丁父憂歸初先生以侍讀學士特命入直上書房授

皇十二子書每預。內廷錫宴賦詩稱。自前後。賜賚有加。上深知其學行將大用而先生淡於榮利以識分知足爲懷慕。所曼容之爲人謂官至四品可休奉諱歸里後卽引疾不出嘉

慶四年

仁宗親政。

垂詢先生里居狀。廷臣寓書勸還朝。皆婉言報謝。

歸田三十年。歷主鍾山婁東紫陽書院而在紫陽至十有六年。門下士積一千人其爲臺閣侍從發名成業者不可勝計。九年十月卒於紫陽年七十有七。卒之日尙與諸生講論少疲倚枕臥不逾時。家人趨視則已瞑矣。先生博極羣書不專治一經而無經不通不專攻一藝而無藝不精。凡經史文義音韻訓詁歷

代典章制度官制氏族年齒古今地理沿革金石畫像篆隸以及古九章算術迄今中西厯法無不洞晰其是非疑似少與王蘭泉及妻兄王鳳階同肄業紫陽書院負文名時吳江沈冠雲元和惠定宇方以經術稱吳中先生益推而廣之錯縱貫串開拓心胷謂古人屬辭不外雙聲疊韻而其秘寶具於三百篇中雙聲卽字母所由始初不傳自西域又謂康成讀易簡之易與變易不易初無兩音又謂鄭注三禮並無麒麟皮冒鼓之說皆信而有微不獨可以伸鄭也官內閣時與同年生褚摺升吳荀叔講算學適西洋人蔣友仁以地球圖說進奉 旨繙繹 詔先生與禮部尙書何公國宗同潤色何公久領欽天監事精推

步先生與論宣城梅氏及明季利瑪竇湯若望諸家之學何公輒遜謝以爲不及又以御製數理精蘊兼綜中西法悉心探覈曲暢旁通繇是觀史則自太初三統四分中至大衍下迄授時盡能得其測算之法故於各史朔閏薄蝕凌犯進退強弱之殊指掌立辨悉能挾摘而考定之時休甯戴東原亦在朝列戴故婺源江氏弟子江精西法恒曲護西人之短戴頗墨守師說先生遺書辨之謂江氏論歲實論定氣大率祖歐羅巴之說而引伸之其意頗不滿於宣城而吾益以見宣城學之高蓋宣城能用西學江氏則爲西人所用以已乃取算術二十四條演爲答問皆考核精詳各具神解更撰二十二史考異詳論四分三

紉以來諸家術數精確不刊。尤嗜金石文字。舉經史子集以證其異同。同好如畢秋帆。阮雲臺。武虛谷。黃小松。孫淵如。咸有記撰。而先生熟於歷代官制損益地里沿革。以暨遼金國語蒙古世系。故其考據精審。多出數公之外。其論易先天後天之說。曰說卦傳言震東方巽東南離南方乾西北坎正北艮東北。惟不見坤兌二方。兌爲正秋則必正西方矣。坤介離兌之間。亦必位西南矣。伏羲以來蓋已有之。伏羲以木德王而傳稱帝出乎震。是震東巽東南之位。必出於伏羲不當別有方位也。宋初方去始言先天圖而儒家尊信其說。欲取以駕乎文王周公之上。母乃好奇而誣聖人乎。天地水火雷風山澤各自相對。本無方位。

之可言。後儒援天地定位四諸傳會先天之說。尤爲非是。夫天高而尊。地下而卑。古今不易之位也。地勢北高而南下。君位北而南。面臣位南而北面。信如乾南坤北之說。上下顛倒甚矣。安得云定位乎。論孔壁書增多二十四篇。康成旣親見之。何以不爲之注。曰。漢儒無無師之學。古文尙書初得之屋壁。莫有能通之者。孔安國始以今文讀之。而成孔氏之學。然安國非能自造也。亦由先通伏生書。古今文本不相遠。以此證彼。易於闡聞。惟文義不能相通者。乃別爲之說。以名其學。若增多之書。旣無今文可參考。雖亦寫定而不爲訓詁。故馬融之逸書十六篇。絕無師說也。自安國以及衛賈馬諸君。皆未有說。此逸篇者。康成又

何能以無徵不信之說著於竹帛乎。卽如禮古今五十六篇。鄭亦親見之。其注儀禮多以古文參定。而不注增多之三十九篇。亦以無師說故也。左氏得劉子駿。剏通大義。故流傳至今。而逸書逸禮無師說。故皆亡於永嘉。自東晉古文出。乃有安國承認。爲五十八篇作傳之語。夫始安國果爲逸篇作傳。則都尉朝庸生輩必兼受之。何以馬鄭以前傳古文者。皆此二十九篇已哉。朱文公疑康成不解逸禮三十九篇。予向亦未喻其故。今因論古文逸篇。而并悟及之。論詩毛傳多轉音。曰古人音隨義轉。故字或數音。如謀夫。孔多是用。不集與猶咎。爲韻。韓詩集作就。於音爲協。毛公雖不破字。而訓集爲就。卽是讀如就音。書顧命克。

達殷集大命。漢石經作就。吳越春秋子不聞河上之集歌乎。同病相憐。同憂相救。驚翔之鳥相隨而集。瀨下之水回復俱留。是集有就音也。如藐藐昊天無不克鞏。傳訓鞏爲固。卽轉從固音與下句後爲韻也。又如匪且有且。傳訓且爲此。卽轉從此音與下句茲爲韻也。顧亭林泥於一字祇有一音。遂謂詩有無韻之句。是不然矣。溱洧之溱當作爲潛。說文潛水出鄭國。引詩潛與洧有渙渙兮是也。今毛詩作二。若讀潛如溱以諧韻耳。潛卽溱之轉音。不可謂詩失韻亦不可據詩以疑說文也。魯頌烝徒增增。傳云增增衆也。本爾雅釋訓文而小雅室家溱溱傳亦云溱溱衆也。增溱聲相近。轉增爲溱亦以諧韻與潛洧作溱洧同也。

論春秋曰孟子謂孔子成春秋而亂臣賊子懼愚嘗疑之將謂
當時之亂賊懼乎則趙盾崔杼之倫史臣固已直筆書之不待
春秋也將謂後代之亂賊懼乎則春秋以後亂賊仍不絕書於
史策未見其能懼也孟子之言母乃大而夸乎然孟子固言春
秋者天子之事也述王道以爲後王法防其未然非刺其已然
也太史公曰。揜亂世反之正莫近乎春秋。又曰有國家者不可
以不知春秋。前有讒而不見。後有賊而不知。爲人臣子者不可
以不知春秋。守經事而不知其宜。遭變事而不知其權。春秋之
法行而亂臣賊子無所容其身。故曰懼也。凡篡弑之事必有其
漸。聖人隨事爲之。杜其漸。隱之弑也。於輦帥師戒之子般之弑。

也。於公子慶父帥師伐餘邱。戒之。此大夫不得專兵柄之義也。尹氏立王朝在昭公之世。而書尹氏卒於隱之策。崔杼弑君在襄公之世。而書崔氏奔衛於宣之策。此卿不得世之義也。齊侯使其弟年來聘。再見於春秋。爲無知之弑君。張本也。母弟雖親。不可使踰其分也。趙盾弑君。而以趙盾主惡名。穿之弑。由於盾也。胥甲父與穿同罪。盾於甲父則放之。於穿不惟不放。且使之帥師。侵崇。盾尙得辭其罪乎。侵崇小事。不必書。而書之。所以正盾之罪。且不使穿得漏網也。鄭公子宋弑君。而以歸生主惡名。歸生正卿。且嘗帥師敗華元矣。力足以制宋。而從宋之逆。較之趙盾又甚焉。不得託於本無逆謀也。楚公子比之弑君。棄疾成。

之而此獨主惡名者好君位也而棄疾之惡終不可掩故以相
殺爲文著其罪同然此與棄疾皆楚靈之弟靈遂比而任棄疾
卒死二人之手先書比奔晉又書棄疾帥師圍蔡明君之舅弟
不可以愛憎爲予奪也衛孫甯出其君所以出奔爲文術有失
國之道也貶獎則嫌於貶剽故先書公孫剽來聘以見義公孫
而于正統其罪不可掩也楚商臣蔡般之弑子不子父亦不父
也許止不嘗藥非大惡而特書弑以明孝子之義非由君有失
德故楚蔡之君不書葬而許獨書葬所以責楚蔡二君之不能
正家也楚成之事與晉獻略同子孝則爲申生子不孝則爲商
臣而晉亦尋有奚齊卓子之弑未有家不齊而國治者也書聞

弑吳子餘祭戒人君之近刑人也書盜弑蔡侯申戒人君之疏
大臣而近小人也欒盈之入曲沃趙鞅之入晉陽書之以戒大
都耦國之漸人臣不可專其私邑也楚子虔弑於乾谿書其地
著役之久也君親出師久而不歸禍之不旋踵宜矣楚之強莫
強於虔伐吳執慶封滅頓滅陳滅蔡史不絕書而無救於弑者
無德而有功天所惡也宋襄公用鄫楚襄公用蔡世子皆特書
之惡其不仁也且以徵二君之強死非不幸也宋公與夷齊侯
光楚子虔以好戰而弑晉侯州蒲以誅戮大臣而弑經皆先文
以見義所以爲有國家者戒至深切矣左氏傳曰凡弑君稱君
君無道也稱臣臣之罪也後儒多以斯語爲詭病愚謂君註有

通何至於弑。遇弑者皆無道之君也。其賊之有主名者書名以著臣之罪。其微者不書不足書也。無主名者亦闕而不書。以之慎也。非恕臣之罪也。聖人修春秋述王道以戒後世。俾其君爲有道之君。正心修身齊家治國各得其所。又何亂臣賊子之有。若夫篡弑已成。據事而書之。良史之職耳。非所謂其義則某竊取之者也。秦漢以後亂賊不絕於史。由上之人無以春秋見諸行事故爾。故曰。惟孟子能知春秋論孟子決汝漢排淮泗而注之。江先儒以爲記者之誤。曰。趙邠卿注孟子於此文未嘗疑宋以後儒乃疑之。予謂孟子長於詩書。豈不能讀禹貢且主於鄒澤淮泗之下流。近在數百里間。何至有誤。蓋天下之水莫大於

海而江卽次之故老子以江海爲百谷王南條之水皆先入江
後入海人第知毘陵爲江入海之日不知鉤山以南餘姚以北
之海皆江之委也漢水入江二千餘里而尙有北江之名淮口
距江口五百里其爲江之下流何疑禹貢云沿於江海達於淮
泗此卽淮泗注江之證注江者會江以注海與導水之交初不
相悖也說文云江水至會稽山陰爲浙江浙江者漸江也漸江
與江水不同源而得名江者源異而委同也國語吳之與越三
江環之韋昭以爲吳松江錢塘江浦陽江也錢塘江卽浙江吾
松浦陽亦注江而後注海故皆有江之名漢儒去古未遠其言
江之下流不專指毘陵一處如知會稽山陰亦爲江水所至則

無疑乎淮泗注江之文也。此先生說經之大略也。所著廿二史考異百卷。通鑑注辨正二卷。三統術衍三卷。補元史氏族表三卷。補元史藝文志四卷。元詩紀事五十卷。金石文跋尾二十五卷。金石文字目錄八卷。十駕齋養新錄三十卷。養新餘錄三卷。三史拾遺諸史伯遺各五卷。洪文惠公文敏陸放翁王伯厚王彛州年譜各一卷。疑十錄。恆言錄。聲類。地球圖說若干卷。潛研堂文集五十卷。詩集二十卷。皆行世。先生學究天人。秦文恭公輯五禮通考及奉勅修音韻述微。皆延請相助。與弟大昭以古學相切。劇猶子曰塘曰埜曰侗等。皆有著述。能具其一體文。學萃於一門。其流澤可謂遠矣。大昭字晦之一字。竹廬庵貫經。

史著書滿家刊行者惟後漢書補表八卷而已嘉慶初舉孝廉方正賜六品服塘字學淵號澥亭少與諸毀淪汪紉青王鶴裕王耿仲相唱和爲西莊蘭泉所激嘗顧不欲以詩名益肆力經史乾隆四十五年進士官江甯府教授專務撰述於聲音文字律呂推步之學皆有神解著律呂古義六卷辨秦勛以漢尺爲周天之非又有明算篇較度篇皆極精核又著史記三書釋疑於律厯天官家言皆究其原本而以他書疏通證明之律書士九商八羽七角六宮五徵九數語注家皆不能究小司馬疑其數錯塘據淮南子太元經證之始信其確不可易又以淮南天文訓一篇多周官馮相保章遺法作補注三卷以闡其旨又

作春秋占義以糾杜氏之謬其所作文曰述古編凡四卷埒字
之概亭弟也少穎敏精小學游京師朱笥河學士延爲上客
乾隆甲午副貢客關中畢中丞所與方子雲洪稚存孫淵如司
論訓故輿地之學後官乾州州判著詩音表車制考各一卷論
語後錄五卷十經文字通正書十四卷新輯注地理志十六卷
工小篆不在李陽冰徐鉉下晚年右體偏枯左手作篆九精絕
嘗注史記詳於郡縣沿革山川疆域陝督松筠公重其品學親
至楊前問疾察未刊著述獻之以史記注付之且曰三十年精
力盡於此書侗字同人弱冠舉於鄉能傳先生厯算之學先生
撰四史朔閏考將成遽捐館舍侗覆加編次證以羣書數百種

金石交字二千通繙閱釐補其非月朔而有干支可逆推者如
各帝之生日聖節金之射柳及擊毬并御常武殿臨幸東宮元
之廷試皆有一定日期又如傷齋劉豫用金正朔其朔可考計
與金必同共增斬一千三百餘條至廢寢食乃獲成書云

國朝先正事略卷三十五

經學

平江李元慶次青纂

朱竹君先生事略李威

先生諱筠字東美一字竹君號笥河大興人文正公珪兄也年十三通七經十五與文正同補諸生負文名順天尹蔣公炳招劉文定綸程文恭景伊錢文敏維城莊侍郎有與莊學士培因及先生兄弟飲試以崑田雙玉歌諸公激賞乾隆十九年成進士選庶吉士授編修二十六年分校會試丁父憂哀毀骨立先生素無宦情服闋欲徧遊天下名山已乞假矣上召見文正詢家事曰翰林無定額汝兄當補官不比汝需缺

也。文正以告掌院。索假呈歸。曰：「兄實無疾。恐。」

上再詰問。不敢欺。其強爲第起。先生不答。既而輾然曰：「第。致我。」

清興矣。是年授資善。明年大考。擢侍讀學士。充日講官。知起居

注。戊子分校順天鄉試。己丑分校會試。庚寅典福建都試。辛卯

分校會試。是年秋提督安徽學政。安徽故多樸學。先生重刻許

氏說文。以詔學者。謂爲學必先識字。躬拜黃髮源江永注紱之

主。祀之鄉賢。以勸士。先生初爲劉文正統勳所知。以爲疏儁奇

士。及在安徽會。

高宗下詔求遺書。先生奏言。翰林院則有永樂大典。內多古書。

世未見者。請開局。使校開。且言授職之道。甚備。時劉文正在軍。

機處顧不喜。謂非爲政之要。欲議寢之。而金壇子文襄敏中獨
善先生奏。與文正固爭執。卒用先生說。上之四庫全書館。自是
開矣。館開。凡十有三年。而書成。共存書三千四百六十種。計七
萬五千八百五十有四卷。其得自永樂大典者。凡五百餘部。皆
世所不傳本也。先生又請倣照漢熹平唐開成故事。擇儒臣校
正十三經文字。勒石太學。

高宗手勅曰。候朕緩緩的辦。未幾坐事左遷。編修入四庫館。纂
修日下舊聞。時文正薨。金壇總裁館事。尤重先生。會以館書稿
本往復辨析。欲先生往就見。而先生執翰林故事。總裁纂修相
見於館所。無往見禮。又時以持館中事與意忤。金壇大憾。一日

見

上語及先生。

上遽稱許朱筠學問文章殊過人金壇默不得發第言朱筠辦

書頗遲。

上曰可令蔣賜棨趣之時蔣方以僭侍郎直武英殿也尋督學

福建至閩以經學六書訓士曰講指畫無倦容某生爲攝令某

坐以殺人鍛鍊成獄先生雪其寃士林頌之逾年

上使文正代之歸數月遂卒年五十有三天性孝友博聞宏覽

書無所不通說經宗漢儒諸史百家皆考證其是非同異古文

法坡馬而參以韓蘇詩出入唐宋不名一家先生既久次望益

重則大言。翰然官以讀書立品爲職。不宜修小禮曲意委順於達官貴勢。顧篤好交遊。一言之善。稱道不容口。卽有過輒覆掩之。後進多因以得名。陸君錫熊。程君晉芳。任君大椿。皆其所取士。而黃君景仁。洪君亮吉。輩則北面稱弟子。戴君震。汪君申。兀傲不群。奸雌黃人物。在先生幕中。獨無閒言。孫君星衍。以未見先生爲恨。屬洪君爲紹願。遙執弟子禮。先生許之。其督皖學也。延名宿十二人。司校閱。聯鑣出國門。賓從稱盛。室中自晨至夕。未嘗無客。與客飲酒。連舉數十觥。不亂談笑。第日夜酒酣論天下事。自比李元禮。范孟博。激揚清濁。別邪正。聞者悚然。生平提唱風雅。振拔單寒。後進天下士歸之如市。所居室曰椒花吟舫。

亂草不除。雜花滿徑。聚書至數萬卷。金石文字千種。常對客。屬文。其文才氣奇縱。所欲言無不盡。尤愛山水。使車所至。嘗再登黃山。武夷峭壁不通樵徑。必攀蘿造其巔。題名鐫石而後返。所著有劄河文集。于錫庚字少白。乾隆戊申舉人。候選直隸州知州。讀書好古。精左氏春秋。能世其學。先生高弟自陸程任黃孫洪外。有李威字畏吾。龍溪人。戊戌進士官廉州知府。深於六書之學。著說文解字定本十五卷。

盧抱經先生事略

孫志祖

丁杰

先生諱文昭字詔馬號抱經其先自餘姚遷杭州父存心恩貢生召試博學鴻詞有白雲詩文集母馮氏山公先生景女也公生而穎異濡染庭訓又漸涵於外王父之緒論長則桑先生調元靖而師之馮桑三公皆浙中懋學之士故其學具有本原乾隆戊午舉順天鄉試壬午考內閣中書壬申以一甲第三人成進士授編修丁丑入直上書房由中允薦陞侍讀學士乙酉典廣東鄉試旋提督湖南學政戊子以學政言州縣吏不應杖辱生員左遷明年以祖母年高乞養歸先生好校書終身未嘗廢在館閣十餘年歸田後主講書院凡二十餘年雖耄孳孳無

忘味爽起。繙閱點勘。朱墨並作。凡開闔闕。無道茗盃處。日且膜。
始出戶散步庭中。俄而篝燈如故。至夜半而後卽安。祁寒酷暑。
不稍間。宦俸脯修所入。不治生產。僅以購書。聞有舊本。必借鈔。
之。有善說。必謹錄之一策之間。分別多寫。諸本之乖異。字細而。
必工。今抱經堂藏書數萬卷。皆是也。校讐之事。目漢劉向揚雄。
後至。聖朝極盛。公自以求居無補於國。而以刊定之書惠學。
者亦足以餽益右文之治。出所定經典釋文。孟子音義。逸周書。
賈誼新書。春秋繁露。方言。白虎通。荀卿子。呂氏春秋。韓詩外傳。
獨斷諸善本。鏤板行世。又苦鏤板難多。則合經史子集三十八。
種。如經典釋文例。摘字而注之名。曰群書拾補。以行世。所自爲。



書有文集三十四卷。儀禮注疏詳校十六卷。鍾山札記四卷。龍城札記三卷。廣雅注二卷。皆能使學者誦正積非。著疑誤釋。先生治經有不可磨之論。其言曰。唐人之爲義疏也。本單行。不與經注合。單行經注。唐以後尙有善本。自宋後附疏於經注而所附之經注。非必孔賈諸人所據之本也。則兩相鉏鋘矣。南宋後又附經典釋文於注疏間。而陸氏所據之經注。又非孔賈諸人所據也。則鉏鋘更多矣。淺人必比而同之。則彼此互改。多失其真。幸有收之不盡。以滋其鉏鋘。庶人考覈者。故注疏釋文合刻。似便而非古法也。其讀書特識類此。乾隆乙卯卒。年七十有九。先生專親孝謹喪繼母時年七十三矣。居喪猶盡禮。待弟韶音。

極友愛篤師友之誼而性尤伉直方王申殿試時對策中力言直隸差徭之重。

純皇帝爲勅。總督方觀承申奏。自劾。士論偉之。同縣孫志祖亦以著書爲事。志祖字詒穀。乾隆三十一年進士。官御史。所著讀書錄。錄七卷。考論經子。雜家。折衷精審。不爲武斷之論。家語疏證六卷。證王肅之僞。又著文選考異四卷。文選注補正四卷。補正姚之駟輯謝承後漢書五卷。又歸安丁杰字升衢一字小正。乾隆四十六年進士。官教授。肆力經史。旁及六書音韻。算數。長於校讐。於胡氏禹貢錙指。指摘誤甚多。四庫館開。朱竹君戴東原皆延之。助校勘所著書。口周易鄭注。後定大戴禮記。繹小

酉山房文集

國朝先王事畧卷三十五 經學



邵二雲先生事略

邵先生晉涵字與桐一字二雲浙江餘姚人先生以禹貢三江其南江從餘姚入海遂自號南江浙東自陽明以道學顯而功業風義兼之念臺忠讜著大節其弟子梁洲覃研經史博洽於文辭先生生其鄉私淑三先生故性質貞亮而經經緯史涉獵百家不懈而進於古乾隆三十年舉於鄉典試者爲錢少詹六所得先生文謂非老病不辨及來謁年裁踰冠叩其學淵博無涯漢少詹拊掌曰不負此行矣三十六年會試第一成進士廷試二甲歸部銓選三十八年詔開四庫館時高宗崇獎實學思得如劉揚雄者任之大學士劉公統勲首

薦先生。特旨改庶吉士充纂修官。踰年授編修。五十六年遷中允。擢侍講。轉侍讀。歷左庶子。侍讀學士。充日講起居注官。直文淵閣。歷充咸安宮總裁。萬壽盛典。八旗通志。國史館三通館纂修官。又爲國史館提調。兼掌進擬文字。典試廣西者一教習。庶吉士者二。生平至性過人。執親喪哀毀骨立。與人交始終如一。未嘗以博雅自矜。惟以非義干者不待語竟。卽拂衣起。人以是嚴憚之。少多病。左口微青。清羸如不勝衣。而獨善讀書。數行俱下。寒暑舟車未嘗頃刻輟業。於四庫七略無不研究。而尤能推極本原。實事求是。在館時。總裁問以某事。答曰。在某冊第幾葉中。百不失一。咸訝以爲神。蓋自元明以來。儒者務爲空疏。

經。五。之。學。六。書。訓。故。屏。斥。不。談。於。是。儒。術。日。晦。雖。閒。有。書。
如。楊。慎。朱。謀。緯。者。非。果。於。日。用。卽。安。於。作。僞。立。論。往。往。不。足。依。
據。迨。木。朝。興。而。樸。學。始。輩。出。顧。處。士。炎。武。間。徵。君。苦。據。首。爲。
之。創。然。吳。梁。未。盡。闕。也。乾。隆。之。初。海。宇。乂。平。已。百。餘。年。魁。儒。鉅。
公。接踵。惠。徵。君。棟。戴。庶。常。震。其。學。識。始。足。方。駕。古。人。及。四。庫。館。
開。先。生。與。戴。君。首。膺。其。選。田。徒。步。人。翰。林。於。是。士。大。夫。始。重。經。
史。之。學。言。經。學。推。戴。君。言。史。學。推。先。生。海。內。駉。駉。然。趨。實。學。矣。
然。先。生。尤。以。浙。東。三。先。生。爲。宗。每。上。下。古。今。凡。政。治。得。失。人。才。
消。長。君。子。小。人。之。元。黃。水。火。皆。能。抉。其。弊。之。所。由。始。與。害。之。所。
由。終。尤。熟。於。前。明。掌。故。於。州。黨。在。禍。及。唐。魯。二。王。起。兵。始。未。口。

講手書往往出正史之外。每語一事輒亟稱三先生不置。蓋其學之所本。又心儀其人。而欲取以爲法者也。豈徒以旁通訓詁。方名象數。及草木蟲魚之多識。謂足盡先生也哉。先生於經深三傳及爾雅。以宋邢昺爾雅義疏。蕪寢遂別爲正義一書。以部景純爲宗。而兼采舍人樊劉李孫諸家。凡三四易稿始定。類以九府之梁山。卽今衡山釋草。蔡楚葵爲卽今欽東同人皆歎爲絕識。又有孟子述義。穀梁古注。韓詩內傳考。並足正趙岐范甯及王應麟之失。而補其所遺。嘗病宋史是非失實。又久居山陰。四明閒習聞三先生緒言。初爲南都事略一編。詞簡事增。過正史遠甚。嘗語人曰。南宋諸傳最無理法。其臆創於袁桷。桷與史

氏中外。故於甬東諸人多鄉曲之私。今讀南宋諸雜史及柳清
容集。始知其論之確也。畢制軍沅撰續宋元通鑑。先生爲刪補
考定之。制軍歎曰。今之道原貢父也。有方輿金石編目。皇朝
大臣諡迹錄。輶軒日記。南江詩文稿等書。所校官書如薛居正
五代史。則採自永樂大典。中參以冊府元龜。太平御覽。并通鑑
長編諸書。辨證條繫。悉符原書。一百五十卷之數。書成奏御。
館臣請仿劉煦舊唐書之例。列於廿三史。刊布學宮。至分校石
經先生職春秋三傳所正字體。亦較他經獨多。爲文操筆立就。
與行淵懿。學者宗之。卒於嘉慶元年六月。年五十有四。

四庫全書
卷三十五

六



戴東原先生事略

段玉裁

龔麗正

戴先生震字東原休甯人生十歲始能言書過目不忘甫授大學章句問塾師此何以知爲孔子之言而曾子述之又何以知爲曾子之意而門人記之師曰朱文公說也問文公何時人曰宋人孔子曾子何時人曰周人周宋相去幾何時曰幾二千年矣曰然則文公何以知其然塾師不能對自後讀書每年必求其義得許氏說文解字大好之遂盡通十三經注疏能全舉其辭嘗曰經以載道所以明道者辭也所以成辭者字也學者當由字以通其辭由辭以通其道某自十七歲時有志聞道謂非求之六經孔孟不得非從事於字義制度名物無由以通其語

言爲之數十年灼然知古今治亂之源在是宋儒談訓詁之學而輕語言文字是猶度江河而棄舟楫也時婺源江先生永治經稱大師先生年二十以所學就正江先生驚異之齊侍郎召南見所作考工記圖曰奇書也年二十九補縣學生有族豪侵佔祖塋地訟之豪倚財結縣令欲文致先生罪乃脫身挾策入都時紀綱修的王綱修鳴盛錢綱修大昕王中書昶朱綱修筠皆甲戌進士以學問名一時見先生皆擊節歎服遂館於紀氏作勾股割圓記秦文恭蕙山延致之與講觀象授時之學五禮通考中全載其勾股割圓記以集古今算法之大全書館主文肅安國家公子念孫從受學能得其傳南歸其惠先生棟於陽

州時盧編修紹弓爲盧運使見曾校刊大戴禮先生數指其謬遺書與任進士大椿論禮經舉康熙壬午鄉試是時奏文恭用江慎修及先生之說疏請刊正韻書薦先生與錢君大昕任其事。

高宗以相沿已久未允也。先生以宋儒言性言理言道言才言誠言明言權言仁義禮智言智仁勇皆非六經孔孟之言而以異學之言糅之故就孟子字義開示使人知人欲淨盡天理流行之語病於是作孟子疏證及原善論性諸篇嘗言朱子注大學開卷言虛靈不昧便涉異學其言以具眾理應萬事尤非理字之指古人曰理解者尋其腠理而析之也曰天理者如莊周

言依夫天理卽所謂彼節者有間也。古聖賢以體民之情遂民之欲爲得理。今人以己之意見不出於私爲理。是以意見殺人。咸自信爲理矣。中庸注言性卽理也。其可乎。論語開卷言學以明善而復其初。復其初出莊子絕非孟子以擴充言學之意也。其持獨見多類。此朱文正佳雅善先生爲山西布政使時聘修汾州府及汾陽縣志。先生正舊志之謬。謂汾陽於漢爲茲氏縣。戰國時屬趙。不屬魏。漢時屬太原郡。不屬西河郡。後魏太和八年改六壁鎮置河西郡。治茲氏城。而西河之名移於此。酈道元注水經以武侯浮西河事繫之夏陽。子夏陵及廟室繫之邵陽。而於謁泉山及文水絕不涉及。子夏設教事張守節李吉甫輩。

始指爲魏之西河子夏。退老居此。皆非其實。吉甫又謂黃初二
年。於漢茲氏縣置西河郡。卽今州治。不知魏晉之西河。皆治離
石。非茲氏。吉甫又謂周宣帝於此置汾州。大業三年廢汾州。不
知周隋之汾州。皆非西河郡境。吉甫元和郡縣志敘述最有法
而猶有舛謬甚哉。地理之難言也。乾隆三十八年。詔開四庫
全書館。于文襄敏中以紀文達的表。不是曰修之言。薦先生於
朝。上素聞其名。遂以舉人特召充纂修官。首校水經注。別成於注
正。唐以來經注混淆之失。高廟褒嘉。御製詩冠首。蓋先生之受
主知深矣。乙未。曾試不

第

上命一體與殿試。

賜同進士出身授庶吉士。先生起自孤寒。

獨以文學爲

天子所知。出入著作之庭。館中有奇文疑義。輒就咨訪。先生爲

考究顛末。各得其意。以去晨夕討論。靡間寒暑。竟以積勞致疾。

卒於官。年五十有五。時四十二年夏五月也。先生所校定官書。

自水經注外。曰周髀算經。謂此古蓋天之法。自漢迄元明。皆主

渾天。明時歐羅巴人中國。始稱別立新法。其實皆出於周髀所

謂。天子夫官。學在四夷者也。曰孫子算經。張邱建算經。夏侯陽

算經。五曹算經。海島算經。五經算術。九章算術。皆黃真旭謝野

臣梅宏九諸公所未見者。先生悉心警正。
高宗皆製詩題卷首刊行。而古九數之學大顯矣。曰儀禮釋宮。
儀禮釋誤。儀禮集釋。項氏家說。蒙齊中庸請義。大戴禮揚子方。
言皆能正其闕誤。所自著書曰原善三卷。孟子字義疏證三卷。
勾股割圖記三卷。策算一卷。原家一卷。考工記圖二卷。聲韻考。
四卷。聲類表十卷。文集十卷。續天文略二卷。水地記一卷。方言。
疏證十三卷。毛鄭詩考正四卷。考正鄭氏詩譜一卷。果溪詩經。
補注二卷。大學補注一卷。儀禮考正一卷。慰問一卷。古慰考二。
卷。六書論三卷。爾雅文字考十卷。屈原賦江九卷。孔戶部繼涵。
爲刊戴氏遺書。弟子投君玉裁復刊之。先生無他嗜好。惟專力。

於讀書雖詞義鉤棘難曉者一再讀之輒渙然冰釋旁觀驚爲
宿悟要由精誠所致其學長於考辨每得一義初若剖獲及參
互考之確不可易後儒多言易亂於費直先生以漢書證之曰
藝文志易經十二篇施孟梁邱三家十二篇者經上下二篇十
翼十篇此三家所同也儒林傳云費直易無章句徒以彖象繫
辭十篇之言解說上下經蓋費氏不自立章句其解經卽用十
篇之言而十二篇之目未嘗改後人誤讀儒林傳輒咎費氏之
改經不察之甚也周禮大馭又祭兩軼祭軼注云故書軼爲軼
杜子春云軼當爲軼軼謂兩軼或讀軼爲軼并之并先生辨之
曰朝當讀如笄杜君改爲軼與軼內之軼一名混淆非也以構

釋鼓端之斬亦非也。軼者車幹。斬者轂末。軼若軼末。後代字書
并斬字無之矣。祭軼字。刊本多譌爲軌。毛公釋詩云。白軼以上
爲軌。說文軌從九。車轍也。軌從凡。車式前也。依詩意。宜音范。以
韻考之。又不合。疑漢時軌軼二字相溷。毛公殆誤併爲一歟。其
述明堂之制曰。明堂五室。十二堂。故曰明堂。月令中央曰太室。
正室也。一室而四堂。東堂曰青陽太廟。南堂曰明堂太廟。西堂
曰總章太廟。北堂曰元堂太廟。四隅之室。夾室也。四室而八堂。
東北隅之室。元堂之右夾。青陽之左夾也。其北堂曰元堂。右个。
東堂曰青陽左个。東南隅之室。青陽之右夾。明堂之左夾也。其
東堂曰青陽右个。南堂曰明堂左个。西南隅之室。明堂之右夾。

總章之左夾也。其南堂曰明堂。右个。西堂曰總章。左个。西北隅之室。總章之右夾。元堂之左夾也。其西堂曰總章。右个。北堂曰元堂。左个。凡夾室前堂。或謂之箱。或謂之个。左氏傳。真饋於个。杜云。个。東西箱是也。个者。兩旁之名也。古者宮室之制。前堂後室。有夾。有介。有介。有戶。南嚮。一面明堂。四面闔達。亦前室後室。有夾。有介。而無房。禮婦人在房。明堂非婦人所得至也。四正之室。皆曰太廟。四正之室。共一太室。故曰太廟。太室。世之言明堂者。有室無堂。不分个夾。失其傳矣。春秋昭二十二年十月。王子猛卒。而其夏。已兩書王猛。說者莫得其解。先生曰。王猛與鄭忽。皆以國氏者也。王者諸侯目王。畿之辭。非天子之號。春秋凡書

王猶列國之書其國書天王猶列國之書第故王人與列國書人同爲微者三猶與鄭忽同爲以國氏忽未卽位而出奔歸不得書爵書世子正其復國也王子猛未卽位稱王故卒稱王子若先正其號曰王不得復稱王子矣今人所三角八線之法本出於勾股而尊信西術者輒云勾股不能御三角先生折之曰周髀云圓出於方方出於矩矩出於九九八十一三角中無直角則不應乎矩無例可比矣必以法御之使成勾股而止八線比例之術皆勾股法也又言治經宜自爾雅始如釋言枕充也六經無枕字鄭注樂記孔子間居皆訓橫爲充橫枕古通用書光被四表漢書引作橫被今孔傳猶訓光爲充文譌而義不

殊也。釋言：麻廕也。卽詩不可休思之休。釋木：桑柳醜條。卽詩蠶

月條桑之條。莊子云：已而爲之者已而不知其然。當從釋詁解

已爲此其考證通悟類此者不可枚舉。瑤城玉衡爲古觀天之

器。久失其傳。先生神悟於二千年後。令巧匠爲之。且詳其制於

原象篇。所繪地圖尤精核。國朝言地理者有顧景范、顧亭林

閻百詩、胡朥明、莫子鴻、趙東潛、錢竹汀諸家。然皆以郡國爲主。

而求山川。先生則以山川爲主而求郡縣。故精審能出其上。歟。

後十餘年。一日。

高宗校刊石經。命小璫問南書房諸臣：戴震尙在否？對曰：已

死。

上歎息久之。先是總督方恪敏觀承聘先生修直隸河渠書百
十一卷未成而恪敏薨。彙藏周制軍元禮家。嘉慶己巳吳江王
履泰以貴爲通判得書。援爲己有。刪其半。益以乾隆己丑以後
事實。易名畿輔安瀾志。進於朝。

仁宗謂此有用之書。

命武英殿刊行。賞履泰同知。發永定河

試用先生嗣子仲孚攜原藁入都。欲爲辨正。不果。亦可見先生
經世述作身後猶見賞於朝廷云。

段先生王裁字若膺。一字懋堂。金壇人。東原高第弟子也。年十
三受知學使尹元孚先生爲諸生。授以梁谿高愈所著小學。遂
究心焉。乾隆庚辰舉人。貴州玉屏知縣。越三年改四川巫山知

縣辛丑引次歸遂不復出生。平講求古義。精小學。著書滿家。行世者有說文解字注。尚書撰異。毛詩傳小注。詩經小學錄。經韻樓文集。其女曰龔麗正。字闇齋。仁和人。嘉慶丙辰進士官郎。中以懋堂爲師。能傳其學。著有國語羣昭注疏。

孫淵如先生事略

先生諱星衍字淵如江蘇陽湖人父勲舉人官河曲知縣大母許夢星墜於懷舉以授其母金比日遂生先生幼有異稟書過月成誦河曲授以文選全誦之未冠補諸生與同里楊君芳燦洪君亮吉黃君景仁齊名袁君枚日天下清才多奇才少淵如天下奇才也遂相與爲忘年交先生雅不欲以詩名深究經史文字音訓之學旁及諸子百家皆通其義錢少詹大所主鍾山書院深器之會陝西巡撫畢公沅招人幕府一時名宿踵至先生譽最高畢公撰關中勝蹟志山海經注校正晏子春秋及校刻惠徵君諸書皆先生手定乾隆五十一年朱文正珪典試江

南在都與彭文勤元瑞約曰吾此行必得汪中孫星衍及摺還
卷得其經文策曰此必汪中也折卷得先生而汪實未就試明
年賜進士第二人授編修充三通館校理五十四年散館試
厲志賦用史記綢綢如畏語大學士和珅疑爲別字置二等以
部曹用故事一甲進士改部或奏請留館時和珅知先生名欲
令屈節一見先生不往曰吾甯得

上所改官不受人惠也遂就職又編修改官可得員外郎前此
吳文煥有成案或謂君一見當道卽得之先生曰主事終擢員
外何汲汲爲自是編修改主事遂爲成例補刑部主事總辦秋
審先生掃室焚香爲諸名士燕集之所高麗使臣樸齊家入貢

見先生所校古書。特謁先生書問字堂。額賦詩以贈。五十八年。遷員外郎。次年扈蹕五臺。逾年扈蹕天津。會大風。御舟阻。上改御步輦至。行宮先生約同僚步行舟里。赴官門治事。特賜緞匹。五十九年遷郎中。阿文成胡莊敏二公皆器先生。每有疑獄。輒令依古義平議。行所平反。全活甚多。甲有竊主財。逾貫。詣其友乙。匿其數。以告分金。而逸。事發。乙得知情。藏匿罪人。罪應流。先生謂律稱知情。則坐乙。不知滿貫也。應以所知數坐。減問徒。大司寇詰以乙所言。無質證。如獲甲言實告。以逾貫。奈何。先生曰。此名例所謂通計前罪。以充後數也。乙卒減徒。先生又言。律文稱囚者在繫之名稱罪人者。犯事在官之名。今或末

到官輒名爲罪人或藏匿罪人問擬縱囚非正名之義湖廣有子護嫁母傷人至死獄勅下法司議或以嫁母期服減於母則護嫁母不得與母同科先生謂古者父在爲母亦期居於所尊嫁母服期因宗子主祭非謂情當殺也引宋王博文請封嫁母又爲行服謂子無絕母理又引唐八座議凡父卒母嫁有心喪三年之制子無絕道故也護嫁母出母均當與母同議減聞殺罪甲有馳車犯乙者已當過失殺罪甲恐以無故馳驟車馬獲重罪介所知以兼金求免先生曰吾不受暮夜金也君罪止過失殺無爲人所誑甲慚謝去有孝子爲父報仇殺縣役坐死其父姊控部弟實爲縣役逼弊請檢尸傷當道爲緩頰先生曰

吾豈能枉法殺孝子哉。其持正類此。六十年授在沂曹濟道。先生以濟陰湯陵在曹南。其山西榮河縣湯陵。雖列祀典。實宋以來相沿之誤。因備考諸書。據漢崔駰魏家覽晉伏滔湯陵在濟陰之說。移山西布政司。並考榮河之陵。出後魏小說家言。張恩破陵得銘。附會殷湯未爲典要。宜申大府改正。後再官山左。卒令曹縣令修葺湯陵廟屋。以祭田奉祀。立碑紀事。嘉慶元年。曹南水漫。漸漬決單縣地。先生臯按察使康君基田築壘之。鳩工集夫。五日夜從上游築隄。遏禦之。溜歸中。滋不果橫決。康語先生曰。吾治河數十年。未見決口能卽堵閉者。曹南之役。吾與君成之。省國家帑金數百萬矣。尋署按察使事。以整肅吏治爲

已任親問因定爰書矜慎庶獄甲與乙有姻共飲乙醉墜火炕
吐燒酒引火燄灼爛至死甲醉臥不知讞者以甲奪壺斟酒有
爭聞形擬問殺罪先生曰甲主乙賓奪乙壺勸之飲名奪實讓
也改甲坐過失殺出其罪有婦因姦謀命獄其婦某家妾也夫
遠出主母惡之會僕婦死誣以謀毒讞者又實以姦夫言妾淫
主婦令僕婦守之惡而行毒已具獄先生鞠婦以某日歸甯僕
婦後二日以子殤與夫爭忿自盡出寃婦於獄囚有共毆人至
死遇堂呼寃者自言木緯夫途遇有眾毆人勸止之不從而去
越數月邑令忽拘訊之酷刑誣服下手毆人先生詰以眾中有
相識者否答曰有吳氏某爲縣役在旁知狀密拘縣役詰之乃

因姦殺人縣令同護聽其屬甥認罪始以聞殺傷輕緩其死上官駁詰改擬傷重入情實囚知死乃不承先生誠縣官乃以失察處分枉人命吾爲若救止陰禍也有訴詈婦女致死獄先生以事在。一月前不得調之忿激鞠得婦白與夫毆詈自經狀出其罪。凡權臬七閱月平反數十百獄活死罪誣服者十餘人亦不以之罪縣官云縣官實不盡明刑律皆幕客誤之也山左風氣爲一變先生又以先儒伏生及鄭康成。功在傳經可比七十子身通六藝皆宜立五經博士後大吏奏請鄭議格而伏允行其議自先生發也濰縣有武人犯法挾厚力求脫令不可于因賄通和珅門下屬託大府先生訪捕鞠之械和門來者於衢巡

撫不便其所爲因奏言河防任重宜令回本任

上俞之時各屬感先生廉正卻陋規相率集貲餽贐皆不納是

年江南豐工及山東曹工同時漫溢先生以無工處所得疏防

咎大府請嚴議

上以兼管官特予留任故事道員嚴議無特旨予留者異數

也曹工分治引河三道先生與濟東王萊二道各治二十里先

生治中段廣深中程嚴於察弊不煩苛不築指畢工較上下段

引河共省帑三十餘萬凡河工堵築決口須於將合龍時放引

河則水疾下而無停淤時隄未大塞而巡撫欲放引河康河督

力止之不得既放水河盡填淤於是復抽溝而曹工遂不能合

矣。四年巡撫奏先生熟習刑名。操守廉潔。惟河務非所長。請以守巡道留補。得俞旨。先是河工分賠之員。或得羨餘。謂之扣費。先生不取。悉以給引。河工費仍取領結存庫。是時曹工尙未合。河督及巡撫亟奏合龍。移先生任。尋又奏稱合而復開。則分賠兩次。壩工銀九萬兩。當半屬後任。司事者并責諸先生。先生亦任之曰。吾無寸椽尺土。然旣兼河務。不能不爲人受過也。未幾。母憂歸。僑居金陵。六年。浙撫阮公元闢。詰經精舍於西湖。聘先生及王侍郎昶。送王講席。以經史疑義課士。旁及小學。天部地理算法詞章。各聽搜討。書傳條對。以觀其器識。請業者盈門。未十年。舍中士掇巍科入館閣。及撰述成一家言者。不可勝

數先生淡於宦情。服闋後游吳越數年。終以河工償項。故不得已再出。有旨仍發山東以道員用。十年署登萊青道。補山東督糧道。山東衛河經臨青閘口。夏秋水漲。高於閘內之汶水。卽閉閘。謂之閘口。糧艘阻滯。先生知德州哨馬營。及恩縣四女寺。舊有兩支河合流。人老黃河。卽鉤盤高津故道。經樂陵至海豐入海。請開濬以洩衛水異漲。德州舊設滿營。駐防官兵五百。曰一口爲一戶。增至二千七百餘口。而額餉無可加。每年例支道倉米七千八百石。內有折色米三千餘石。支銀一兩。糧價昔賤。今貴。折色不敷其半。官兵日苦累。而道倉支賸餘米。厯年運交通倉。需運費銀二千餘兩。先生請以存給官兵本色。除折色。

不獨恤滿兵。且省運費。皆從之。十二年。署布政使事。時侍郎廣
興奉使山東。供張煩擾。先生慎守庫帑。獨無所餽。後廣以賄敗。
豫東二行省。以支帑獲罪者眾。先生不與焉。十三年。督運北上。
請訓。

仁宗溫諭移時。面奏乞假三月。省迎老父於江南。允之。抵江甯。
糾族衆建孫子祠。回任自剡城。取道費縣。訪季桓子得獐羊井。
銘於縣署。又訪曾皙南城葬處。及澹臺子羽墓。立碑季桓子井。
上始先生之官山東。考太平寰宇記。先賢閔子墓在范縣東。今
所傳在歷城者。誤也。曾檄縣令訪求遺墓。迨嘉慶八年。再蒞東
省。以察賑按行范縣。會河溢。不能詣墓所。及官糧道忽夢浚并

出古丈夫自稱。閔子覺而異之。因出貲屬縣令唐晟訪廢墓。申
禁樵採。修祠堂。並訪義士左伯桃羊角哀墓於縣之義城寺東。
皆爲文紀其事。十六年。引疾歸。尋客揚州。運署校刊全唐文。累
主鍾山書院。生平立身行事。皆蹈儒術。廉而不刻。和而介。屢以
剛正不獲於上官。早歲文詞華麗。繼乃沈潛經術。博極羣書。喜
獎借後進。所至士爭附之。尤好聚書。聞有善本。借鈔無虛日。金
石文字及古彝鼎書畫。皆能窮竟源委。文在六朝漢魏閒。不欲
似唐宋八家。嘗病古文尙書爲東晉梅賾所亂。撰集古文尙書。
馬鄭王注十卷。及逸文三篇。又爲尙書今古文注疏三十卷。蓋
積二十餘年而後成。其專精如此。又有周易集解十卷。夏小正

傳校正三卷。魏三體石經殘字考一卷。倉頡篇三卷。孔子集詔
四卷。史記天官書考證十卷。寰宇訪碑錄十二卷。平津館金石
萃編二十卷。孫氏家藏書目內編四卷。外編三卷。續古文苑二
十卷。問字堂文彙五卷。岱南閣文彙五卷。五松園文彙一卷。平
津館文彙二卷。詩集若干卷。所校刊者有周易口訣義六卷。尙
書考異五卷。春秋釋例十五卷。孫子十家注十三卷。元和郡縣
志四十卷。景德建康志五十卷。唐律疏議三十卷。卒於嘉慶二
十三年正月。年六十。有六配。王恭人。名采薇。工詩善書。有長離
閣集。

關東

近因上谷之亂，
唐、宋、金、元、明、清、
前代文獻，
十卷間，
華嚴二十卷，
四卷，
計五十三卷，

此卷間，
華嚴二十卷，
四卷，
計五十三卷，

洪稚存先生事略
趙懷玉 莊炘 劉逢祿

洪先生亮吉字稚存陽湖人生六歲而孤家貧以副貢客公卿閒朱學士筠督學安徽先生從遊最久旋客浙江學使王文端杰幕中資館穀養母母卒時方按試處州弟葛告不敢赴詭言母疾甚趣之歸先生亟行距家二十里舍舟而徒方渡橋遇賃僕之父仇三得家狀號踊失足落水中流數里汲者見髮颺水上攬之得人有識先生者昇至家久之乃甦以不及視舍歿故遇忌日輒不食年四十五成乾隆庚戌進士 賜第二人及弟授編修明年充石經館收掌官以舊書十三經多譌俗白總裁欲更正之未能從也王子分校順天鄉試闈中拜視學貴州之

命故事詞臣未散館無授學政者異數也。在貴州疏言禮記宜以鄭康成注易陳灝爲部議所格。教士以通經學古爲先。黔士向學先生有力焉。嘉慶元年入直上書房。先生初第時大臣掌翰林院者網羅人才以傾動聲譽。先生知其無成於早自異。遂於御試征邪教疏內力陳中外弊政。發其所忌。隨引諠言之喪。以古人有期功去官之義乞病歸。其後座主朱文正珪有書起之。復入都供職。嘉慶己未教習庶吉士。先生長身火色性超邁。歌呼飲酒怡怡然。每興至凡朋儕所爲皆掣亂之爲笑樂。至論當世大事則目直視頸皆發赤。以氣加人人不能堪。會有與先生先後起官者文正公並譽之。先生大怒以爲輕已。遂邑邑。

不樂復乞病行有日矣時川陝賊未靖先生欲有所獻皆顛編檢例不奏事乃上書成親王暨當事大僚言時事莫其轉奏謂故貝子福康安所過繁費州縣吏以供億致虛帑藏故相和珅擅枋時達官清選多屈膝門下列官中外者四十餘人未復指斥乘輿有群小熒惑視朝稍晏語成親王以聞有旨軍機大臣召問卽曰覆奏落職交刑部治罪先生就逮西華門外都虞司群議洶洶謂且以大不敬伏法其友趙中書懷玉見先生縲紲藉藁坐大哭投於地不能言先生笑起謂趙君曰味辛今見稚存死邪何悲也頃之承審大臣至有旨母用刑先生聞宣感動大哭自引罪坐身列侍從用疑似語訪君父大不敬議

斬立決奏上免死。戍伊犁將軍某妄測
聖意。奏請俟君至。弊以法先發。後聞得旨。嚴飭不行。明年京
師早。詔減釋軍流。不雨。朱文正奏。安南黎氏二臣忠於其主。
久繫獄。請釋之。又不雨。
上乃手詔赦先生。是日沛然雨。遂頒諭言。天人感應之理。至
捷誠。臣工弗以言爲諱。御製得雨紀事詩。有亮吉原書無違
礙之句。有愛君之誠。實足啟沃朕心。已將其書裝裱成卷。常置
座右。以作良規之注。
仁宗之容。超臣直。越前古。而先生諒節實能上格。天心云先
生在戍所。不及百日。自獲罪。至戍還。文正公常調護之。既歸。自

號更生居士。丁卯歲大祿有司勘不成災。饑民剝樹皮以食。先生力請當道設賑局。捐金爲之倡。所全活數十萬計。性嗜山水。遊嵩華黃山。皆躋絕壁。題名家。居十餘年。卒年六十有四。其學無所不窺。詩文有奇氣。少與武進黃景仁。仲則齊名。江左號洪黃。仲則客死汾州。千里奔其喪。世有巨卿之自。其後沈研經術。與同邑孫星衍。季述論學相長。人又稱孫洪云。所著左傳詁十卷。公羊穀梁古義二卷。比雅十二卷。弟子臧箋釋一卷。六書轉注錄八卷。漢魏音四卷。乾隆府所州縣圖五十卷。三國疆域志二卷。東晉疆域志四卷。十六國疆域志十六卷。詩文集共六十四卷。行於世。趙君懷玉。字億孫。一字味辛。武進人。乾隆庚子。

召試舉人授內閣中書出爲登州府同知。好學深思書無所不讀工詩古文著亦有生齋詩文集。同時爲漢學者有莊君忻字虛庵。乾隆戊子副榜官同知。深於聲音訓詁之學。校刻淮南子爲之注。又有劉君逢祿字申甫嘉慶丁卯舉人。淹通經傳皆先生同郡人。

洪初堂先王事略

洪悟

符瑤田

汪龍

江葵

羅永符

洪學

洪先生榜字汝登一字初堂歙人年十五爲諸生乾隆乙酉授貢與兄樸同應召試兄授中書而先生未遇梁文定公國治時督學安徽皆賞異之先生從文定游至山西舉乾隆戊子鄉試丙申應天津召試冠其伍授內閣中書少與同郡戴東原金輔之交粹於經學因鄭康成易贊作述贊二卷又著明象未成書其解周易詁訓本兩漢行文類先秦又撰四聲韻和表五卷示以切語一卷先是江先生慎修切字六百十有六是書增補百三十九字又以字母見溪等字注於廣韻之日每字之上以定喉吻舌齒唇五音蓋其書宗江戴二家之說而加詳焉又

著周易古義錄書經釋典詩經古義錄詩經釋典儀禮十七篇
書後春秋公羊傳例論語古義錄初堂讀書記初堂隨筆許氏
經義諸書留心奇遁之術以其術犯造物忌病中舉所著火之
惟新安大奸紀麗久刑行先生律身以正孝友著於鄉生平所
學服膺戴氏戴氏作孟子字義疏證讀者不能通其義先生稱
其有功於六經孔孟之言甚大使後之學者無馳心於高妙而
明察於人倫庶物間必自戴氏始也撰東原行狀載其與彭尺
木書朱竹君謂可不必載戴氏可傳者不在此先生上書之
詞甚辨弟梧字桐生乾隆庚子召試舉人授中書庚戌成進
士選庶吉士由編修官沂州知府埔通古今工詞翰亦邃於經

學同邑學者有程易疇汪蟄泉汪孝嬰羅子信洪賓華皆以經術名。

易疇程姓名瑤田乾隆庚寅舉人太倉州學正著有通藝錄行世蟄泉名龍朝隆丙午舉人著毛詩申成毛詩異義孝嬰名萊優貢生大學士祿康薦修乙國史天文志官石埭訓導十三經注疏能背誦如流水而又能心通其義有問者觸類旁通無窒礙尤善厯算通中西術著衡齋算學行於世子信名永符乾隆辛未進士選庶吉士善讀書通經史工詩古文時推疏儒奇士賓華名瑩爲初堂族子嘉慶己巳一甲一名進士賜及第授修撰恬於仕進五經各有撰述皆欽人。

國朝文正事略

卷三十五

三

一、

—

[illegible]

This image is a scan of a document page that has been severely degraded. The page is almost entirely obscured by noise, scratches, and dark artifacts, making any original content illegible. Only faint, dark, horizontal bands and vertical streaks are visible against a lighter, textured background.

任子田先生事略

黃承吉

李惇

宋綿初

秦思復

許珩

汪光

李鍾泗

任先生大椿字幼植又字子田江蘇興化人祖陳晉乾隆四年進上以通經聞著易象大意先生少工文詞既乃專究經史傳注乾隆三十四年二甲一名進士授禮部主事三十八年修四庫全書充纂修官禮經衰輯爲多提要多出其手尋以郎中授御史五十四年卒年五十有二先生家貧盡色養讀書守道義素不欲以空言講學服官行已無媿古人所學淹通於禮尤長名物著弁服釋例八卷深衣釋例三卷釋繪一卷吳越備史法三十卷小學鉤沈二十卷子林考逸八卷詩集六卷先生初後蒼萃全經久之知其浩博一釐因思卽類以求一類既貫乃更

求他類所著深衣釋繪諸篇皆博綜詳籍衷以已意或視爲爾雅廣疏實禮經別記之帝學者能推其意廣所未盡以類窮之可以會經之全矣族弟麟嘗朱獲百五十條爲字林考逸補正云兆麟字文田一字齊震澤諸生舉孝廉方正嘗注夏小正本鄭仲師周官注移夫出火一條在三月又移時有見梯如收一條在五月又補朱芭雞始乳二條王西莊序以爲確當所著曰有竹居集壯北學者有李先生曾號孝臣高郵人治經通敏尤深於詩乃秋三傳晚好厯算通宣城梅氏書與同郡劉端臨王懷祖江甫善力倡古學篤內行恂恂退讓遇友朋患難則執義不欠因諸生以高第將舉拔萃科試之前

夕執友賈田祖死往經其喪遂罷試舉乾隆庚子進士注選知縣尋卒著歷代官制考考工車制考說文引書字異考左傳通釋杜氏長厯補渾天圖說羣經識小錄諸書又宋君綿初字守端亦高郵人乾隆丁酉拔貢官訓導遂經術尤長於說詩著韓詩內傳徵四卷子保字定之廩士請聲音訓詁之學又秦君恩復字散夫一字澹生江都人乾隆丁未進士官編修讀書好古所居五箇仙館蓄書萬卷丹鉛不去手校刊陶宏景鬼谷子注盧重元列子注及隸韻諸書與人謙抑口不談學問是以世無知者又黃君承吉字春谷亦江都人嘉慶乙丑進士官知縣天資過人爲漢儒之學研究精微通厯算能辨中西之異同尤王

詩古又能自出機杼空無依仙又儀徵許珩者字楚生能詩治經有心得者周禮獻疑七卷又汪君光燧字晉蕃儀徵諸生父棣進士官員外郎與惠走字戴東原王述庵王西莊錢竹汀爲莫逆交晉蕃承庭訓飫聞諸老宿緒論遂博通經史嘗辨惠氏易爻辰圖之謬又作黃稗釋人服其精核又李君鍾泗字濱石甘泉人書一覽不忘治經精左氏春秋撰規規遇一書抑劉申杜焦里堂見而歎服嘉慶六年舉人與晉蕃皆早世

孔塽軒先生事略

孔繼涵

郝懿行

鄭鴻磬

趙曾

先生諱廣森字眾仲。又字撫約。號塽軒。孔子六十八代孫。居曲阜。乾隆三十六年進士。官檢討。年少入官。翩翩華胄。一時爭與之交。然性恬淡。耽著述。裏足不與受人通謁。告養歸。不復出。及居大母與父喪。竟以毀卒。時乾隆五十一年也。年三十有五。先生聰穎特達。經史小學。沈覽妙解。少受經於冀來原。所學在公羊。春秋。唐陸德明云。魏晉以來。公羊久成絕學。先生沈深解剝著春秋。公羊通義十一卷。於胡毋子都。董仲舒。何邵公。條例師法。不墜其自序曰。昔我夫子有帝王之德。無帝王之位。又不得爲市王之輔佐。乃思以其治天下之大法。損益六代禮樂文質。

之經制發爲文章以垂後世而見夫周細解弛魯道陵遲攻戰相尋彝倫或熄以爲雖有繼周王者猶不能以三皇之家刑二帝之于羽議可坐而化也必將因衰世之宜定新國之典寬於勸賢而峻於治不肖庶幾風俗可漸更仁義可漸明政教可漸興一於春秋乎記之春秋之爲書也上通天道中用王法而下理人情不奉天道王法不正不合人道王法不行天道者一日時二日月三日曰王法者一日譏二曰貶三曰絕人情者一日尊二曰親三曰賢此三利九旨既布而壹裁以內外之異例遠近之異辭錯綜酌劑相須成體而傳春秋者三家粵惟公羊氏有是說焉漢初求六經於燼火之餘時則有胡毋子都董仲舒

皆治公羊春秋。以其學鳴於朝廷。立於校官。董生授弟子。嬴公授眭孟。孟授東海嚴彭祖。魯國顏安樂。各專門教授。由是公羊分爲嚴顏之學。方東漢時。帝者號稱以經術治天下。而博士弟子因端獻誤。妄言西狩獲麟。是庶姓釗季之瑞。聖人應符。爲漢制作黜周王魯。以春秋當新王。其說皆絕不見本傳。重自誣其師。以召二家之糾摘矣。然而孟子有言。春秋天子之事也。經有變周之文。從殷之實。非天子之因革耶。甸服之君三等。蕃衛之君七等。大夫不世。小國大夫不以名氏通。非天子之爵祿耶。上抑杞下存宋。褒滕薛邾婁儀父。賤穀鄧而貴盛郛。非天子之黜陟耶。內其國而外諸夏。內諸夏而外四裔。殆所謂天下之

本在國國之本在家者非即愚以爲公羊家學獨有合於孟子
乃若對齊宣王言小事大則紀季之所以爲善對滕文公言效
死勿去則萊侯之所以爲正其論異姓之卿則曹羈之所以爲
賢論貴戚之卿又實本於不言剽立以惡術之義且論語責輒
以讓國而公羊許石曼姑圍戚今以曼姑擬皋陶則與瞽瞍殺
人之對正若符契故孟子最善言春秋豈徒見稅畝伯於陽兩
傳文句之隅合哉晉唐以來公羊穀梁皆成絕緒唯左氏不絕
於講誦啖趙橫興宋儒鍾扇加以鑿空懸擬直出於三傳之分
者淺識之士動爲所奪其訾毀三傳率摭拾本例而膚引例不
可通者以致其請董生不云乎易無達占詩無達詁春秋無達

例夫唯有例而又有不囿於例者乃足起事同辭異之端以互發其蘊記曰屬辭比事春秋之教此之謂也十二公之篇二百四十二年之記文成數萬赴問數千應問數百操其要歸不越乎同辭異辭二途而已矣當其無嫌則鄭忽之正陳佗莒展之賤曹羈宋萬宋督之爲大夫未嘗不同號祭伯奔而曰來祭公使而曰來介葛盧朝而曰來齊仲孫外之而曰來未嘗不同辭入者爲篡天王入於成周乃非篡出者爲有外天王出居於鄭乃非外此無他正名天王灼然不嫌也夫人婦姜夫人氏夫人孫於齊則辭有異楚屈完來盟於師齊侯使國佐如師則辭有異衛侯言歸以成叔武之意曹伯言歸以順喜時之志而或加

復或。不加復。則同辭之中。猶有異。此言負芻出惡。已見於伯討。
成公出惡。未有所見也。若是之屬。有不勝俚指述者。諸滅同姓。
莫名。獨衛侯燬名。諸葬稱公。獨蔡桓侯不稱公。諸來稱使。獨武
氏子毛伯不稱使。一難而乃異。一救而言次之先後異。一人之
名而曼何之有無異。一年之內而糾與子糾異。凡皆井言榮辱。
筆削所繫。不可不比觀。不可不深察。春秋有當略而詳。當詳而
略。詳之甚者。莫如錄伯姬。略之甚者。莫如鄭蔡仲之事。蔡仲權
一時之計。紓宗社之患。君子取之。亦與其進不與其退之意焉。
爾若左傳所載。忽之弒。暨儀之立。仲循循無能匡救。苟並存其
迹。將不可爲訓。故斷至昭公復正。厲公居揅。取足伸伸之權。而

止此春秋重義不重事之效也。董生曰：正朝夕者視北辰，正嫌疑者視聖人。聖人以蔡仲、易君、季子殺母兄，皆處乎嫌疑之間。特殊異二子於眾人之中，而貴而字之而不名，尙猶有援左氏之事以駁公羊行權之義者。蓋思仲之稱字，正逆知天下後世必有嗷嗷議仲者，乃大著其善也。孔子之修春秋也，至於上下內外之無別，天道人事之反常，史之所書，或文同事異，事同文異者，則皆假日月以明其變，決其疑。大抵以日爲詳，則以不日爲略；以月爲詳，則以不月爲略；其以不日爲恒，則以日爲變；以日爲恒，則以不日爲變；甚則以不月爲異，其以月爲恒，則不月爲變；以不月爲恒，則以月爲變；甚則以日爲異，將使學者屬辭。

此事以求之其等衰勢分甚嚴善惡淺深奇變極能皆以日月見之如事諸掌善哉自唐迄今知此者惟趙汭一人哉推舉其概及齊平及鄭平均平也而一信一否剡伯姬來歸杞叔姬來歸均出也而有一罪一無罪月不月之判也城楚邱之不嫌於內邑以其月也晉人執季孫行父何以別於齊人執單伯以其月也晉人入曹何以別於宋人入曹以其日也武宮亦立煬宮亦立而知季隱如之爲之者以其不日也諸侯相執例時始見於宋人執滕子嬰齊則惡而月之公如例時襄昭如楚則危而月之會例時終桓公之篇悉危而月之可得謂無意乎常辭徧戰日詐戰不日獨至於穀詐戰而亦日讀其經曰辛巳晉人及

姜戎敗秦於殽。癸巳葬晉文公。背殯之罪。日之而益見。復歸求
有言曰者。獨衛獻公。日讀其經曰。辛卯衛甯喜弑其君。剽甲午
衛侯衍復歸於衛。諼弑之跡。亦日之而益見。春秋雖魯史舊名
聖人。因而不革。必有新意焉。春者陽中。萬物以生。秋者陰中。萬
物以成。善以春賞。惡以秋刑。故以是名其經。丙戌之再也。疑於
衍而非衍。夏五或無月。十有二月或無冬。疑於脫而非脫。春以
統王。王以統月。月以統口。春秋所甚重。甚謹者。莫若此。世裕之
說曰。譏貶當各就其事。而傳說有先事貶者。有終身貶者。得無
乖論語不逆億之訓。且疾惡已甚乎。是未知春秋之用譏貶當
事而施者。小過惡耳。至於未事而先貶。既事而終絕。則蹈名教

之宏罪。犯今古之極愆。有雖孝子慈孫。百世不可改者。中人之情。固有始善終咎。先後易轍。惟若公子輩之媚桓。弑隱。公子招之勝君。亂國。充其惡。可以至於此極。則平日處心積慮。久已不範於禮義。先師言。春秋天子之行事也。向使夫子與輩招並時立朝。必不待其弑君亂國。早已放流之。寂殛之。又何不逆億之。有以誅不待教之罪人。而且使之出師。而且使之會諸侯之大夫。是則陳魯之君。無知人之明。以自召其禍也。故貶招於鄆。貶翬於伐。鄭伐宋。以戒後世之爲人君者。若曰。有臣如此。則不可以長三軍。而使四方。豈惟決二公子之辜而已。翬公子也。而勿謂公子招弟也。而弗謂弟存公子焉。若曰。疎者弗良。當絕其位。

親者不良。但不當任之。亦弗可失其貴。此深中之深。微中之微。也。俗儒不知春秋。病在不能推深窺微。羣在所傳聞之世。訟言貶之。遂在所聞之世。唯一貶於其卒。逮所見之世。隱如疑。不得貶矣。然而辭不屬不明事。不批不章。昭公之篇。一曰隱如。至曰晉。一曰叔孫舍。至曰晉同事而氏不氏。異氏者賢。不氏者惡。亦因得見端焉。且遂幸而貶。猶夫終身貶也。春秋之義。人道莫重乎始終。用致夫人弗曰其始。則終身不免爲篡。成風之舍昭會葬。王弗稱夫。則終身不正其爲小君。其於追命桓公亦然。故羣招貶之於始。仲遂貶之於終。皆言乎罪大惡極。足以貫其沒世者也。譏貶皆不概施。毋就人情所易惑者。而顯示之法。人莫知。

大夫不敵君而後以。正人書人莫知卿不得憂諸侯而後以。晉人宋人書溴梁以降。大夫交政未嘗貶也。卻缺之徙義公子側之偃革宜若有善焉。轉發其專平專廢置之罪。而以人書不甯惟是。又因是以知士。司公子結專其所可專。得免於貶。雖於名氏之外未有加焉。固以榮矣。鄭襄公背華附楚。賤之曰鄭伐許。與吳伐鄭。狄伐晉。文無以異。至其子衰經與戎。則正言之曰鄭伯伐許。以爲不待貶絕。爾第未若狄之顯也。故襄公書葬悼公。不書葬。其葬猶之突也。其不葬也。猶前之接後之。論而蔡之。臧也。傳曰春秋不待貶絕而罪惡見者。不貶絕以見罪惡也。貶絕然後罪惡見者。貶絕以見罪惡也。又曰春秋見者不復見。皆讀

此經之要法也。楚子虔哆哆然自以爲討賊而取絕於春秋。何則？般之弑父易見。虔之誘討難知也。名虔矣。般可以無誅乎？則又見諸絕世子有絕有矣。蔡之臣子可釋恨於楚乎？則又見諸葬蔡靈公以爲廬仲其復讐之志。凡義無常。唯時所當。方君義屬固。則般也。賊及君義屬般。則虔也。讐以其比在刺築館。譏猶釋王姬。可以無逆。不可以逆而外之。遂不宜爲大夫。旣爲大夫。卽不得薄其恩禮。生殺不相悖。天以成其施。刑賞不徧廢。王以成其化。非春秋孰能則之。撥亂之術。譏於貶絕備矣。而又曰爲尊者諱。爲親者諱。爲賢者諱。惡如可諱。何以痺惡。聞之有虞氏。貴德。夏后氏貴爵。殷周貴親。春秋監四代之令模。建百王之通。

軌尊尊親親而賢其賢尊者有過是不敢譏。親者有過是不敢譏。賢者有過是不忍譏。爰變其文而爲之諱。諱猶譏也。傳以諱爲讐狩。爲譏重是也。所謂父子相隱直在其中。豈曲佞飾過之云乎。無駭貶去氏。故入其不嫌非滅。承徐人伐吳氏則滅項。不嫌非齊書成鄭虎牢於下。乃可以不繫鄭書。孟子卒於後。昭公取夫人乃可以不書其諱。文而存實有如此者。於紀侯大去見諸侯以國爲體。於入曹見同姓滅之當救。於公孫會見司寇有入議之辟。於仿於暨於處父見君臣無相爲盟之法。其假諱而立義有如此者。世爭則示之以讓。世詐則示之以信。是以美召陵高滋霍而於讓國公子三致意焉。衛子之諱殺也。捷之諱宋。

也。三亡國之諱亡也。其緣賢者之心而隱惡。有如此者。將因其
所諱達之於不諱。則言稷威亂。以嚴君臣之分。乾時代啟。以隆
父子之恩。子般忍目以正世。及之坊。然乃知祖之逮聞。所以爲
始爲將推而遠之。而後得盡其辭。又炳炳彰彰如此。嘗病左氏
規隨疑議。續經三年。顧云。齊陳恒執其君寘於舒州。夫凡伯以
天子之使諱不言。執況可加之其君乎。斥言成叛。抑非圍棘取
運內邑不聽之例也。故曰左氏之事。詳公羊之義。長春秋重義
不重事。斯公羊傳尤不可廢。方今左氏舊學湮於征南。穀梁本
義汨於武子。惟此傳相沿以漢司空。緣任城何休解詁。列於註
疏。漢儒授受之旨。藉可考見。其餘公羊墨守穀梁廢疾。左氏膏

育春秋漢議文謚例等篇數十篇惜無存者解詁體大思精詞
義奧衍亦時有承訛率臆未能酌會傳臆三世之限誤以所聞
始文所見始招遂強殊鼻我於挾而季姬季友公孫慈之曰卒
皆不得其解夫大夫奔例時諸侯出奔無罪時有罪月內大夫
出無罪月有罪日功過之別內外之差然宜也何邵公自說例
與經詭戾而公孫敖之曰歸父之不日兩費辭焉叔術妻嫂傳
所不信劭公反張大之目爲非常異議可怪之論亦猶傳本末
與輒拒父雋不疑詭引以斷衛太子之獄致令不曉者爲傳詆
病此其不通之一端也七十子沒而微言絕三傳作而大義睽
春秋之不幸耳幸其猶有相通者而三家之師必故各異之使

其愈久而愈歧。何氏屢蹈斯失。若盟於包。來下不肯援穀梁以
釋傳叛者五人。不取證左傳而鑿造諫。不以禮之說。又其不通
之一端也。今將祛此二惑。歸於大通。輒因原注存其精粹。刪其
支離。破其拘窒。增其隱漏。冀備一家之言。依舊帙。決爲十一卷。
竊名曰通義。胡毋生董生。旣皆此經先師。雖義出傳表。卓然可
信。董生緒言。猶存繁露。可解詁自序。以爲略依胡毋生條例。故
亦未敢輕易也。昔韓文公遺殷侍御書云。近世公羊學幾絕。何
氏注外。不見他書。聖經賢傳。屏而不省。要妙之義。無自而尋。非
先生好之樂之。味於衆人之所不味。務張而明之。其孰能勤勤
拳拳如此。固鄙心之所最急者。如遂蒙開釋。章分字斷。其心曉

然直使序所注挂名經端自托不腐其又奚辭蓋自有唐巨儒惜此傳之墜絕而望人之講明也如是今殷侑之注已復不存更以穴知孔見期其於千百禩之後安得有道如昌黎者而就正其失也鑽仰既竭不知所裁先生又著大戴禮記補注十四卷詩聲類十三卷禮記危言六卷經學危言六卷少廣正負術內外篇六卷又喜屬文工篆隸著儀鄭堂駢體文三卷江都汪中讀之歎爲絕手

孔君繼涵字荏谷。舉軒之叔也。乾隆辛巳進士。官戶部郎中。深於三禮。校刻微波榭叢書。同時有郝君懿行者。字恂九。棲霞人。嘉慶己未進士。官主事。撰山海經注。爲實事求是之學。又濟甯

許君鴻磬字慚達進士官江蘇同知深於輿地凌次仲亟稱之
其雪帆雜著皆辨駁地理之說不在唐明景范下與萊陽趙君
齊名趙君名曾字北嵐乾隆己酉舉人官知縣好金石文字及
古錢治經深於三禮及古文尚書左氏春秋皆山左翹楚也

古。題。台。縣。刻。文。三。甌。父。古。文。尚。書。式。且。春。林。晉。山。空。曠。缺。少。
齊。各。賦。以。各。會。字。非。嵐。道。劉。日。西。聖。人。言。味。細。致。金。孫。文。定。父。
其。道。地。縣。林。以。統。編。賦。聖。之。篇。不。在。意。思。景。致。不。與。某。題。賦。甚。
瑞。登。賦。聖。年。謝。靈。運。士。言。五。種。同。賦。新。文。與。賦。對。大。中。西。詩。之。

